

**SIXTH LEGISLATIVE ASSEMBLY OF MIZORAM
(THIRTEENTH SESSION)**

LIST OF BUSINESS

FOR EIGHTH SITTING ON THURSDAY, THE 21st MARCH, 2013
(Time 10:30 AM to 1:00 PM and 2:00 PM to 4:00 PM)

QUESTIONS

1. **Questions** entered in separate list to be asked and oral answers given.

PRESENTATION OF REPORTS

2. **Pu K. LIANZUALA**, to present to the House the First Report of Committee on Estimate relating to Public Works Department on Pradhan Mantri Gram Sadak Yojana (PMGSY).
3. **Pu JOSEPH LALHIMPUA**, to present to the House the Second Report of Subject Committee-I relating to Rajiv Gandhi Grameen Vidyutikaran Yojana Scheme (RGGVY) under Power & Electricity Department.

FINANCIAL BUSINESS

DISCUSSION AND VOTING ON DEMANDS

4. **Pu S. HIATO**, Minister to submit to the vote of the House various Demands under his charge.
5. **Pu R. LALZIRLIANA**, Minister to submit to the vote of the House various Demands under his charge.

NGURTHANZUALA
Secretary

....

S P E A K E R : Englo lak aiin pekin lukhawng a nei zawk.

Tirhkohte 20:35

Zawhna leh chhanna hunah kan lokal ang a. Starred Question No.101-na kan la anga, member zahawm tak Pu Lalduhoma'n rawn zawt sela.

Pu LALDUHOMA : Pu Speaker, Soil & Water Conservation Department changtu Minister zahawm tak chhan atan ka zawhna –

(a) Mizoram ah Thingpui ching chhungkua engzatnge awm?

(b) A chinna ram zau zawng enge?

(c) Kum khata thar zat enge?

(d) Mizoram ah Tea Board Office hawn tum a ni em? tih a ni.

S P E A K E R : A chhang turin a changtu Minister zahawm tak Pu J.H.Rothuama ilo ko ang.

Pu J.H. ROTHUAMA, MINISTER : Pu Speaker, Soil & Water Conservation Department a zawhna lokal hi tihsual palh anih ka ring a. Thingpui chin chungchangah Soil & Water Conservation Department-in hun rei tak atang khan hma a lak tak loh avangin a chingtu chhungkaw zat department in a hrelo a ni e. A chinna ram zau zawng pawh department-in a hriatpui lo. Kum khata thar zat hei pawh hi kan hriatpui lova, Mizoram ah Tea Board Office hawn tum a ni em? Hemi chungchangah hian department in engmah hriat a nei lo, tih kha ka chhanna a ni.

S P E A K E R : Ngawi rawh aw, khatiang teh nawlh kha a nia. Office lam atangte pawn kan lo enchian loh a awm nge ni? ka hre lova, a changtu department refer ve thei tho kan nia, department member zahawm takte zawhna chhan tir hram hi kan duh deuh avangin mahse zawt belh pawh nise Soil & Water Conservation Minister kha chuan a chhang theilo tlat mai dawn a, Pu Duhom, i zawhbelhna pawh kha. A changtu department hi tunge? Agriculture maw? Horti maw? Mahse, a inbuatsaih silo anga. I chhang thei ang em?

Pu H. LIANSILOVA, MINISTER : Pu Speaker, member zahawm takin zawhna a han zawh hi zawh awm tak pawh a ni a. Amaherawhchu, a department lam hianin information te collect in lo ti ni selang chuan a inchhan theih mai theih tur a ni a. Amaherawhchu, tunah chuan chawp leh chilhin han chhan turin inbuatsaihna ka lo nei lova. Tin, member-ten kan hriat atan Thingpui hi Soil & Water Conservation lam hian tih chin an nei thin nge ka hre lova. Industry lam hian a keng deuh thin a. Industry nena inzawm anih avang hian, amaherawhchu, tun NLUP phase-2 kan han kalpui atang hian Thingpui hi Horticulture subject lamah awm selangin an tih avangin trade thlanah khanin Horticulture-ah min rawn tan a, hma pawh han lak tan a ni a. Tin, vawiinah hianin a information duh ang hi han pe turin inbuatsaihna ka nei baw si lova, min lo hriatthiam ka dil e.

S P E A K E R : Awle, department changtu han hai rum rum pawh member tan pawh a awm tho a. Tilai chu nakinah sawihona lamah emaw sawiho kha ti ta mai ilangin.

Pu LALDUHOMA : Coffee kha an la chang tihna em ni tichuan?

Pu H. LIANSILOVA, MINISTER : Coffee kha chu an la chang ngei.

SPEAKER : Aw, coffee board, tea board office, a...tea deuh kan zawt a tin a ni. Anih aw zawhna dangah kal mai ang aw? 102-na zawt turin member zahawm tak Pu C.Ramhluna ilo ko ang.

Pu C. RAMHLUNA : Pu Speaker, Public Works Department changtu Minister zahawm tak chhan atan ka zawhna chu –

SPEAKER : Ngawi rawh aw Pu Ram thu leh lawk rawh. E...alo thu hman tawh maw kan Leader, chuti chu zawt rawh.

Pu C. RAMHLUNA : Awle, ka lawm e. Ka zawhna chu hei hi a ni. Diltlang-Chawngte kawng hi metalling, black-topping engtikah nge tih ve theih a nih ang? tih a ni e.

SPEAKER : Aw, a chhang turin a changtu Chief Minister zahawm tak Pu Lal Thanhawla ilo ko ang.

Pu LAL THANHAWLA, CHIEF MINISTER : Pu Speaker, Diltlang-Chawngte kawng metalling, black-topping hi thawh thuai tum a ni.

SPEAKER : Zawhbelhna Pu Ramhluna, a dawtah Pu Lalduhoma.

Pu C. RAMHLUNA : A lawmawm hle mai a chhanna kan hmuh kha. Hei hi hun hmasa lamah te pawh khan kan zawt tawh thin a. Helai kawng hi PWD te khan an lai chhuak tawh a 2004-2005 khan, kawng a lian tha a kawng pawimawh deuh mai a ni dawn a, Chawngte lam atanga rawn panna kawng pawimwh tak a ni dawn a ni. Thawh thuai tum a nih kha a lawmawm hle a, chuvangin kan House Leader chungah pawh khan lawmthu ka sawi a ni. Kuminah te hian in ti hman ang em aw tih kha ka zawt leh duh a ni.

Pu LALDUHOMA : Pu Speaker ka lawm e, Sahuan panna kawng Lungverha phei ta zel saw hmannah kan Home Minister pawhin a hmunah a hmu a “Ava chhe em em ve, ngaih pawimawh vat a tha a nih hi”, a ti ve a, khulai khu a kawng a tawi bawk a, Sahuan panna kawng a ni si a, Sairang kawngpui atanga han panna mai khu a ni a, helama chhuk thlakna ni lovin. Khu khu khawih ve theih dan a awm em tih ka zawt duh a ni.

Pu LAL THANHAWLA, CHIEF MINISTER : Pu Speaker, Tlang chawngte kawng hi Km 10 a thui a ni a, formation cutting te, culvert te zawk vek a ni tawh a, a kawng black topping-na tur detail project report siam zawh fel tawh niin ministry of road a thehluh a ni a, sanction nghah mek a ni a, hun reilo te chhung a

hmuh ngei beisei a ni a, estimate amount chu nuai 739 a ni a, sanction nghah mek a ni a, kan nawr nasa hle a ni.

Pu Lalduhoma rawn zawh belhna kha, ani hi a luck riau mai a, kan Home Minister-in a lo support nasa mai a, meter 500 pawh a tling lovang hei chu, kan ti ang ti mai rawh a rawn ti a, anniin kan ti ang tih vanga han tih ngawt kha kan ngam chiah lo nain kan lo ngaihven a nge.

SPEAKER : A hmaa thingpui chungchang kha kan Office lam pawhin kan lo tisuat lova, member pawhin a tisuat lova “The Govt., of Mizoram Transaction of Business Rule 1987 and the Govt. of Mizoram Allocation of Business Rule 1987 as amended up to December 2007” ah hian Soil & Water Conservation Department chan zingah hian Tea-plantation hi a tel a , hei hi keini chuan kan lehkhabu rawn a ni lo thei lova kan Office lam chuan, MLA te pawh lo fin chhuah turin an rawn submit a, i zawh Department a fuh love lo tih ve dawn pawhin hei hi kan lo en ve ber a ni a, a thar zel hi min lo pek ve kan mamawh a ni. Zawhna 103-naah kan lo kal anga, member zahawm tak Pu K.Liantlinga ilo ko vang.

Pu K. LIANTLINGA : Pu Speaker ka lawm e. Rulral Development Minister ka zawhna - starred question no.103-na:-

- (a) MGNREGS hnuaiah hian kum 2010-2011, 2011-2012, 2012-2013 chhung hian sum engzatnge kan hmuh, year wise- in min hrilh thei em?
- (b) Tun thleng hian State Share pek theih loh a awm em? a awm a nih chuan enge a chhan?

Pu R.LALZIRLIANA, MINISTER : A chhanna chu MGNREGS hnuaia kum 2010-2011, 2012-2013 chhung a sum hmuh zat chu hetiang hi a ni – 2010-2011 ₹ 30636.36 lakhs; 2011-2012 ₹ 39043.44 lakhs; 2012-2013 ₹ 28010.81 lakhs hmuh a ni. Tin, (b) zawhna kha - Tun thleng hian State share pek theih loh a awm em? A awm a nih chuan eng nge a chhan? tih a ni a. A chhanna chu – Awm e, 1st installment (2012-2013) thleng chu pek zawh tawh a ni a. 2nd installment hi ₹ 34.94 lakhs velin a daih lo a ni. A chhan chu Plan Fund indaih loh vang a ni ber e.

SPEAKER : Zawhbelhna Pu K.Liantlinga, a dawtah Pu R.L.Pianmawia

Pu K. LIANTLINGA : Pu Speaker, ka lawm e. Hemi Monitoring Information System hi a kal tluang tha em? A chhan chu NREGS kha hmana Apex Board te kan thut khan sanction kha an rawn titem a. A chhan chu, Delhi atanga an lo en khan Computer-ah expenditure an hmuh loh avang kha a ni a, kha khan harsatna a tawh a. Sum hmuh tur tam tak pawh kha vaibelchhe 305 vel kha 220 velah an rawn titlahniam kha a ni a, khatah khan harsatna kan tawh a. Chutah chuan district hrang hrangte MIS a in tifel tura tha tawh a englai pawha upload thei tura ruhman kha tihfel a ni ta em tih kha ka zawt duh a. Tin, tuna chhannaah khan in share pek theih loh kha awm lo i ti maw, Minister zahawm tak. Helai hi a buaithlakna lai a awm a, a chhan chu a hmu tur dik tak chin hi select ni ta se la, criteria fel tak

te kha sawi chhuah a ni tawh a. State share kan pek theih lohna chhan hi kan dawn tur aia tam, a hmu tur dik tak ni lo deuh te mi zawng zawng deuhthaw, kan sorkar hnathawk thleng mai khan job card kha siam sak a ni a. Khati lai kha tih tawh loh ni se, ti khan kan sawiin ka hria a, kha kha ken tlang a ni dawn ta em? tih kha ka zawt duh bawk a.

Tin, a pathumnaah chuan hemi MGNREGS-ah hian Central lam atang in harsatna a awm em fund hmuhah hian tih lai kha ka zawt tel duh bawk a ni e, ka lawm e.

Pu R.L. PIANMAWIA : Pu Speaker, min hrethiam la ka zawhna a chhuak hman dawn lo tlat mai a, ka zawh mai loh chuan. Ni 100 inhlawhna tur kum 2013 hian District tinah ni 100 an inhlawh tling thei dawn em ? tih ka zawhbelh e.

SPEAKER : A chhang turin a changtu Minister i lo ko ang.

Pu R. LALZIRLIANA, MINISTER : Pu Speaker, zawhna neitu Pu K.Liantlinga, MLA zahawm tak zawhna kha Computer lam INS lama indawrna kan harsat a, Lawngtlai lam atangte leh hmun dang atangtea khatia han tih ve kha a harsat thin avangin power awm loh avangin harsatna tunhma khan kan nei deuh a. Tunah hi chuan harsatna em em kan neih hriat a ni ta lo va, kan kal tuang viau a ni tih kha ka sawi duh a. Tin, hemi State share kan hmuh loh kha nuai 34.94 a ni a, hei hi chu min pek mai kan beisei a ni. Hemi a guideline-ah hian a tel lo tur han tih kha sorkar hnathawk chhungte tih kha a paih chuang lo va. Amaherawhchu, a tlangpui chuan sorkar hnathawk em chu inhlawh lo se tih kha a ni mai a. Chuvang chuan kan rama pawisa a lo luan luh hnemna tho anih avangin, sorkar hnathawk IV Grade chhungte leh IV Grade lo chhungte pawh mi harsa tak tak an awm ve tho mai a, khamite inhlawhna han dan bur mai kha chu thil tih chi turah khan kan ngai chiah lo va. Chuvangin tunah hi chuan strict lutukin kan la kalpui lo a ni tih kha ka chhan theihna ni sela. Tin, MLA zahawm tak Pu R.Lalpianmawia zawhna kha kumin chhung hian kan labour budget te pawh a pung dawn a. Chuvangin ni 100 inhlawhna hi chu pek theih ngei kan la tum a ni tih kha ka chhanna a ni e.

SPEAKER : Awle, zawhna 104-na zawt turin Member zahawm tak Pu Joseph Lalhimpua i lo ko ang

Pu JOSEPH LALHIMPUA : Pu Speaker, ka lawm e. Ka zawhna No 104-na chu:-

- a) State Sports Academy, Zobawka mi saw eng tikah nge zawh a nih ang?
- b) Engnge tun dinhmuna thlen chin?

SPEAKER : A chhang turin changtu Minister zahawm tak Pu Zodintluanga ko ang.

Pu ZODINTLUANGA, MINISTER : Pu Speaker, kan Member zahawm tak Pu Joseph Lalhimpua starred question 104 chhanna :

- (a) State sports Academy, Zobawka mi hi agreement ang chuan ni 23.6.2014 a zawh tur a ni.
- (b) Tunah hian hna hrang hrang urhsun taka thawh mek a ni e.

*Speech not Corrected

SPEAKER : Zawhbelhna, Pu Joseph Lalhimpuia dawat Pu Lalduhoma.

Pu JOSEPH LALHIMPUA : Pu Speaker ka lawm e. Kha kan Sports Minister zahawm takin a zawh hun turte ruahmanna min han hrilh a, a lawmawm hlein ka hria a. State Sports Academy, Zobawk saw hun rei tak hna thawh awm lovin a chawl a, a bik takin thalaiten an nghakhlel hle mai a, an en thin a. A velte pawh saw MLA Fund atangin tun mai atana practice theihna turin kan han siam rem a, hnathawh zawh hun tur 2014 kha keini a bialtute chuanin nghakhlel takin kan lo thlir dawn a ni tih kha kan han sawi duh a. Chutiang tak chuan kan Minister hian khawngaih takin a zawh hun dik taka zo thei turin a thawktute pawh kha min vilpui sela tih kha, ka han ngen nawn leh duh a. Tin, a pumpuia estimate saw Pu Speaker, sawi dan chi hrang hrang hi a awm thin a, engnge ni sorkar hmasa hun laia chumi zat ruahman, tuna chutiang zat tihte , hi a awm thin a. Minister hian thudik min tarlan sak sela, tunah chuan lo siam zo ta sela, eng ang dinhmunin nge min siam sak ve theih ang? A dinhmun tur Football Ground-te, Hockey-te leh Track Ground-te a awm dawn em? Gallery-te a awm dawn em ? A Scheme kimchang tlangpuiin min hrilh thei ang em? Min hrilh theih chuan ka lawm hle ang.

SPEAKER : Zawhbelhna, a hnuah Pu R. Lalpianmawia.

Pu LALDUHOMA : Pu Speaker kan Sports Directorate Office Building saw, keimahni ta a nih loh avangin motor park-na pawh saw a awm lova, han kal vel hi a buaithlak khawp mai a. Directorate Building tur hi ngaihtuahna a awm ve tawh em ? sawng New Complex-te emaw, a rem chang laiah neih ve a hun tawh lawm ni tih ka zawt duh a.

Tin, Zotlang Sports Centre tana sum beisei kha hmuh a ni tawh em tih ka zawt duh bawka ni.

SPEAKER : Pu R.L. Pianmawia.

Pu R.L. PIANMAWIA : Pu Speaker, thalaite hma khua ngaia he sorkar hi ke a pen mek lai hian ka zawhna chu, Sports Department Budget hi tihtlem loh zel dan a awm thei em?

Tin, a pahnihna chu thalaite hma khua ngaihna atan Sports Budget tihtam hi a tha em tih a ni e.

SPEAKER : A chhang turin changtu Minister zahawm tak i lo ko ang.

Pu ZODINTLUANGA, MINISTER : Kan Member zahawm takte zawhbelhna, a zawhna neitu zawhbelhna kha kan chhang hmasa ang. Zobawk Sports Academy hi kum 2010 khan Central sorkarin an rawn sanction a, Sorkar hmasaah khan Pu Speaker, vaibelchhe sawm hi ruahmanna siamin thehluh a ni a. Amaherawhchu, sorkar kha a lo din hian kan Chief Minister zahawm tak Pu Lal Thanhawla hian, “Hei hi chu a te em mai, hma i la tha a ng u, keima hoin kan nawr dawn nia a ti a. PWD ten DPR uluk takin an siam a, vaibelchhe sawm thum pali DPR an siam a. Chutah chuan min rawn retain a, amaherawhchu min rawn sanction zat tak chu vaibel chhe 17.51 chiah min rawn sanction ta si a, chutah chuan sorkar kal tawhte kan en a, sum khatianga DPR awm leh khatianga DPR awmsa anga hna kan thawh chuan EC kan theh luh hunah monitoring an rawn ti ang a, Second Installment te hi kan hmu lo palh ang, chuvang chuan 17.51 crore min rawn sanctiona hi a nihna tak kan hmanna tur angin tiin working estimate i siam leh ang u, tiin kan engineer-ten ruahmanna an siam a, chumi chhung chu a duh rei ve lo thei lo a. Chutah chuan vaibelchhe 34 DPR a kha an rawn sanction zat vaibelchhe 17.51 ah khan a nihna tur ang tak khan drawing te, khami Mizoram thalaiten an mamawh tur leng tawh si khan, ruahmanna an han siam tha leh veka. Chutah chuan Pu Speaker, nichina Horticulture kan sawi ang deuhin hei hi PWD hna a ni a, kan hnenah a rawn kal si a ka lo chhang lo thei lo a, khatiang an peih hnuah, uluk taka department lamten an siam hnuah tender te an ko a, contractor te, tender koh chhung te alo awm a, khami an assessment eng eng emaw an tih chhung nen, a thawktu turte an han thlang a, khatih lai khan a contractor lamah khan harsatna, hriat thiam loh VAT kan lak chungchangah harsatna hriat thiamloh an neia khatah khan eng emaw chen kha department lam nen an innawr a, agreement kha an sign thei lawk lo a, chutah chuan kan sawkar kalphung ang chuan 13.5 % hi VAT lak tur a ni a, mahse khatah khan a dan chi hrang hrang a awm a, khami ang kha a sang lutuk a ni tiin sawrkar an nawr a, chuan sawrkarin taxation lamah pawh contractor class one association te duh angin optional kan siam sak a, hemi 13.5 % emaw, a total estimate atanga 3% chawi kha an inhuama, chutiang zawk zawk chuan contractor-ten an pe thei ang, tiin notification te kan siama. Chumi hnu chuan bul kan han tan ta a, theihtawpin contractor-ten tunah sawn hma an la a, PWD a kan engineer te, a bik takin kan architech wing te an tang em em a. Mizoramin kan Sports Academy lian ber tur a nih avingin uluk takin a hna pawh a hmun ngeiah survey leh investigation te pawh an va ti a, tunah zawh vek tawh a ni a. Chungah chuan football ground puitling leh athletic track a awm a, hemi athletic track kan tih hi, synthetic track hi Central sawrkarin min rawn phal sak lo a, hemi natural ang chauh hi kan nei thei dawn a, chutah chuan, a gallery te a tam thei ang ber dah kan tum a, chuan hockey ground a awm thei anga, archery an zirna tur a awm a, chuan shooting range kan dah tel thei bawk anga, chumi piah lamah chuan tennis court leh indoor hall lian tak, chutah boxing te, badminton te, chi hrang hrang len theihna tur contact sports hoin an hman tangkaina tur kha a tel thei dawn a ni, tih kha member zahawmtak zawhbelhnaah khan ka rawn sawi tel duh a ni. Tunah sawn, contractor-ten chak takin hma an la a, a hun taka thawh zawh hman an tum a ni.

Chuan kan member zahawmtak Pu Lalduhoma zawhbelhna kha, kan directorate saw kan hria a, hei kum tam tak, directorate hranga an lo neih hnuah office building an la nei lo a, tunah hian Pu Speaker, kan secretariat complex-ah sawn a hmun turte pawh KVI leh ATI inkarah sawn GAD in min pe tawh a, chutiang chuan 12th Five Year Plan atangin sak tan kan tum a, sumte pawh kan buaipui mek a ni tih kha ka rawn chhang duh a.

Tin, Zotlang Sports Centre hi tunah a pawisa kan hmu vek tawh a, a thawktu tur thlang turin tunah hian ruahmanna kan siam a, tunah hian detail estimate leh kan thawh hmasak turte pawh siam fel a ni tawh tihte kha ka chhanna ni sela.

Tin, kan member zahawmtak Pu Pianmawia zawhna kha, hei hi chu sawrkar ang chuan duhthusam hian sum te chu nei ila, thalaite tan chuanin a tha a ni, tih kan hria a. Amaherawhchu nimin lamah te pawh kan hriat tawh angin central sawrkarte sum lamah an harsat laite kan tawng hrih a, chuvangchuan, duhthusamin kan Finance leh kan Planning lamte pawn theihtawp min chhuahpui nachungin, kan duhthusam ang hi chu kan la nei thei lo a ni tih kha ka chhanna a ni e, ka lawm e.

*Speech not Corrected

SPEAKER : Awle, zawhna dangah kan lo kal anga, zawhna 105-na zawt turin Pu Lalduhoma i lo ko ang.

Pu LALDUHOMA : Pu Speaker, Planning & Programme Implementation changtu Minister zahawmtak chhan atan ka zawhna chu – BAFFACOS kha Comptroller and Auditor General of India-in a audit tawh em? A audit tawh chuan engge an hmuh dan? tih a ni.

SPEAKER : A chhang turin a changtu Minister zahawmtak Pu H. Liansailova, Minister i lo ko ang.

Pu H. LIANSILOVA, MINISTER : Pu Speaker, Pu Lalduhoma, Member zahawmtak zawhna BAFFACOS kha Comptroller and Auditor General of India-in a audit tawh em? A audit tawh chuan engge an hmuh dan? tih ka chhanna chu, BAFFACOS kha Comptroller and Auditor General of India-in audit (Performance audit) a ti tawh e. An Audit Report hi chipchiar takin Comptroller and Auditor general of India report for the year ending 31st March, 2009 Chapter – I-ah tarlan a ni e.

SPEAKER : Zawhbelhna, Pu Lalduhoma, a dawtah Pu T.T. Zothansanga.

Pu LALDUHOMA : Pu Speaker, BAFFACOS sum kha mi thenkhatte hnenah loan-a puk tir kha a awm thluah mai a, kha kha audit-ah khan a langin ka hria a. LS Bamboo Industry tih te, RP Bamboo tih te leh a dang te, 2006-2007-ah khan, a amount pawh hi a sang hlawm viau a. Hei hi kan hriat dan chuan agreement mumal awm lova inpuktir a ni a, a engamah hi rul lovin, an fanghmano ei mai ni a sawina te a awm a. A capital te, a interest te hi engzatnge recover a nih tawh min hrilh thei em? Tin, la rulh bang engzatnge awm? Engtingge Sorkarin kalpui zel a tum? Recovery hi a theih dawn nge, tikhan an nei hlen mai dawn? tih ka'n zawt duh a. Tin, Bamboo link road kha crore 2.58-a laih a ni a. Chutah chuan record mumal a awm lo tih niin ka hria a. Khang bamboo link road te kha record mumal tak kan nei em? Tin, measurement book pawh maintain a ni lo tih te a ni bawk a. Khangte kha khawi khawi kawng te nge mumal taka record tunah hian kan nei thei em? tih leh a rei tawh viau naa la laih zawh loh hi engemaw zat a awmin a lang bawk a, khatih laia Contractor te

khan an la chang reng niin a lang bawk a, chungte chu engtika chhunzawma zawh theih nge ni ang tih ka zawhbelh a ni.

SPEAKER : Pu T.T. Zothansanga.

Pu T.T. ZOTHANSANGA : Pu Speaker, ka lawm e. Ka zawhbelhna chu hei hi a ni – Mizoramah mautam a lo thleng dawn khan, chumi combat nan chuan Central lamin DPR siam turin Forest Department te a rawn tih tir niin ka hria a. Pawisa a lo chhuah khanin kan Sorkar hmasa khan Forest & Environment Department atanga chhuhsakin BAFFACOS-ah a hmang ta mai tih hi a dik em? tih a ni.

SPEAKER : A chhang turin a changtu Minister zahawmtak i lo ko ang.

Pu H. LIANSILOVA, MINISTER : Pu Speaker, a zawhna chhanna hi a zawttu khanin a chhangtu ni zawk se a fiah thei viau awmin ka ring a. Hmanni khanin a rawn sawi lang zauh zauh tawh a. Tin, an audit report hi a tam tham a, lo zu bih chian fe a, lo zuk zir chian fe loh chuan, a zawhna lai taka kha han chhan fuh loh palh te pawh a awm thei a. Tuna an zawhna ve ve, kan Member zahawmtakte pahnihin an han zawhbelhnate nen khan a tlangpuiin han chhang mai ilangin. A report hi kan kawl theuhin ka hria a, in lamah te pawh lo en tha leh duh te kan awm a nih pheii chuanin, audit-a an tarlanah hian 2004-2005 a pawisa BAFFACOS-a lokal hi crore 125, one time additional Central assistance crore 85 leh 12th Finance Commission atangin crore 40 a vaiin crore 125 kha a ni a. Tin, audit-in an han thlirnaah khanin, state sorkar hian BAFFACOS atana a core activities kha ngaihtuah a dah pawimawh chuang lovin pawisa hi an hmang a ni tih hi an tarlan chu a ni a. Tin mumal taka plan siam a awm lova, Department 15-ah an thendarh tih kha hmuh theih mai a ni a. Wasteful expenditure tih Pu Duhoma'n an zawh a kha crore 2.80 venus bamboo a loan pekte khang ho kha tarlan a ni a. Audit report-ah hian recovery hi a awm lo a. No legal action against the loan to recover the loan should be initiated in 2009. The dept stated that an inquiry was underway and confirmed that no legal action may be initiated for recovery a ti a . Recovery hi a awm lo a nih hmel khawp mai. Department dangin a pawisa an han hmanna leh bamboo link road te pawh kha mumal taka record that a awm lo tih pawh hi report a khaikhawmna a ni a. Chuvang chuan, mismanagement leh wasteful use of fund ang khan a tlangpui hian a rawn tarlang a, chu chu a tlangpui a ka han chhan theih chu ni mai sela, chu chu kan dinhmun chu a ni e.

Pu T.T. ZOTHANSANGA : Ka zawhna lai tak kha chu forest-in project report an zuk theh lut a, a lo chhuah leh khan forest a awm mai tura a lan lai khan sorkarin a chhuhsak a, a sem darh ta niin kan lo hria a, kha kha sorkarin hma pumpui a lakna ni lovin forest-in a lakna niin kan lo hria a. Khalai te kha a dik em ka'n tihna a nih chu.

Pu H. LIANSILOVA, MINISTER : Pu Speaker atirah chuan forest lam kha a changtu ni awmin an lang a, amaherawhchu, audit report-a a lan dan ang khanin, pawisa khatianga a rawn chhuah chhoh khanin 2004-2005, 2007-08 thleng kha a ni awm e he period hi. Chumi chhung chuan a nodal department kha a insawn a ni. Rural Department-ah te han

dah leh a ni a, a dang dangah, tin department 15-ah khan sem darh a ni ta a, a sem darh dan kha chu sawi vek a ngaiin ka hre lo a. Chiang zawka hre duh tan chuan a report kha kan kawl vek tawh a, sawi chhuah leh kha a tangkai lutuk tawh lo a. Audit-in a hmuh dan chuanin plan mumal a awm lo a. Tin a tih tur hian ngaihsak zui a hlawh tawh lo a. A tul anga hman a ni tih kha an dahchhuah dan tlangpui a ni a, tin result leh impact pawh a nei lo niin an sawi.

Pu LALROBIAKA : PWD Minister zahawm tak chhan atan Bawlte khua kaltlang kawng hi department-ten a changtu an tichiang lo nge division lamin an chan a nilo an ti thin a, tu chan chiah nge heti lai hi tih ka zawt e.

S P E A K E R : A chhang turin a changtu Chief Minister zahawm tak i lo ko ang.

Pu LAL THANHAWLA, CHIEF MINISTER : Pu Speaker, Bawlte khuaa kawng kaltlang kawng hi Rawpuichhip-Buarpui road a ni a, Bawlte khua hi Mamit PWD chan chhunga awm a ni. A changtuten an hrelo a nih chuan a changtute kha koh a hrilhchian hle an ngai a ni, mahni chan chin pawh hrelo kha chu thil thalo tak a ni.

SPEAKER : Zawhbelhna, Pu Lalrobiaka.

Pu LALROBIAKA : Helai hi a mangan thlak khawp mai a, Lungphun atanga Kanghmun PMGSY thawh zawh a ni tawh a kan sokar chak tak hnuaiah. Tin, chutihrual chuan Aibawk-Darlung thawh mek a ni a kan zo tep tawh a, kan PWD te an fakawm hle a. Chutihrual chuan tu chan nge kan ti a kan inzawt thin a, kan chan a nilo an ti vek mai a. Anni khua khu an khawngaihthlak khawp mai a furah te kovin an fate buh an rawn thawn a, kein an kal a. Tunah pawh hian NREGS atangtein a khuar lai kha lo hnawh mai rawh u kan inti a fund atangte pawhin kan inpe a ni. Chu chu tunah hian kan Minister zahawm tak khan hma min lak sak thei em, hetia khua ve riang ruang a neitu awmlo ang maia dah tak rikngawt hi thil dik a ni thei dawn em ni tih ka zawt duh a. Chutihrual chuan he kawngin a zawm tho Darlung kawng nasa takin nikum khan a min a, Geology and Mining leh kan Scientist hote pawh entir an ni tawh a. PWD atang pawhin wawi duailo kan zuk en tawh a ni. Chu chu hma min lak sak thei em? khutianga a kal zel chuan a khua lifeline kha a chhumbung mai dawn a, engti talin emaw hma min laksak thei em tih kha ka zawt a ni e.

SPEAKER : A chhan hmain Chair atang khan Bawlte khaw kaltlang i ti a i han sawi khan Kanghmun leh Sabual inkar kha a ang ta viau si a, Kanghmun leh Darlung inkar zawk maw, Bawlte khua chu a awm ka hria a tunhma a khaw zelah khan a kal thin a Bawlte khaw tlawh zawng khan kal a awm bawk a, Bawlte kal tlang i ti (Pu Lalrobiaka : a khaw zelah khan a kal thin a khawhlui kha sawn a ni tawh a, khawthar an rawn bawthla tawh emaw chu chu tuna a awm dan chu a ni) Awle chhang turin a changtu Chief Minister i lo ko ang.

Pu LAL THANHAWLA, CHIEF MINISTER : Ramhnuaia i awm lai a i kalna thin khua kha chu an lo sawn tawh a va ang ve i hriat ve kha chu. Pu Speaker, Rawpuichhip-Buarpui kawng hi National High way 44A Rawpuichhip khuaah intanin, Thenzawl, Buarpui,

Thenhlum road Buarpui khua a fin a. A kawng pumpui hi KM 89 a thui a ni. Bunghnihah thenin Mamit Division, PWD, leh Hmuifang Division PWD ten an enkawl a, Mamit division-in Km 62 thleng a enkawl a, Mamit division chan chhungah hian Bawlte khua hi a awm a. Chuvangin Bawlte khaw chhunga kaltlang hi Mamit division enkawl na hnuai a awm a ni a, a bak zawng hi Hmuifang division Aibawk-in a enkawl thung a ni. Chuvangin, PWD hotuten Mamit division-in an enkawl chin hi an hrelo a nih chuan kan lo hriattir ang. Rawpuichhip-Buarpui road hi World Bank Loan hmanga upgrade tura hmalak mek a ni a. Hei hian member zahawm tak Pu Robiaka sawi Bawlte khaw bul kawng pawh kha a huam a ni.

Tin, nichinah khan BAFFACOS sum hmanga Bamboo Link Road laih chungchang kha a pawh zawk chu plan mumal tak sum hmuh tur leh sum hmuh mek hmuh leh tur awm lem hlei lova thil tih ringawt kha a that loh zia khalaiah khan a lang a. Hman deuh lawka kan DoNER Minister lo kal tum pawh khan official-ten an rawn ngaihven a, a hmuna laihna en tur kawngte pawh kha en tur khan an in ti a, an en ta ngei em, ka hre lova. Sum daih bak kha fund mumal awm lova laih niin a lang a. chuti ni suh se engah nge laih zawhloha a awm teuh ang, tih hi zawhna a ni a.

Hman ni lawka unstarred Questions-ah leh starred Questions-ah khan rawn kal tlang hman lovah khan, a contractor-te hming nen lam a lang a. Member zahawm tak khan en leh ta se a chiang thei mai awm mang e ka ti.

Pu LALROBIAKA : Pu Speaker, ka zawhna pakhat kha, Darlung khua kawng min thla vak mai kha hma min lak sak thei dawn em, tih ka rawn zawt leh hram duh a ni. Khu khu, nikumah khan panga dawn lai kan thiat tawh a, a kawng khu a tlabal vek mai dawn niin a lang a, fur kan tawrh leh chuan. Khalai kha khawngaihmin min chhan theih chuan a lawmawm ngawt ang.

Pu LAL THANHAWLA, CHIEF MINISTER : Pu Speaker, chhia a awm chuan siam that tur a ni a, chu pawh chu a chhia a nih chuan siam that a la ni ngei ang.

SPEAKER : Darlung thinglian hmingthang tak bul vel, ngaw tha pui pui kha an zai darh vek tawh a, tunah chuan a lei awm dante pawh tlem-in a khawih a niang e. Tunah Zawhna No.107-na, zawt turin Pu Lalduhoma i lo ko ang.

Pu LALDUHOMA : Pu Speaker, Industries Department Minister chhan atan, ka zawhna No.107:

- a) Bairabi-a Industrial Estate hi engtika din nge, a senso engzat nge?
- b) A function em? tih a ni.

SPEAKER : A chhang turin a changtu Minister zahawm tak, Pu S. Hiato i lo ko ang.

Pu S. HIATO, MINISTER : Pu Speaker, Pu Lalduhoma, member zahawm tak zawhna chhanna chu: -

- a) Bairabi-ah hian kum 1990 vel khan Rs 10 lakh vel sengin Industrial Estate hmun tur ruahman a ni a. Mahse sum lam harsatna avangin Industrial Estate puitlin mai theih a ni lova. Tunah building awm (Administrative building, Godown, Workshed) te khu Bamboo Development Agency-in Bamboo Chipping buaipui nan kum 2006-2007 khan ₹ 80 lakh vel sengin a siam.
- b) Industrial Estate ang chuan tunah hian a la function lova, Bamboo Development Agency-in a enkawl lai area erawh hi chu, Industrial Complex anga duan tan a ni a, hman tangkai mek a ni.

SPEAKER : Zawhbelhna, Pu Lalduhoma.

Pu LALDUHOMA : Pu Speaker, ka zawhbelh duh chu, tuna Minister zahawm takin min chhanna bakah khan, hemi Industrial Estate hi December, 2006 ah khan completed ni tawh ang khan Audit lamah hian a lang a. A senso pawh hi crore chuang a ni a, 1.15 crore. Khati zat sen tawhna leh complete tawh si tuna function si lo hi BAFFACOS sum tho kha niin a lang a. Chawhnun leh dan a awm em? Pawisa tam tak lo sen tawhna hetia hluihlawn mai hi a dik dawn em ni? Bail out dan a awm thei em, tih ka zawt duh a.

Tin, chubakah chuan, Chipping Unit 9 din ni bawkin a lang a, chungte chu tunah hian eng ang dinhmunah nge an din? Production an nei em? an la awm em? nge, an bo vek tawh tihna em ni? Hetiang chi hi enzui deuha tunnun hram hram dan hi a la awm thei ang em? tih, ka zawhbelh e.

SPEAKER : Chhang turin a changtu Minister i lo ko ang.

Pu S. HIATO, MINISTER : Pu Speaker, a zawttuin a sawi ang khan, BAFFACOS sum a ni a, 2006-2007 vel ami kha audit report leh kan chhanna kha, keinin nuai 80 kan tih lai khan audit-ah chuan crore 1.15 tih a ni a, kan Finance Minister-in a rawn sawi tawh ang khan a hnathawh kha dik chiah chuan a buar chuar a, awm tawh anga lang si a taka awm si lo a ni a. Kei pawn Industry ka lak ve leh ka zu kal vat a a hmunah ka zuk tlawh a, record lam ka en hman lova, BAFFACOS sumah chuan complete anga lang si complete loh hi a lo awm nual ang tih ka rin phah a.

Tin Bairabi land lease hi ni 6.2.2008 khan mimal ram an la a, chu chu June 23, 2006 khan Bamboo Development Agency leh NITOL Group Bangladesh ten Bangboo chips Bangladesh a hralh turin inremna an siam a. NITOL Group Bangladesh a hralh tur chuan bamboo chips hralh tur atan a zim zawk 10.20 bigh a zauah hian Bamboo Development Agency hmalaknain kum 2006-2007 khan Administrative Building pakhat, Godown pakhat, Workshed pathum te sak a ni a, amaherawhchu, Bangladesh lamin land custom problem an neih avangin Bamboo chips hi NITOL Group hnenah hralh theih a ni rih lova. Tun dinhmunah chuan Bamboo chipping Unit product hi Bairabi Industrial complex ah hian dah khawm kher lovin Cachar Paper Mill-ah hralh chhuah mek a ni. Tuna Bamboo chip kan neih hi khami hun laia loan a kan pek hlawm kha a ni a, kan sorkar hnuah a khawl te kan han din sak a, Punjab lamah te zuk tirin a khawl an duh angin an zu siam tir a, hmun 9

ah kan din a, an han test a, test-naah kha chuan tha ang khan a lang a, hei kan Chief Minster zahawm tak pawhin Bamboo Chipping plan Pu Lalhuthanga'n a neih kha kan zuk hawng kha a ni a. Chutah Bairabi te pawh kan zuk tlawh a tunah hian hlawhtling taka rank 2/3 an awm a, a then chu a khawl kha a chhe leh a, siamtu company mi an ko chho a, an rawn siam thei rih silova, chulai velah chuan an tang a ni. A tha chhun erawh hi chu production an nei a, an production hi a tam loh a vangin demand a sang a, Paper Mill Cachar pheih hi chu kan supply hneh lo a ni tih hi ka chhanna a ni e.

SPEAKER : Ka'n sawi ve zawk kha chu Vet tih zawk a ni e, tunah pawh a la ti ve zel e, ka hre Chiang a. Tunah zawhna No. 108 na zawt turin Member zahawm tak Pu K.Lianzuala i lo ko ang.

Pu K. LIANZUALA : Pu Speaker Starred Question 108-na PWD changtu House Leader zahawm tak min chhan atan – Muallungthu to Khumtung Road hi black top engtikah nge zawh tum a nih? tih a ni e.

SPEAKER : A chhang turin a changtu Chief Minister zahawm tak i lo ko ang

Pu LAL THANHAWLA, CHIEF MINISTER : Pu Speaker, Muallungthu to Khumtung road hi black top engtikah nge zawh tum a nih tih a ni a. A chhanna chu Muallungthu to Khumtung Road black top zawh hun tur hi tun dinhmunah chuan sawi theih a ni lo.

SPEAKER : Zawhbelhna, Pu K.Lianzuala, a dawtah Pu K.Lalrinthanga

Pu K. LIANZUALA : Pu Speaker, he kawng hi a pawimawh hlein ka hria a, tun thla ni 2 khan Khumtung lam atangin Aizawl hi ka kal a, Aizawl hi 20 KM zetin a hnaih phah dawn niin an sawi a, Muallungthu lam hi an black top thui tawh viau a, Tuirial 4 KM velin a thlenglo a ni chauh tawh a, lei pawh dawhzawh thawkhat niin a lang a, a hmuna ka hmuh danin. He kawng hi a pawimawh hle a ni tih kha kan sawi duh hmasa a, ka zawhbelhna chu kan Chief Minster zahawm takin min chhan theih tho turah ka ngai a, Lamchhip to Chhiahtlang kawng hi black top tumna a awm em tih ka zawt nawn leh e.

SPEAKER : Hmuifang ni lovin maw – Lamchhip, Hmuifang, Chhiahtlang

Pu K. LIANZUALA : A ni tho ang chu Hmuifang atanga peng a ni a, Hmuifang to Chawilung hi tuna PWD in a laih mek anih avangin chute zawng chuan kan zawt mai a ni

SPEAKER : Pu K. Lalrinthanga

Pu K.LALRINTHANGA : Pu Speaker, Vairengte atang khuan Phainuam thleng PMGSY kalkawng a awm a, metal turin department pawhin hma an la a, sanction te pawh an dil niin ka hria a, chu chu tunah engnge a din hmun ka zawt ve e.

SPEAKER : A chhan theih chuan a chhang turin a changtu Chief Minister zahawm tak ko ang.

Pu LAL THANHAWLA, CHIEF MINISTER : Pu Speaker, Muallungthu to Khumtung Road hi 33Km leh a chanve a ni a. A kawng NABARD Loan lak hmanga laih a ni. Tin, a kawng laih hna hi chu zawh fel tawh a ni a. Amaherawhchu, Black topping hna hi a kawng tawntirh Muallungthu to Tuirial hi thawh zawh a ni a. Tin a hnathawktu hi Contractor hi Moses Cantia Construction Company, Kolkata te an ni a. Hemi atana estimate chu vaibelchhia 18 leh nuai 24 a ni a, hemi hi sanction tura process mek a ni. Hetiang dinhmun a nih avangin a zawh hun tak erawh hi chu a la sawi thei lova. Khang kha a tlangpuuin helai kawng chungchang chu a ni a.

Hmun dang dang kha a lo lut a, engpawh nise, PMGSY hnuaiiah road project tam tak lak mek a ni a. Tin, Central lampang pawhin min duhsak hle a, a bik takin Central R.D. Minister, phei chuan minrawn be deuh reng a, chutiang chuan a theih ang tawkin hma kan la mek a. Hmun hrang hrang hi black top tura ruahman tam tak a awm a ni. Tin, DSPA vaibelchhia 200 kan neih hnuah khan Department-ten thawh dan tur ruahman tam tak an nei a. Chung kan hmuh hunah phei chuan a vai hian la lak theih tur hial niawm tak a ni.

Tin, Lamchhip to Chhiahtlang kawng hi PWD laih a ni lova, sum hrang hrang a theihna na atanga pawhkhawma thahnemngaihna atanga laih a ni a. RD lam atang leh thil dang lam atangin, amaherawhchu, chuti chungin khami DSPA hnuaiiah khan hemi black top dan tur ngaihtuahin vaibelchhia 200 vel Central atanga beisei mek a ni a. Amaherawhchu, he road hi Muallungthu to Khumtung road ang deuh khan a la kacha hle chung pawhin a short cut nasat avangin mi an hmang nasa hle a, kei pawh vawi tam tak ka kal a, a grade thenkhat tihthat a tha awm mang e aw, tih te leh fur engemaw zat a tawp phawt loh chuan awmzel dan turte a harsat avangin Department lampang te pawh hmanhmawh tehchiam lo turin ka hrilh ka hrilh a, chutiang chu a dinhmun a ni a. Engpawh niselangin heng kawng tihchangtlun vek kan tum avangin Planning Commission-ah pawh khan Special Plan Assistant-te kha Internal Red Road Network improvement atan te leh tul atana kan hman atan kan dil kha a ni a.

Tin, PMGSY atangte pawh hian sum tam tak tunah hian kan beisei mek a, chung angte kan hmuh hunah chuan a tul ang anga hman tur hi a thawh dan kan hman hi Department-in a ruahman vek tawh a ni.

SPEAKER : Chhiahtlang-Mat PMGSY kawng saw a awih deuh hlek a, Hmuifang tlang lampang saw chu a zia angreng viauin ka hria.
Question No.109-na zawt turin member zahawm tak Pu R. Lalpianmawia, i lo ko ang.

Pu R.L. PIANMAWIA : Pu Speaker, a chhuah hman loh ka hlau avang khan, khami leh a dawt kha ka zawt tawh e. Nichin khan.

SPEKAER : A lawmawm e. A dawt pawh i zawt lawk tawh a maw? Chuti chu zawhna No.111-na kan kal ang a, zawt turin member zahawm tak Pu Joseph Lalhlimpuia ilo ko ang.

Pu JOSEPH LALHLIMPUA : Pu Speaker, ka lawm e. PWD changtu Minister zahawm tak chhan atan ka Starred Question No.111-na :-

- a) Dawn, Haulawng via Ralvawng kawng hi siamthat tumna a awm em?
- b) Engzat nge pawisa ruahman a nih?
- c) Engtikah nge hna tan beisei a nih? tih ka zawt e.

SPEAKER : A chhang turin a changtu Chief Minister zahawm tak Pu Lal Thanhawla ilo ko ang. Zawhna 111 – na.

Pu LAL THANHAWLA, CHIEF MINISTER : Pu Speaker, Dawn, Haulawng via Ralvawng kawng hi siamthat tumna a awm em? tih chhanna chu ‘Awm e’ tih a ni a. Engzatnge pawisa ruahman a nih? tih chhanna chu ‘Pawisa ruahman zat chu crore 3 a ni’. Engtikah nge hna tan beisei a nih? tih chhanna chu ‘tun thal chhung hian hna tan hman beisei a ni’.

SPEAKER : Awle, zawhbelhna la lo ila, a chiang tawk baw a. Crore 3 han dah te chu a thahnem viau a nia, a lawmawm viau a ni. Tichuan kan zawhna hun chu a lo tawp ta a.

Member absent Pu P.C. Zoram Sangliana a ni a. Tin, Dr. R. Lalthangliana hi chu lo thleng thuai turah ngai ila, min rawn phone a.

Presentation of reports Pu K. Lianzuala, member zahawm tak, Chairman Committee on Estimates ni bawkin ‘The First Report of Committee on Estimate relating to Public Works Department on Pradhan Mantri Gram Sadak Yojana (PMGSY)’ hi House-ah rawn present se la. I lo ko ang.

Pu K. LIANZUALA : Pu Speaker, ka lawm e. Tuhma tlem han neih i phalna ka’n dil che a. Pu Speaker, ka Report han present turah hian Estimates Committee-in PWD hnuuia PMGSY kawng a siamte Committee-in ngun takin a zir chiang a, a hmunahte tlawhin ziaka information-te an dil a. Kan hriat angin PMGSY kawng hi hmun tam takah Mizoram-ah laih a ni a. Committee chuan a hmuna enin kawng laihte hi tha taw lo tam tak a hmu chhuak a. Tin, culvert leh retaining wall te, side drain-te sub starnded a ni tih hi a hmunah chiang takin a hmu a ni. Hei bakah hian Committee chuan kawng an han laih zawha pavement black topping tih mai a nih loh avanga kawngin a tuar nasa hle a ni tih a hmuchhuak baw a. Tichuan report chapter 2-ah then a ni a. Chapter 1 hian PMGSY chanchin tlangpui ziah a ni a. A pahnihnaah chuan Committee observation leh recommendation te ruahmanna kan rawn ziah te a ni a. Tichuan Pu Speaker, i phalna leh he House

zahawm tak remtihain 'First Report of Committee on Estimates' hi he House zahawm takah hian ka rawn present e. Ka lawm e.

SPEAKER : A copy kha han sem ula. Pu Joseph Lalhimpua member zahawm tak, Chairman Subject Committee - I ni bawkin "The Second Report of Subject Committee - I relating to Rajiv Gandhi Grameen Vidyutikaran Yojana Scheme (RGGVY) under Power & Electricity Department" hi House-ah rawn present sela.

Pu JOSEPH LALHIMPUA : Pu Speaker ka lawm e, Subject-I Committee Report kan present hmian a tlangpui ka han tarlang duh a. Subject-I Committee-ah hian member-te Pu Lalduhoma, Lt.Col. Sangzuala leh Pu Lalthansanga te nen mi pali kan awm a, Rajiv Gandhi Grameen Vidyutikaran Yojana Scheme (RGGVY) kan tih hi Govt. of India, Ministry of Power-in kum 2005 April thla khan India ram pumpua hman turin a lo puang tawh a, hei hi Bharat Nirman Programme hnuai ah awmin ni 24/8/2005 khan Rural Electrification Company-te nen Mizorama hman tur pawh ruahman fel a ni a, tichuan 25/8/2008 ah REC in final leh revised sanction a rawn tifel a, ni 12/9/2008 ah work order pekchhuah a ni a. Mizoram chhunga RGGVY hnathawhna tur pum pui hi cheng nuai 226795.58 a ni, a thawktu company-in work order a pekte hi MS Satnam Global Infra Project Limited, New Delhi leh MS T&T Project Limited, Guwahati te an ni a. Pu Speaker, kan Report hi chapter hnihin kan then a, chapter I-ah chuan RGGVY Implement dan tlangpui ziah lan a ni a, chapter 2-ah hian Committee-in RGGVY hnuai hnathawh dan written information leh a hmunahte kala a zirchianna observation leh recommendation-te tarlan a ni bawk a. Pu Speaker, RGGVY hi khua zawng zawng deuhthaw leh bial zawng zawng huam leh electric eng neihna tur atana pawimawh berte zinga mi a nih avangin zawhna pawh a tam viau va, Committee-in observation a neihah chuan heng contractor pahnih thlante hi Tern key basis contract a hna pek an ni a, nuai 226795.58 atang hian hna an thawh miah hma atang hian 95 % pawisa pek an ni a, hei hi Committee chuan paw a ti a, waviin thlenga kan harsatnate pawh hi niin a hriat a, chungte chu tawitein ka han tarlang duh a.

Tin, Committee-in Department-te ziaka kan zawhna min chhannate leh anmahni Department-te kan koh va, Committee hmaa min chhannaah chuan contractor-te hian tha tawklo a ni tih ziaik leh tawngkain min chhang a ni. Contractor resourceful lo thlan a ni te hi kan ramin kan tawrh a nih avangin Committee chuan paw a ti hle a ni. Tichuan Monitoring leh Supervision te pawh hi a tha tawklo niin kan hria a, he scheme implement dan hrim hrim pawh hi a tha tawklo niin kan hria a, chu chu Committee-in kan ngaihdan tlangpui a ni a. RGGVY hna hi March 2010 ah zawh tura ruahman a nih laiin waviinah chuan material supply hi 99 % tihzawh tawh a ni a, hnathawh tur erawhchu 65 % chauh waviinah hian zawh a ni a, completion hi March 2010 a nih kha tum hnih dil belh tawh a ni a, pek an ni a, waviin thlengin an la zo lo nghe nghe a, chuangin Committee hi chuan 2013 ah hi chuan hna hi zawh vek theih ni sela tih hi a duh hle a ni.

Pu Speaker, i phalna leh he House zahawmtak remtihain he Second Report of Subject Committee-I hi ka rawn present e.

SPEAKER : A copy kha han sem rawh ule.

Pu C. RAMHLUNA : Pu Speaker i remtihain Committee on Estimate-in Report a submit-na pheh 5-na Principal Secretary Pu Lalramthanga Toehhong tih kha, a Toehhong lo zawk kha a nih hmel riauin ka hria a, khalai kha a siam fel theih em aw tih kha ka ngaihtuah deuh a. Khami Committee on Estimates Principal Secretary, Pu Lalramthanga Toehhong tih kha pheh 5-na 1/10 ami kha, Lalramthanga Toehhong chu Principal A.G kha a ni a. A Toehhong lai kha a tihfel theih lawm ni ka ti a nih chu

SPEAKER : Le, Pu Lalramthanga Toehhong chu a awm lo mai thei a ni. Toehhong lam ber kher lai te kha, awm maw ? Ramthanga kha, Toehhong kha.

Pu LAL THANHAWLA, CHIEF MINISTER : Pu Speaker, remchang lain hming hi nu leh pa ten min phuah chhante an nei a, tin, mimal pawhin ziaak duh dante kan nei a, kan ziaak duh dan ni loa inziahsak hi thil diklo tak niin ka hria a. Tin, sorkaah pheh chuan kan fimkhur tur a ni a. Pu Lalramthanga Toehhong chu IA&AS Officer a awm a, (Principal Secretary chu a ni lo ti rawh, Speaker) A.G a ni a. Tunah pawh hian kan Accountant General a ni a. Tin, Lalramthanga a awm a, Lalramthanga chu IFS Officer a ni a, Principal Secretary a ni bawh a, heng hi sorkarah pheh chuan tihdik loh hi a huat thla lain ka hria a. Entirnan, Pu Lalduhoma, member zahawm tak pawhin a huat thu a nih loh chuan, a hming ziah dan spell duh dan a nei a, hengte hi chu Mizoram sorkarah hi chuan kan hre tur a niin ka ring a, mahsela file-ah te pawh hian a dik lo hian a lo kal deuh reng a. Hei hi chu ka ngaih ve dan chuan thil huatthlal tak a ni. Chuvangin mi hming ziah te pawh hi kan fimkhur a tul ka ti a, sorkarah pheh chuan kan fimkhur lehzuat tur a ni. Tin, tun amite pheh kha chu senior official an ni a, chuvangin officer zawng zawng a tenau pawh, a lian pawh tute pawhin Mizoram sorkar hnathawk chuan hriat chian ngei chi a ni.

SPEAKER : Le, kan House Leader thusawi kha a pawimawh khawp mai, hetilai te te kan sawi ve duh chu, Assembly hi englaipawhin kan thu hman lo a, amaherawhchu, kan rama pawisa chung changah hi chuan thunei ve niin kan inngai a, chengkhat te pawh hi remti kan tih loh chuanin heng demand ho hi a hman theih miah lo a ni ve a dan kalphungah. Chumi han umzuia MLA-ten he house pawisa hman tur kan han remti te hi, a diktaka hman a ni chho em tih han umzui tur khan Committee chi hrang hrangte kan nei ta a, chung chuanin an han umzui tang tang a, hmana House lo tih tawh pawh ni se vawiina House tih nen thuhmun vek a ni a. Tichuan mipui tana pawimawh thawhna tho a nih chuan khawimaw laiah hian hei chu hnathawhnan an hmang tho a lawm tiin i umzui tawh lo ang u tih te an nei thin a. Thenkhat erawhchu hei chu umzui zel chi a lawm, hetilaiah hian i suih tawp ringawt lo ang u tih te an nei ta a. Chu chu vawiina House pumpui kan han thukhawm ang ai kha an aw h a ni tih kha kan sorkar khan min hriatsak sela. Chuvangin heng report a an rawn ngaihpawimawhte pawh hi sorkarin min ngaihpawimawh sak sela. Chutianga la umzui zel chi anih pawhin a chhuitu sorkarin kut ke a nei a, ACB lam chhui chi a ni e tih te, Vigilance ah i pe mai ang aw tih chi te, thil eng eng emaw report an rawn thehluh hi a tawpna a ni lo a ni tih kha kan hriat a tha hle in ka hria a. Chu chu ka rawn sawi lang ve a ni.

Tunah Financial Business ah kan lo kal tawh anga, vawiinah hian Minister pahnihte demand lak tur a ni a. Pu S. Hiato leh Pu R.Lalzirliana demand te a ni a. Heng demand Minister pahnih te chan ho hi kan kawp leh mai ang a, Pu S.Hiato, Minister zahawmtakin a demand No.25,40,43 te hi House-ah rawn submit sela, i lo sawm ang.

Pu S. HIATO, MINISTER : On the recommendation of the Governor of Mizoram and with your permission Sir, I move the Demand No. 25, 40 and 43 for ₹ 1,58,40,48,000/- for meeting expenses during 2013 – 2014 in respect of the following departments, details of the Demand, Demand No. 25 – Public Health Engineering ; ₹ 1,10,56,00,000, Demand No. 40 – Industries, ₹ 42,01,46,000; Demand No. 43 – Tourism, ₹ 5,83,02,000. Total – ₹ 1,58,40,48,000. Thank you, Sir.

SPEAKER : Awle, tunah Pu R. Lalzirliana, Minister zahawm takin a Demand No. 11-na, 16-na, 35-na leh 38-na House-ah rawn submit sela.

Pu R. LALZIRLIANA, MINISTER : Pu Speaker, on the recommendation of the Governor of Mizoram and with your permission, Sir, I move the Demand No. 11, 16, 35 and 38 for ₹ 6,43,29,97,000 only for meeting expenses during 2013 -2014 in respect of the following departments – Demand No. 11-Secretariat Administration, ₹ 77,07,00,000; Demand No. 16 – Home (Including Prison), ₹ 4,60,47,02,000; Demand 35 – Fisheries, ₹ 6,70,55,000; Demand No. 38 – Rural Development, ₹ 99,05,40,000. Total – ₹ 6,43,29,97,000 only. Thank you.

SPEAKER : Kan Minister pahnihten tikhan House-ah an demand te an rawn submit ta a, kan han sawiho leh ang a. Member-te minute 10 theuh hun han inpe leh ila, minute 8-ah hian bell kan han tiri leh ang a. Tah chuanin minute 2 chhung kha chuan inpeih hman theuh tum ila a tha awm e. Han indil belh a, han inphal sak loh te hi thil hrehawm tak a ni a. Mahse, dilbelh ngai lo khan kal ta theuh mai ila. Chair lam tan pawh a hahdam thlak dawn a. Tunge han sawi hmasa dawn le? Aw, Pu C. Ramhluna.

Pu C. RAMHLUNA : Pu Speaker, ka lawm e. A hmasa bera ka'n sawi duh chu, Pu Speaker, Demand No. 25, PHE kha a ni a. Sum hi kumin hi a tlahniam hle a. Nikuma an B.E pawh kha an pha lo hle a. Nuai 5870 ah khan an tla thla daih a. Engpawh nise, PIP ah khan a inpark (?) teuh bawk a. Tin, chubakah chuan Plan-ah a la sawi lo bawk a. Hei chu la sang leh turah ka ngai a. Nikumah khan nuai 9589 kha an hmu a. Tiang level-ah hi chuanin dah sak theih nise a thain ka hria a. A chhan chu PHE hi department pawimawh em em mai a ni a.

Tin, chu bakah chuan Mizoramah hian department hnathawk tha hi sawi dawn ta ilangin PHE hi ka thlan pawl ni turah ka ngai a. A chhan chu, khaw 777 awm zingah khan 711 hi kan cover tawh e an ti a, a nih pawh ka ring a. Thingtlang khua-ah pawh hian tui hi a chhuak dur dur tawh deuh vek mai a, lawmawm ka ti a. Chuvang chuan, an hnathawh hi Mizo mipuite pawhin kan hriatpuia kan fak hi a tulin ka hria a, chu chu ka'n sawi duh a.

Tin, lawmthu ka'n sawi duh leh pakhat chu ka Bial chhung khaw pahnih – Bungtlang 'S' leh M Kawnpui min cover sak thei a, lawmawm ka ti khawp mai a. Anni hi khaw lian pahnih an ni a, chuvang chuan, tui mamawhna a nasa a. Kan Minister zahawmtak hian a hmunah pawh a hmu a, chuvang chuan, a ngaipawimawh niin ka hria a. Min han tihsak hi lawmawm ka ti a. Mahse, thil pakhat erawh chu, hmanni ka han kal a, Bungtlang 'S' bik hian tui lakna, kawng dungah khan pipe a kal phei a. Khami tui pipe kal phei kha motor-in a chil chhiat theih hian a kang deuh ur deuh vek mai a. Helai erawh hi chu tlema enchian deuh chu a thain ka hria a.

Tin, chubakah ka'n ngen duh chu Nghalimlui leh Vaseikai saw khaw lian pui pui pahnih inzawm deuhthaw kha a ni tawh a. Kawnpui atanga tui lak awlsam te mai a ni a. Chuvang chuanin, kan Minister zahawmtak hian min hriatpui sela thain ka hria a. Thal laia han kalin tui a harsa em em mai a, thil tih har lutuk lo turah kan ngai deuh a. Tlem chuan a thui deuhhleik a, mahse, a tui a chhah em mai a. Chuvang chuan, kha kha min ngaihpaawimawh sak se thain ka hria a.

Tin, chubakah chuan, min enpui leh atana tha-a ka hriat chu Tuisentlang-ah hmanni khan ka han kal a. Myanmar atanga lak tur tuihna kha a awm a. Khami atanga la ta lo khan, a hnai zawk tuihna chhe deuh atang khan an la a. A tirah chuan Myanmar atanga tuihna kha lak an tum kha a ni a. Mahse, an lak laiah khan hemi ti ta lo khan, a hnai zawk ami an la a. Khua a thleng thei lo tlat mai a. Chuvang chuan, helai hi min enpui atan a thain ka hria a, ka'n sawi duh a.

Tin, Rural sanitation chungchang thu-ah hian sawi duh ka neih chu, vantlang hnenah latrine, commode an pek thin hi fimkhur a ngai hle-in ka hria a. A chhan chu, an siamna tur pawisa kha pek tel a nih thin avangin, hemi hi a chingpen duh khawp mai a. Khaw hrang hrangah a bikin ka Bialah phei chuan an tichingpenin ka hria a. Khaw pakhat chu E.E, Lawngtlai hnenah pawh ka sawi tawh nghe nghe a. Action lak pawh a tumin ka hria a. Kha kha fimkhur leh zual zawka an tih hi a tulin ka hria a, chu chu ka han sawi duh a ni.

Tin, Demand No. 40-na Industries Department-ah khan kal leh ta i la. Kan sawi zung zung lo thei lova, Pu Speaker, ngaihpaawh zual tak tak kha kan han sawi theih chu a ni deuh mai a. Hetah pawh hianin an allotment hi a hniam em em mai a. Nikumah khan 9973.16 lakh an neih lai khan tunah hi chuan 1679.63 lakh ah khan an tlatla ta daih a. Engpawh nise, NLUP pawisa leh allotment thar Planning Commission atanga lokal tur a awm avangin hei hi chu an chhun khah sak leh turah ka'n ngai a. He Department-ah hian kan ngaihpaawimawh ve thin, kan sawi ve fo thin kha a awm a. Chu chu, an organizational structure hi a ni a. Tunah hian, Director an nei a, IAS te nen post an dah a. Additional Director pakhat neiin, JD pahnih, pakhat hi chu Handloom leh Handicraft a ni a, fill up loh khan a la awm ta char char a, charge la kha an awm mai a. Tichuan, Dy. Director pahnih an nei a, pakhat chu a pension leh tawh bawk si a. Tichuan Functional Manager post hi sawm lai an nei a, pahnih an fill up a, pariat hi a la awm ta char char a. Hei hi kan Minister zahawmtak hianin engtin emaw helai fill up dan hi a ngaihtuahpui thei lo emaw ni aw ? tih hi ka ngaihtuah a. A chhan chu, 25 % kha direct a ni a, 25% kha promotion quota a ni a, 50% kha

Departmental atanga examination atanga chhohna tur kha a ni a. Chumi atan chuan IPO te, SDIO te, AD te, AEO te kha intluk tlang veka quota nei an nih avang khan exam pawh an conduct hleithe i lo kha a ni a. Helai hi in chinfel sak loh chuan, in Department hi a kal hleithe i lo chu a ni ber mai a. Chuvang chuan, kan Minister zahawmtak hian, nikum lamahte pawh kan sawi tawh thin a, hei hi harsa viau chu a nih ka ring a. Mahselangin, hei hi awlsam deuhhle k zawka kan Minister zahawmtak hianin hma han la a, han tihhlawhtlin sak atan a tha hlein ka hria a. Industries hrim hrimah hi chuanin Export Promotion Industrial Park te an nei a, a lawmawm a. Hetah hian ISPAT hote pawh khan hna an thawk a. Anni hi an product hi Silchar rate in 4077 per quintal in an production kha an hralh thei a, a sang viau mai a. Helai hi Silchar rate a han hralh ringawt pawh kha a dik em ? Helaiah pawh hian rate sang lutuk pawh hi han enpui dan deuhthe kha a awm em ? tih kha Pu Speaker, ka'n ngaihtuahpui ve mai mai a ni, tin, thil tul tak a ni baw k si a.

Helaiah hianin Power Supply-ah hian harsatna an taw k nasa a. P&E Department leh anmahni Department inkarah hian. P&E hian Annual maintenance atan hian 14 lakh min pe ula an ti a. Mahse, kha kha anni khan an pe hleithe i baw k si lova. Harsa an ti em em mai a. Chu chu Pu Speaker, Minister zahawmtakin min hriatpui se tha-in ka hria a.

Demand No. 43, Tourism-ah hian ka ngaihpawimawh em em mai chu anni ho hi contract basis-a thawk hi an tam em em mai a. Waiter leh Waitress ho leh an Assistant Receptionist ho hi. Heng ho hi tunah hianin hnawhkah in tum mek a ni a. Hemi-ah hianin a theih hram chuan tun tumah hi chuan 100% in a thawklai ho hi hnawhluh theih ni sela, a va tha em a, pawn lam pang atanga lakluh thar hi awm lo hram sela, a chhan chu kum 10 te an lo thawk tawh a RR kha chu engpawh lo ni se, a thawk lai ho hi duhsak bik deuh nise Pu Speaker ka han ngen sak a ni.

Demand No. 16 Home ah hian kal ta lawk ila, helaia han sawi duh ka neih chu lawmthu a ni a. Kan Minister zahawm tak hian ka bial Bungtlang 'S' ah building pahnih lai min han sak sak thei tur hi ka lawm a, anni hi ngaihtuah an ngai hle mai a, an Quarter te khi a chhiain Asam Type an ni hlawm a, tun tumah hian an work Schedule te kan en a Building pahnih sak an lo tum tih kan hriat hian a lawmawm ka ti a. Pu Speaker, Bungtlang khi a dik tak chuan khawlian a ni a bial, chhung khi a zau si a SDPO te hi min dah sak ve thei lawm ni tih hi ka phut ve. A chhan chu Boundary a hnai si a, Law & Order problem hi kan nei thuai dawn tunah World Bank Road/Multi Modal Road hi an chhuah phei chuan Burma nen kan insi reng dawn tihna a ni ta.

Planning leh Implementation Committee-in an ngenna ang khan a implementation level-ah pawh hian a committee hian thu nei sela a thain ka hria a. Tunah hi chuan District Council-in an pumbilh deuh vek ang kha a ni ringawt mai a, keini pawh member-ah te min han dah ve a, a lawmawm a, mahse member-ah te min han dah ve na a, a implementation level-ah hi chuan vawiin thleng hian vawikhatmah rawn kan ni ngailo reng reng a. Hengte pawh hi Pu Speaker, min hriatpui ve atan ka han ngenin ka han chah duh a ni e. Awle, hun min pekbelh avangin ka lawm e.

SPEAKER : Pu K. Lianzuala, chumi dawtah Pu Hmingdailova Khiangte

Pu K. LIANZUALA : Pu Speaker, ka lawm e. I vei lama mite hi i duhsak riau thinin ka hria a, min duhsak ve tur pawhin kan dil nghal a che. Pu Speaker, vawiinah kan Minister zahawm takte pahnih Demand kan han sawi chho tur hi a lawmawm ka ti a, mihringin a lohva kan awm theih lohna Tui thianghlim in tur min petute PHE Demand No. 25-naah hian han tan ila thain ka hria a. Pu Speaker, PHE Minister zahawm tak leh kan sorkar chak tak kaihhruaina hnuaiyah hian Mizoram-ah khaw 700 chuangah Tui thianghlim in tur pek a ni tawh tih ka zawhna chhannaah min pe a, lawmawm ka ti a. Tin, Lunglei leh Serchhip a tui thianghlim hnianghnar zawka pek theihna tur Lunglei Greater Water Supply Scheme leh Serchhip Greater Water Supply Scheme a vaibelchhe 800 zet Lunglei-ah ruahman a ni te, Serchhip-ah vaibelchhe 600 zet ruahman a ni te hi lawmawm ka ti a, hei hi a department leh a changtu Minister hnenah hian ka'n sawi hmasa duh a.

Tin, Tuikum bialah khian tun sorkar hian tui thianghlim in tur min pekna lamah tan a la nasa hle a, lawmawm ka ti a. Lungpho-ah khian Tuizem lian pasarih min siamsak a, kan hmang tangkai tawh em em a, kan lawm takzet a. Tin, Sialhau-ah pali min siamsak bawk a, Baktawng leh Khumtung-ah chutiang chuan min siamsak bawk a ni.

Tui hna hi a awm reng dawn lova, chuvang chuan intake catchmut area hi engzatnge chu ka sawi thiam chiah lova 1km. bial nge 2km biala ramngaw humhalh anih loh chuan Pu Speaker, tui hna hi a awm reng chuang dawn lo a ni. Chuvang chuan helaiah hian Dan in nei em ka hre lova department lamin, a awm lo anih chuan a humhalhna Dan te hi siam a tha awm mange ka ti a. Chuti lo chu Mizote hi kan ngaih a sam viau a ngaw han vat mai zel te kan nih avangin. A hremna Dan khami intake catchmut area, tui hna min petute lo tichingpen mai tute kha a hremna Dan hi fumfe tak awm thei sela, Lungin tan theihna nge ni ka sawi thei chiah lo, lei chawi theihna, chu chu vawiinah hian ruahman theih dan a awm em tih hi ngaihtuahnaa awm a ni a, chu chu ka'n sawichhuak duh a.

Tichuan, Tourism lamah hian lo kai veleh lawk ila. Hei, ka bial chhungah kan Minister zahawm tak hmalaknain Baktawng-ah hmanni ka zawhbelhnaa min chhan ang khan, Baktawng Tlangnuam khi inrelbawlna hran nei an ni a, khawvel hriatah pho chhuah an ni tawh a, chuvang chuan khual chhia tha an thleng hnem em em a, foreigner-te an kal reng a ni. Chumi hria chuan Tourist Lodge min sak sak dawn a ni tih kan hria a kan lawm hle a, bul min tan sak thuai thei se tih kha he House kaltlang hian ka ngenna a ni bawk a ni.

Tin, Industry lamah sawi leh lawk ila. Industry hi Mizoram-ah a lian te an hlawhtling mawh em em mai a, a tenau deuh te hi a hlawhtling an ni zel a ni. Hemi hi a chhan nia lang chu a raw materials hi a ni. Hengte hi engtingge department hian industry lian din-tute tan a raw material awlsam zawk leh ruahmanna

an hmuh theihna turin ruahmannate hi siam tel theih a ni em tih kha ka sawi tel duh baw k a.

Tichuan, Demand No. 16-na Home-ah hian han kal ta ila Pu Speaker. Assembly Subject Committee-IV-in Central Jail kan tlawh a. Central Jail khu 1983-85 bawr vela sak kha a ni tawh a, vawiinah kan House Leader zahawm tak hian 1986 December-ah a hawn tawh a ni a, a tawp tawh hle a ni. Kan zu hmu a, a hungna bang te chu hetia han khawih a khawk thei te pawh a awm tawh a ni. Chuvang chuan, sak that khu a hun hlein ka hria a, security atan khuan a him lo fai vek tawh maiin ka hria a chu chu engtiangin nge ni sorkarin hmalakna a neih ka hre lova. Tin, a hungna khu a vaia tehkualin 800 mt. vel a ni a, a hungna san zawng 12ft. vel a ni. Thawkkhat lai khan in hriain ka ring a, Jail a chim, Jail bang a chim tihte, Jail tang an tlanchhuak tihte a awm a. A chhan chu, a hungnate a hniam a, a sak a tawp tawh a tin, a chhung chu kan enchiang a, kan tlawh chhuak vek a, an tawt em em a ni. Tin, an mamawh em em mai pakhat chu specialist Doctor a ni. Jail tangte hi misual an ni ngawt vek lova, mi vanduaite tam tak kan awm a, mihring insiamthat lehna hmun a ni tel a ni. Chuvang chuan, an hriselna lamte a tha lova, HIV positive pawh 4/5 lai Jail tang zingah an awm a ni, chuvang chuan specialist Doctor pek theih nise a lawmawm ngawt ang tih ka ring a, chu chu ka sawi tel duh a. Tin, hun lokal zel tur atan Jail hmun khuan a zir lo Pu Speaker, a hmunin a zir lova, a chhung khu a rem lova, karah lui khawkrak tak takte a awm a, chuvang chuan long term thlirin Jail hmun tha zawk ruahman a tul hlein ka hria a, chu chu sorkarin ngaihtuahna a hman ngei turah ka ngai a, chu lam zawng chu tunah hian ngaihtuahna a nei em kan sorkarin. Tin, tunah minor work atana sum an hmuhte kumdangah an hmuh tlem tehreng nen kuminah an han hmu tlem lehzual a, thawh tur pawimawh an ngah si a ngaihven deuh hlek chu a tha. Tin, Jail tangte chaw ei tur bill te tunah khuan pek theih loh tam tak a awm a. Ngaihpawimawh a tha, chaw ngheiin nikhat pawh a awm theih si lova tih kha ka sawitel duh baw k a.

Tin, Demand No.38-na Rural Development-ah hian ni 100 inhlawhna hi tun sorkarin a hman tha hlein ka hria a. Kan Minister zahawm tak kaihhruaia hnuai hian hengte hi chhunzawm zel tur a ni em? tih hi ka zawt tel duh a. Tin, R.D. ah baw k khan rangvate sem a ni thin hi lawmawm ka ti a. Nichina kan member zahawm takin a han sawi ang khan rangva dawngturte hi MLA a bialtute hian a dawng tlak kan hrechiang a. Min han pe thin hi kan lawm em em a, tunah hian min pe leh dawn em? Min pe leh thei se, kan va ti em, tih kha ka sawi tel duh a.

Tin, kan Home Minister zahawm takin theihloha kan lo ngaih thin halpuah hal min han khap, min han khap ti ila a mawilo lam a nilo anga. Halpuah hal lova Krismas, Kumthar kum4 zet min han lawmtir hi a hmalakna hi a ropui em a lawmthu a hnenah ka sawi duh a ni Pu Speaker, Minute 2, minute 1 lek. Tin, sorkarin kan police-te pawimawhna hria a, department-in ralthuam thaa a thuum mek lai hian tunah hian silai thar leh ralthuam tha te, vawiinah hian a leisak ta em? a thuum ta em? tihte hi min hrih thei sela a lawmawm hle ang tih ka ring a. Tin, misual dan bawhchhiate manchhuahna kawngah engang takin nge he sorkar

hian hma a lak a, tihte pawh hi min hrilh thei se tih kha ka sawi duh a ni. Pu Speaker, sawitur a tam si a, hun a zo tawh si a. (SPEAKER : Nia a zo tlat mai) A van uiawm ve, tawlo chungin tawk mai teh se, ka lawm e.

SPEAKER : Le, lawmawm e. Pu Hmingdailova Khiangte.

Pu HMINGDAILOVA KHIANGTE : Pu Speaker, demand kan sawi tak tak hmain lawmthu ka'n sawi lawk duh a. Hortoki khua tui khamkhawp awm theihna turin Khawzasiaka tui km3 vel atangin lak tura buatsaih 88 lakhs project chu PHE in min siam sak a. Chu chu ONGC Chairman, Delhi-ah kan Chief Minister zahawm tak hian min recommend sak a, tunah hian 88 lakhs project chu min sanction sak tawh a. Kan Chief Minister zahawm tak leh kan PHE Minister zahawm takte chungah lawmthu ka'n sawi a ni e.

PHE atangin han tan ila, Demand No.25-na. Ni e, tui lovin kan khawsa thei lova, PHE hian hna a thawk nasa hle a, a thawk tam hle a, a mal malin kan sawi seng lova. Chutih laiin thingtlang lamah leh khawpuiah pawh mi kan pung a, tui a kang deuh zel bawk si a. A manganthlak avangin tui hna humhalh te pawh kha Central YMA ten campaign an buatsaih a, keipawh Kolasib-ah ka thiam tawkin ka zuk bei nghe nghe tawh a. Tin, thui tak sawilo ila, kan PHE Minister zahawm tak hi zawhna kan siam anga, khawngaih takin min chhang sela. Amaherawhchu, kan session chhungin a chhanna min pe sela, wawiinah hian ka beisei lovang a. Pakhat erawh chu progress a awm em tih ka zawt lawk duh a. Chu chu niminpiaha kan sawi Chaltlang tuilakna Chal lui atanga tui lakna km7 zet kha progress a awm ta em tih erawh chu min chhang thei se ka lawm khawp ang a. A bak erawh hi chu ziakin khawtina hmalakna hi min hrilh thei se, ka lawm khawp ang. Hma an la tam tih ka hria a, ka zawt senglo a ni khawtin atan chuan.

Tin, Demand No.40-na Tourism hi Zoramah hian kan mamawh hle a. Tin, department hian harsatna an ngah tih pawh kan hria. Kawnpui atana kan dil hian, 'A...asakna tur chu kan hmu mai ang, bawng inah a chang a nge?' min tihsak hi ka la hre reng a. Wawiinah chuan a chang tawhlo mai awm mange ka ti deuh a. A bul lawkah hian Hockey Academy wawiinah hian phullem an phah mek tan a. Chungte anih chuan Tourist Lodge hmun tuna kan buatsaih hi min ensak se, min sak sak thei mai ang a tih hi ka sawi duh bawk a ni. Tin, Thingdawl Highway Restaurant compound chhungah khuan cottage an sa rei tawh khawp mai kum 2 a kal tawh a ni. Tun Hockey phullem phah tura lokal German tlangvalte kha thlen tir kan tum deuhva, an lo duh lova kan thlen tir thei ta lo a Kolasib-ah an thleng ta zawk a ni. Khu khu engtikahnge an commission ang tih hi ka'n zawt duh bawk a ni.

Tin, Industry-ah hian Puanthui leh Thirdeng thawmhnawte hi kan Minister zahawm tak hi han in sang mar sela tlema zawng chu bial tinah a sem thei lawm ni tih ka zawt duh bawk a.

Tin, Home-ah kal ila sawi tur tam tak a awm ang a. Kan Minister hi a viak a tha a, rem a hria, a huaisen bawk a, action lakna hi a timing a hre riau bawk

a ni tih hi ka'n sawi hmasa duh a. Sorkarna kan neih atangin Kristmas leh kumthar dawn velah hlim tak leh hahtam taka kan hman theihna turin ro min rel sak a, damlo tante pawh a hahtam thlak em em a ni tih kan hre vek a, a chungah lawmthu ka sawi duh a ni. Tin, Law and Order chungchangah pawh hian hei aia tha hi a awmin ka ring lova, amah thlawptu Parliamentary Secy. Pu Lalrinmawia Ralte leh Mizoram police-a thawktute zawng zawng hnenah lawmthu ka hrilh duh bawka a ni.

Tin, Sakhan mizo ho kha Tuikuk unauten an rawn um chhuak a, khangte kha eng tanpuina nge kan pek tak le keiniin nge Central sorkarin an pe tih kha ka hre lova, chungte chu a hriat theih em. Tin sorkar hmasa hun chhung khan IR battalion kha zing tawkin battalion 3 an han la a, khangte kha khawi hmunah nge head quarter an neih taka accommodation te hi an nei em tih kha ka zawt duh a.

Demand 16, Dilzan Hortoki atanga Km13 khuaah sawn buh phur 300 aia tam Pu Lalropuia'n a thar a ni, chu chu kan sawi mai mai duh a. Tin, sawlai hmun saw buh mai ni lovin sangha dil siam nan a tha em em mai a, an siam nachungin duh aiin a development improvement a tha sawt lo a ni. Saw saw kan Rural Development Minister zahawm tak hi ka request duh a, min buaipuiin min tihtlang sak ngei sela tih hi ka request duh a ni. Tin, khaw tin mai hian bial han fang ila kan hall sak a ngai, repair a ngai, a tlahawlh tawh an ti deuh vek a, han zawt ila an sakna pawh hi a la rei lutuk lo va, a bula an sak hian an sa tha tawka lo a ni tih te a hriat a. Chutah chuan social education hi kan rawn mitthla nghal vat mai thin a, pawisate hi kumin khan an nei lutuk lovin an sawi a. Tunah hian an nei deuh dawn em ka en chiah lo nachungin min hriat sak sela a lawmawm hlein ka hria a. Tin, chumai ni lo, rangva kan sawi tawh ang aia tam chu ka beisei a. Kha khan a daih lo nasa khawp a, inhnialna a tichhuak tawka vel lek lek a ni, a aia tam chu han hmu ila kan inhnial lo deuhin ka ring Pu Speaker. Kan pek dan hi a fair a ni, Biak in atang leh central YMA atangin kan thlir thin a, chutiang chuan fair takin kan sem a ni tih kha ka sawi duh bawka a ni.

Chulo lehah chuan Tourism-ah khan belh hlek duh ka nei a, Kawnpuih khuan PWD IB a awm a, PWD Highway-in min luah sak reng a, thlenna tur hi kan nei lo va. Kawnpuia ka riak tur hi Thingdawl-ah te, Kolasib-ah te ka riak fo mai a. Chuvang chuan Tourist Lodge hi Kawnpui khua khuan a deserve ve tawh hlein ka hria a, hei hi kan Minister zahawm tak hian min hriat sak mai ni lovin, min rawn en sak sela tih hi ka ngen a. Tichuan kan Minister zahawm takte pahnih Demand hi deserving case an ni a, ka rawn support a, pass ngei turin, ka lawm e Pu Speaker.

SPEAKER : Pu Lalrobiaka, a dawta Pu B.Lalthlengliana.

Pu LALROBIKA : Pu Speaker, ka lawm e. Hei kan Budget demand kan han sawi chho hi a lawmawm hlein ka hria a. A hmasa berin PHE atang khan kan tan thla ve ang a demand 25-na. A hmasa berin PHE ka'n fak duh a, a bik takin Minister tha tak mai leh leadership nei tha takin a kaihuai a. Chumai bakah staff te, official te an prompt em em a, an hnathawhah an Chiang a, a lawmawm ka ti a. A bik takin keini bialah te chuan kum 20 dawn lai tui in tur tha nei lovin kan awm kha a ni a. Tun term chhoah hian khawtin maiah tanky

lian pui pui te, khaw lian deuhah chuan tanky lian deuh te, tun thleng mai hian engti zawng pawhin keini khua hian tui min pek hi kan ei seng dawn lo ti khua tam tak vawiiinah hian an awm a ni, PHE chungah lawmthu ka sawi duh a ni. Kan harsat ziate an hre thin a, hmun thenkhatah chuan kan comedian pakhatin a sawi dan chuan tlangau a lo au a, “ mi zawng zawngin, in tinin tui tinkhat theuh tui a kang em avangin tuikhurah chhun tur,” a ti e, an ti a. Khatiang deuh kha kan bial khua tam zawk kha kan ni a. Chuvang chuan, vawiina kan PHE Department-in hma min laksakte hi a ropui kan ti a, a bial ang pawhin a hminga MLA ka nihna angin lawmthu ka han sawi duh a ni. Tin, a bik takin kan harsat ziate hriaiin , a khaw lian lianahte a lian thei ang zawng leh a pump ang zawngte pawhin kan han tichho mek a, vawiiinah hian West Phailengah chuan tui pump Rs 9.95 crores lai mai min han thawhsakte hi a lawmawm kan ti. Tunhma deuh kan ngaihtuah phei chuan tam tak kan upa ho phei chu an lawm lutuk hi an mittui a tla lo chauh a ni. Chutiang khawp chuan a khaw mite an lawm a ni. Damdawiinahte an han awm ve a, emergency-in zai ngaite pawhin lo awm ve ni se, tui a awm loh avangin an zai thei lo. Damdawiina awm kha awmpuituten tui an in chhawp lut thin a ni. Chutiang khawp chuan kan harsa a, chuti lai chuan kan hmaa MLA lo kal tawhte chuan nakumah an ti a, pachhe kum tiam an sawi ang deuhin, kumtin mai inthlan dawn apiangin helai tui pump hi chu an ti ve ziah a ni. Amaherawhchu, vawiiinah chuan chutiang chu thleng lovin, kan vanneih vangte pawh a ni ang e, kan Minister zahawm takte chakna avang te, tin, Leader tha tak mai, House Leader, kan Chief Minister zahawm takina hma min lakpuina hi a ropui ka ti a ni. Engtinge Lal Isua khan a sawi kha, Bible-ah khan, “Engtinge nangni hian min hmuh?” a ti a ni. Khatiang deuh hlek khan, phai lama kan hotute, Central lama kan hotute pawh hian hmuh dan min nei niin ka hria. Chanchinbu ka chhiar atanga ka rilrua lo awm chu, nichina sawi ang deuh khan, Party thenkhatte hi chu an lo hmuh danah chuan, “Tun hmaa Rebel Leader te kha an ni,” tih kha a ni mai a. Kan Leader te erawh chu tun hma atangin Indira Gandhi atangin, Rajiv Gandhi Family thian tha tak mai, unau anga an neih kha mi zawng zawng hriat dan a lo ni a. Khatiang a nih chuan thil han inpek mai pawh hi a har lo ang tih hi mi zawng zawng hmuh dan a nih ka ring. Chutiang chu kan dinhmun a nih avangin PHE chungah hian lawmthu ka sawi duh a ni.

Tichuan nichinah khan ka hmaa mite khan an sawi tawh a, vawiina tui kan harsat lai hian an sem an zawrh ang chi hi dan ang taka tih theih dan hi a awm lawm ni tih hi kan PHE Minister khan min lo ngaihtuhsak sela a thain ka hria a. An sawi ang khan Laboratory tha tak kan nei a, heti lama mi thiam, han test mai thei tur leh khawl tha tak tak mai kan nei a. In tur atan a tlak em tih hi Certificate Issue thei ila, chuta tang chuan a semtute, a zuartute pawh hian ti thei sela, tichuan mipui kan hrisel ang, kan him ang, tih hi ka ring a ni. thui tak sawi tur a awm a, mahse, Demand hrang hrang a awm avangin kan sawi kim hman lo vang a.

Demand No 40- ah hian han kai chho leh ila, Industry. Industry hi kan ramah a harsat zia te, kan Infrastructure-in a zir loh ziate kan hria a, chuti chung chuan beidawng hauh lovin kan Industry hotuten hma an la a, chutih rual chuan nia, keini ho hi inngah nan kan hman ve a. Kan biala mirethei zawkte, khawl han inrawlruk mai tur ang chite, tin, chi hrang hrang khatiang chite kha a tih theih lawm ni? tih kha ka zawt duh a. Tin, Industry Policy zawnga han duan vak tur pawhin lehlamah kan Infrastructure pawhin a zir loh avangin

a har hle ang tih ka ring a. Chutih rual erawh chuan beidawng mai tur kan ni lo a ni, nasa zawka tan la mai tur ka ni tih hi kan sawi duh a ni.

Tichuan, Demand No 43-na Tourism-ah hian Session hmasate pawh khan ka sawi tawh a, an huam a zau va, an hma lam a eng a, a bik takin vawiinah chuan kan intlansiakna hi Tourism industry-ah hian nasa takin kan intlansiak a ni. Khawvel ram hrang hrangte kan thlir chuan Thailand te, Hawaii te, India ramah pawh hian hmun hrang hrang,hei North East-ah pawh Sikkim te, tiang khan kan intlansiak meka, vawiinah hian kan dinhmun kan la inpho chhuak lo nachung hian khawvel hian minrawn hre chho zela a lawmawm ka ti a, chung chu kan department te, Minister te thawh hahna leh an hmalakna a ni tih hi a chiang em em a, anni chungah pawh hian lawmthu ka sawi duh a ni. Tin, session hmasaah khan ka sawi tawh a, hnathawh tur ang chi te tam tak a awm a, amaherawhchu, department kan siamlan hleithei si lo lai hi a thaw ip pik thlak lai niin ka hria a, eng emaw sum leh paiah develop-na tur thil alo kal pawhin PWD an han pe phawt a, PWD kan zuk demna hrim hrim lam nilovin, a kum a kum an han kawl saka, chutah an han thawh theih meuh chuan price index nasa takin alo danglam tawh a, harsatna an han tawh leh a, ti reng reng khan, harsatna an tawh a ni tih hi kei ka hmuhpui a, a paw ka ti a. Chutih rual chuan keiini bial bawkah han sawilut leh ila, Marpara ah khuan minority awm khawmna a ni a, kan Minister hnenah pawh hian vawi duailo ka sawi tawh a, khulailah khuan Central Minister te, Secretary te leh Joint Secretary te, minority lampangte leh foreigner thlengin mikhual kan nei thin a ni, churangchuan, an thlenna tur hi tha tawh min buatsaih sak rawh, kan in ti a, chutiangchuan, estimate te pawh kha kan han ti chawp chuk chuk a. Amaherawhchu tun kum hluiah khan min pawmsak ta lo a, kum tharah hian hma min laksak thei dawn lawm ni, tih hi kan ngenna ni sela. A bik takin khulailah khuan sipai lampang te, defence lampang te, prison ah hian kan Home Minister chak takin hma min laksaka, tin, vawiinah hian kan police te an hlim a, mipuite kan hlim niin ka hria. Tun hma te, kum nga hmalam kha chuan, kum li hmalam kha chuan kan hmeichhiate zanah an chhuak ngam lo a, kan khawpui ngeiah pawh, a then Party thenkhat office kawtah te chuan hel leh hel an inbei a, an inthata, ti vel te kha kan dinhmun thin a ni. Vawiinah erawh chuan chutiang awm reng reng loin nun zalen takin kan leng tlang a ni. Chumai nilovin police modernization kan han tih ang chi ah te pawh nasa takin ral thum tha, vawiina khawvela an hman theih ang chu vawiinah hian kan police te hi kan Minister zahawmtak hian a thum mek a ni. Tunhman hun kal taah kha chuan engtinng kan sawi thin kha, kel pal te hmang hian kan Police te hi kan modernised dawn lo reng reng. Vawiinah chuan khawvela Pistol tha, AK 47 te leh Snipper Rifle tha tha, Czech siam te, USA siam tein kan Police te hi kan thum tawh a ni. Chutiang anih avang chuan kan Minister hmalakna a ropui ka ti a, chutih lai chuan helailah hian mipuite part tam tak play an awm a ni tih kan hriain ka ring a. A bik takin remna leh muanna vawn him chungchangah hian, kan non-Government organisation YMA kan han tih te leh mi chi hranghrang helama hma latute an chungah vawiinah pawh hian lawmthu ka sawi a ngai a ni tih hi ka'n sawi duh a ni.

Tin, hun a tawi si a, kan ti zung zung a nga, Demand No. 35-na Fisheries-ah khan zawhna ka rawn zawt a, chu ka zawhnaah chuan Fisheries-ah hian engangin nge hma kan sawn tihte ka rawn zawt nual a, chungah chuan hma kan sawnate han hmuh kha alawmawm ka ti a, kan thar chhuah te a pung nasa em em a. Chutih rual chuan hei keini

bialah kumtin maia tanpuina lokal thin ang chi te, a hre fuh laklawh tawh hi an awm a ni. Kumtin mai hi an fate tan te, an nupuite tan te an ziaak lut a, an in pe leh mai thin a ni. Khatiang chi kha check deuh thei ila, a tha viauin ka ring a.

Pu Speaker, tlem tawi tein, Rural Development-ah hian nichina sawi ang khan, Demand No. 38-na social education lamah khan ka hmaa sawituin a sawi ang khan, hall hrang hrangte khawtinin kan duh si a, chung kan chei theihna tur chuan nasa zawka fund min pek hi kan mamawh a ni tih kha ka'n sawi duh a. Tin, Rural Development-ah hian nasa takin kan inngat a ni thingtlang mite hi, a thara min hriatpui tur leh tin, IWMP kan han tih te leh thil chi hrang hrang han awm ang te hian nasa takin kan eizawna kawngah min pui a. Tin, mirethei insak kan han tih ang chi IAY kan han tihte hian nasa takin hma min tisawn mai nilovin, kan rinna lam leh taksa lamah pawh hmasawna tam tak kan hmuh phah a ni. Chu mai piah lamah chuan NREGS te an awm ta zel a, heng zawng zawngah hian kan RD te chungah lawmthu ka sawi a, nasa zawk erawh chuan thawh tur kan nei ngei ang, chung kan thawh tur chi hrang hrang ang chiah chuan tute pawh kan pawimawh a ni tih kan inhriat a tha a. Chutiang tak chuan kan Rural Development-a kan hotute, kan Minister-te leh kan Parliamentary Secretary-te an thawhhah zia leh mipuite tana an thawhna hi a ropui ka ti a, ka fak duh a. Chutih rual chuan heng Demand chi hrang hrangte hi karawn support a ni e, ka lawm e.

SPEAKER : Pu B. Lalthlengliana i lo ko ang.

Pu B. LALTHLENGLIANA : Pu Speaker, ka lawm e. Thu thluai thlum vak lovin, a point te tein kan kal zung zung a nge. A hmasa berah chuan Home Department Demand No. 16-naah hian Pu Speaker, Bungtlang Police Station hi Session apiangin ka sawi fo thin a ni a, nikum July thla khan kan House Leader khan tihsak ngei a nih tur thu he House-ah ngei hian a sawi a. Amaherawhchu, waviin thleng hian engmah tih hmuh tur a la awm lo hi paw ka ti a. Hei hi ka sawi fona chhan chu Bungtlang hmun khi, Zokhawthar Champhai atanga Champhai kal tlang lova rawn tlan kawina remchang tak a nih bakah Vaphaikaiah Burma nen kan inkar a tlang tawh a, tin, Farkawnkaiah Burma nen kan inkar a tlang tawh a. Tin, chutih lai chuan Farkawn leh Burma inrina Tiau kam Burma ram chhungah tunlai hian Burma Sorkarin CNA te camp siamsak a tum niin a lang a. Hmanni ka zawh chuan 40/50 an rawn pung khawm tawh an ti, khing ho khi, khi lai hmuna an in station a nih chuan arms smuggling te, drugs smuggling te, thil chi hrang hrang lo chhuk thlakna remchang a ni. Chuvangin, Bungtlang khian khing zawng zawng kawng khi a khar vek avangin Police outpost mai nilovin station hi min siam sak teh u ti a he House ah hian sawi fo thin a ni. Thil a chhiat tur ang a chhiat tawh hnua tih ai chuan a chhiat tam hma a tih hi a fin thlakin ka ring a, chu chu ka bial anih vang ringawta sawi ka ni lo tih kha kan ram security ka ngaih pawimawh vanga sawi thin ka ni tih hi he house hian min hriatpui ka duh a, chu chu ka sawi zawk duh a. Kha kha home-ah chuan ka sawi duh ni mai sela.

Tin, Fisheries-ah hianin kumin budget han en khan Lakh 2469 atangin lakh 150 ah a tlathla a, amaherawhchu, NLUP-ah khan lakh 840 a lo lang a, NLUP khan a chhandam turah ngai ta ila. NLUP beneficiaries kan thlang dawn anih pawhin potential area-

ah hian uar ni sela a thain ka ring a. Fisheries hi kum khat chhunga hlawhtlin mai theihna, kan ram intodelh theihna atana Department pawimawh tak a ni a. Tunah hian Andhra Pradesh atanga kan sangha lakluh hi a la tam hle mai a, heng zawng zawng replace tur hian Department hian tihur tamtak a nei a ni. Hei hi kan Minister hian hma la leh sela a thain ka hria.

Tin demand 38-na kan member-ten an sawi tawh ang khan , kan Minister hian tun kumah hian GCI te min pek a tum ni awm tak a ni, kum hmasa lamah khan a dawn chu kan dawng ve tak na a, bial khatah 60 te dawng an awm laiin, kei RD Minister ka va dil ve a inthlahrung takin pali ka ziaa, i va duham ve, Pu Liansailova phei chu ka pe miah lo a nia a ti a , pali chu min han pe a, ka lawm em em mai a. Mahse 60 dawng te kha in lawm chuang lova, bundle 260 kha Pu Khiangtea khan a chang a, keini bundle 16 vel kha kan chang ve chauh a, kan lawm em em mai a ni a. Kuminah chuan tel lian deuh min pe turah ngai ta ila, hming pawh kan rawn inziaklut tam ve deuh ang chu Pu Ramhluna sawi ang khan MNF party ni bik lovin party hrang hrang an mamawh dana zirin kan rawn ziaa lut dawn nia tih kha kan sawi duh a. Tin, BADP hi Pu Ramhluna sawi ang khan a cover area chhungah kan awm a. Kan bial chhungah pawh kan Minister zahawm takin tam tak hna a rawn ruahman a, a lawmawm khawp mai, amaherawhchu, hna an han sem a, bial chhung mi nilo Aizawl lam leh hmun danga mi hmu tamtak an awm a, an thawk peih lova an hralh a, hnain a tuar em em mai a, a paw ka ti khawp mai. MNF hunlai pawh khan hei hi kan tawrh a awm tho. Tiau kawng Burma ram depa awmah khian pawisa tamtak a lut tawh a. Pawisa tam ang huin kawng a chhuak tha lova, a paw em em a, kan ramin a tuar mek a ni tih ka hmuh hian BADP hnuai hna kan semah hian a bial chhungah Congress duhsak tur tamtak an awm a, bial chhung mi induhsak theih ni sela, tin hna hralh hi khap atan a tha ka ti khawp mai . Tin NREGS kan Minister-in a sawi ang khan, Kolasib District khu sorkar hnathawk zawng zawng Ni 100 inhlawhna atan an hlawh cut sak vek an ni a, hei hi norms te a awm anih phei chuan sorkar hnathawkte cut bik lova inhlawh thei tura a rang thei ang bera siam ni thei sela a lawmawm khawpin ka ring. Tukin kha Kolasib te, Kawnpui atangtein phone ka dawng a, hei hi committee sang pawhin norms a awm a, keiniina helaia lo tihdanglam hi a fuh ber love, chuangin norms angin kal nise tih kha kan thutlukna ni anga a lan laiin, a tak ramah chuan tihpuitlin a la ni lo a, kha kha Pu Speaker, min tihhlawhtlin sak thei sela ka lawm khawp ang.

Tin a dawt lehah chuan SAD hnuai hian a sawi chiin ka ring a, Demand 4-naah hian. Mizorama sorkar hnathawh hi a muang hle mai, Congress hnuai a ni emaw, MNF hnuai a ni emaw file movement muang lutuk hi thingtlang leh Mizoram hrim hrim hian kan tuarin ka hria a. Tunlai hian department pakhatath thil um ka nei a nikum April atang khan, a thleng thui mawh kher mai ka um ngar ngar a department-ah a let leh a department-in an han chhang a, karhmasa thawhtanni khan department-in Secretariat-ah an vawm phei a. Nimin te pawh khan kan phone a, dark stage? a kal pel hlei thei lo a ni. Chutianga hna kan thawh chuan kan ram hian a tuar dawnin ka hria a, tin, a tuartu an awm nghal khang thilah pawh khan . Chuvang chuan he thil hi a siam that dan awm se ka ti mange aw ka ti a, SAD hnuai hian ka rawn zep hram a ni. Nikum hmasa lawka kan ram budget crore 72 chuang lai lapse te pawh kha a chhan chu hei hi niin a lang a. Chuvang chuan Pu Speaker, hei hi ngaih pawimawh atan a tha ka ti khawp mai.

Pu Speaker Tourism Department-ah ka'n lut lawk ang a, ka bialah Tourist Lodge min sak sak a ka lawm khawp mai a, mahse lawm a kim lova. Hmanraw hlui madress leh khum hlui engemaw zat Hnahlan lama an hman duh tawh loh an rawn dah phei niin ka hria a. Chu chu House-ah hian ka sawi fo a, mahse Financial Year tharah hian min thlak sak dawnin ka hria a. Min la thlak sak loh fo chuan Session hnukung berah madress zawng zawng ka rawn phur thla ang a, House-ah ka rawn phur lut ang, chu chu min lo hriat sak sela, min tihsak chuan ka lawm khawp ang. Tin, nichina member zahawm tak Pu Ramhluna'n a sawi hnalak chungchang kha ka support a tih chin kha kan sawi leh ang a.

Tin, privatization kha a rang thei ang bera tihpuitlin nise kan ram hian a chhawr dawnin ka hria a, khang kha ka'n sawi leh duh a.

Tin, Tourism-a a hnukung bera ka sawi leh duh chu, Institute of Hotel Mangement khulai Bung Bungalow hluia siam mek khu a building pawh sak zawh tawh thawkhat a ni a, Boys & Girls Hostel pawh sak zawh thawkhat a ni tawh a. Khulalah khuan Hotel Mangement BSc degree nei leh, tin, craft course diploma course chumi hnuaiah chuan Font Office te, food production tih te, food and beverage services tih te house keeping tih te an zir dawn a. Chumi tipuitling tur chuan department hian Principal te, Lecturer te, Office staff te, IV Grade thlengin hna 22 an dil mek a. Chu chu sorkarin a la pe hlei thei lova, kan thalaite eizawna tur atana he Institution hi thil pawimawh tak a nih avangin Pu Speaker, kan sorkar hian special a ngaihtuah saka, a bul tanna tura hna an rawn dil hi pek nise a lawmawm dawn em tih kha ka sawi duh a.

Tin, a dawt lehah chuan Pu Speaker, PHE ah hian kan bial chhungah a tha thawkhatin ka hria a, tuizem lianpui pui hmuh tur a awm a, tuizem chu an chhungkhat turah ka ngai a, a lawmawm ka ti. Amaherawhchu, heng project kan siam hian nimina Lawngtlai bialtuin a sawi ang khan project pakhat hnuaiah hian khua a zau thei ang bera cover theih tur hian project siam ni sela. A hranpa te tea project kan siam hian khua a tlai a, a harsa baw a, churang chuan a cover zau thei tur ang hian project pakhat hnuaiah khaw engemaw zat hi thun theih nise tih kha ka rawn rawt duh baw a.

Tin, Pu Speaker, pakhat chauh tui metre kan han vuah hnu hian chawi a tam lutuk, thlahmasa lawk khan ₹ 2300 chuang connection pakhat ka chawi a, chutianga metre kaltur khawpa tui kan hmuh ka hre baw si lova. Churangin metre hi ennawn a tha awm mange aw ka ti a, midang hian enge in chawi ve dan ka hre lova. Khalai kha kan Minister hian min ngaihtuah sak se a thain ka hria a. Industry-ah hian sawi tur tam tak a awm a amaherawhchu Pu Speaker, hun min pek belh teuh a ka lawm e.

*Speech not corrected

SPEAKER : Pu R. Selthuama.

Pu R. SELTHUAMA : Pu Speaker, ka lawm e. A hmasa berin PHE Demand No. 25. Hei, hotute zarah House Committee-ah te kan awm a, chungah chuan, Aizawl Greater Water Supply Scheme, chungah chuan Tlawng pawh a hmunah tum 2 lai kan en tawh a. Kan engineer te leh a Department-te an tang hle a, an thawk tha a, theih tawp an chhuah a ni tih

kan hria a, an chungah hian lawmthu ka sawi duh a. Tunah pawh hian a field ang chuan min la tih sak lo na a, an hna kal mek khu tun thal chung chuan an zawh fel ngei kan bei sei a; March thla chungah zawh tura an bei sei kha an zo lo deuh ang a, April-ah te chuan an zo thei dawn a. Chung angte chu lo zo thei ta ang sela Aizawl khawpui pawh hi tun ai hian tui kan hnianghnar thei dawn niin a lang a, tin khu khu lo zo thei tehreng pawh nisela a pump-na tur Power an neih loh chuan harsatna an tawk a, churang chuan P&E Department te pawh khan an mamawh ang tawk tur lo pe thei hram se tih hi he House kaltlang hian ka ngen duh a ni.

Tichuan, keini veng vel sawn Khatlaa zonal tanky khi kan intawm hlawm a, a tira an ruahman aiin a tlantu pawh kan tam a, New Secretariat lam amite pawh sawn an tlan a, sawng Quarter ah te sawn mihring an lo tam tawh bawk si a. Churang chuan saw tanky saw a te a kan duh angin tui pawh kan hmu thei lova, hmanni khan an Engineer-in-Chief kha chu kan sawipui mai mai, a duhthusam chu nisela saw saw min tihlen sak thei sela kan duh a ni. Tin, Aizawla kan pipe distribution system hi a fuh tawk lo viauin a lang a, kan veng Nursery angah te sawn step hrulah pipe 20 chuang an intlar thla put mai a, kal pawh harsa khawpin. Khatih hun laia Chief Engineer Pu Lianzuala khan kan kawmthlangah a lu meh pah khan an hmu a, tam a ti a ni, “Khiti em em chu a va zia lo deuh ve maw le a tih fel deuh dan a awm em aw, Engineer ka larawn tir ang,” a ti a. Amaherawhchu, a pension tawh a, tun thleng sawn tihfel lem lohvin a awm a. Khang khan sidedrain-a tuihawk lo kal bawlhhlawh hnawh a lo len a, chu chuan a lo dal ta a, sidedrain-ah tui a kal tha lova, bawlhhlawh a hnawh a, tui a lo liam a, kalkawngah tui tam tak a lo luang ta a. Sawngte avang sawn a system hi tihthat theih deuh dan a awm em? Kan hotute hian min lo en sak sela, min lo ngaihtuah deuh sela tih hi kan ngen duh a.

Tin, chutih rual chuan PHE hian drain-te an khawiha nikum khan ka sawi tawh a, he House-ah hian, Maubawb bikah sawn an khawchhungah drain han siam a tha taka awm thei mai tur tunah phei saw chuan nuai 6 vel chuan a zawh theihin ka ring a. Bawlhhlawh tam tak a tang a, khaw chungah hriselna atan pawh a tha lo ang a. Tin chubakah khua a titawp a. Hei tun hnaiah kohhran pakhat chuan khawmpui an thleng dawn a. Chu khawmpui chuan ram dang atangin Foreigner-te pawh an lokal dawn a; chung ang ho han hmuh atan drain te saw nikuma ka sawi ang khan a bawlh hlawh khawp mai a, tun kan budget ah hi chuan kan Minister zahawm tak hian sawlai tal saw chu min han tih sak sela, khawngaih takin min lo chhin chhiah sak sela, keimahni ho hi chu kan inngaithiam mai a, amaherawhchu, ram dang atanga lokalten min hmuh chuan thil tam takah lo tha bawb thin mah ila, kan that lohna lai chiah kha an sawi tur leh an hmuh tur an mit latu tur a ni dawn a. Saw saw min tihsak sela tih kha kan sawi duh a.

Tichuan, Pu Speaker, kan kal zung zung ang e, ka dil belh tam lovang che. Pahnihnaah chuan Industry Demand No. 40-na, Industry Department ah hian a thawktute an tang viauvin ka hria a, a bik takin NLUP a kan thawhna ah hian an thawb thain ka hria a, an khawl leite pawh a tha a. Hmanni chu ka chhuah pahin kan vengah sawn Puanthui khawl nei thar inah ka lut a, an lawmzia thu min lo hrilh a, hetiang ang khawl tha hi kan inah hian a la awm ngai lova, hmuh pawh kan hmu ngai lova, hetiang ang khawl tha kan han nei ta hi chu a lawmawm khawp mai, kan hlim a ni. ‘Engmah dang sorkarah pawh beisei dang kan

nei tawh lo, hetiang anga kan intungnung thei lo anih chuan keimahni mawhphurh a ni,' an ti a. Chuvang chuan a khawihtu, a department-a a khawihtu Officer-te leh kan Minister zahawm takte an fakawm ka ti a. Hetiang anga hna an han thawk hi a lawmawm ka ti khawp mai.

Tichuan ka'n kal zung zung ang a, Home hnuaiiah hei kan Minister hi a hmel enin a tlawm naa tih ang deuhin keini ang em em chuan a lianlo na a, mahse pate palian kan tih ang deuh kha a ni a, a thawm hi a tha khawp mai a. Aizawlah 1954 atang khan ka awm ve tan a, kum tin hian khang hun lai atang khan Christmas leh kumthar a bik takin kumthar dawn zan hi chuan halpuah hi nasa takin an hal un un mai thin a. Keini te pawhin kan hal ve thin a ni. Enghun lai emaw atang pawh khan khap an tum a. Pu Vanhela, kan Chief Secretary Pension ta Aizawl a DC a nih lai khan a mah ngei pawhin a round thin a, mahse a sawt chuango a ni, an halkhum ti tih a ni mai a. Amaherawhchu, tuna kan Home Minister zahawm takin an khap ta a, a tih theih pawh a kan rinloh kha a reh ta ruih mai te hi chu a ropui khawpin ka hria a, lawmawm ka ti. Kan hotuten tih tak takna nen tumruhna nena thil an tih chuan Mizote hian thu kan lo awi a ni, Aizawl khawpui chhung ami pawn thu kan lo awi a ni, tih takna nen kan lo ti thin lo a ni tih kha a langin ka hria. Hetah hian a bik takin kan Police lamte leh kan Home Minister zahawm tak hi a chungah lawmthu kan sawi duh a ni.

Tin, hei tunlaiiah an sawi a, Silai tha tak takte pawh an lei niin kan hria a, kan hmuhpui ve lem lova. Heng an silai tha lei te pawh hi MLA rualte pawh hi min en tir phal lawm ni, an lei tak tak anih chuan tih te pawh hi ka zawt duh a. Chumai bakah chuan a silai tha hi an nei teuh ang a, a mute hi an lo nei leh mang silo ang a, a mu a awm leh si loh chuan engmah a ni dawn lo a, a mute hi an ngah tawk em tih te ka'n zawt tel duh a. Tin, nichina an rawn sawi lan tawh ang khan Mizoram atangin tuikuk engemawzat an mahni thuin um chhuah lohin an tlanbo a, chung hote chu Mizorama laklet leh nan leh a chhawmdawl nan Sorkarin sum tam tak ₹150000 emaw lai a pe a. Chutiang bawh chuan Tripura ram Vanghmun vela kan mizo awmte kha Tuikuk hlauin an tlanhhuak ve a. Chung angte chu chhawmdawl na kan pe ve thei em? Kan pe ve reng em tih te kha ka'n zawt duh bawh a.

Tin Fire Service hi hundang ai chuan tuna kan Home Minister-in an enkawl hnuah hian an service a tha a, hmun hrang hranga Aizawl khawpuiiah pawh chhawpchuah an ni ta a. Kangmei an awm pawn an tlan zung zung a tam tak hi an thelh hman a ni tih kan hria a. Hengahte hian a ngaihtuahna a tha a, a chungah hian lawmthu ka sawi duh a. Chutih rual rual chuan tui hi kan mamawh ta a, vawikhat an han phuh khan an phuh zo a, a kang kha a lo la reh si loh chuan tui thun leh zung zung kha a lo ngai a, chung ang ti tur chuan tuite hi an nei tawk em? Kan PHE hotute hianin hengte tan hian Aizawl hmun hrang hrangah tui tanky te dahin a bik takin Fire ho tan hian an siamsak thei em tihte ka zawt tel duh a.

Ka sawi leh duh chu Demand No. 38-na, Rural Development han sawi takah hi chuan a hmasa berah Rural Housing kan tih thin kha ka sawi duh a. Rangva sem hi kan member-te khan nikum lamah khan MLA ho khan quota an neih khanin Pu Speaker, ka

conclude law law ang a, khawngaih takin, quota neih khan eng emaw zat an nei lova, keini Aizawl khawpui amite kha chu quota kan nei ve miah lo mai a.

SPEAKER : Min sawi kep rawh khai, aw.

Pu SELTHUAMA : Aizawl khawpui chhungah Pu Speaker, nang pawh i awm a, quota min pe ve miah lo mai a, kumin te hi chuan min pe ve a, nikuma pek ve loh te kha chu min pe tam deuh ang chu maw, i zarah te pawh chung te chu han beisei ve ila. Sorkar hna kan thawh ve lai khanin Delhi-a kan kal tum pawhin Housing Scheme hi Central sorkara Officer te pawn an fak khawp mai a, hetiang hi a tha a. Amaherawhchu, hemi mai bakah hian tui dawnte pe ula, tanky tlema zawngte pawh ti ula, furah tal hi chuan tui chawi lovin a awm theih lawm ni, an ti a, chung angte chu kan Minister hianin min lo ngaihtuah pui sela.

Tin, nuai 100 chauh hi kuminah hian rangva leina tur hi a lang a, hei hi kan tihsual nge ka hre lova, nakumah te kan mamawh tam tehlul nen hian. Hengte pawh hi a tihtam theih deuh lawm ni? Keini khawpui chhung amite pawh min pe ve leh dawn a nih pheih chuan nuai 400 tal te hi chu a dah leh theih lawm ni, tih kha ka zawt duh a.

Tin, ni 100 inhlawnate hi keini Aizawl khawpui chhungah, nangte pawh Pu Speaker, a inhlawh theih lova, mahse hei thil tangkai tak an ni ang. (SPEAKER : An ro rei tawh khawp mai). Keini pawh kan ro rei a, a bik tak chuan thingtlang hmun tam taka awmte ai chuan ka biala Lawipui angte saw chu an harsa a ni. An harsat dante teh chiah ila chuan thingtlang hmun tam tak ai chuan an mamawh zawk. Saw angte sawnin kan chang ve mang si lova, i bial amite pawh an ni ve tho ang. Chutiang ang chang ve lote tan chuan eng emaw ti zawng tal hianin kan hotute pawh hian min siamsak ve theih dan awm ve thei lawm ni, engemaw talah khati zawnga kan neih si loh chuan kan neih theih ang zawngte tal hi chu min pe tam ve deuh sela, tihte hi ka ngen duh a ni e. Pu Speaker, hun min pek belh a, i chungah ka lawm e.

SPEAKER : Awle, min sawi kep avangin hun ka pek belh a ni. Kan hun a lo tawp leh ta a. Minute khat emaw chuan kan belh hlek nghe nghe a. Kan chawl rih anga, dar 2:00 p.m. ah kan lut leh dawn nia. I chawl ang u.

DEPUTY SPEAKER : Kan demand sawiho kan tan leh tawh a nga, chawhmaah khan member pasarihin an sawi tawh a, chawhnu lamah tu nge han sawi hmasa ber ang le, nichinah i hming an lo ziak lawk tawh a nih hi, i dawtah hian Pu Siamkunga, kan Speaker-in a lo ziak lawk thlap zawk a nih hi, Pu Joseph Lalhimpuia i lo sawm ang.

2:00 P.M.

Pu JOSEPH LALHIMPUIA : Pu Dy.Speaker, ka lawm e. Demand hi a vaiin ka sawilo a nga, Demand No. 25-na Public Health Engineering-ah hian thil pahnih pathum han tarlan ka duh a. A hmasa berin lawmthu ka sawi a. Dawn-ah te, Hlumte-ah te, Tui lakna a la awm ngailo va, tui an harsa em em a, kan Minister hnenah te, Department-ah te

Telephone leh ziate pawhin vawi tam tak ka thlen thin a, tunah chuan tui tha tak mai Dawnah leh Hlumte ah min pek avangin lawmthu ka han sawi a.

Pahnihnaah chuan Lunglei Water Supply Scheme hi a rei deuh tawh a, tuihna a tlem deuh a, mihring kan tam deuh a, Lunglei town area-ah pawh Sethlun, Theiriat chin saw mi engemaw zat a huam ve loh a awm a, tin, connection-in a huam chinte pawh tui duhthusam an hmulo va, an harsa hle tih kan hria a. Nimin lamah, te a piah leh lamah te pawh kan sawi tawh a, tunah hian hmanni a kan Minister zahawmtakin zawhna a chhannaah te pawh khan Mat pump tura buaipui mek a ni tih te pawh kha a sawi a. Kan bialah Zobawk Village Council saw a hnai an ni a, kan VC member engemawzat pawh Department Officer-te tanpuiin Matah an survey laiten an riak a. Engpawhnise, vawiih hian ka han tarlan duh chu nikumah khan kan Chief Minister hovin High Powered Committee kan meeting-naah Lunglei Tui kan harsatna pawh hi sawilan a ni tawh a, chutah chuan Urban Department, pawhin central sorkarah scheme te siamin hma lo la sela tih kha thu kan pass a, kan Urban Development Minister zahawmtak pawhin hma an lak thu pawh a sawi a, engpawhnise, kan PHE Minister zahawmtakte nen pawh hian lo la sawiho sela, a hmasa zawk tur leh a tha zawk tur kha bawh chak a ngaiin ka ring a, chulai chu a kal mek tho nain Urban Ministry atangin dap mek a ni bawh a, a hmasa zawk zawk kha kan mamawh tawh a ni tih kha ka rawn sawi lang a.

Tin, Pu Dy.Speaker, starred question 11-na Ni 13 ah khan ka bial chhungah Leite, Rotlang 'E' Water Supply Scheme chungchang hi engtik nge peih a nih ang? Engnge tun dinhmuna a thlen chin? ka ti a. Ziaka min chhannaah chuan Leite, Rotlang 'E' Water Supply Scheme hi February, 2011 khan commissioned tawh a ni, tih a ni a, a dang hi chu ka chhiar tawhlo a nga. Leite-ah main Reservoir tha tak mai min siam sak a, pipe an fit thleng tawh a tui erawhchu a la hawng lova vawiiin thlengin, zawhnaah ka zawh chhan pawh tui an luanthir dawn a, Mat zelah thui tak pipe a kal a, Darzo atanga in take atanga tui lak a ni a, tui pawhin a Reservoir a la thlen hma a commissioned hi zawhna min chhanna hi min chhan sualah ngaih theih ka duh khawp mai a. Tui pawh thleng lova commissioned hi chu a diklo in ka ring deuh a. Tin, Leite leh Rotlang 'E' atana tih a ni a, Rotlang 'E' lamah phei chuan preserver emaw pipe pawh la phum miahlo kha a ni a, khawngaihtakin helai hi kan Minister khan min han sawifiah sak sela ka duh a. Hei vawiiin ni 21 March 2013 a ni tawh a, tui kan la pump thleng miahlo a ni. Chutihlaia February, 2011 commissioned a ni hi chu tihsual palh anih ka ring a, tun thal chhung hian a theih hram chuan min hma sak sela. Kan Engineer-te nena kan sawi thenkhatah pawh Hnahthial Greater Water Supply atang hian tui an khamkhawp an hmu dawn a, Hnahthial atanga High way 54 kawng dung, kawngsir atanga lak hi a awlsam zawk ang tih te pawh an sawi a. A eng a pawh chu nise, mipuiin tui hnianghnar an hmuh kha kan duhthusam a ni a, ka han sawi nawn ni sela, kan ngenna pawh nisela.

Tin, Demand no. 16 – naah hei kan Minister zahawm tak, chak tak, huaisen takin Home Department te min enkawl a lawmthu sawi tur tam tak kan neiin ka hria a. Lunglei-ah Fire Station, sub – station 1967 vela din tawh kha Station puitlingah min hlankai sak rawh u tiin inthlan dawn atangin au hlaah kan nei a, hun

hmasa lamah a harsat thin avangin, tunah chuan Station puitlingah kan Minister zahawm takin min hlankai sak tawh a, motor-te min pek belh a, kan lawm hle a ni.

Tin, SP Office saw hun rei tak sak tawh a ni a, tunah sawn luah hlei thei lovin thil man a to zel a, sak zawh loh tlem ala awm a, chung sakna turte pawh chu pawisa min dah sak a. Tin, Second Battalion MAP Office hawn pawh hawn theih lovin a chhiat zel avangin sak zawh hmian Department thahnemngaihnaian sawlaih an bawng vulhna te, engtin tin emaw an sum tuakna ten an tiphui a, tichuan an luah ringawt kha a ni a, chumi sak chhunzawm naturte pawh chu pawisa min dah sak a, kan Minister zahawm tak hnenah lawmthu ka'n sawi a. Chutih rual chuan Fire Station puitling kan nei ta a, hei a hmun office building tha takte kan mamawh a, motor dahna tha te kan mamawh a, a hmunte pawh an zawng mek niin ka hria a, hei hi khawngaih taka min ngaihtuah ran sak ka'n duh a.

Tin, motor a tam chak khawp mai a, khawpui a lo thang zel a. Lunglei saw 2nd Capital, nimina kan sawi tak ang khan khawpui hmasa ber thin kha a ni a, chuvangin kan tawt a, intihpalh pawh saw a tam em em a ni. Traffic hi MAP atangte leh a remchang chang atangin an pawt khawm a thahnemngaiin, Department-in an han siam ve naw naw a. Amaherawhchu, a branch puitling kan la nei thei lova, hei hi khawngaih takin Lungleiah sawn Traffic Branch puitling min siam sak thuai turin kan Minister zahawm tak ka'n ngen a. Tin, hei DIG Southern Headquarters te pawh din a ni. Tun Sorkarah hian zawi zawiin thawktu lamah te pawh tihphuisui a ni a, a post a awm thei tur pawh chiang taka notify fel a ni tawh a, chutih rualin hmalakna tur tam tak kan la nei a hengte pawh hi hma min lak sak chhunzawm turin ka duh a.

Tin, Pu Deputy Speaker, Demand no. 38 – naah hian IWMP chungchang tawi tein ka sawi duh a. A tangkai dawn khawp mai a, hei kan han hmang tan a kan bialah te pawh. Amaherawhchu, Department hotute nen kan sawi thin pakhat chu ka bialah sawn he IWMP road map-ah hian Rotlang East saw hmah a ni tlat mai a, a bul Leite te, Ralvawng leh Dawn tih te kha Lunglei IV hnuaih niin ka hria a dah a ni a. Rotlang piah khua Mualcheng te, Mualthuam South tih te kha scheme dangah dah a lo ni leh a. Khaw mal hmah bik awm hi engtin emaw min thun sak sela, IWMP Scheme a hmah bik khua nih hi lehlamah kan kuthnathawktute, lo nei mite tan a pawh thei dawn a, chuvangin hei hi khawngaih takin min ennawn sak sela ka duh a, ka'n han tarlang duh a.

Tin, BADP Scheme hi kan area chu a huam ve chiah lo nain, hei a hranpain Lunglei District hmasawna turin High Powered Committee-te kan Sorkarin a siam a. Hetah hian ka rilrua ka lo vei ve fo thin chu BADP Scheme-ah hian a project, a scheme an siam dawn hian mipui hi kan rawn tha tawh lo emawni chu aw tiin ka ngaihtuah thin a. BADP-in a cover khuate hian mamawh tam tak hi an rawn sawi thin a ni. Nangni chu BADP cover area in ni a, pawisa tam tak KM 9 chin velah, a area pakhat pawh kum khat chungin nuai 200 te nuai 300 dawn laite pek

in ni a, hetah hian in veng leh in khaw mamawhte hi chu thun tur a ni kan lo ti ve thin a. Amaherawhchu, hengte hi Department -a kan Officer-te hian anmahni remhriatna zawng te hian a khaw mipuite rawn lo hian an kalpui thui lutuk deuh nge ni a khaw mipuiten an mamawh heti chung a tam tak an la sawi thei hi tlema ennawn leh a pawimawhin ka hria a, chu chu ka'n tarlang duh a.

A tawp berah chuan kan Chief Minister zahawm takin Lunglei-ah High Power Committee Office kan neih theihna turin ram laili takah zau tha tak mai R.D. Minister-in min pe a kan lawm hle a, amah ngeiin kum khat liam taah khan a lung te min phum sak a, tunah sawn crore 1 leh a chanve dawn lai man reilotea hawn theih turin kan chhawp thei tawh a, thlaleh emaw a lehpekah chuan kan hotupa ber, kan Chief Minister-in min hawnsak turah kan ngai a. A hawn hunah pawh a ram min petu kan R.D.Minister kha kan sawm a ,kan lawm hle a ni tih kha ka sawi duh a ni.

Tichuan kan Minister 2 te enkawl demand sawi hi ka support a ni tih ka rawn tarlang a ni, ka lawm e.

DEPUTY SPEAKER : E, i ti tha khawp mai, hun i hmang tha e. Hei ti laiah hianin Pu Dinga hi a lo ziak lawk tawh a, a rawn phar leh bawk a, ko leh phawt mai teh ang Pu S.Laldingliana.

Pu S.LALDINGLIANA : Pu Dy.Speaker ka lawm e, ka sawi rei lo ang. Demand No.23-na PHE hi lawmthu sawinain ka tan ang a. Pu Dy.Speaker, thingtlang bialtu ka ni a, ka bial hi khaw rethei tak mai khaw 36 zet mai awmna khaw inkar kik tak tak a ni a. Ka bial chhung khaw 3 Lungrang, New Lungrang leh Upper Lungrang te tui a har em em mai a. Kan Minister zahawm tak hnenah hian kan thlen thin a, waviinah chuan Rain Water Harvesting scheme hnuaiah tuizem lian tha tak tak mai min dahsak thei ta a kan lawm hle a, lawmthu ka sawi a.

Tin, Vaisam te pawh tui harsatna a ni a, bial fang pawhin thal laiah chuah Motor-in a luh theih avangin kan han kal dawn te pawhin tui chawi loh tur ti hial ten an tlangau thin a ni. Chutiang hmunah chuan tuizem lian tha tak tak tunah chuan kan nei tawh a. Khaw mipui leh bial aiawhin lawmthu ka sawi a. Tin, Thlengang khua hi khawharsa tak mai tui harsa em em mai a ni a Pu Dy.Speaker. Sawi mawi lo a nih ka ring lova, an VCP in min hrilh dan phei chuan ka Pu tuikang nghak hian zing dar 2/3 te a chang phei chuan kan tlaivar thin a a ti. Chuvangin nausen lo piangte hi thenawmpa ang deuh deuh hi an piang nawlh nawlh mai a, kan buai khawp mai a, chu ti ang khua chu a ni a.Chungah te pawh chuan kan Minister chak tak hmalakna avangin waviinah chuan khawlaiah tui an chawi thei tawh a kan lawm hle a ni tih ka tarlang duh a.

Tin, ka hmaah khan member zahawm takte khan an sawi tawh a Greater Water Lunglei Supply Scheme chungchangah tunah hian Lunglei-ah tui kan harsa hle maia. Tun thla ni 6 –10 ah khan Mizorama rorelna sangber BCM khawmpuilian tih kha ka bial chhung Lunglawn-in an thleng a. Chungah te pawh chuan PHE atanga tui supply a that loh avang leh

mikhual an tam si avang khan Motor-in tui kan sem hial a ngai a ni. Grater Water Lunglei Supply hi chakzawka kalpui turin kan minister zahawmtak hi ka ngen a ni.

Demand No.43-na Tourism ah khan member zahawm tak tak hnen atang khan budget general discussion neih lai khan kan ngai thla a. Mizoram hmun hrang hrangah Tourist Lodge sak mek te,sak zawh tawh hawn mai turte a awm thu kan ngai thla a.Nikum session-ah pawh khan ka sawi tawh a, kan bial chhung khawtHlang lampang Lungrang-ah khuan tunhma kha chuan PWD hian Inspection bungalow an nei thin a. Department-in an enkawl zui theih loh avangin tunah chuan a rawih zo tawh a. Khungahte khuan Tourist Lodge hi min dahsak ve se tih hi ka duh khawp mai a.

Ka sawi tawha nikumah, Tawipui 'S' ka bialah tho sawn Tourist Lodge kan nei a. Hawнна, hmanna pawh a rei hle tawh nain vawiin thleng hian eng pawhluh a ni lo a, zanlamah hian a riah theih tlat lo mai a. Kan Home minister zahawm tak pawh hi nikum, tlem lai deuh khan Saiha atanga a lo pheih khan riah a tum a, programme-te pawh a siam vek tawh a,eng awm loh avangin a riak lo a. Tun thleng hian eng pawhluh a la ni lo a,khawngaih takin kan minister chak tak hian min hriatsak sela, a ranglamin eng min pawhluh sak turin ka ngen a ni.

Demand No.16-na Home-ah khanin lawmthu sawi tur tam tak awmin ka hria a. DIG Southern Range-te hun engemaw chen function thei loa awm hnuah kan Minister chak tak hian min han thar thawhsak leh ta a,lawmthu ka sawi a. Traffic chungchang kha ka sawi nawn leh duh hram a,Lunglei saw Aizawl ang deuh mai a ni a, tunlai hian motor a pung chak em em mai a, kan vannnei nge kan vanduai ka hre lova. Three wheeler, Auto Rickshaw hi kan nei leh nghal a, a pung chak si a,saw sawn traffic hi a tibuai em em mai a, accident tenau hi nitin hian a tleng a ni mai a, traffic police kan nei tlem lutuk saw a theih hram chuan a hranpa deuh hlek hian kan Home Minister zahawm tak hian min siam sak se tih kha ka'n sawi duh hrim hrim a. Ka bial chhung Chhimthlang bikah hian Police Out Post emaw, beat post emaw pakhatmah kan nei lo a Pu Dy.Speaker, Hrangchal kawn piah lampang Thahzawl, Bualte Thualthu, Tawipui 'N'-2, Tawipui 'N'-1, Mualcheng, 'S'Mualthuam, 'S'Tawipui, 'S' Thlengang, Mamte sawlai zawng zawngah sawn pakhatmah kan nei lo a ni.Theih dan hi a awm hram a nih chuan Tawipui 'S' angah te sawn Police Out Post min hun sak ve se ka tih kha ka ngen duh a.Hemi paha ka sawilan hram duh chu Chhimlampangah sawn tunhma chuan Aizawl kan kaldawn hian Hnahthial kaltlangin Serchhip kan kal thin a, kawng hluihah khan. Tunah erawh chuan kawng tharah hliir motor zawng zawng a tlan tawh a. Chuvangin Haulawngah emaw Mualthuamah emaw saw chuan Police Outpost hi a awm hi a tul ngawih ngawihin a lang tawh a. Hengte pawh hi kan Minister chak tak hian min en sak se tih kha ka'n sawilang duh a ni.

Tin, Demand No. 38-na, Rural Development bikah khan hei, sawi lan tak ang khan keini thingtlang bialtu hi chuan he department hi kan chhawr bik em em mai a, lawmthu sawi tur pawh tam tak kan nei a. A bik takin hei BADP sum hmangte hian Field te kan lai thei a, tin, Hall te kan sa thei a, kawngte pawh kan lai thei a. Tiang chuan he department hi keini thingtlang bialtute chuan kan hmang tangkai em em a ni tih kha ka'n tarlang duh a. Tin,

hei IAY te kan han nei a, ka bial chhunga Upper Lungrang angte phei khu chu 2008 Inthlan kan neih dawn laia campaign neih dawn lai te kha chuan di in deuh vek a la ni. Mahse, hei kum 4 vel a han ral a, IAY Scheme hmang hian tunah chuan rangva in vek a ni tawh a, di in 1 chiah a awm tawh a ni. Chutiang khawp chuan heng IAY Scheme te pawh hi kan hmang tangkai a ni a. Tin, hei, IWMP Project te pawh hi a tangkai em em a. Bial chhungah Project, 9, 10, 11 kan pawt lut a. A EPA hmang ringawt pawh hian khaw tam tak tan rotling tur, Zun in te, Bathroom te, Market Shed te kan ti thei a. Tin, chhungkaw tam takin he Project hi an dinchhuahpui thei dawn a ni. Tin, rangva chungchanga ka'n sawi belh ve hram duh chu RD Department kaltlanga rangva kan han dawngte hi a lawmawm em em a. Thingtlangah a bik takin engtik lai maha anmahni kut kea rangva in nei thei lo turte hian chhungkaw tam takin an neih theih phah tawh a. Kuminah pawh hei engngemaw zat kan nei leh dawn niin ka'n hria a, a lawmawm kan ti tak tak a ni. Le, heng sawi hian heng kan Minister te pahnihte demand hi ka rawn support a ni e, Pu Deputy Speaker, ka lawm e.

DEPUTY SPEAKER : Le, i titha e, kha hun i hmang rei lo khawp mai. Tunah chuan Pu Lalthansanga i lo sawm ang.

Pu LALTHANSANGA : Pu Deputy Speaker, ka lawm e. Hei, vawiinah Minister 2 te demand kan sawi dawn a. Nizan kha kan rei hle mai a, zanin chu a rei lo turah te ngai ta ila. A hmasain Demand No. 25-na, Public Health Engineering hi han sawi ka'n duh a. Hei, kan hriat angin PHE hian hma nasa takin a la a, a hmalakna hi kan khawpkham lo hle a ni mai a. Kan khawpkham lohzia hi kan han sawi thin a. Kuminah hi chuan an Budget hi chu a tlem deuh hlek a ni tih chu kan hria a. Amaherawhchu, inthlan kum te a ni a, PIP ah an park nual tawh avangin Budget han sawi pawh hi a chakawm deuh hlek a. Sawichhuah tur a nih hmel a, kan Finance Minister hian a Budget hi a ti thiam riauin ka hria a. Hei, an tlawn luai luai dawn a ni mai a. Tihian kan infaksiak a tul ber tawh ni mai hian ka hria a, Minister zawng zawng dang ai pawh hian, chutiang chuanin Budget pawh hi a lang deuh ruai hian ka hria a, a kalphung hi.

Hei, ka bialah hian tui hi an harsa khawp a, tunah khian East Lungdarah khian karkhatah tui hi tin 6 in an sem a, tin, Sihpui kan pump khi kar khatah darkar 2 leh a chanve chiah a pump theih a. Tichuan litre 3500 vel an pump chhuak thei a. Tichuan kar khatah hian chhungkaw pakhatin tui tin 6 an hmu a. Chutiang bawh chuanin Bungtlangah khian tlem in an lo ziawm a, tin 8 in an pe a. Tichuan Bungtlang khian Lungchhuan atangin tui an la a, an tui lak lah chu kal hlei thei lo, totally failed a ni tawh ang chu. Chu chu tunah chuan a pipe bo te kha, kha hmannah khan man te kha an nei a, Case te kha an neih phah nualin ka hria. Kha kha engtia la tih zel tur nge tih te kha ka'n hre duh a. Tin, Keitumah khian P.C hun laia pipe kha kan la hmang a nia. A rei tawh khawp mai a. Pipe-ah khan bal a tam tawh lutuk avang khan tui pawh khi a haw tha thei mang lo a ni. Chungte chu min tihthat tur khan kan ti a. Bungtlang te pawh khatiang tho kha a nia, inthlan lai khanin pipe pawp a tam lutuk a, PHE ah hian kan sawi chhuak zo ngang si lova tiin Candidate tin khan pawisa kha kan thawh a ni. Chutiang chuan khami siamthatna tur atan khan khatiang ang khawp kha a ni a. Tin, Biate ah khian chutiang tho chuan hei, Composite Water Scheme khi kan la hlawhtlin loh avangin Biate-ah pawh khian tui khi kan harsa hle mai a ni. Hetia han sawi piah

lampangah hian kan harsa a. A chhan chu tuna kan lak laite a fuh lova. Lak thar turte kan han nei a, kan han sawi a, pawisa kan harsa rih a ni han tih hi a ni rih a. Pu Dy.Speaker, immediate relief tur hi chuan kan Minister zahawmtak hian engtin emaw hma min lak sak se tih hi kan duh hle a.

Tin, Vanlaiphai-ah pawh khian chutiang tho chuan tui hi kan lo harsa a. Chumi kan harsatna pawh chu RD atang hianin water reservoir hi lian leh tha tak tak mai litre singtel dawng pahnih min siamsak a. Khi khi a ro reng mai a. A chhan chu khita tui dah tura kan han tih hianin, khi tanky khi PHE in a siam a nih loh avangin a that leh that loh a hre si lova. chuvang chuanin, tui a dah theih loh a ni. PHE chuan kha kha a tha em tih kha, anmahni Department hnuai a tih a nih loh avang khanin an hre lova. Chutiang chuanin, a ro ta reng mai a. Chu chu PHE leh RD pawhin khimi chungchang khi chu sawi dunin, khitah khian tui min dah sak thei sela chuanin Vanlaiphai a te pawh kan ziaawm deuhin ka ring a. Tin, Vanva pump tur atana kan tihte pawh kha engnge ni, khami survey report te pawh kha hriat a chakawm a. Tin, khimi Ramrikawn thlang deuhhlekk atanga lak turte pawh kha hriat kan han duh deuhhlekk a.

Tin, chubakah chuan East Lungdara tuna survey an neih mek rih pump turte pawh kha engtinng hma an lak ? khami tur atan khanin survey te pawh kha neih zawh tawh a ni a. Khitilaiah khianin minute 1-ah 50lts a haw thei a ni. Chutiang taka tuihna tha a ni a. Tuihna a tlem in tih rual khan, keini chu tuihna tha tak tak kan la nei a ni tih kha ka'n sawi duh a. Chutiang chuanin, Lungdarah ringawt pawh khian tanky 7 lai te min han siam a, PHE chungah hian lawmthu sawina tur chu a tam hle a. Mahse, khami kha tui dah tur kha a awm si lova, chuvang chuanin, kan harsatnate a ni a. Kan Bial khi chu tlang chhip deuh veka awm kan nih avangin kan harsa hle a. Chuvang chuanin, min han ngaihtuhsak deuh se tih kha ka'n sawi duh a.

Tin, Demand No. 43 Tourism-ah hian kal leh ta ila. Ka Bialah khianin Tourist Lodge pahnih min sak sak a. Kan Minister zahawmtak phei hi chuanin khilai a lo kal tum khanin October 1st week-ah ka hawng ang a ti a. October 1st week a hawng tura a intiam kha February a ti leh a, a tawlh a tawlh mai a. Vawiinah furniture an siamte khi a chhe em em mai a. Officer lokalte pawh khan hman tlakah an ngai lova, tikhian an hnawl tawp mai a ni. Khi khi kan Sorkar hianin a zung nen kan pho ro ang a tih hi pho ro satliah deuh a ang mang e aw kan ti a. Khitiang lutukte khi chu a dik lo a ni. Chuvangin, hrem ngam a tha hle tih kha vawiinah ka'n sawi duh a. Department anga hma lak pawh nise, a ti tura kan tih te, Ruling Party-te kan lo duhsak a nih pawhin, hna hi titha rawh se. A building sak hrim hrim pawh khi Sorkar hmasa tih a ni a, a tha tawh lova, khi an titha a, a lawmawm a.

Tin, chumi rual chuan, Khawlailungah khian Tourist Lodge tur hmun tha deuh kan nei a. Axis Bank-ah pawh hian pawisa hi vaibelchhe 99 chuang in la dah a ni a. A interest ringawt pawh hi ₹ 87 lakh vel bawr a awm a ni a. Chuvang chuan, Khawlailung-ah khian min dah ve u la. Khawlailungah khian engmah Rest House leh PWD IB thin ber pawh kha J.E in quarter ah a luah tawh si a, an convert tawh si avang khian thlenna a awm lo a ni. Campaign a in lo kal hun pawhin tute in chhuatah emaw, a nih loh chuan tute nula tlangval khum kha in

luahlan ringawt mai dawn a ni. Chutiang khawp chuan Khawlailung khi kan pachhiat avangin kan Minister zahawmtak hian min hriatsak se ka duh bawk a ni tih kha ka'n sawi tel duh a. Khitilai hmun pahnih E. Lungdar leh N. Vanlaiphai ami khi engtikah nge min hawnsak theih ang tih kha ka'n sawitel duh bawk a. Tin, a approach road te min siamsak bawk se tih kha ka'n duh a.

Tin Demand No. 38-na Rural Development ah hian ka'n kal leh duai ang a. A chhan chu, ngaihpaawimawh deuh kan sawi loh chuan, niminah khan Health Department kha ka sawi ve mang si lova. Khiti laiah khianin kan mamawh kha a tam em em mai a. Vanlaiphai phei chuan September atanga Doctor kan neih tawh loh kha vawiin thlengin kan la nei lova. Senior Nurse khianin charge a la ringawt mai a. Thihna tlak a ni lutuk hi damna tlak ah min siam se tih ka duh a.

Pu Dy Speaker, niminah ka sawi hman loh avangin vawiinah kan sawi duh chu, R.D ah hian in BDO office kan han nei ve a khaw 12 an enkawl a, a building khi a te em em a, khaw 12 tan chuan, tin staff 2 an pension a tunah khian staff kan nei mang tawh lo a, a thawktu tan chuan a mangan thlak hle mai a. Staff 2 HAO, leh JDOAssistant kha vanduai thlak takin an boral a, tuna East Lungdar R.D Block-a kan staff neih chu UDC 1, LDC 1 leh VLW 1 kan nei a, chu chuan File an han khawih ta a, vawiinah khilalah khian hnathawh a har hle a, hma lak a tam si a, hei a lawmawm hle a kan Minister hian min duh sak a. Tin BADP te kan avail na a ni bawk a khilalah khian hma an la nasa a, an hmalakte a hmunah hianrawn en ve se ka duh a, hna tam tak kan thawh khi cheng nuai nga(5) a thawh K.M. 1(pakhat) pawh tlinglo te hmuh tur a awm ve bawk. Hhmun pakhat phei chuan ka teh a hetia ka tluka metre khat ang hian metre 135 kha nuai 5 in an thawk. Kan sorkar hi sorkar chak tak a nih ang hian a hmunah Spot Verification min han neih sak theih chuan a hnu a thawh leh tur pawh hi a that ka ring a, tunah phei chuan Tiau Balu lak chhuah nana hman tangkai tak? Road te kan han siam khi, a tangkai em em mai a, kumtinin BADP te min han tih sak thin a, a lawmawm. Mahse a thawh khi lung a dum lo a, mipui an phun nasa em em mai a, mipui phun lohna tur hian kan Minister chak tak leh active tak hian min han en sak se tih hi kan ngen ve duh a. A building chhe lutuk tawh sakna tur khian Project Housing Scheme atangten kan han ti a, a awm tawh chiah lo te an ti naa eng atang emaw ten min tihsak hi kan duh a. Tin khi Chhura Lung atanga E. Lungdar khaw thleng min han tih sak khi kan lawm em em mai a. Community Hall kawt leh a approach road pawh kan Black Top leh ang i tih pawh kha kan la nghakhlal a ni, eng tikah nge minrawn tihsak ang tih pawh kha ka han sawi tel duh bawk a. Tiang chuan khilai ah hnuhma tam tak min han neih sak a.

Tin Pu Dy. Speaker, Demand 16-naah hian ka'n kal leh anga. Home hi kan hriat angin kan ramah helten ruk bo a tam em em a. Sorkar hmasaah khan tum 5 ngawt niin ka hria hel ho kha an in surrender a ni a. Chutiang chuan rukbo a tam a, tunah pawh rukbo chhungte tan hi chuan a hrehawm hle tawhin ka ring a, hengahte hian sorkar hian chak zawkin hma la se tih he House kaltlang hian ka sawi duh a. A chhan chu kan zuamawm ta em ni, ram ralmuang kan nihna hi miten suah sual rawngbawl nan hian an hmang ta em ni aw ! tih kha ka sawi tel duh bawk a. Tin chubakah North Vanlaiphai Police station leh Quarter te leh a Police station berte an chhu chhe vek an ti a an sa tha dawn a, kan lawm em em a, khiti

lai kan VC te pawhin lawmthute rawn sawi la an ti a, building tha tak te kan nei dawnin ka hria. East Lungdar bik khi khaw rawn fintu khi a tam em em mai a khawchhak lam pang atang khian, khiti lai khi trijunction deuh hlek a ni a, tin, border area a ni bawk a, nakinah pheii chuan khi ti laiah khian border trade te pawh hi min la dah ve hian ka ring deuh hlek a kan Minister chak tak hian, a tui bawk a nimin pawh khan khati lai ringawt kha kan ngaithla teuh mai a ni a. Khiti lai hnaiteah khian Champhai aia ropui mah hi awm thei a ni a, lehlan phakna border trade han tihna tur pawh hian. Chutiang ang hmun tur chu anih avang hian khiti lai hmunah khianin Police Outpost anih loh chuan I.R. emaw te pawh hi min dah sak ve tur hian ka han ngen duh bawk a ni a, chutiang ang taka khiti lai hmun a pawimawhnate min hriatsak tur chuan vawiinah hian ka ngen duh a.

Tin, Fire Department-ah hianin, kan hria a Fire Equipment-te hi kan lei nasa a, Fire Extinguisher te pawh hi MLA tan pheii chuan 75% vel subsidy khan a englo theih kha a ni a, NGOs te tan khan 50% tih kha a niin ka hria a. Hmanniah Lungdar-ah kang mei a chhuak hlauh mai a, ram a kang nasa a nasa takin an thelh a, khatiang ang chiah te leh In kang mai hlauhawm chiah te hian khatiang fire fighting equipment kan leite kha thingtlangah te hianin pek theih a ni ang em ? V/C ah te hian pek theih a ni ang em ? chutianga programme deuh hlek siam hi a tha lawm ni. A chhan chu kan ramah hianin kang mei hianin kan ram hi a tichereu nasain mi tam tak a tihrehawm a. Kan hriat angin nikum January thla tir atang khan kan puiin ro a rel a ni ringawt mai a, March thla thleng kha chu kangmei khanin ni tin in 1.4 vel kha kangmeiin a tichhia a ni a. Chutiang ang anih avang chuanin Pu Dy.Speaker, hetiang hi kan mamawh a kan Minister chak tak hianin Mizoram pumah hianin NGOs te hnena hlan tur hi fire equipment te kha han pe se, chumi atang chuanin khawtlangah tepawh inzirtirna tha lehzual tepawh a awm theih ka ring a ni tih kha kan sawitel duh a ni e, hun min pekbelh avangin ka lawm e.

DEPUTY SPEAKER : Thahnem a ngai bawk a, a pu hun te pawh kan pekbelh anih kha. Tunah chuan Pu K.S.Thanga ilo ko ang.

Pu K.S. THANGA : Pu Dy.Speaker ka lawm e. Vawiinah hian hun a chep avangin departmen. zawnng zawnng kan cover thei lova, kan ngaih pawimawh loh lam ni lovin, a pawimawha kan ngaih a tam si avangin kha kha department. te pawhin an lo hriatthiama Minister pawhin kan ngaipawimawhlo lam a ni lo tih min hriatsak ka duh a.

A hmasaberah chuan Demand No. 16-na Home Department hi ka sawi duh a. Nichina ka hmaa MLA zahawm tak sawi ang khanin kan Home Minister hi ka'n fak ve duh a. Sorkar hmasa kha kan en chuan dan rorelna a chaklo hle a, buaina siam huai huai, a pawng pawrh pawrh leh sorkar vau ngam ngam kha an thu emaw, khatiang nuar huai huai kha ngaih pawimawh an hlauh ang khan a lang viau mai a. Tun sorkar-ah hi chuan han en mai chuan kan Home Minister hi Pu Nihara te, Pu Zothanga te nen zar pakhat tlan ho awm vel tawh hi a ni a, palian insawhmuk

a ni a, an insanphek tak tak hi chuan a bulah hian palian ho hi an che thei vak lovin ka hria, he ram hi ram nuamah min siam a ni. Khang danlo rorelna ‘lawlessness’ atang khan ‘rule of law’ ah min luhpui hneh hlein ka hria a, he ram mipui hi kan thlamuang a ni. Tunah hi chuan kawng chihrang hrangin khualzinte tan pawh, a rampum huap ang chuan engemaw neuh neuh thil tenau chu a awm maithei, mahse he ram hi tunah chuan a peaceful a ni, a ralmuang a ni. Pu Chate-a khan hmannah a ram ang hian muang mah ila, a party ang hian kan thlamuanglo a ti a, party thlamuanglo kha chu a chhan kha a awm ang tih kha ring mai ila. Party-a ral dawn hi chuan thlamuan viau te hi a theih loh a ni tih te kha, ka thusawi lai hian a chhuak ziah lehngal a, ani hi a ngaithla ngam lo nge maw ni Pu Dy. Speaker.

Vawiinah hian kan Home Minister hova hmalakna chi hrang hrang, vawiinah Police modernization leh Dan kenkawh-na atana thil pawimawh chi hrang hrang kan han neih chhoh mekte a ropui hlein ka hria. Hei, forensic science laboratory te hi mithiamte leh kan Chief Minister zahawm tak leh kan Finance Minister zahawm takten min phalsak bawh a vawiinah chuan duhtusam a la nih loh pawhin mithiam engemaw zat kan nei a, building changtlung tak tunlai hmanraw tha ber ber nena thuamin an lo awm ta a. Chutiang chuan IR Bn. silai nei miah lova Bn. awm tawp mai te kha tunah chuan silai tha ber ber nen an thuam thei tate hi a ropui hlein ka hria a. Tin, chubakah chuan Aizawl City Surveyance Project vaibelchhe sawmpathum chuang ruahmanna Aizawl khawpui hmun 33-ah hian C.C. T.V. dah tumna a awm a, siam mek a ni a khangte khan misual tan hmun a tichep hle dawn a ni. Tin, Police Station, Satellite connectivity siam turin project lian tak mai kalpui mek a ni bawh a, khatiang ang chi hrang hrangte, tin, lawmawm em em mai a nia kan ram neighbouring countries hi international boundary a ni a, hel tam tak an awm reng a, hengte hian ralthuamte tawlhruk leh tih a nei reng a ni, chung ang veng tur chuan Police-te hmanraw thate Germany atangte, Austria atang te, US atang te leh khawvela tha ber berte kan Police-te modernize-na turin ruahmanna siam a ni a, heng hi lawmawm ka ti em em mai a. Kan Home Minister hmalakna hi mipuite tan hian a thlamuanthlakin ka hria a, ka lawmpui a, ka congratulate duh a ni.

Chutihrial erawh chuan halpuah leh hal mawi hi new year-ah hian kan han khap a, Aizawl khawpui ami zawng zawng hi an lawm a ni. Amaherawhchu, chutih rual chuan ngaihtuahna pakhat khawvel pawh hian an tih ve tho a awm a countdown an ti a khawilalah emaw Australia-ah te, U.S. ah te pawh anni ram changkangah khawilai hmunah emaw hian an kalkhawm a, khatiang hal duh ho khan sorkarte nena hma lain kumthar zanah khan, tunah rih hi chuan musical concert angtein kan la kal hrih a, khatiang ang zawngte pawh khan a tih ve theih lawm maw ni le, countdown te pawh hi siam ve ta ila, khatiang lama lo tuihal ve te kha, mi tibuai si lo khan a tih ve theih lawm maw ni le aw tih te ka ngaihtuah deuh hlek a, khalai kha kan sawi belh duh a ni.

Tin, Rural Development-ah hian, Demand 38-na hi hei community hall te, link road te, internal road te leh concrete pavement-te hi kan NREGS atang hian tunah hian kan nei tha ta hle mai a, a lawmawm a, thingtlang V/C te an rinawm a, an thawh that chuan a tlangpui thuin an thawk tha tlangpui bawk a. Chuvang chuan khang ang chi community hall angte pawh kan la ti zel dawn a, tih loh ala tam rualin, link road leh internal road hemi khaw chungah te cement concrete nen hian pavement te hi an siam nasa mai a, thingtlang khaw tam takah hian diak dai tur awm tawh bik lo khawpin an thawk mek a ni. Chutihlai chuan Pu Dy. Speaker, ka ngaihtuahna pakhtah chuan kan ram hi tuihna a tlem hret hret a, ngaw kan tichereu a, chulaiah chuan kan fur ruahtui hi a tam reng thova, rain water harvesting structure hi NREGS hnuai atang hian kum khatah vaibelchhe zathum chuang hemi wages-ah hian kan hmang ral a ni a, material component tel lovin, vaibelchhe zathum chanve chauh hian khaw tinah hian concrete tuizem tha hi siam ta ila, litre nuai li, nuai nga, nuai sawm a khaw len dan azirin nuai sawmhnih, tin, hmun khata tikhah zawh loh chu community hall bulah te khawilai emaw khawchungah khan hetiang hi siam ta teuh mai ila, tuna PHE in harsatna tam tak a faced hi a solve thei dawn lawm ni tih ka ngaihtuahnaah a awm deuh a. Chuvang chuan, kan van ruahtui tla hi a tam rapthlak si a. Tui tilian dur dur khawpa tam tui kan nei a. Hemi lo dawn khawl dan hi kan Rural Development Minister hian ngaihtuahna thar lo nei ta sela. Kawngte pawh kan lai zel tho ang, mahse tun hunah hi chuan tui lam hi PHE chhawkna pawimawh lutukte pawh ni dawnin alang a. Chuvang chuan, tui litre maktaduai tel hi a tih theihin ka ring deuh hlek a. Chu chu ka'n sawi duh a.

Hei, Fisheries-ah hian sangha-ah hmasawn kan tum a. Hei NLUP ah te pawh tan an la hle a. Kham kha thui tak ka sawi hman lovang a. Tin, kan ram sangha hi a hmingin Fishery enkawltute zingah engemaw chen kan lo awm ve a. Kg1 chin chunglam phei chu khulai silchar leh khulai Karimganj velah khuan kg1 leh a chanve tihte hi chu kg-ah ₹ 200 daih a ni. Keinin Andhra Pradesh te heti laia kan lo ngaihsan lai hian khulamah chuan kan sangha hi an duh em em mai a ni. ₹ 200 chuang chuanguin kg 4,5 chin hi chu kg- ah an lei ngam a ni. Chung chu khumi a bik takin khulamah khuan pawisa kan ram atang hian pawisa tam tak an rut ve mek a ni khawthlang lamah khuan. Khung Vairengte sir vela kan border problem awm fo khu, tuikhuahte siam put mai ila, vaihovin an rawn daipawh mai theih bik loh tur khan khulam khu Fishery lamah hian tan lak dante kha ngaihtuah ta ila, tikhan border venna a ni bawk si anga. A sangha lama kha Mizoram sangha an duh bawk si a. Khangte kha ka'n sawi duh a. Pu Deputy Speaker, minute 2/1 lek.

Tourism-ah hian hei hma kan sawn a, tunah hian Tourism development board te, kan Chief Minister hovin hmasawn turin ruahmanna chi hrang hrang siam a ni a. PPP mode-te leh khatiang khan privatization lamte kha kalpui mek a ni. Chu chu wawinah hian hmasawn zawngin kan kal chho dawn mek rualin sawng, a hminga bial kan enkawl ve mek Aibawk leh Sialsuk-ah te pawh sawn, leh khi Hmuifang Tourist Lodge te, an sak thar leh mekte hi hawn ve theih te a ni tawh em le, a building hi a awm rei viau tawh a. Mikhual, a bikin Hmuifang-ah te phei khi chuan indaihlohna a nasa em em a. Aizawl amite chhungkua kuua va riakte an awm reng bawk a. Heng hi Minister khan khawngaihin helai hi min lo

hriatsak sela, Forest nena Tourism tankawpna chungchangte pawh hi han sawi ka chak hle a. Mahse, hun ka nei tawh lova.

Demand 25-na PHE hi tlem han sawi ka duh a. Nia, Aizawl khawpui Greater Aizawl Water Supply Scheme Phase-II kan hriat fo tawh angin tender crore 32 a chhuah, a tawpa contract a crore 98 a inpek tak daih, chumi hnua crore 131 vel sen chung a puitling ta mang lova, chuti chung a kan PHE Minister-in wawiina pawisa ningnawi dap khawm a, hemi a rawn tipuitling chho hi lawmawm takzet zetin ka hria a. Tin, ka sawi ang khan keini bial lamte pawh saw Phase-II khan engemaw chen a cover ve tur kha a ni a, mahse, sorkar hmasaah khan bei kha a dawng hle a. Tunah chuan khutah Lungleng leh Samtlang te, Lungleng-I leh Lungleng 'N' te, tin, sawtah Muallungthu, Falkawn thlengin Phase-II hian min rawn cover ve ta a ni a. Kan lawm tak zetzet a ni. Kan PHE Minister thahnemngaihna leh hmalakna hi wawinah hian lawmthu sawi loh theih loh a ni a. Kum 4 chhunga hemi crore tela project lian 16 ngawt mai Water Pumping System an han siam chho mek te, hetiang ang sorkar hmasate pakhatmah awmlah laia tun sorkar kum 4 chhung leka project 16 wawiina kalpui a ni mai te pawh hi achievement ropui niin ka hria a, Pu Deputy Speaker, a lawmawm ka ti a. A dangte sawi tur ala awm a. Nia, wawinah hun kan neih tawh loh avangin kha kha ka sawi theih chin ni sela, Pu Deputy Speaker, hun min pek belh avangin ka lawm e.

DEPUTY SPEAKER : Le, Pu R.Lalrinawma ilo ko ang.

Pu R. LALRINAWMA : Pu Deputy Speaker, ka lawm e. PHE Demand kan sawi bawka, Kross ler atang nilovin ka tui a hal e, kan ti sup sup a ni deuh mai a. Keipawh ka bial lampang Sihphir khi tuna ka hma chiaha sawi ang khan Aizawl Greater Water Supply Scheme Phase-II ina huam tura Congress sorkar hmasain a lo tih, amaherawhchu, a hnua kum10 sorkar laia sawpchhiat vek anih avanga wawin thlenga ka tui a hal e kan la tihna khua a ni a. Nasa takin kan nawr a, kan sawi thin a, Minister zahawm tak pawh hian min ngaipawimawh hle a. July.21.2011 a Assembly-a Assurance min pek ang khan niminpiahah Assurance Committee report an dawng a, Pu Lalthansanga Chairman-na hnuaia Committee-in Department-in an bawhzui dan min en saka, chuta a tawpnaah chuan Sihphir atan estimate amount nuai 491.8 siam a ni a, priority list-ah dah a ni a, NEC-in an sanction chuan 2013-2014 ah thawh besiei a ni tih alo ni ta a, hei hi kan lawm em em mai a, a hminga bialtu ka nih angin Minister leh a department-te chungah lawmthu ka sawi a. Amaherawhchu, hriat duh ka neih chu Planning Department lam atangin Sihphira Bungmun Lui Pump chhuahna tur vbc 15 chuang priority list-a dah niin kan hria a, Assurance Committee an chhannaah hian nuai 491.8 tih a ni a, khawi zawk nge dik zawk min hrilh theih chuan a lawmawm ngawt ang.

Nimina ka zawhna, Zemabawka water distribution line tihbelh ngai tam tak kan sawi kha tih tura ruahman thuin min chhang a, a lawmawm ka ti a, chutih rual chuan Zemabawka Lalsipaia kawmthlang thleng tih kha Salvation veng kan tih lai saw a ni a, forest check gate phei velah sawn in tam tak a awm phei tawh a, saw ti lai saw kan mamawhna lai a ni a, Pu Lalsipaia kawmthlang thleng tih bakah

pawh khan extend ngai a la awm zel a ni tih kha min lo hriatsak turin ka duh bawk a ni.

Tichuan, Tourism Demand No.43-naah hian nikuma kan session khan Assembly-a ka zawhna, Aizawl East 1 huam chhungah Tourism Department-in hmalakna an nei em tih ka zawhna chu - Sakawrhmutuaitlang Sihphir ramah Viewing Gallery siam tum anih thu leh central a sanction dil an la rawn sanction lova thawn nawn leh mek anih thuin min chhanga. Khilai khi Pu Deputy Speaker, Sihphir ram a ni a, vantlangin an humhalh a, tun hma deuh khan VC hmasa lamte khan mimal ram an lo pe a, iskut hmunah te an siam a, amaherawhchu, vantlangin an phalloh avangin periodic patta te pawh renew lo turin tih a ni a, a tawp vek tawh a. Khilai hmun khi sorkar hmun pawimawh atan khawtlang mipuiten an duh a, an phal reng a ni tih kha ka'n sawi lang duh a ni. Tichuan, Tourism hmalakna chu a la kal zel em tih kha min hrilh theih chuan a lawmawm hle ang.

Tin, Industry ah hian Industrial Estate Zuangtui ami hi tihchangtlun a ngai hle mai a, a area chhungah sawn Industry hmun anih avangin Department dangin hmalak ve a remchang silova, an inkalpawhna kawngte tunhmaa motor kal thei thinte kha a kal hlei thei lova, churang chuan, a area chhung saw chei that a ngai hle mai a. Budget-ah hian provision -ah Industrial Estate atan sum dah a awm ve thin a mahse sawlaih sawn hnathawh a lang lo hle mai a, chungte chu min lo hriat sak ka duh a ni.

Home Department-ah police an fakawm ziate ka hmalamah an sawi tawh a. He sorkar hnuaiah hian sualna chi hrang hrang an chhui chhuak ta zung zung a, kut phuar lohvin an awm ta a. Tin, traffic-te pawh motor a tam chakzia kan hria a, traffic police-te pawh an hah em em a ni, chhun zan zawmin an duty takmeuh meuh a, heng te pawh hi chawimawi an phu hlein ka hria a. Tin, ACB (Anti Corruption Branch) tih thin kha Bureau tia tihlen a lo ni ta a, hengte pawhin hna chak takin an thawk a. Pu Deputy Speaker, nichin khan an rawn sawi lang zawk bawk a, corruption a zung kan pawt phawi a, corruption zung an ni tih an inhre lo nge, Ministry hmasa kha corruption zung a ni a, kan pawt phawi a, kan phoro mek a tunah hian, an ro mek a ni tih hi ka sawi lang duh a. Pho char erawh hi chu a harsa khawp mai a, an lo hnawng tawh lutuk a. Churang chuan a la char thei rih lo a ni. Tichuan, Fire & Emergency Service chungchangah hian hei Aizawl hmar lam ka bial Zemabawk, Thuampui tih vel lamte saw kangmeite vanduai palh thilah a chhuak palh fo a ni a. Churang chuan Fire Sub-station hi saw lama min dah sak turin kan ngen tawh thin a, Chaltlangah khian dah a ni ta a. Amaherawhchu, Bawngkawn saw traffic jam nasa tak mai a ni a, churang chuan thuampuiah te emaw sawn min dah sak theih chuan saw lam mamawh saw chu a puhruk hlein ka ring a.

Tin, Rural Development-ah social education, ka hma lamah pawh an sawi tawh. Khang kha tunhmain thingtlang rural areas-ah chuan kan chhawr em em a ni a, khawtlang hmasawna thilah. Kum hmasa lamah te hengah hian sum an awm ta mang lo va, hei hi kan mamawh hle a ni. Community Hall te a thing thep thup tawh a, chei that ngai te, sak that ngai te tam tak a awm a.

Hemi Rural development kan sawi ruala ka sawi lan duh chu, urban areas leh rural areas hi tunhma khan thliar fel a ni lo nge ni, tihpawlh a nasa em em a. Tunah erawh chuan Aizawl-ah chuan Aizawl Municipal Council a lo ding ta a, Municipal area pawn zawng kha rural a ni a, V/C te an la nei a. Amaherawhchu hei Rural Development Department chuan an hre chiang tawh viau a, NREG, ni 100 inhlawhna tih te pawh Municipal area-ah chuan an titawp a, khami pawn lamah kha chuan la kalpui a ni ta a. Amaherawhchu Department thenkhat hian an la chawhpawlh fo a. PHE te pawh hian khing Sihphir te pawh tunhma khan tuizem sem tura ruahman a ni a, city area a ni si a, kan sem thei lo a ni tih te kha a ni leh si a. City area pawh ni se rural a ni tih kha khati zawnga hma min lak sak kha a tul hlein ka hria a. Tin, hei rangva sem, kum hmasa lama kan han tihte kha a tangkai em em a, a hminga ka bial ve hi Municipal huam chhungah pawh pem thar te, veng te a thang a, pem khawm te an tam em em a. Heng kan bial lamte hi chu Aizawl khawpui lai li ai chuan kan mamawhna hi a nasa a ni tih hi min hriat sak ka duh bawk a ni. Tichuan kan Minister-te pahnih Demand hrang hrang hi ka support a ni e, ka lawm e.

DEPUTY SPEAKER : A fel khawp mai a hun dik tak a hmang a ni. Tunge han sawi leh tur kha Pu K.Liantlinga hi ko ang aw, inchhawk deuhin aw le.

Pu K. LIANTLINGA : Pu Deputy Speaker, ka lawm e. Vawiin chu ka sawi rei lo vang. Vawiinah kan Minister pahnih demand kan han sawiho a, a lawmawm hle a. A hmasaten an sawi ang khan PHE-ah pawh hin sum hi crore 110 an dah a, a hmasa khan crore 132 vel a ni a, a tlem deuh hret hret vek zel a, PIP lamah te an park tam a niang chu kan ti mai a. Kan Finance Minister te, Planning Minister te an thu viau dawn a ni. Engpawh ni sela, Plan Budget hmasa 2012-2013 size pangngai ang te sawi chhoh anih avangin sawibelh em em tur pawh a tam lutuk lo va, a tlem lam zawk zel a ni a. A tam lamte hi chu ni sela han sawi te pawh a phurawm viau mai a. Amaherawhchu, a tlahniam lam hi chu insawiselna lam pangte pawh hi a awm zel thei a. Hei PHE ringawt pawh hian crore 55.55 vel hi an tlakhniamna, a hma aia tuna a hniamna niin a lang a. A difference hi nikum Budget leh kumin Budget-ah chuanin, khatiang velte a nih avang khanin thil sawi thiam pawh hi a har angreng a. Amaherawhchu, KVI te leh Public Sector-ah nuai 605 leh nuai 306 an han dahte hi a tha em emin ka hria a.

Tin, helai Industrial Estate hi nichinte pawh khan zawhna lamah khan sawi a ni tawh a. Kan nei nual a, amaherawhchu, mumal taka enkawl hi a awm lova. A Industries Department berin an tih tur ber hi Project tlak nimahsela, a mawhpurhna tur ber lai hi tih loh a awm em ni chu aw! tih tur hi Industrial Estate hmun hrang hranga kan neih hi abandoned tluk vek deuh thawin a awm vek a. Tin, sawti lai Zuangtui Area erawh saw chu a kal hram hram a ni mai a. Khangte avang khan uluk taka kan ngaihtuah a ngaiin ka hria. Engpawh nisela, tunah hian thil pakhat ka sawi duh chu Pu Speaker, House-ah te khan Private Resolution-te kha kan pass a, chungah chuan Geology and Mineral Resources Department kan nei a, kan lawm viau a, in Director tur awma kha, a Department mi ni ngei tur awma kan ngaih kha an ni ta rih lem lo va, kha kha ka han sawi duhna chu, Assembly-ah hian, Starred Question No 125-naah khanin Directorate of Geology and Mineral Resources-ah hian Director post hi Central Service post-a siam tumna a awm em? ka ti a, kan Minister chuan ,

“Awm lo ve,” tiin mi chhang a. 2010-ah khan, ngaihdan tharte a lo thlak leh em ni. Hengte hi a expert-ten an ken hi a tha ber lawm ni? Mizoram hi hmun liah then a ni a, kan hre vek a, Oil zawng turin. Tunah pawh hian hei Oil zawng hi an chak loh phah em ni chu aw! tih tur a ni a. An thawm hi kum hnih vel chu a reh vawng vawng mai a. Hengah te pawh hian Department mi dik Expert-ten khawih sela, tih ngaihdante pawh ka nei a.

Tin, Demand No 25-na PHE hi Crore 12.22 velin a tla hniam a. Tin, helaiah hian work Programme hi an siam lo va ,crore 58 vel zet mai hmanna tura PHE-in work Programme an siam miah lo mai hi sawi thiam pawh a har angreng a, an hlawh tur crore 44.42 a awm a. Tin, an minor work –ah hian crore 58 a awm a, Work Programme hi chu awm se tha viauin a hriat a. Amaherawhchu, hei hi chu tihngaihna a awm lova. Han sawiho dawn khan a thatna leh a that lohna han sawiho dawn khan sawi thiam kha a har. A lump sum-a pawisa dah hi kan sawifo tawh ang khan Performance Budget-ah, work Performance leh Work Programme te, tin, Annual Report-te ruahman sela chu a tha awm mang e. Tunah hian RFD te, Centralin min rawn phut a ni a, kan la lo thei tawh lo va, kan Chief Minister enkawlnain a kal dawn a ni a. Chuvang chuanin Performance Budget ai pawh hian hei hi chu a chak zawk turah pawh ngai ila. A Performance Budget-a kha chu kan Speaker lam pang, Assembly lam pang mawhphurhna a ni a. Hemi RFD erawh hi chu Chief Minister leh Chief Secretary mawhphurhna a ni a, a kawpa a kal hi chuanin tha takin kan ram hi sum leh pai hmanna leh kan programme leh Implementation chungchangah hian a kal a rinawm tawh a, khang kha Work Programme an tihlan loh chungchangah khanin kan tar lang duh a.

Tourism hi ka zawhna a rawn chhannaah pawh khan, Tourist Lodge hi 33 lai kan nei tawh a. Amaherawhchu, a hna thawktu an awm lo thin a. Tin, tuna kan tourism approach hi a dik chiah em aw? Concrete in leh toilet tha tak hi chu a pawimawh a, amaherawhchu, concrete building leh hetianganga kan sa hi tourists lokalte hianin an duh ber a ni angem? tih kha ngaituah tham tak niin ka hria a, hengah hian keimahni hnam zia rang an rawn hmuh duh ang chi hawi zawngte hianin, indigenous approach zawngte pawh hian a kal theih em? Hetiang zawng hian ngaihtuahna tourism department leh kan Minister pawh hian a nei em? tih kha ka zawt pah nise a thain ka hria a.

Tin, Demand No-16-naah hian Home chungchangah hian work programme a tha viauin ka hria, nuai 800 hmanna tur an dah kha fel thlapin chumi khami type/building kha ruahmanna fel tak a awm a, a tha a lawmawm a. Tin, kan sawi leh duh chu discussion-ah khan ka sawi tawh a, police ho T.A/D.A hi a ni. Hei hi thil dang tam tak chu kan ngaipawimawha, a tha e, amaherawhchu, mihring mamawh hi chu a danglam bik a ni. Mihringin kan mamawh kan khawsakna atana kan mamawh chi kan chet sawnna tana kan mamawh chi hi a ni. In atangin han chhuak ila taxi fare cheng 10 a ngai a ni tan tawh mai a, sum hi loh theih loh a ni a, che hlek ila kan compound kan pelh chuan lirtheiah te chuan alo ngaia, helaiah hianinTA/DA kha crore 10.13 vel kha anih avang khan tunah te pawh hian han sanction mai se police ho zawng zawng hi an lawm dawn a, mi sang ruk(6) sang sarih(7) rual kha an lawm dawn em em a ni. Tin, hei forensic science chungchang hi Pu Dy.Speaker, kan ramah hian crime a tam tawh a, forensic hi tihchak deuh deuh hi a thain ka hria a,hei mai bakah pawh hian ka ngaihtuahnaah chuan private detective kan tih ang zawng lek lek te pawh

hian forensic science zirchhuak ho tam tak zingah te pawh hian pawimawhna tam tak a awm a. A chhan chu sualna hi englai pawhin a awm reng a, inrawk leh tual thah leh thil dang hi a tam avang hian, a titute hmuh chhuah loh hi a ni deuh fo mai a, hengahte pawh hian awareness campaign-te pawh hi mipuia hian, kan beih that a tha lawm ni, tih kha ka'n sawi duh a,

Tin, fire service chungchang thuah te pawh hian, fire protection & control-ah te, modernization of fire service tihah te sum a awm lem lo a, amaherawhchu eng emaw ti chuan tihdante la awm turah chuan ngai ta ila. Ka bial lampangte leh MLA zahawmtak Col. Sangzuala te, kan Minister zahawmtak Pu Lalsawta bial phei tan hian fire station tha deuh hlek te khu awm se chuan, intlan pawh a awl em em tawh a, kawng a tha a, mumal takin Fire Station min siam ni ta sela, kan bialte hi tun hnaiah te pawh in a kang zeuh zeuh a, vanduaiana vangte pawh a ni thei a, kawng hrang hrangin, khatianga chetranna tan khan ruahmanna siam a tha awm mang e, ka ti a. Police modernization hi a lawmawm ka ti a, theihpatawpin kan Minister-ten hma pawh an la ni turah ngai ila, police modernization bakah hian arms chi hrang hrang mante pawh hi a thahnem hlein kan hria a, chanchinbuah, a tak chu kan la hmu lo a, hengte pawh hi a mute nen an man tam hle chuan ka hria a. MLA rualte hian han inkah siak chhin ila mawle, hmanni pawh khan Legislator Shooting Competition-ah khan pahnihna ka ni a, kan Home Minister kha pathumna a ni a, kan Sports Minister kha kan tluk lo deuh a, inkah siak leh te pawh a chakawm viauin ka hria a, a man khawm na na na kha chu a uiawm lem dawn em ni? Amaherawhchu, hengah hian tam tak arms smuggling chungchang thuah te pawh kan Home department-te an che tha a, a lawmawm hlein ka hria a. Engpawh nisela, sawi tur chu ala awm a, Pu Dy.Speaker, ka duh tawk mai ang e, ka lawm e.

DEPUTY SPEAKER : Pu R.L Pianmawia kan ko hmasa anga chumi dawtah chuanin Col.Z.S Zuala nise, tichuan Pu Rina aw, indawt deuhin.

Pu R.L. PIANMAWIA : Pu Dy.Speaker, Demand No- 16-ah hian kan kai ve nghal chat ang e. Hei police department enkawlina chungchangah hian kan Home Minister hi a fakawm hlein ka hria a, Motor leh silai te an lei a, tin, misual dap chhuahna kawngah leh hel dap chhuah chungchangah hian a che rang phat phat hle mai a, an nu laka a che rang ang deuh bawk khan a che rang phat phat hlein ka hria a, a lawmawm ka ti a. Tin, Sakawrdaiah te, Darlawnah te Police building tha tak tak mai min sak sak a, min sak sak leh mek bawk a. Tin, an hmun hungna tur fencing-na tur te min rawn tihsak bawk a, a chungah kan lawm hle a, a thawh thatnaah kan lawm hle bawk a.

Tin, SDPO post Sakawrdaia dah tura kan House Leader nena min tih felsak tawh kha, order hi tun thlengin kan la hmu lo a, hei erawh hi chu hmuh mai theih tur hian kan thut khawm chhung hian min pe se ka duh khawp mai. Tin, Darlawnah 5th IR company headquarter hmun tur Khumlohrawl ram ruahmanna a thuin kan lo nei tawh hlawm kha a ni a, Sorkar ang pawhin. Khi khi a ruak rei tawh khawp mai a, a khua a har tawh hle mai, khilai ram khi tih kha min lo hriat sak se tih ka sawi duh a. Tin, chubakah chuan Zohmun BOP, Vervek police ho awmna te khi a chhiat thu ka sawi tawh thin a, khi khi an hre na a, kan sawi an hriat tawh mai bakah hian a tak takin rawn hre lehual se ka duh a, fur han tuar lehna chi

kha a ni tawh lo reng reng a, silpauline-ten kan lo thuam ve mai mai a, keini ang duang tih theih tawh kha chu a nep lutuk a, a daih rei bawh si lova. Chuvang chuan, kan tih theih aia sang ti thei kha an nih vangin khawngaihmin min rawn ngaihtuah sak se tha ka ti a. Tin, a hun chhung hian silaite pawh tha tak tak an lei tih kan hria a, keini a kap thiamte chuan kan lo va dawm chhin tawh nghe nghe a. Amaherawhchu, a mu a tam lova, a uiawm hlein ka hria a, mihring pawh upa lam tawhah chuan a mute awm lo hi a awm theih a, tar tawh vang a ni a. Silaite erawh hi chu a thar hlawm si a, a mu awm lova an awm tur khan a uiawm ka ti khawp mai a, chuvang chuan a mu tam tawh hi chu ngaihtuah a ngai mange aw ka ti deuh a ni.

Tin, Fisheries, Demand No. 35-naah hian, a hun hnuah hian sangha dil neite tanpuina pek chungchangah hming phuahchawp leh hming lem a awm ta lova, a lawmawm ka ti khawp mai a, dawng tur dik takte pawn an dawng tha a. Amaherawhchu, a chi semna lamah hian duhtawh mai lovin chhonzawm leh dante chu awm se a tha ka ti.

Tin, Demand No. 38-ah Rural Development atanga hmalakna, material component leh, tin, ni 100 inhlawnatea min du sak vangin ka bialah Chhanchhuahna khawpui, Sunhluchhip, North Khawdungsei, Zokhawthiang leh Ratu rama Buallawn panna kawngte min laih sak a, heng hi duhthusamin la famkim lo mahsela, kan lawm hle a, a puitlin zelna turah pawh pawisa min pek belh zel turin ka ngen duh bawh a ni. Tin, heng mai bakah hian Upper Sakawrdai leh North Khawdungsei chei that lehna te, khaw kar kawngte pawh hi heng atang hian min la pek belh leh ang tih ringin lawmthu ka'n sawi nghal bawh a. Tin, hei an hmalaknaah hian SGSY atang hian self help group-in pakhawi te an ti a, a tui khawp mai a, a thawhrahte hi kan han ei tawh a nia, ropui tak a ni.

Tin, IWDP te, IWMP-ah te min duhsak a, ka bial chhung khua zawng zawng ruahmanna min siam sak a, a intahtawlin a chhuak a, a chhuah kim hunah pheih chuan chawimawina nopui kan dawm tir ang tih ka sawi duh a. Tin, IAY te, rangva sem tih te hi a tha em em a. Amaherawhchu, ka bialah Darlawn hi IAY a pek theih tawh lova, sub-town, town tih a lo tel ve khanglang khan min tibuai a. Chuvang chuan Pu Mama'n charge a la a ni tih lo inhre nawn sela, RAY a nei tih mipuiin an hria tih kha lo hria se a thain ka hria a.

Tin, social education-ah hian min duhsak a, Darlawn vengpui YMA library building te, community hall North Serzawl te, Ratu leh Lungsum te min sak sak a, pawisa tlem min pe a, a tawp ta daih mai a, pawisa awm kha kan hre ve run a mahse thildangah a lo pem bo daih mai a, tunah hian kha pem kha a rawn let leh tawhin kan hria a kan budget ah hian. Heng hna kallai mekte hi rawn hre leh sela tih ka sawi duh a. Tin, chutiang bawkin Housing tan project staff-ah khan Darlawn BDO Office kan sorkar hmasak lama pawisa indaih lo chung chung a kan sak pum kha a ni a. Hei hi tunlai angah chuan a inhmeh tawh lova, concrete building a sak theihna tur pawisa ruahman kha tun hunah hian min tihsak lehin min sak sak ngei se tih ka sawi duh a. Tin, BADP huam lo bial ho hi chu a bik takin duhsakna hlawn lian deuhhlekan ngaihtuah leh se ka ngen duh bawh a ni.

Tin, demand No. 25-na, PHE kan hmuh leh kan hriatte sawi lovin kan awm thei lo tih ang khan kan bial khaw tin maiah PHE hian hma min laksak a, a lawmawm hle a .

Individual household latrine tihah te pawh hian ka biala an ruahmanna a lawmawm hle a. Phase 1 an ti tawh a, Phase 2 min tihsak leh se tih ka sawi duh a. Tin, kan House Leader rem min ruatpuina leh kan PHE Minister hma min lakpuinate Composite Water Supply Scheme, Tuivawl pump chhoh tur Kepran tlanga pump chhoh a, Chhanchhuahna Khawpui, North Serzawl leh Sunhluchhip-te chawm tel tur ruahmanna min siam sak a, hemiah hian lawmawm ka ti hle a. Chuvangin lawmthu ka sawi takmeuh meuh a. Ka bial mipuiten hla an rawn thlang a, ngaihthla tura an tih te chu kan Chief Minister, PHE Minister te leh department officer-te tan khan an rawn thlang a, an hla rawn thlan chu thildang kim hmu mah ila hei hi kan la chakkhai tih kha an rawn thlang a, lengkhawm zaia sak turin an rawn thlang nghe nghe a ni. Tin Zohmun khi tuikhur siam bak chu a dang hma an la rawn la thei lova, hmabakah min neih sak turin ka rawn ngen a ni. Tunah hian tinah cheng 10 te 15 tein an lei chho tan leh tawh a ni.

Tin Tourism-ah hian Darlawn leh Sakawrdai-ah sak a ni a, hei min hawn sak thuai se ka duh hle mai. Tin Industry huam chungna mineral resource lo ni ta hian pawisa an thawk chhuak tha em em a. Chuvang chuan a thawktu tur pawh hi lakbelh a, district tinah site office dah dan hi ngaihtuah nise, hei hi chhiah khawntuah chuan an rintlak khawp mai. An thawkchhuak tha an fakawm. Tin Industry department atanga kan Minister in ZOHANDCO leh KVI te a thum danah hian a lungawi thlak hlein ka hria a. Tin Industrial Policy 2012 han duan chhuah te kha a lawmawm hlein ka hria a, hmasawna leh thil thar kan neih phah dawn a ni tih ka sawi duh a. Tin, N. Serzawl, Vaitin, Khawpuar, North Khawdungsei leh North Tinghmun-ah te hian hand pump hmanga tui pump na an mamawh hle mai a, helam titute hian pawisa an nei lo em em mai a, an manganpui awm si a, an thawk tha bawk si a. Chuvang chuan ground water development thilah hian pawisa tam zawk dah theih ni sela, hma min laksak se tih ka rawn sawi duh a ni e. Ka lawm e.

Lt. Col. Z.S. ZUALA : Pu Deputy Speaker, ka lawm e. Kan Minister-te demand hi kan sawi zo vek thei dawn lo a, a hmatiamin kan sawi anga, sawi hman loh chin kha chu anmahniin min lo chhinchhiah sak tawh mai se. Home-ah hian, Fire and Emergency, service hmanni lawk khan kan kal bo hlanin kan huan a rawn kang chiam mai a. Kan nauten Fire service an ko a, rang takin an lo thleng a, an speed a tha viau mai a, lawmthu ka sawi hmasa duh a. Fire chungchangah Pu Tlinga khan hemi chhuah lam pang phei a bialte, ka bial te leh Pu Sawta bialte khumi cater tur khuan kan Home Minister zahawm tak hian I.T.I. ah Fire station min siam sak dawn a. Tunah hian a hmun pawh a fel tawh a, a thawktu tur pawh an thlang fel tawh niin ka ring a. Khumi khu a lo puitlin chuan chhuah lampang tan chuanin a thlamuan thlak deuh sawt dawn. Tin, hmanni deuh lawk khan Tlangnuam kawng Kulikawn-ah In a kang a chutah pawh chuan Fire Motor te an lo thleng ve mai a. Amaherawhchu, traffic leh an awmna station kha tlemin a hlat deuh avangin an lo thleng hma em em hman lova. Chuvangin kan requirement dang leh chu a main road Kulikawn, Missionveng, MG road leh Khatla te Mission Vengthlang te hetiang atana hmun remchang kan neih hnai ber chu Ngaizel, Kulikawn-ah sawn a ni a. Sawngah te sawn Fire station a puitling emaw puitling lo emaw dah chu a tul khawp mai a. A nih loh pawhin tun thal zual lai hian temporary-a Motor rawn hun theih nise chu nasa takin min puih theih ka ring. Tin, a veng hotute pawhin an ko a, helaih hian hmun a awm a, a tih theih ang tiin suggestion pawh an siam a, hei hi min enpui

theih chuan sawlai tlang dung leh sawmi kawngphei Hlimen, Melthum thleng pawhin a niang, mi a chhawk khawpin ka ring.

Tin, Police modernization kha an sawi a, silai tha tak takte pawh kan nei a equipment te, tin, hetah hian a pawimawh chu ka sawi fo tawh ang khan mihring a pawimawh ber a. Tin, 3rd MAP Camp kan nei a, I.T.I Mualpuiah khuan an enkawl tha khawp mai a. Amaherawhchu, an resource te pawh hi a tam lova an camp chhunga kalkawng black topping te khu an mamawh khawp mai a, khungte khu Police modernization scheme ah te hianin a tel thei lawm ni tihte ka'n sawi kai duh a. Home department hnuai Sainik School, Chhingchhip khi sawi loh theih loh niin ka hria a, hetah hian allotment hi crore 16.66 an nei a tunkum allotment ah, hna pawh an tan tawh a. Khiti lai ka han sawi duhna chhan chu khimi Chhingchhip ram Sainik School atana an pekah khian sorkar hian compensation pakhatmah a pe lo a, hei hian example department dangte tan a khaw mipuite hi entawn tlak an ni tih hi ka han tarlang duh a. Hmundangah compensation avangin harsatna tam tak kan tawh a, mahse khilalah khi chuan tumah pawisa sen pawh an pe lo. An ram a chhe bik tih na a ni miah lo, an tu leh fate tana tha tur a nih leh Mizoram pumpui tana tha tur a nih avang a sacrifice thei an ni tih kha han tarlan leh hi ka duh a. Hei hi kan Chief Minister zahawm tak pawh khan a han hrilh tawhin ka hria, hmana a visit khanin lawmthu a sawiin ka hria.

Tin, PHE-ah hian kan sorkar tirh khanin Greater Aizawl Water Supply Scheme en tur khan tuna kan Minister zahawm tak leh kan Parliamentary Secretary-te zui hian Tlawngah kan zuk kal a. Khang hunte leh tun ka ngaihtuah hian progress hi an siam nasa hlein ka hria. Khang hun laia kan hmachhawn Contractor problem-te leh pawisa problem te an han hmachhawn a, tin, an han sort out a, tunah hian Hlimen te, Melthumah te tui pipe-in an la thei ta te hi, an hnathawh rah a ni a, a lawmawm takzetin ka hria. Tin, ka bial chhung Tlangnuam khi veng thanglai a ni a, khimi C.P road an field chung phei te khi In thar tam tak miin an sa tan a, khiti laiah khian tui supply-na tur pipe fumfe a kal lova, khingte khi min hriatpuiin, mi tam tak tana mamawh a nia khilai khi min enpui thei se, a lawmawm ngawtin ka ring a. Tin, Kulikawn phei, Ngaizel chhak lawkah Tanky lian tha deuh mai minrawn siam sak tawh a, khutilai phei private connection te khu a la complete lova, min han ennawn sak thei se a lawmawm ngawtin ka ring a. Tin, Kulikawnah khuan an thlanmual bulah khuan tawite private-in a pawhna tur pipe min han zawm that sak thei se khuti lai veng tan nasa taka hmasawna tur a ni dawn tih kha ka'n sawi duh a. Tin, NLUP-ah hian atam ber chu Aizawl khaw chhungah hian Industries hnuai ami kan ni a, an trade thlanah hian, hetah hian Industries ho hi an fakawm khawp mai a, nasa takin kan beneficiaries-te educated em em lem lo duh duha trade thlak theih emaw tia lo thlak kual vel te hi min dawm a, hetah hian lawmthu ka sawi duh a.

Tin, Geological & Mining hi tunah hian oil leh gas hai chhuah hi kan ramah hian an bei nasa a, hetiang hi tunge a Nodal Department kan sawrkar atang hian, Geological Mining hian eng nge progress an neih tih te hi min hrilh thei se chu a lawmawm khawpin ka ring.

Tin, Rural Development-ah hian an sawi tawh angin, rangva hi kan bial chhungahte an kanin emaw lei a minin emaw rangva hi R.D. Department-in min pe thin, kan lawm hle a, chuti lohvah chuan min pe tha duh vak lova “nang ni chu R.D. Department hnuai a mi a ni lo Block chhunga mi in ni lova AMC huam chhung ami in nih avangin kan hma lo a che u”an ti a. Mahse tunah chuan min pek an tum niin kan hria a kan lawm khawp mai. Tourism-ah hian Tourist lodge-ah zin chang pawh hian kan thleng ta ber, hma kan sawnin ka hria. Chu chu ka sawitheih chu a ni e, ka lawm e.

DEPUTY SPEAKER : A, i bawhchhe nasa lutuk lo ve, tunah Pu K.Rinthanga.

Pu K. LALRINTHANGA : Public Health Engineering atang hian bul tan thain ka hria a, kan Minister zahawm tak hi lawmpuina hlan thain ka hria a. Nimina kan report kha kan chhiar hlawmin ka ring a, Aizawl Greater Water Supply Phase II chungchang kha, Congress hmasa hun lai atanga tender tih tawh, Sorkar thar 1998 atanga alo pian atanga an thawh zawh theih loh kha, Subject Committee –V chuan en thain a hria a. Kan han en a, kan han zir chiang a vawihnih a hmunah kan kal a, uluk taka enin, tunah chuan hlawhtlinna duhawm tak a awm dawn ta niin a lang a, Department-te tawngka leh kan hriat danin, April thla hian chuan kan thawh zawh theih tawh kan in ring/ hawn theih tawh kan in ring tiin min chhang a. Chutiang a nih chuan nikhatah 24 Mld electric current an neih chuan an pump chhuak thei dawn niin a hriat a. Tunah hian 16 Mld te an pump chhuak a, tlemin kan han ziaawm chho deuh hlek a. 24 mld an pump chhuah theih chuan Aizawl khawpui pawh an ziaawm chho thei tawh dawn a, chuvang chuan kan Minister chungah khan lawmpuina hlan kha thain ka hria a, ka lawmpui takzet a ni tih ka’n sawi a ni. Serlui bial chhungah tui lak tawhna mipuiin dawng tha tawh anga a lanna khua thenkhatah tui dawn that lohnate tarlan thain ka hria a.

Vairengte chungchang kha a hma ni Starred Questions zawhna ka zawhbelhnaah khan ka rawn tarlang tawh a. Kan Minister khan demand sawi hunah te pawh kan sawi ang a, kan la inchhang ang chu tiin min hrilh kha a ni a. Khulai Vairengte khu tui pump-na a tha tawh a, mahse, a semna a that tawh loh avangin a pipe-te a lo tuiek a, a lo kaw zim tawh a, chuvang chuan khaw chhungah tui an sem tha tawh thei lova, chu chu an problem lian ber niin kan hria a. Chumi siamthatna tur atan chuan Department-in project te pawh an siam thin a, maherawhchu, tun thleng hian sanction chanchin kan la hriat loh avangin ka han zawt kha a ni a. Hei hi tihthat dan kawng awm ta se, mipui an tam a, an phun nasa ve tawh a, chubakah chuan sipai ho khu an chawm bawh si a, kan mipui te an khawngaihthlakawm hle a ni.

Saipum leh Phainuamte hi tui pek tawh angin a lang a, mahse Saipum-ah hian tui hna an neihtat loh avangin hmundang ami lak duhna thinlung a lo piang a. Chu chu kan Minister hian min hriat sak se, department-te kal tlangin lak turte min zawn sak se ka duh hle mai. Phainuamah hian Water reserver lian pui pui 3 an siam a, fur ruah dawng turin. Mahse hei hi an tla lova. Tui pump tur tha tak an nei a Phainuam-ah chuan phai hmun anih avangin hei hi pump theih dan tur kawng min zawnsak zeal ka duh hle mai. Hei 26.2.2013 khan bial fangin ka kal a, chutah chuan tui chungchangah Thingthelh ho manganna ka hria a.

Anni hi tui hnianghnara dawng tawh tur ang a tarlan an ni a, N.Hlimen atangin tui pek pheih thin an ni a. Pu Hmingdailova Khiangte sawi ang khan keini pawh kalkawng laih a ni a, N.Hlimen atanga tui Thingthelha pump pheih a pekna kha tihchhiat vek a ni a. Chuvang chuan tunah hian tlaivar ten tuikang an nghak a. Tukinah pawh YMA hruaitute an rawn kal a, engtingge min tihsak dawn an ti a. Bial ka fan tum chuan tui pump tur tha ni a an hriat en a thain ka hria a. PHE SDO ka hruai a, chu nen chuan 26..2.2013 khan kan en a. Chuta tui kan en chu Ramrifekawng lui tui a ni a. Hei hi Pu Deputy Speaker, a thlalak hi House copy atan pek che ka duh a, khawngaih takin hei hi min lo pek sak la, tin, kan Minister zahawm tak leh Parliamentary Secretary bakah kan House Leader-te pek tur atan ka rawn siam a. Hemi tui hi minute khatah litre 30 a haw theih a ni, thlalah khan kan dawh lai kha a rawn lang ang a, kha kha min lo ensak ta sela. Minute khatah litre 30 a haw theih a, chumi luih chuanin gravity a chhun luh theih tuidang a awm baw a, lui 3 lai chhunluh belh theih a awm a, Chuti a nih chuan Thingthelha hian mihring 580 an awm a, department in an chhut dan chuan tun atanga kum 30 vel thleng he tui hi pump a nih chuan tui hnianghnarin an awm theih ang tiin min rawn ziah sak a, chu chu a dinhmun a ni a. Tin, he hna hi harsa vaklo a thawh theih a ni baw a, N.Hlimen atanga Thingthelha pekna tui pump khawl kha hemi Ramrifekawnglui tui pump nan hian a hman theih a. Tin tui pipe pawh Thingthelha pipe pheina kha a hman theih baw a. Chuti chuan harsa lo tein a tih theihin ka hria.

Tin, chumai bakah pawh chuan, chu chu a lo fail a nih pawhin a sum lakna tur lampang hi kan budget atang hian ka lo zawng a. Niminah khan Aizawl West I bialtu zahawm tak khanin a bial chhunga tui pump tura ruahman Tuithum lui tui pumpna tur luih khan tui pump tur a awm tawh lo, tih kha a sawi a. Khatah khan pawisa cheng nuai 200 dah a ni a, tui a awm tawh si lo chuan kha pawisa kha Thingthelha atan a hman theihin ka ring a, chu chu ka han dil nghal baw a. A lo remchang lo a nih lehzel pawhin kan Budget atang hian ka lo zawng a, heta Planning Department Budget-ah khan other charges-ah khan pawisa a awm teuh mai a. Nuai 1972.21 a awm a, kha kha Department hrang hranga sem darh leh tur niin ka ring a. Khata tang khan kan Minister hian a pawh theih ka ring a. Chuvang chuan engti kawng pawhin he Thingthelha tan hian hna a thawh theihin ka ring. Chuvang chuan khawngaih takin Thingthelha manganna khi min tihhlawhtlinsak se ka duh hle a, ka dilin ka ngen nghal baw a ni.

Tourist Department-ah hian Demand No. 43-naah hian sawi duh ka nei a. Chalhfilh tourist chungchang khi a ni a. Khi khi sak zawhna rei tak angin a lang a. Amaherawhchu, thenkhat chu tih zawh loh te pawh kha a awm a. Subject – V Committee-in kan han en a, niminah khan report kan han submit kha a ni a. Chutah chuan thil buaithlak deuh mai chu Khanpui atang khian khimi Chalhfilh-ah khian kalkawng thui tak mai a kal a. A tlang khi a sang a, miin an hriat lar a, tangkaina taka hman duhna thinlungte a awm a nih chuan a fianrial a, a nuam mai theih a. Amaherawhchu, a side selection-ah khian khitiang fianrial tak maia Tourist Lodge lian deuh mai pawisa heti zozai kan hmang khi Mizoramah chuan kan tangkai lo mai awm mang e aw, tiin a ngaihtuah theih a. Hemi chungchangah hian Subject Committee –V ngaihdanah chuan side selection-ah hian hun kal leh turah kan fimkhur a ngai a ni. Sum leh pai tam tak kan hmang thin si a, chuvang chuan kan hmang tangkai lo palh ang e, tih ngaihtuahna a awm a ni.

Tin, Bilkhawthlir-ah kan Chief Minister zahawm takte leh kan Tourism Minister te, Serlui 'B' Hydel Project kan tlawh tum khan Bilkhawthlir ram Serlui 'B' area-ah khuan "Tourist Destination" siam ila tih ngaihtuahna an siam a, chu ngaihtuahna chu tunah a hlawhtling chho ta zel a, tunah pawh an tichhuak a, an sa mek a ni a. Chutia an sak mek a chu a tangkai dawn hlein ka hria a. Hei, nikum kumtir January thla vel khan South India hmun hrang hrangte kan PAC hmingin kan zu tlawh a, Beach-ah te kan kal a, khawikhawiah emaw te kan kal a. Tin, chu mai bakah chuan Foreign-ah te kan kal changin Beach-ah te kan kal a, chutiang ang siam atan chuan Serlui 'B' khu a tha hlein ka hria a. Kan Minister zahawm tak leh kan House Leader zahawm tak ngaihtuahna hi a tha hlein ka hria a. Chutianga hman tangkai theih tur chuan a infra-structure leh a hmanrua lawngte leh thil chi hrang hrang nasa zawkin tuna tang hian an sak zawh hma hian ngaihtuah lawk ta sela. Sak zawh ve leh changlung taka hawn theih tur atan khan a tha dawn hlein ka hria a. Aizawl atang pawhin, Lunglei lam atang pawhin, Saiha lam atang pawhin khulaia kala intihlim duh te mi tam tak an awm thei dawnin ka hria a. Tihpuitlin atan a itawm hlein ka hria a, chu chu ka han tarlang duh a ni.

Pu Deputy Speaker, thil dang han sawi ka duh a, amaherawhchu, ka sawi tam hman tawh lo ang a, Rural Development Department-ah hian pahnih chauh ka han sawi leh ang a, tawi te tein. Hei Social Education-ah hian nuai 470 zet mai pawisa kan nei hi lawmawm ka ti a. Keini Serlui bial-ah khuan Community Hall sak zawh loh te leh bul la tan reng reng loh te kan ngah a, khutiang khu thawm felna tur atan khuan helai atang hian sum awm thei turah ka ngai a. Chutih ruala ka han tarlan duh chu Social Education sum hmanna tur atan hian kan Department-te hian bialtu MLA-te hi min rawn lo hian an duhdan ang hian an ti ve thin a, chulaiah chuan sum hmanna turah hian mi han rawn ve thin sela, khawilaiah nge kan hman ang tiin min han rawn der ve thin sela ka duh hle mai.

Tin, rangva hi, keini bialah chuan (Interruption) inchung atan mauhnah hmang te an ni hlawm a, kan Minister zahawm takin rangva a han sem leh tur hi lawmawm ka ti a. Ka ngaihtuahnaa rawn lang chu rangva, congress party-in policy-a kan han neih tuma kan President thla chhe pui-a an han ziaka rangva an han chhipchhuan tir kha ka thilungah a rawn lang a. Khatiing ang em kha chu kan ti tawh lo turah ka ngai a. Tunah pawh hei kan opposition member-te pawn rangva an mamawh zia an han sawi tliar tliar a, kan lawm tlang theuh turah ka'n ngai a. Chutiang ang chu ka han tarlang ve a ni e. Chutih rual chuan kan Minister-te Demand hrang hrang hi vawiinah hian pass sak turin ka rawn support a ni e. Ka lawm e.

DEPUTY SPEAKER : Tunge han sawi leh ang le? Hetiang a inchhawk hian i ti mai ang. Pu Lalduhoma i sawm ang aw. Pu Lalduhoma, ani hi Group Leader a ni a minute 15 a ni ang.

Pu LALDUHOMA : Pu Deputy Speaker, hun ka duh belh maithei a min pek belh loh chuan tuisik kan i hmeh thin lai vel te kha ka sawi mai tur a sin.

Pu Deputy Speaker, Central Jail khuan bus leh ambulance pakhat ve ve an mamawh em em mai a, chu chu Home Minister zahawm tak hian a ngaihtuah sak mek niin ka hria a, lawmthu ka'n sawi hmasa duh phawt a. Tin, hmannah kan ram a jail fencing-te RCC a siam a pawimawh zia thu ka sawi tawh a ka'n sawi nawn leh hram duh a.

Tin, Jail-ah hian MR hi an tam khawp mai a, uniform haah hian MR hi an lo awm ve thin tih pawh ka lo hre mang lova, hmun dangah hian an lo awm ve emaw? Tichuan, an nghet lova an bang leh a, a dang an lo lut a an bang leh a, a dang an la leh a Jail chung awmzia zawng zawng an hriat vek hnuah an chhuak leh si thin a, hei hian Jail security a tichhe thinin ka hria a. Chuvang chuan a thawk nghet lo ang chi hi chu Jail administration-ah hi chuan tello thei se a tha mang e aw, security avangin ka'n ti deuh bawh a. Tin, sorkar hmasa hun 2008 atang phei kha chuan Assistant Jailer thleng hian MR an thawh tir ta a. Assistant Jailer chuan arsi pahnih a bel a, mahse grade IV hlawh pawh a la phak si lova MR a ni si a, mahse Assistant Jailer a ni daih bawh si a. A hnuai mite ai khan a hlawh a tlem zawk bawh si a, hei hian Jail administration leh discipline a khawih theihna lai a tam a, hei hi ennawn ni sela, Skilled-I anga rawih ni mai zawk selangin a fuh angem tihte ka'n tarlang duh a. Tin, Jail administration a hierarchy, a promotional chance hi a mak angreng khawp mai a. Jail Warder tam tak an awm a, kaisanna tur atan hian Chief Jail Warder hi post khat chiah a awm a ni. Chu Chief Headquarter kaisanna tur atan chuan Assistant Jailer hna hi sawm chuang a lo awm leh a, chuvang chuan a inkhaidiat dan hi a fuh lo a ni. Heti a nih chuan stagnation a tam lutuk lo thei lo a ni.

Tin, Jail manual hi kan la nei hran miah lo mai a, tun thlenga manual hran kan la nei lo hian thubuai hla buai harsatna a siam a. Tin, mi rilru tha vak lo tan chuan remchannate pawh a siam ve thei a, Jail manual hi siam ve tawh a thain ka hria a. Tin, Central Jail Special Superintendent leh AIGP hi pay scale inang an ni a, administration-ah chuan AIGP hnuai hian Special Superintendent kha a awm bawh si a, hengte pawh hi AIGP hi chu a scale han tihsan sak deuh awm niin ka hria a. Tin, IG Prison atan hian MCS te hman thin ai chuan MPS emaw IPS emaw te pawh awm ta bawh sela, a fuh zawk ka ring a ka'n rawt bawh a ni.

Tin, tun sorkarah hian kidnap vawi 4 a thleng tawh a, mi 19 an kidnap tawh a, tha takin thil a la kal zel a, tuntum erawh hi chu a lungngaihthlak, a pawh kan ti tlang a, Pu Dy.Speaker, ka han sawi duh chu Mizote min kidnap thintute hian Mizote hi hnam angin min hmusit niin ka hria a. Tuntumah pawh kei ka rilruah a landan chuan kan police-te leh kan sorkar-ten theitawp an chhuaha an beidawng a nih chuan, chuta kan khua leh tuite chung a thil pawh a thleng a nih chuan, Mizo mipuite hi kan awm mai mai biklo ang, kan che ve ang tih hi ka sawi duh a ni, he House-ah hian chu chu ka sawi duh tlat. Kan Hnam pawh hi tuten emaw an sawi hi a tulna ka hrelo, heng insurgency hrang hrangte hi tum mumal tak nei leh ram hmangaihthute an ni ang tih ka ring a, ka zah tho, amaherawhchu, pawisawilo sum tuak nantea Mizote min hmang thin dawn a nih chuan, an nunnate kan chan a nih ngat chuan

mipui hian tih tur kan nei ve ang, kan ti ve ang, kan sorkar pawhin beng lo chhu ngawng sela, lo maimitchhing mai rawh se, he Hnam zahawmna hi kan humhim tur a ni tih hi he House kaltlang hian ka sawi duh tlat a ni.

Tin, Fisheries hi ka sawi duh a, kan ramah hian hectre 240000 potential area kan nei a, chutah chuan 12 % chauh hi develop a la ni a, tichuan kan mamawh 36 % chauh hi Sangha kan la thar a ni. He Department hi NLUP a kan flagship a line Department pawimawhtak, kan per capita income te kan GSDP te tipung thei tur a ni a. Department upa ve tawh tak a ni a, mahsela, a la te hle reng mai a, heta tang ringawt pawh hian ngaihtuah a ngai tih a hriat a, 1992 atang khan kum 21 a ni ta, Officer-te hi recruitment ala awm miahlo a ni, kum 21 chhunga new recruitment awm miah lohna Department a ni. Tun atanga kum 8-ah chuan FEO chin chunglam hi chu an retire vek tawh dawn a ni, chuvangin Department lu bul a ni mai dawn a ni. Chuvangin tuna tang hian ngaihsak a ngai a, kum tin sorkarin B.F Science zir turin mi a tir reng tho si a, tunah hian Doctorate degree leh Research bei laite an awm a, Master degree neite, Graduate te engemawzat an awm tawh a, an over age mek a ni heng ho hi ngaihtuah a ngai hle a ni. Tin, Agriculture Graduate ni turin kum 4 course a ngai a, Fishery-ah pawh chu tho chu a ni a, a inang reng a hna an han thawk a, Department dang amite chu Group A Gazetted an ni a, Fishery ami hi Group B an ni bik tlat a, an Pay Scale pawh a hniam bik a ni, hengte pawh hi thil inang rau rau hetiang a insanhleih a awm bik hi a fel lovin ka hria a, enfiah theih nise a lawmawm khawp ang.

Tin, Tourism hi ka'n sawi a nga. Hei Board kan han thu a, kan House Leader ho hian, vawi hnih khat chu kan thu tawh a, chutah chuan privatise tur kan ti a, thu kan titlu vek tawh a, chumi ngaihtuah tur chuan Pu P.K.Donga, Sikkim mithian kan sorkarin a hmang a, kum thum lai a ni tawh a. Ani hian privatization tihdan atana tul a tih zawng zawng chu ziakin hman hmanah a thehltut vek tawh a ni. Sikkim-ah chuan sorkarin hma a la phawt a, amahin a kal thei ta maw tihah an privatize chhuak zel a, sorkarin engmah khu a kawl ngailo va, an privatize chhuak zung zung zel a, chumia a thurawn min pekna tur berin a advice min pek hnuah pawh vawiin thleng hian pakhat pawh kan la privatize theilo va, he Department hi a kal muang lutuk deuh hlekin ka hria a, hei aia hmanhmawh deuh hlek hian, helamah hian kan thalai unemployed an tam em em lai hian kan hmanhmawhpui a ngaiin ka hria a. Tin, Sialsuk Tourism Project hi Mizorama Mega Project hmasa ber tur a ni a, crore 25 a ni a, hei hian engnge a thlen tawh tih ka hre duh a. Ka hriat dan chuan kan Project hlui tawh hovah hian UC kan thehltut tha lova. Chuvang chuan Project thar tih hi a khirh hle niawmin an sawi a. Chutiangte chu a nih chuan a pawh hle ang. Utilization Certificate kan thehltut that loh avanga kan ram development a pawimawh tak leh, kan Industry lian ber la ni mai tur, Tourism-in a tuar dawn a nih chuan a pawh khawpin ka ring a. Chuvangin hei hi Minister hian han en se ka duh a.

Tin, thil sawi nuam lem lo, Delhi School of Planning hi Tourism Department hian a chelek hlein ka hria a. Consultancy leh eng eng emawah hian. Heng kan neih hote pawh hi enfiah deuh a tha. Mi rawih tlak an ni em? Firm dik leh work done nei tha leh experience nei tha an ni chiah em? Nge kan hmelhriat mi kan ruai deuh mai mai tihte pawh hi kan Minister hianin enfiah deuh selangin. Rawih tlak loh kan rawih hian Consultancy-ah

hianin a nuai tel, a vaibelchhe tel kan seng tawh a. Hnathawh mumal awm mang si lo hian sum a ral teuh teuh mai a. Khatiang ang kha a ni palh ang tih ka hlau a.

Tin, Mizoram Tourism Development Authority-ah hian hmannia ka sawi ang khan Society a ni a. Society a ni chungin a department mi leh sa, a ngai leh ngai tho an ni vek a. A pawimawh chinte pheih hi chu an ni vek a. Sum hi an kutah a lut hnem hle mai a. Sawrkar hmasa hunah khan 2008 June ni 20 ah hian nuai 298.38 hi sanction a ni tawh a. Heta an hman hi Hot air Balloon lei nan nuai 32 a ni a. Hei hi khawng a awm tih ka zawt duh a ni. He Hot air Balloon hi kan va hmu ngai love, nge an dah tha hrih? Khawiah nge a awm tih hi ka hre duh a. Tin, Para-glider hi nuai 15 a lei a ni a. Tin, Airoport Club, Tuirialah nuai 46, Power Hand Glider-ah nuai 19. Tin, PWD a transfer hi nuai 103, chu chu Dormitory for Boys and Girls te, Aircraft Hunger te, Administrative building tih te a ni a. Hengte hi enge hna thawh zawh tawh a ni em, khawi laiah te nge an awm a, eng anga tangkaiin nge kan hman? tih hi nakinah min rawn hrilfiah Chiang thei se a thain ka hria a.

Tin, Industry-ah hian ka'n lut ang a. Rubber hi ka sawi duh a, hmanah pawh ka sawi tawh a. NLUP-ah pawh item pawimawh a ni a. Tin, Silchar to Lunglei kawngpui thlang lam zawng hi potential area a ngaih a ni a. Nakin lawkah kan ram tana chhungkua intunnunna tura eizawwna ngelnghet leh fate thlenga rochun tlak kan neih tur a ni a, hei hi kan ngaih pawimawh a tha ka ti a. Tunhnaiah Tripura-ah Study Team kan sorkarin a tir niin ka lo hria a. Chu chuan engnge an puakchhuah? Engnge hmatahna kan hmuh? tih hi ka hrechiang duh a. Tripura-ah chuan ka hriat dan chuan Plantation an han tih hian a hnu kum 6 thleng sorkarin a enkawl zui a ni. Tichuan an hlawhtlinpui em em a ni. Keini chu NLUP ah kan han ti ve a, a tang ₹ 20/- man budding kan supply a, Silchar ami mai mai kan supply a. Hmanah pawh ka sawisel tawh a, na takin. A survival rate hi a hniam lutuk. A mit taka chawr lo a tam a, a mit taka chawr pawh phun leh tlak ni khawpa huana va phun a, survive tur chuan tam tak an thi leh tho tho. Chuvang chuan kan Beneficiary tam tak, a chanve vel hi hlawhchham tur an ni sa ringawt mai a. Tiang anga thil tih hi a tha lovin ka hria a. Tun atang hi chuan Rubber Board ngeiin Poly pot ni ngei sela, a nung tawh sa, khup thleng vel hi, midang ni lo, Rubber Board ngeiin a chi tha min supply tawh turin Sorkar kan ngen duh a ni. Hei hi kan ram inngahna tur, nakin zelah pawh kan Exit Protocol ah pawh hian la chhunzawm tlak tur, NLUP ah pawh a nih ngei ka beisei a ni.

Tin, Skilled Development, Pu Deputy Speaker, kan sawi thin a. Vawiin hi a sawi nawn leh ni awm chhun ni mai tawhin ka hria a. Hetah hian a Nodal Department kan siam a ngai a, Industry nge ni dawn a, Labour & Employment tih hi kan sorkar hian a la tichiang lo niin ka hria a. A Nodal Department-a awm tur a nih ka ring. A Nodal Department awm sela, Budget pawh chutah chuan a tul anga pek tur ni awm tak a ni. Tuna Industries Department-in an Budget lo neih tawh thin atangte chuan skill development hi han tihngaihna a awm lova. Awmze nei tham, han train-na tham pawh Budget-ah sum an nei lo hrim hrim a. Chuvang chuan, Nodal Department hi siam fel a, awmze nei taka kalpui a nih theihna turin a changtu, a mawhphurtu tihfel a thain ka hria a.

Tin, Industrial Policy 2012 a lo chhuak ta a. Ka'n bih ve thuak thuak a, a lawmawmin ka hria a. Hetah hian thrust area tur hi kan ngah hle mai a. Forest based Industry te, Food processing te. Food processing-ah pawh chuan primary processing, kan kuthnathawktu-te ei hmuhna tur leh a market a awm a ngai a. Secondary processing, kan thalaiten entrepreneurship hmanga an thawh chhoh tur a awm baw ang a. Tin, Handloom leh Handicraft lampangte, tin, hmunphiah siamte pawh hi tih tak tak tham a ni chho dawnin a lang a. Animal feed han tih ang chi te, tam tak a awm ang. Keimahni raw materials, kan ram ngeia raw materials available based pawh khanin a kal theih dawn a. Privatise-in nge heng hi kan tih ang a, PPP method in nge, joint venture in tih laite pawh hi. A eng hi nge kan privatize ang a, a eng hi nge kan PPP ang, a eng hi nge kan JV ang tihte pawh hi thlan fel a, chumi tinzawn chuan kan ram thalai beidawng mekte hnenah hian beiseina thar kan pek hi a tulin ka hria a. Tun Term-ah chuan thil awmze nei tham tak tihna hun a awm tawh lo a nih pawhin, kan ram hruaitute-ah hian hmalam beiseina nei theiin vawiinah hian kan thalaite hi kan siam ka duh a. A dik chiah chuan, Inthlanah pawh hian ka han en a, kum 18 atanga kum 35 inkar hi voters-ah hian 60% an lo awm daih mai a ni. Kum 60 chin chunglam phei chu voters hi kan lo tlem em em tawh mai a. Chuvangin, politics-ah pawh kan thalaite hi deciding factor an ni a. Engkim Internet te a awm tawh a, an kheuh neuh neuh a ram kilkhawra thalaite leh Aizawl thalaite an thil hriat hi an in share vek a, a inang vek tawh a ni. Communication hi a chak tawh em em mai a. Chuvang chuan, hengho hi an beidawn leh an beidawng rual a. Entrepreneurship lama a hruaitu thin pakhatin min hrilh danah chuan, "Duh ilang chuan thalai 200/300 rual hi silai kenga helpui tur hi englai pawhin an awm, hma lamah engemaw a la awm anga, sorkar tha pawh a lo la awm zel ang tih beiseina hi a awm avangin, heti zawng hian an la kal lo mai a, instigate duhtu, hruaitu engemaw deuh hi chu awm se a awl khawp mai, chu chu kan thalaite rilru a ni," a ti a ni. Chutiang karah chuan kan len avangin, he kan skill development kan tihte leh Industrial sector hrang hrangah hian kan thalaite mamawh hi kan puhruk a ngai a. Kawng eng kan kawhhmuh a ngai a. Central chuan hand holding policy a ti a. Naupang kal theilo kal zir tir chu kal rawh an ti mai lova, nu leh pain a kutah an chelh a, an kai a. 'A hand an hold a'. Chu hand holding policy te pawh chu kan hman ve a ngai a. Chutiang chuan, land an mamawh a, engkim power an mamawh a, chuvang chuan, heng ang an han tihna-ah te pawh hian subsidy chi hrang hrang, land subsidy kan pe thei ang a, rent subsidy te, chutiang zelin interest subsidy te, power subsidy te, transport subsidy te. Chutiang zelin VAT ah te pawh hianin kan exempt a ngai a ni, engemaw chen hi chu. Chung atana bul an tan theihna tur chuan, kan ram Bank-te pawh kan hman tangkai a ngai a. Hmanni-a credit ratio kan sawi lai khan document kan la nei kim lova. Hei kan han nei kim ta a. Kan ram Bank thenkhat phei chu Loan pechhuak miah lo zero an awm a ni. Mizoram-ah an sumdawng duh a nih si chuan Loan ₹ 1/- pawh min pe duh lo leh phal lote hian kan ramah engahnge Bank an hawn? National level-ah chuan 70% bawr vel a lut daih si a. Mizo mipuite chan ai kha Mizoram pawn amite Loan an pe tihna a ni. A total-ah chuan an tiha viauin a lang a. Mizoramah NIL performance te an nei si a, khatiang Bank kha chu kan ramah hian awmlo mahse a pawilo viauin ka hria. Chuvangin, Central Institution leh department changtu bik Minister-te pawh hi kan neih a tha viau awm mang e aw, ka ti a. Chungte chuan hengte hi coordination tha tak neiin, inhmelhriat/inthianthatnate nen, kan ram tana thawk tlang thei tura kan kawm ngeih te pawh hi a ngai ang a. Chutiang tur chuan hei, PMGSY Loanees tur sorkarin a han thlang a, BPL Loan diltu a han thlang a, annin an lo honour leh lova, an lo pe

duh leh lova. Khami atan khan cheng tam tak an seng a, hun tam tak an seng a, mirethei te te an ni a, hetiang a beidawnna an va tawk leh thin fote hi a paw em em a, kan Apex Bank angte hian thahnemngai ve thei turin kan Commercial Banks te hi ka phut hle a ni.

Tin, Foreign Direct Investment hi, hei ram pumah kan buaipui a, Central pawha han ri laih kha a ni a. Hengte hi kan sorkar hian engtingge a ngaih ve, tih te pawh hi kan Minister zahawm tak hian min han hrilh sela. Sorkar ngaihndan ang ang kha a hlawhtlin theihna turin theih tawp pawh kan chhuahpui hreh hauh lova. Chutiang chuan heng kan ramah hian engtingge kan tih ve theih ang? Investment a lo kal a, direct investment ang vekin company lian an rawn lut a, kan thalaite an tel ve der si lova, an ipthead an ak a, an ramah an hawn daih zel si a, sum tam tak mai hi. Hei hi a paw em em a. Hei, Sick unit te pawh hi kan ngah lutuk ta a, heng ang han rehabilitate te pawh hi a pawimawh hle a (Dy. Speaker : Khi, dar 4 a ni a, i han zawh tir lawk ang aw). Kam hnih/khat lek. China ramah chuan Mass production an ti ve lova, 'production by the masses' an ti thung a. Mizoramah pawh hian unemployed kan tam tawh avangin, 'production by the masses', kan tih ve a ngai. Small scale atanga kan tan a ngai a, Punjab te pawh tihtak emah chuan small scale-in an tan a, khutianga lo dingchhuak khu a ni. Development a zuanin a zuang ngawt lo; a tahtawlin a kal thin a ni.

Chuvang chuan, hetiang kan ti dawn a nih pawhin, Party mi duhsak zawngte pek ringawt a, a hmuna hmuh tur awm leh reng reng si lo Industrial Unit a tam lutuk tawh a. Hetiang ni lovin, ti tak tak duhtu kan thlan chhuah a, puih ngai, heng sick unit-te pawh hi chhanchhuah leh dante pawh ngaihtuah leh a tha hlein ka hria. Pu Dy. Speaker, hun tha tak min pe a, ka lawm e.

DEPUTY SPEAKER : Aw le, hei, kan hun dar 4 thleng a ni a, amaherawhchu, kan hriat theuh angin Ministers Demand sawi ni a ni a, kan zawh ngei a ngai a. Engpawh nisela, kan chawl lawk ang a, dar 4:30 PM ah kan lut leh dawn nia.

4:30 P.M.

SPEAKER : (No sound)

Pu P.P. THAWLA : Pu Speaker, ka lawm e. Minister zahawmtak Home leh Rural Department changtu hi bial mamawhte, harsatnate leh mahni chungchang thu a ni emaw han thlen nikhua hian member puite dinhmun hriatthiampuina thui tak a nei thin a, lawmawm kati a, lawmthu ka sawi hmasa ni sela.

Tichuan, a demand 38-naah ka'n sawi tan nghal ang a. Demand 38-na hi Rural Development chungchang thu a ni a, nikuma an sum neih aiin kumina an sum hman tur hi nuai 3872 laia a tlem ta mai hi eng nge a chhan ni ang aw tih min ngaihtuah tir a, hmasawn lam zel kan duh a ni si a. Kum 2010 ah Saiha district tana Central scheme R.D. through a lokal backward region grant fund lo thleng hi kum 1 a nuai 1000 dawn laitea hman thin a ni a. Hemi chungchangah hian scheme pawimawh a ni si a. Kan ram hmasawna tur a ni si a. Member-ah min dah ve teh ka ti a, awle a ti a, min dah nghal mai a. Amaherawhchu, Mara

district lama Congress unaute hoin an remti ngang lova, mi an hlau chu ka ti lova. Anrawn tleh phei a, min paih leh turin nasa takin an nawr kha min chhan thei ta lova, a pawl angreng viau va, mahse, amah ka demna ni lovin chan tawkah ka lungawipui ve mai a ni. He BRGS scheme hi kan CEM lo ni tawh pakhat chuanin ram hruaitute an private in sak nan te an hmang ta mai niin ka hria a. Hei hi i sawi ngai nange District Vigilance-ah te tih ten min hrilh fova. Chu chu vawinah hian ka han sawi ri duh a. Tha taka hman ni sela, a hmangtute leh member-te pawh hianin, tih nei lo niawm tak leh zalen taka hman mai mai atan chuan thil uiawm tak a ni tih kha ka han sawi duh a ni.

BADP scheme hmanna a ni emaw BRGF a ni emaw hmanna ka zinnaah Lawngban kuaah chuanin infiamna tualzawl laili deuhah hianin community hall sak pakhat a awm a. A ban a ding kim a, skirting vel chu a awm tawh a. Amaherawhchu, sak chhonzawm a awm ta reng reng lova, a contractor chuan ama in chu a sa zo tawh a. A community hall kha a sa zo lova, tikhuan a ding khawro ringawt mai a, a pawl angreng hle mai a. Hei hi min ensak se tih ka duh a ni. Tin, he Lawngban kuaah hian nakum January thla lai hawl velah Mara rama Kohhran Hmeichhia khawmpui lian ber mai hi a awm dawn a. Kha tualzawlte kha pandal sak nan emaw hman a ni mai dawnin ka hria a. Chuvang chuan, helai hmun hi thiah law law chi nge? tha taka sak mawi chhonzawm chi nge tih kha kan hotupa hian min lo endik sak se tih ka duh a.

Tin, he BADP scheme hmanna chungchangah hian tun sorkarah hian thil lawmawm tak ka hriat chu, Lawngban kua atanga Lungdar kua, ka bial chung khaw 40 zinga motor thleng theilo khaw pakhat(1) chauh awm Lungdar kuaah hianin MDC inthlanah motor a tluang taka hahdam taka thlen theih lo ni tawh kha he sorkar thar thiltih hmeltar min hmuh tir anih avang khan lawmawm ka ti a. Lawmthu ka'n sawi nghal bawk ni sela. Tin, he Lawngban kuaah hianin Nuho khawmpui lian a awm dawn avangin BADP scheme atang nge ni anga, BRGF atangin nge ni ang a bialtu pa lah hi opposition ka ni miau si a, scheme lo awmah hianin khawmpuite hlawhtling taka thlen theih nana scheme engemaw min lo tihsak ngei turin ka ngen duh a ni. Tin, ka bial headquarter Tuipang kuaah hian V.C. panga laia then a ni a. Dairy veng lam atanga khawtlang hruaitute hnena report ka dawn danin an khawtlang cheimawi leh develop nana scheme nuai 30 man vel lai awma kha Zawngling atanga Hlome(Burma ram kua) khaw inkar motor kawnglaih nan khan divert a ni daih mai a. An rilru nat thu anrawn sawi a, hman zawh anih takah chuan a tihngaihna awm heklo a aiawhin tun scheme lo awm leh turah hian min ngaihpawimawh sak a, scheme tha zawk leh tam zawk min dahsak turin thahnemngaih thu kan sawi a ni.

Demand 16-naah han kal leh ta ila, Home Department-ah. He Department-hi kan Zoram tan chuan Department pawimawh tak mai a ni a, kan sorkar pawhin a ngaihpawimawhin modernization a thum that a ni a, a lawmawm hle a ni. Amaherawhchu, hmanrua leh thildang dangah kan thum that rual rual hian a sipai lampangte hi phur taka an thawh theih nan leh kan thum mawina zawng zawngte hi an hman tangkai zel theih nan tihphur zel hi a pawimawhin ka hria a. Tehkhin nan, kan Constable ho hi chuan Ration Money hi thla khatah ₹ 650 an la thinin ka hria a, BSF leh CRPF te chuan thla khatah ₹ 1300 Ration Money an lo dawng thin a, hengte

hi a tihsan theih lawm ni tih kha thahnemngaih thu kan sawi a. Chutih rual chuan kan Sipai-ho TA/DA khati taka kan lo bat sak thinte pawh kha ngaipawimawhin sum tam zawk dah sakin a vai vaia kan pe theilo anih pawhin kan bat chanve tal hi chu tun sorkar term tawp hma hian pek theih ni sela a va lawmawm dawn em ka ti a. Tin, world champion nula pakhat sorkar hmasaina Officer Rank sang taka a han dah takte kha a ropuiin a phurawm ka ti a, khatih rual khan hmanniah tun kumtir te mai khanin Bethlehem Veng-ah khan nula pahnihin mak tak maiin motor tam tak te, In te an halkang a, khangte manchhuak thei khanin, an hming te ka kawl renga mahse ka sawi senglo ang a, a rei lutuk loh nan, Inspector pakhat leh S.I pahnih, A.S.I. pakhat leh Constable pasarihten thiam takin an lo veh a, hmeichhe pahnih khatiang thil sual duhawmlo tak mai titute kha an lo man tawh baw a. Tin, 7th March khan Lengpui kawngah ralthuam hlauhawm tak tak mai nuai 118 man dawn mai kha Inspector pakhat leh S.I. pahnih leh Constable paliten an lo man tawh baw a, khatiang kha a ropuiin a lawmawm ka ti a. Chuvang chuan heng Constable hote hi Havilder-a dah tawp mai kha a theih lawm mi, han duhsak ve thawt ila an tangkai lehzual ang tih ngaihtuahna min neih tir a, a office lam hote pawh kha an phutaw a ang zel a promotion pek theih ngei ni sela a lawmawm dawn mang e ka ti a ni.

Tin, kan Minister zahawm tak thil tiha lawmawm tak mai chu Christmas leh Kumthar nikhuaa halpuah nasa em ema kan han ti puak teuh thin kha tunah chuan a thawm hriat tur a awm ta lova, a lawmawm ropui hlein ka hria a, sum tam tak kan safe a, hriselna atan pawh a tha a, hei hi thil tha tak a niin ka hria. Hetih rual hian kan unaute Puja kutpui nikhuaa thawm ri va hriat ala ni thinin ka hria a, hengtep aw h hi tihtawp ve ni mai sela a tha lawm ni tih kha thahnemngaih thu ka'n sawi tel duh baw a.

Tin, Phura te, Tuipang-ah te hian Police Outpost kan nei ve a, hengah hianin kan quarter luah laite hi a hlui tawh hlawm khawp mai a, hmun kilkhawr an ni si a, kan sipaiten phur taka an thawh theihna tur atan chuanin an chenna hmun an quarter-te han sak that sak ila, a civil in tha pui puite awmlai a kan sorkar mi pawimawhtena quarter tha pawh an neilo te leh zun ram han thiar velna fund atanga siam zawh senloh te pawh hi alo awm ve baw a, ngaihsak ni sela a lawmawm hlein ka ring.

Kan Headquarter ber Saiha-ah pawh hian kum 1982 bawr vela MRP veng a quarter sak tam takte hi chu luah tlak tawh lovin, thiah ni baw si lovin an awm nual a, ka zin hnuhnun bera ka veivahnaah chuan in pahnih vel lai chu luahtu awm tawh baw si lo, thiah leh thenfai ni baw si lovin a ding reng mai a, a mawilo hlein ka hria, chuvang chuan hengte pawh hi ngaihpawimawh ni sela a va lawmawm dawn ve le ka ti a ni.

Tin, Demand No. 35-naah han sawi leh ta ila Pu Speaker, Fisheries Department hi kan District chhungah pawh hian Fishery trade thlangtu tam tak an awm baw a. Fish lampanga hma tisawn thei tur chuan kan Saiha district chhungah hian

sangha chi pechhuak thei khawp hi kan sorkar hian farm pakhat emaw tal hi chu sorkar firm a ni emaw, mimal firm pawh nise entawn tlak pakhat emaw min siam puitlin sak sela a lawmawm hlein ka ring. Tin, Mizoram pumpuiah fisheries lampanga hma kan sawn theih nan chuan Zofest Fed hi tihchangtlun ni sela a tha dawn hlein ka hria a ni.

Demand 16-na han sawi kai ta ila. Chief Minister zahawm tak leh a changtu Minister zahawm tak hmalaknain kan district chhungah leh ka bial chhungah PHE hmalakna a langsar hlawm hle mai a, a lawmawm a. A bik takin Tuipang leh a chhehvel khaw 7 vel intawm tur Tuisi Lui pump chhuah tum hi project ropui tak PHE ina kan district chhunga a hmalakna a ni a, hei hi a lawmawm ka ti a. Chutih rualin hetiang project pawimawh tak hi kan thawh rual rual hian a quality hi tha se tih hi a duhawm em em a ni. A contractor-te an lo inthlahdah palh a, thui tak kal tawh hnuah siamthat ngai tih emaw a hlawhtling tur hlawhtling lo palh tihte hi thil hlauhawm tak a niin ka hria a, chutiang ang kawngah chuan kan Minister hian mit lo meng tlat mai sela thahnemngai takin hma min lo lak sak zel sela tih hi ka duh a ni.

Tin, Demand 40-na, tlem te ka'n sawi leh anga. Industry-ah, nikum lama plan sum aiin kuminah hian cheng nuai 5980 lai a tihtlem a ni ta mai hi a thlaphan thlak hlein ka hria a. Hemi department bikah hian thiamna bik nei te workshop din nan emaw PMEGP loan pek thin a ni a, mahse member kan ni pha baw silova, tin, quota kan nei a ni baw silova, kan Minister zahawm tak hianin tih leh nikhuaah hianin MLA te hi min lo hre ve sela, pahnih khat tal duhsak zawng kan lo nei ve maithei, promote tlak hriat kan lo nei maithei a. chutiangte kan lo zeh ve theih nan min lo hria sela ka ti a ni.

Tourism lamah nasa takin ka bial chhungah pawh hma a sawn a. Longmasu-ah te, Zawngling-ah te, Chapui-ah te kalna lam apiangah Tourism hnuhma hmuh tur hi a awm a, a lawmawm hlein ka hria. Kan ram awmdan tur atana inlarna lo hmu tawhtuten Zoram development hi chhim lampang atangin a ni tih an lo sawi lawk tawh ang khan kawtchhuah a ni dawn avangin tun atanga hetiang asset hi lo inbuatsaih lawk a tul a, churang chuan kan Minister leh a thawhpuitena thahnemngai taka hma an lo la hi lawmawm ka ti a, mawihnai taka complete anih zel theih nan enkawl uluk nise tha hlein ka hria. Tin, MLA hovin bial mipui themthiamna lo neite industry lam thiam bik emaw, mistiri, emaw, puan thui emaw, thirdeng an ni emaw, hetiang ho tanpui ve theihna kan lo dawn thin ang kha chhunzawm zel ni thei sela a duhawm hlein ka hria. Chutihlaiin item pakhat chan kha 2500 bawr vel lek niin ka hria a, hei hi a tlem lutuk a. Tehkhin nan khawl alo nih pawhin 2500 aia tam anih chuan pekbelh te a lo ngai a, churang chuan khami sum kha 2500 chauh nilovin tihtam deuh theih nisela tih kan sawi duh bawk a ni. Pu Speaker, ka lawm e.

Dr. NGURDINGLIANA : Department 4 chauh ka rawn sawi dawn a, a hmasa berin Demand 25-na PHE. Hei PHE Department hi Minister atanga IV Grade

thleng hian Zoram mipuite tui hnianghnarna kawngah te, tui hrisel in tir min tumna kawngah in taimain in thawh hlawk a, hmangchang pawh in hre hlein ka hria. Tin, project lian deuh deuh heng Lunglei Greater Water Supply Scheme, Aizawl Greater Water Supply Phase-I tihte, tin, Serchhip leh Lunglei tuna 100 a 78 leh 100 a 75 deuhthawa physical progress hmuh theih te tin, chutiang zelin Lawngtlai-ah te, Saiha-ah te, Tlabung-ah te project lian deuh deuh in nei a, district a khuaa mite in ngaipawimawh tih a hriat a tin, kan fak duh na em em che u chu kan Minister hovin, thingtlang hmun hrang hrang kan kal hian khaw kilkhawr deuh kan kal chang pawh hian in lo hlamchhiah miah lo a ni tih ka hria a, tui lakna kawngah hian khaw tin deuhthawah hma in lo la a in fakawm mawlh mawlh in ka hria helaiah hi chuan.

Tin, hemi piah lamah kei chu mo thar chan ka la chang deuh a, ni 17 chiah ka la MLA a, chuvangin in mi duhsakna te, min lawmpuinate keimah a in tinzawn chung hian thilrawn dil mawlh mawlh che u hi ka hna mai turah ka ngai a, thu han sawi ve vak vak turah pawh ka la inngai ve vak lova. Chutiang chuan tunah hei work programme kan han en khan 2013-2014 ah, kan bial chungah chuan a tam vak lova amaherawhchu, Pu Speaker, kan Minister khan nakinah minrawn chhan ka ring thova, tunah hian Khawruhlian atanga New Vervek khaw inkar awm zawng zawng chawm thei tur hian project lian tham tak mai kan hotuten ruahmanna in nei deuh niin kan lo hria a, chungte pawh chu wind-up hunah min hrih theih chuan a lawmawm ngawt ang. Tin Phuaibuang khua hi khawmpui lian thleng thei deuh mai an ni a, tui lakna kawngahte min buaipui theih chuan ka lawm ngawt ang.

Tin, Tourism-ah khan Mizoram-ah Tourist Lodge tam tak way-side restaurant tih te khatiang kha Tourism hian chhim lamah pawh in bun hnemin ka hria a. Pu Lalduhoma'n a sawi ang khan privatization zawnga kan kal hi chu tihmakmawh niin ka hria a, kan bialah ngei pawh Pu Rinthanga'n arawn sawi kha Vanzau-ah khian vbc 500 senna Tourist Lodge lianpui mai kan nei a, hmannah kan han fang a, a hman tangkai dan turte, senso a tam si, a hmun lah chu a nuam bawk si a, Burma ram a hmuh theih a, Bangladesh a hmuh theih bawk a, khatiang khan khilai khi sum tam tak senna a ni bawk nen, resort destination-ah te, Conference destination-ah te leh forest awareness lampang pawh a forest vision hawi zawnga kaihhruaina hmunah hetiangte hian ruahmanna siam theih se. Tin, a thlang lawka Khanpui khuaah Tourist Lodge, mahse la hawn loh kan nei bawk a, khite khi a danglam a hman tangkai theih dan turte kan Minister-ten min dappui theih chuan a lawmawm ngawt ang, In tha deuh si luah loh hi chu a ral hma duh khawp a. Chuvang chuan khilayah khualzinte kan hip theih nan hma min lak se tih hi karawn sawi duh a ni. Tin, Chalhfilh khian Rung Dil kan pi leh pu chanchinah pawh kan ngaihthlak thin kha Suangpuilawn leh E. Phaileng-ah khian a awm a, a nu leh pa a awm tih khilai tlawhtu chuan kan hria, hemi thla bi hunah phei hi chuan a nu Zawkh hi chu a sen phut thin tihte a awm a, kha kha tourist attraction-ah right up kan nei ang a, vairam atanga khilayah tourist hmun nuam tak kan neih loh chuan a history-in a ken nen khan attraction a nei dawn bik a, chungte pawh chu ruahmanna min neih sak turin kan Minister hnenah ka'n thlen duh a ni.

Demand No. 16-na, kan Governor address-ah pawh khan he sorkar hian remna leh muanna kan ramah a awm zel theih nan police an kut leh kete tichak lehzual turin police modernization hnuaiyah hmanraw hrang hrangah khan a thuam tha em em a, chutiang chuan kan Minister-ten chak takin hma an la a. Hemi piah lama ka sawi duh chu police chhungkaw hrim hrimah hian eng level-ah pawh tunhma ai khan an thawhhone, an thahnemngaihna hi a pung niin a hriat, engkimah a langin, hmuh theihin hma an sawn a. Hengte hi a chhan leh vang a awm a, hmanna kan inthlanah khan police deployment kha a fuh avangin inthlanna pawh felfai takin min neih tir a, chu chu a chhan kan tih chuan tun hnai vut vuta tha ta thut a ni lova, kum hnih kal ta a system that vang a ni a, hmun hrang hrang police hmasawna hi hmuh theihin a awm a, chungte chu a credit chu Minister-te, Parliamentary Secretary vang a ni lo thei lo a ni.

Zawhna chu ka thehluh thova, chhanna a rawn kal hman loh takin kan bial chu sensitive area khua khi 15 vel kan awm a, chutah chuan kan Home department hian outpost Manipur border Vanbawng-ah a dah a, Khawlianah a dah baw a, Vanbawng khua tak hi chu min sak that sak tawh a, kan lawm em em a. Amaherawhchu, Khawlian Outpost khi tunah hian sak that ngai ngawih ngawih a ni a, chungte pawh chu kan hotuten hmalakna turah ruahmannaah lo telh thei se a lawmawm ngawt ang. Tin, anmahni Police pathum awm Suangpuilawn, Vanbawng, Khawlianah khian motor pakhat mah khi an kawl ve lova, eng emaw rik rum thilah motor pakhat hi chu a lo berah thehchhuah ve theih chu ni sela a lawmawm lehzual ang.

A tawp berah chuan Demand No.38-na, Rural Department-ah khan ka'n sawi lan duh chu, hei Rural Department hi a bik takin zokhua timawitu, cheitu ka ti mai che u a. Khawi khawi khua emaw kan han kal hian Hall tha deuh te hi kan hmu leh a, tin, private resident ang deuhthawa NREGS atanga in in sakte hi ka hmu nawlh nawlh a, kan bialah ngei pawh khaw hnihah ka hmu a. Tunah hian an hmang tangkai lo va, hman tangkai dan pawh an thiam lovin ka hria. Chuvang chuan in beng lo chhu ngawng ula, IB an nei lo baw a, IB atan leh kan tum nghe nghe a ni, khatiang khan tunah hian hma kan han la mek a. Tin, Phuaibuang bikah khian tunah an Community Hall khi a sawp rawp angreng viau mai a, kuminah pawh khan ICI inkhawmpui lian an thleng a, Community Hall kha a chim mai an hlauh avangin Field-ah te an nei ringawt a. Chung tiangte pawh chu kan hotuten in ngaihtuahnaah min lo dah sak ve ula. A tlangpuin Demand kan Minister ten an rawn sawi chhuah hi mit ngeiin kan hmu a, zoram dung leh vangah hmasawna tak tak a thleng a ni tih hi a hriat a ni. Chuvang chuan an Demand rawn put up hi ka rawn thlawp a ni e, ka lawm e.

*Speech not Corrected

Pu JOHN SIAMKUNGA : Pu Speaker, ka lawm e. Vawinah kan Minister zahawm tak takte pahnih demand sawi a ni a. Nimin lam khan cheng vaibelchhe 985 chuang he House zahawm tak hian a lo pawmpuiin a lo pass tawh a. Vawinah hian vaibelchhe 800 chuang kan sawiho leh mek a ni a pass turin. Ka'n sawi hmasak duh ber chu Demand No.25, PHE. Hei hi an thawhna hrang hrangte kan fangin hman deuh lawk khan Greater Aizawl Water Supply Phase II te Committee-in kan zuk tlawh a, hma an sawn tha khawp mai a. Vawi 2 kan

tlawhnaah phei chuan rei vak lovah an zo tawhin a rinawm a, lawmawm hlein ka hria a. Tin, hei Mizoramah hian khaw 653 an cover tawh a, la cover chiah loh tih deuh nual hi (partially cover) an tih hi 124 a ni a. Helai hian census village-ah hian Mizoram pumah Khua 719 awma a lan lai hian PHE in an chhinchhiahah hi chuan 777 a ni a. Helai tak hi ka hre thiam chiah lo va, census village nen a in danglam hleihna hi a tam em avangin. Tin, khami ruala ka sawiduh chu Cherhlun khi tui kan harsa em em a, khi khi tui pump min tihsak dawn niin ka hria a, kan nghak ve reng a. Amaherawhchu, vawiin ni thleng hian hma an la rawn la lo va, hei hi hma min rawn lak sak thuai turin kan Minister hi ka ngen a. Tui harsat dan khi a namai lo va, tlang chhip a awm an ni a, motor-a tui phurh reng mai a ngai a, chuvangin min ngaihsak bing deuh se tih kha ka ngen a ni. Tin, Bualpui'H' khi hman deuh khan cheng nuai 40 chuangin thuam that a ni a. Mahse hei thuam that hnu pawh hian vawiin thleng hian tui lamah an la nuam chuang reng reng lo mai a, hei hi min enfiah sak se ka duh bawk a. Tin, South Lungleng khi an tui lakna hmanrua te a lo reiin a lo tuiek nasa tawh a, a tui haw hmasa lam phei chu a sen khuih thei tawh a ni. Khi khi kan Minister zahawm takin min lo chhinchhiah sak in min en sak bawk se tih kha ka ngen a.

Demand No.16-na Home Department kha hei kan Minister chak tak enkawlna hnuai hian khua leh tuite kan thlamuang a, kan hlim hle a ni. Fire & Emergency Services lam hi nasa taka tihdanglam niin thuam that a ni a, rem hre takin he department hi an thuam a. Veng hrang hrangah in kang pawh awm se la khawi lai emaw station hrang hrangah an inzarpah a, hei hian chhiahna han tawh thut pawhin hma taka an han thlen theihna niin a lang a.

Tin, Anti Corruption hi he sorkar tharah hian tihchangthlun a ni a. A hmaa SP Level-a dah thin kha tunah chuan, IGP Level-in dah chhoh niin ka hria a, a ropui takzetin ka hria a.

Tin, Demand No 38-na,aw, chumi hma chuan Home Department bikah hian Thingsai PS khi 13th Finance Commission hnuai hian khian siam sak kan niin ka hria, tunah hian a phase engah nge kan awm ka hre lo va, hei hi a hma thei angin min siam sak se tih kha Minister ka han ngen a. Tin chutihrualin Thingsai hian Check Gate min hawn sak tawh a, Check Gate khi a tangkai khawp mai a. Helai Aizawl lama Bike bo khi lama tlan chho thin, khawchhak lama an ruk vawn vawn thinte kha khi Gate hawn hnu khi chuan a reh ta a. Khi lama an put chhoh thu hriat mang loh in helamah a boa pawh hi hmuh a ni ta zauh zauh reng zawk a, a lawmawm takzetin ka hria a. Khi Check Gate khi a tangkai hle mai a, khi aia changtlung khian min thuam sak thei se ka ngen a. BADP hnuai hian tunah hian a Check Gate a Gate awmna lai tak kha sak tum mek a ni.

Tin, Hnathialah hian SDPO an awm thin a. Amaherawhchu, tunah lak kian sak an ni ta rih a. Hei hi min dah let sak turin kan Minister zahawm tak hi ka ngen nghal bawk a ni.

Tin, Demand No 38-na Rural Development, hei hi a bikin BADP-ah Perspective Plan hnuai mi hi kan ring tlangpui mai a. Perspective Plan hi kum engemaw zat

kal tawh a, siamte a lo ni a. Vawinah hian Perspective Plan hnuai mi hma han lak dawna lak tlak tawh lem lote a lo awm tawh a. Tin, chubakah ni 100 inhlawhnaa an lo cover tawhte a lo awm hlawn a ni. Chuvangin Perspective Plan hnuai lem lo pawh hi, pawimawh ang chi, kan han rawtte hi Perspective Plan hnuai an pawm ang tho hian min han pawm sak ta zel sela, tichuan hmasawna nasa lehzualin a kal ang tih ka ring a. Tin, Perspective Plan pawh hi siam that a hun tawh niin a lang a, hengte hi siam that thuai theih nise tih kha ka han ngen duh a ni.

Tin, Demand No 40-na Industries hi kan GSDP-ah hian 22% nikum lam khan a han luah phak ve a, tunah hian Industries hnuai in-register hi nikum lam kha chuan mi 8088 an awm a, Small Scale Unit vek a ni. Tin, GSDP an thawh chhuah hian construction Sector hi a thang chak a, hei hian 18% lai a tum phak a, hemi tih loh hi chu a thang vak lo a ni. Geology and Mining hi a thawh vetu a ni a, amaherawhchu, hei pawh hi a thang vak lo, .06% vel hi a han tum ve a ni a. Chuvangin Geology and Mining hi thang thei niin a lang a, Earning Department kan neih zinga pawimawh ve tak niin a lang a. Kum dangah khan vaibelchhe 7/8 vel an rawn thawh chhuah ve laiin tunah hian vaibelchhe ngaah an tlathla a ni. Chuvangin thingzai a to tulh tulh a thingzaia in sak nan. Rawra, balu demand a sang tual tual a, chuti chung a an thawh chhuah a la hniam viau chuan thil dik thei niin a lang tlat lo a ni. Concrete building sak hi a awl tawh zawk a, hmun tam takah phei chuan, thing a to tawh avangin. Balu Demand hei ai hian a sang tial tial dawn, Cement Demand a sang tial tial dawn. Construction Sector hnuai awm a nih avangin Cement chuan a hlawn chhuak nasa a. Tin chutih rualin Steel Consumption hi a sang em em a ni. Hei hi Steel Fabrication tena an Demand san vang niin a lang a. Chuvangin, Geology and Mining Department Mineral Resources Department hi tunah hian chhiah hmun tam takah Revenue an khawn a. Heng an Revenue khawn hi Aizawl atang hian an khawn a ni deuh ber a, khawi lai laiah emaw Check Gate siamin thawnna a ni deuh bera, khawi lai laiah emaw check gate siamin, an ni department hi ngaihtuah ngun deuh chu an ngai mang e aw, ka ti a. District hrang hrangah hian District office te nei ve ta sela, tichuan an staff te hi tihpun hret niin balu leh rora kan demand sang zel, kan mamawh sang zel leh tharchhuah tam zela hi, hei aia hlu zawka kan kal theih hi a rinawm a, chutiang zawng chuan inzarpharh thui deuhin awmze neiin kal ta se, tam tak an thawh chhuah theih ka ringa.

Tin, technical department ni si hi an kal chhoh dan hi Director, Jt. Director tih ten a kala, hengte pawh hi a inhmeh chiah em chu ka hrelo a.

Tin, ka sawi leh duh chu New Industrial Policy 2012 hi hei hianin Mizo mipuite min venghim tha viauin a langa, hemi technical works emaw, thiam thil eng emawah lo chuan ram mite zaa za duhsak, a rawn tih hi, hei hi a tha hlein ka hria a. Amaherawhchu, hmanni lawk khan Jawaharlal Nehru University, New Delhi atanga lokal pakhat kan inkawmnaah chuan, 'Food processing lampang hi engtin nge in hlawnhtlin dan tur, awm thei tur ni ang aw tih hi ka rawn en ve a,' a ti a. Chumi tuma kan inkawmah chuan mi tam tak nena kan inkawma ka zawhna min chhanna tam berah chuan, 'A ram mite siamchhuah hi a ram mite vek hian lei duh lo, in ei tha duhlo niin sawi a tam em em mai a, hetiang a nih chuan food processing hi a hlawnhtling lo ang a tih ka hlau a ni' tih te min hrilh a. Sawrkar lam atang hian stock preferential purchase rules te an han duang thin a, kan industry-te protect-na tan

leh an thil siam chhuahte sawrkarin a lei a, khatia a tihna turin, mahse tih tak tak hi a har rih a. Helaiah hian kan Minister zahawmtak ka han ngen duh chu, Industry hian hma a sawn thei a, a sawnna tur atan hian kawng tam tak a awm a, Gujarat-ah chuan 'Vibrant Gujarat' tiin inkhawm ropui tak Gujarat-in a ko a, kha kha FDI rahchhuah a ni. FDI tha ti bertu chu Modia khu niin ka hria a, kan Chief Minister zahawmtak khu, khami a koh thum khan company hrang hrang, ram hrang hrang atangin, Japan atang te, Canada atang te, Australia atang te, South Africa atang te, Europe ram hrang hrang atangtein an kal nasa a ni. Khami a a ngenna tam bera chu a ram chhunga investment nei turin a ni. Chu chuan FDI tha a tih zia a tilangin ka hria a, a ram chhung ngeia India ram State dangten investment an hui luh hma a, foreign investors-tena Gujarat-a investment an neihna tur khan hma nasa taka lo la hmasatu a nih avang khan FDI thlawptu lian ber niin ka hria a. Hei, Mizoram-ah pawh FDI hnuaiiah hian multi-brand showroom ang chi te, shop te kan lo nei ve tawh a, tin retail lampangah te pawh dawr an rawn hawng ve tawh nge fakna atang hian ka hmuh ka hmuh avang hian foreign company-te an rawn sumdawng ve ta emaw chu aw! tih te ka ngaihtuah thin a. A hmunah ka hmu lemlo va, T.V atang erawh hi chuan hemi FDI hi kan chhawr ve tan emaw chu aw, ka ti a. Mahse investors-te erawh hi chuan investment neih tuma an rawn kal hi kan hre tlat lo a, amaherawhchu, rawn neitu awmchhun Ispat company erawh hi chuan a tithain ka hria, heti laia investment a rawn neih hi, thil pawimawh tak a niin ka hria a, hna tamtak a siam chhuah bakah a product a kha, Mizoram chhung a nih vangin transportation charge kha a tlem a, kha khanin production cost pawh a tihniam a, bakah mipui tan a man a tlawm bawk a ni. Sawi thui viau han chak pawh ni ila FDI chungchang hi chu hun a awm tawh si lo a, kha zawng kha nisela, kan Minister te Demand te hi ka thlawp a ni tih kha ka'n sawi duh a ni e, ka lawm e.

SPEAKER : Pu Nirupam Chakma.

Pu NIRUPAM CHAKMA : Pu Speaker, hun min pek avangin ka lawm e. Demand No – 38, Rural Development kha sawi hmasak ka duh a. BADP chungchangah khan perspective plan tuna kan neih hi a hlui tawh a, hei hi revise a ngai a ni, tih kha ka sawi duh a. A chhan chu BADP implementing area a bik takin sawtah CADDC area-ah chuan BADP bakah BRGF te MSDP te kan implement a, duplicacy pawh a awm thei a, chuvangchuan BADP hi a bik takin boarder area a implement a nih avangin khua eng emaw zat chu fencing pawnah a awm si a, chuvangchuan, khatiang hmunah perspective plan ah scheme dah kha chu lak pawh a lak theih si lova, annual cation plan-ah khan, khua sawn dawn anih avangin. Chuvangin revised kha, keini area chauh pawh a ni lova, Mamit District-ah te, Lunglei District-ah te problem a awm a ni. Khua thenkhatah chuan scheme hi a lak theih lo reng reng. Chuvangin, BADP perspective plan hrim hrim hi revised ila a tha khawp ang. Tin, BRGF hi fund release hi timely release turin ka ngen duh a. An hnathawh tur zingah a tel ve a UID hi, hei hi Mizoram tan a pawimawh si a, India ram State tam takah implement a nih avangin. Mizoramah UID awareness kan nei lo lutuk hi a tha lo ka ti a, Department hian pawisa te pawh tun thlengin engangin nge hman tur tih pawh an la hre si lova. Chuvang chuan he pawisa hi dah mai mai lovin, a takin hmang sela, mipuiiah awareness tal emaw hemi pawisa hmang hian ti ila a tha khawp ang. Engang zawngin nge Department-in hma an lak? Minister-in nakinah min hrilh thei se, ka lawm khawp ang.

Fisheries department chungchangah Pu Speaker, kei pawhin hmanah chuan Fisheries hi ka enkawl tawh a, Department kal phungte chu ka hre viau a ni, a difficulties leh problem leh prospect. A problem awm thei chu solve theih a ni. Entirnan, fish seed kan mamawh a, fish supplier atangin kan lei a, duh tawkin kan supply thei lova, pond kan siam ringawt hi a tawh lova, fish seed kan mamawh a, chu chu Department-in a supply thei si lova. CADC-in kuminah head ? an siam a, nakum tan chuan tunah chuan kan lei lovang an ti, keimahniin kan siam zawk ang an ti a. Chuvang chuan Deaprtment-in supply atanga lei lovin anmahniin an supply thei tur a ni tih khan hman lai atangin, keini hun lai chuanin pawisa a tlem si a head ? siam kha a awlsam lova, tunah chuan pawisa pawh a tam tawh si a, head ? lampang hi District tinah bun thei se a tha khawp ang. Tin, fish marketing nan cold storage, engnge ni ice factory kha District tinah dah a ngai a. NLUP trade-ah kan thlang si a, nakinah fish marketing-naah problem a awm ang, tun atanga plan loh chuan. Factory hi a din ringawt theih si loh a, chuvang chuan kum 2/1 a ngai dawn a, tuna tan chuan preparation neih a ngai dawn a ni. Fish feed te pawh ram pawn atanga lak lohin Mizoramah siam theih dan Department-ten zawng sela.

Tin, Home Department-ah pawh hian Pu Speaker, hmannah Lengpui ramah silai man lai khan ka awm si lova, saw tah kan bial lamah kan awm si a. Tin, Home Minister-in House-ah statement a siam lai pawn ka awm si lova, a pawh khawp mai, Chakma-te an tel vena a ni a, hnam angah pawh kan mualpho a, amaherawhchu, Bangladesh lam mi pawh ni se, Chakma tho an ni a, hetiang hi ti tawh lo se. Tin, ka sawi duh pakhat chu Mizoram capital bulah hetiang a awm thei hi a tha lo ka ti. Bangladesh border Lengpui border 150 kms, border cross-in capital hnai berah an lo kal thei hi a mak a ni. How they come? Silchar lam atangin nge, khawi atangin nge, Border kha fimkhur a ngai a ni. Vigilance hi hei aia tihchak a ngai dawn a ni. Chumiin min zirtir chu tuna tangin border kha ven uluk a ngai a ni. Home department in policy thar pawh siam sela a tha khawp ang. Keini concern ni lo mahsela Chitagong hill track hi sensitive area, tun thlengin disturbed area a ni a. Sheik Hasina sorkarin aggrement a siam a, Santibahini-te nen aggrement an siam a. Mahse kha aggrement kha Bangladesh sorkain an duh vak lo. Tripura rama refugee awm te an kir leh a, mahse they do not got back their land. An rama an kal hian Refugee angin an awm a ni. Chuvang chuan Santibahini-te pawh an lungawi lova, Bangladesh sorkar lakah khan regrouping policy neiin hetiang thil hi thleng a ni mai thei a ni. Chuvangin border hi disturbed anih chuan keini pawh hi min disturbed lo thei lo a. Bangladesh nen border trade kan ti a kan sawi kan sawi a. Chitagong hill track disturbed anih avangin border trade a awm thei lo a ni. Mizoram sorkarin border trade duh lo se India ramin a import thei ngawt lo a ni. Chutiangin Chittagong hill track hi anmahniin an duh loh chuan border trade hi a awm thei lo ang. Hmanah rawtna kan siam a, Chittagong hill track-ah, keini angin District Council pathum a awm a, tin regional council a awm a, Regional Council seat chu Santibahini Political outfit a ni a tuna an chairman hi. Political outfit chu inthlang lovin an dah ringawt a, inthlang thei lovin an awm ve a ni. Chutiangin Bangladesh ramah Army hmangin ro an rel a ni a, chuvangin peace kha a awm thei lo a ni. Chuvang chuan Mizoram pawh neighbour angin geo politics ngaihtuahin. What will be our policy towards Chittagong hill track tih pawh state anga ngaihtuah a ngai. If Chitagong hill track is dominated by the Muslim people, Mizoram tan pawh problem a awm ang. Hmanniah MLA pakhatin a sawi a, Sheik Hasina Mizo inah a

riak tih chungchangah khan, Sacheck Valley thleng kawng siam a tum a ni. Kalkawng apiangah khuan Muslim settlement a awm a, nakinah sacheck valley ah kan awm anga, Muslim settlement a awm chuan Mizoram pawh kan buai ang. Chuvang chuan Bangladesh a kan tribal unaute pawh engti zawngin nge kan tanpui ang tih kha policy angin ngaihtuah a ngai. Pu Duhoma te chu an pawlah mi thenkhat chuan engeni hemi chungchangah, sometime I meet them, they use to speak political party zawng zawng YMA te pawh midangte pawhin Mizoram politics ringawt kan ngaihtuah hi a him thei lo, Burma politics pawh ngaihtuah a ngai, Bangladesh politics pawh ngaihtuah a ngai. Chuti lo chuan one there is disturb area in the neighbouring country state neighbouring countries Mizoram pawh disturb a ni tih kha problem awm thei a ni tih kha kan hriat a pawimawh a.

Pu Speaker Industries chungchangah khan Sub-Divisional Office kan sorkar hmasak khan a hawng a, MNF sorkarah a bo leh a. Tun thlengin a bo a khawiah nge min zawn sak thei lawm ni, hei hi budget session hmasaah pawh ka sawi tawh a ni.

Tin, tui chungchangah khan Mizoram chu mak ka ti a Pu Speaker, Aizawl hi sang deuhah a awm si a, keini lui kamah kan awm si a, the problem is all the same tui kan harsa. Chawngte hi lui pahnih there is confluence up two rivers inspite of that is problem, chuvang chuan tui awmna chu problem awm tur a ni lo Pu Speaker. Engatinge department-in min siam sak theih loh, hei hi neglect a ni. Chawngte hi neglect a ni department hian Greater Water Supply Scheme hmun tam taka an siam theih laiin keini luikama awm tan engatinge min siam theih loh ? Kuminah min siam theih loh chuan No confidence ka move ang. Ka lawm e.

*Speech not corrected

SPEAKER : Department pakhat laka no confidence move dawn chuh ! Pu T.T.Zothansanga.

Pu T.T.ZOTHANSANGA : Pu Speaker ka lawm e, PHE department ah hian kan tan nghal ang a. Unstarred question-ah khan ka zawhna min rawn chhang a, Hnahlan PHE chungchang rawn sawi ka duh a. 2007 October ni 16 khanin SDO thuthmun ni turin DP & AR in min approved a. Tichuan 18th June 2008-ah Finance department-in min approved leh a, 31st July 2008 khan Council of Minister-in min approved leh a. August ni 6 2008-ah Notification issue a ni ta a. Kha Notification base khan Hnahlanah SDO awm tur a ni tih a ni. Tin, South Khawbungah awm tur a ni tih a ni bawk a, South Khawbungah chuan SDO a awm tawh a, tichuan keini bial Hnahlan khi kan ni ve ta lova. He Notification ah hian a hun laia Principal Secretary Pu Vanhela Pachuau-in hming a sign nghe nghe a ni.

Tichuan Hnahlanah SDO thuthmun min han peknaah chuanin Sub-divisional Officer leh Plumber Electrician Grade II , Asst. Mechanic leh pump operator hemi 5 hi min pe tura DP & AR te, Finance-tena through vek tawh a, Council of Minister-ten an remtihna a ni a. Hei hi tun thleng hian hmalakna a awm lova, kan Minister zahawm tak khanin min rawn react se ka duh khawp mai. A jurisdiction a a sawinaah chuanin hemi Hnahlan bial ami Vaikhawtlang, Selam, Khuangphah, Lungphunlian, Pamchung, Tualcheng, Hnahlan,

Diltlang, Vapar, Ngur leh Murlen te tih a ni a. Helai khua ho hi sorkar hmasa khan hmalakna a tul tih a hria a, engemaw chen chu a la tawh a. Tun kan sorkarah hian kan Minister zahawm takin nasa takin hma min lak sak a, tunah khian hmuntin maiah khian tui chu kan nei tawh a. Tlema han siamthat ngai te chu a awm nachungin tunah khian hma chu kan sawn fe a ni tih ka sawi duh a.

Tichuan tunah khian Hnahlan tuilakna tur atan hianin 2.43 crore-in Murlenah khian tui kan khuap dawn mek bawk a ni. Chu chu enkawl turin SDO kan la nei lova, Champhai atangin harsatna kan tawk a ni tih kan sawi a. Tin, chutih rual chuan Murlen National park bul khi Forest atangin tlemin harsatna kan nei deuh a, sanctuary clearance ala awm lo bawk a, kha lai kha kan Minister-in min lo hriat sak se ka duh. Forest hi a chim tlem dawn khawp mai a .14 hecter chauh mai kha forest kha a ni mai dawn a, ti hian kawra kha a awm dawn a, a lehlamte chauh kha Forest a ni dawn a ni. A leh lam chu Murlen ram a ni dawn a chuvangin public-in kan han hmuh theih mai danah chuan neclegible lek a ni. Chuvang chuan a department leh Department level-ah khanin insawi rem mai theih dan a awm mai lawm ni tih kha ka sawi duh a, SDO min pe ve ngei turin ka han ngen che u a ni. Tin, Hnahhlan khian khuap mah ila Murlen ami khi tui kan la indaih dawn lova, chumi avang chuan NLCPR ah khanin 6.98 crore kha kan thelut ve a, amaherawhchu, vanduai thlak takin hnawl zingan an awm rih a Kurunglui kha, kha kha a paw ka ti khawpmai a, engtin emaw han siam that leh a, hotuteah siam that a tih leh theih dante a awm chuan kan la bawhzui turah ngai ta ila.

Tin, Champhai Greater Water Scheme khi a kawng a chhe khawp mai a, a kawng a chhuk chho si a khilai khi han siam rem dan a awm em, Gypsy lo chu a kal hlei thei lova a harsa khawp mai a Khawllian han kal changte pawh a awm ve thin si a, hotupain min han hriat sak sela a tha awm e.

Tin, Pu Speaker, Rural Development lamah hian sawi duh ka nei bawk a. Rural Development-ah hian helaiah zawhna leh chhanna ka rawn ti bawk a, IWMP hma kan lak chhoh tawhna zawng zawng kha helaiah hian mumal takin min rawn pe a, hei IWMP hi Mizoram chawikanna tak tak turah ka ngai a, hmun tinah project kan nei tawh a, tun dinhmunah hian heng kan project neih tawh te hi kan en chinang a kan awmna lam tan hian a lungawi loh thlak riauin ka hria a, tlem han sawi ka'n duh chu, Aizawl-ah hianin project 19 a lut tawh a, Aizawl District-ah hian Constituency bial pa 6 ah chiah a lut thei a, tichuanin project 19 a lut tawh a. Champhai Constituency-ah khian project 5 chiah a lut tawh a, Lawngtlai constituency bial pathum ah project bial 12 a lu tawh a, hetiang hi semrual theihdan hram a awm lawm ni tih ka ngaihtuahn ah a lut a. Entirnan, Pu Rothuama leh P B.Thlenga te bial chu khaw khat pawh la cover loh ve vein a ni a, khatiang chi te kha a ni a. Ram rorelnaah hian feltak leh tha taka kan tihdawn chuan ram hauhsaknate, rorelnate pawh hi semrual a tha vein ka hria. Helaiah Aizawl-ah chuanin bial 6-ah project 19 vel a luh laiin keini Champhai bial 5-ah chuan project 5 chauh kha a lo lut ta mai a. Aizawl-ah chuanin vaibelchhe 98 vel a lut tawh a ni, a inthlau lutuk deuh a, helaiah hi chuan rorelna rual khai deuh hlek kan neih theihna turin second thought kan hman fo hi chu a thain kan ring.

Tin, Home chungchangah khan harsatna kan tawk zing khawp maia, Hnahhlan-ah khian khaw 11-in Police kan hlat lutuk a, nichina Member zahawmtak Pu C.Ramhluna sawi ang deuh hlek khan, Hnahhlan khi metric exam centre te pawh alo ni ve tawh a. Tin kan hnathawktute khi Burma sipaiin rawn lak nawlh nawlha ni hnih nikhat han hren te khi an nei an nei ve tawh mai a ni. Chuvang chuan khilayah khian Police out post khi chu kan mamawh ve khaw pmai a. Tin, Burma atanga Manipur hel kawng khi a lo ni bawk si a, khi lai a kan ram himna leh himlohna khi kan police neih leh neih loh hian a hril thui khawp mai, min lo hriat sak se kan duh a.

Hei works programme kan enchhin a, mahse kan bial lam a lo lang ve lo hlauh mai a, building sakna turah hian nuai 800 a awm a, kan District chu a lang veta lova, a leh pekah chuan a awm em ang chu maw. Tun 2009 leh 2013 ah hian ralthuam lei nan hian kan sawrkar hian nuai 1219 a hmang tawh a ni. Modernisation-ah chuan kan tha khawp mai a, ralthuam kan lei tha, kan hotute pawh an tang a, kan Police-te pawh an fit a tun thleng hian an chhuanawm ka ti a. Chutih rualin ka'n sawi tel hram duh chu Champhaia kan police Quarter tam tak khi 1956 atanga 1962 chhunga sak khi a tam khawp mai a, Assembly apiang mai hian kan sawi chuhuak a ni deuh mai a. Amaherawhchu, sak hun chu a lo la her chhuak em ang chu maw ka ti leh a.

Tin Pu Speaker, Prison chungchangah khan hei Aizawl ah chuan Bus leh Ambulance an nei dawn bik a lawmawm a, ka lawmpui angreng khawp mai a. Champhai khian harsatna kan tawk ve a, Prison van hlui deuh mai pakhat kan nei a. Champhai-ah khian Session Judges kan la nei ve lova, chuvang chuan case lian kan tih ang chi Ganja te, murder te, rape kan han tih ang chi reng reng hi Aizawl-ah Champhai court atangin thawn thlak a ngai thin a. Khimi thawnthlak nan khian kan Ambulance hi a hman theih loh a, chuvangin tang pathum an awm chuan Police pathumin kutkawl bun tirin Sumo-ah passenger dangte nen an phur thla thin a ni. Chu chu Police tan hian a risky lutuk a, Police-in sumo han hire-na kha an nei si lova, passenger chuang pangai ang khanin sumo ah khan an chuan tir ve tawp mai a, an kutah an thlung ringawt mai a. Mi pakhat tan pheih chuan escort chi a ni lo reng reng a, kan harsatna khi Bus pakhat chu han nei ila a zia ngawtin ka ring a. Tin khami Ambulance kha Aizawla thawn tur anih chuan Excise-te pawh khian min tawm thei a ni.

Ambulance ka ti leh thin a Tang motor ang chi kha nei thei ilang chuan ka duh k hawp mai a, tawngmawilo ni lo se, khawchhakah khianin Drugs leh Ganja leh tualthahna lam chi leh engemaw ang hi case a tha hnem ve khawp mai a. Hetiang kara kan Police tha tak takte an nun life risky lutuka kawngtuana an awm thin khi a tha loin ka hria a, kha kha kan hotupa khanin min lo chhinchhiahsak thei se ka'n duh bawk a, kan sawi tel hram a nih chu.

Pu Speaker kan bialah khian tourism lamah Hnahlanah khian Tourist Lodge kan Minister zahawm takin min rawn hawn sak tawh a, ka lawm khawp mai a. Amaherawhchu, a awmna hmun khi helte nena in hnaivai a nih avang khianin Fencing pakhat mah a la awm lova, khilai fencing khi mumal deuh taka min rawn tihsak theih chuan a lawmawm khawp ang tih ka sawi tel duh a. A hmun khi a fianrial a, tun dinhmunah chuan

han thleng pawh ni ila entirman, a chhe zawngin han ngaihtuah ta ila, tute emaw lo kal se kan nunna la duhte pawh awm se a awlsam em em mai a ni . A dar vek mai a ni, Inin a han chiahpiah silova, khami security lai te kha min lo chhinchhiah sak hram se ka duh bawk a.

Tin Pu Speaker, Industry chungchangah, Champhai-ah Integrated Industrial Development Centre kan nei ve a. Sorkar hmasa lai khan cheng nuai 456 velin an sa a, khi khi tunthleng khian hman mumal lohin a la awmin ka hria a, a din dan turah tak chuan hemi engemaw thiam thil tam takte an han ti a, luah tur neilote leh khatiang hmun remchang tak tur ang kha a awm a. Tunah hianin ZIDCO kutah a awm niin kan hria a, Industry hian a han la dawn a, an la la thei chiah si lova, tah khianin mi hian picnic-na hmun leh engemawah hian an han hmang deuh ringawt mai a. Khatiang khian revenue te a lut ve reng em? man neite hian an hawh thin niin ka hria a, khilai a fund an lak luh dan pawh khi hriat a chakawm khawpin ka hria a. Riahbukah khian a riah ve theih nual tawh a, mi pawh an riak ve nual tawh a, engzatnge revenue a luh ve reng tawh tih te kha ka hre chak bawk a. Pu Speaker, NLUP trade kan han tih hian Champhai ah Fishery hi an thahnem khawp mai a. Khimi Fishery thlangten an dah that ve theihna tur cool storage chu Agriculture khian kan nei a, mahse sangha hi a dahthat hleih theih lova, Sangha dahthat theih nana siam remchan dan a awm em tih ka zawt a.

Tichuan vawiina kan demand pharhtuten an rawn chhawpchuah hi a lawmawm ka ti a, a tha hlawm ka ti a, lawm takin ka support e.

SPEAKER : Dr. R. Lalthangliana

Dr. R. LALTHANGLIANA : Pu Speaker, tun tuma kan session a kan demand han sawi reng reng hi vawiina rorelna khawla thu mek tan chuan tun term bikah chuan kan demand tawp ber sawi anihna lai te pawh a awm a. Kawng lehlamah chuan kan MLA zahawm tak takte pawhin mahni bial khak lo theih loh dinhmunah kan dingin ka hria a. Hei Plan discussion hi nikum khan a budget pumpui an han final a, Mizoram kha nizanah kan en a, internet ah June ni 6 khan kan Chief Minister zahawm takte leh kan Deputy Chairman , Planning Commission te khan an final kha a ni a. Khatiang kha lo ni ta se tuna kan budget rin thil thua kan han kalpui hi a tak, a reality a kan han hmuh hun hi plan discussion hi nikum ang deuha an delay anih chuan harsatna kan tawk thei angem tihte ka ngaihtuah a. Chutih mek lai chuan thahnemngaihna a na a, mahni bial thilte leh rampum huap angte sawi tur tam tak kan nei tlang a, a lawmawmin ka hria. Kan member zahawm tak mai Pu Nirupama kha tanpui ngaiin ka hria a, Chakma District Council inthlan hi thla leh lawkah ni 17 bawr velah a awm dawn lehngal a, khami hma khanin sub-division Industry kha...

SPEAKER :Sub Division Industry kha a bo kha zawn hmuh sak ngei a thain ka hria. Helam atang pawhin kan support a ni, a pawimawh khawp mai a, tui harsatna thleng te pawh khan.

Dr. R. LALTHANGLIANA : Tin, Demand No. 25-na PHE a ka sawi duh chu, Buarpui, mahni bialah han kal ta lawk ila leh a chheh vel bawra tui harsatna hi ka sawi

zing angreng a. Chief Engineer-ah pawh hian ka luhchilh thin a, ruahmanna pawh chu an siam a ni. Amaherawhchu, Planning Department hianin priority-ah khan a mawng lamah hian kan awm ziah mai a, kumtin mai hian kan chang thei lova, a fel lo khawp mai a. Kan ti hman dawn lo niin ka hria a, tun term-ah hian. Engpawh nise, ka sawi nawn leh duh hrim hrim a. Drilling lei chhung atanga ti ringawt hi chu awmzia a nei lo a ni tih ka sawilang duh hrim hrim a. Buarpui chheh velah khuan khaw pawimawh tak tak Sertlangpui te, Serte te, Lungdai te, Kawlhawk ami te pawh khu tui kan harsa khawp mai tih kha ka han sawi leh duh hrim hrim a ni.

Tin, chumi rual chuan Lunglei khawpui hi Pialthleng lui kan la a, khatih hun lai kha chuan a ziaawm viau. Tunah erawh chuan mihring kan pung chak si a, kan kham tawh lo hle mai a. Hei hi kawng dang kan ngaihtuah leh a ngai a ni, tih hi ka han sawi nawn leh duh a ni.

Tourism-ah hian Pu Speaker, M.R. a thawk hi an tam hle mai a. M.R. Department a ni deuh berin ka ring a, a tam khawp mai a. Statistic hi ka nei a, a tam zawk hi M.R. an ni mai awm mang e, tih tur a ni a. Engpawh nise, M.R. an nih pawh hian an thawk tha viauin ka hria a, an inenkawlna lamah. Chutihlai chuanin kan rualawh ve a ni, kan bial hi. Buarpui khawthlang lama kan khawpui berah ka sawi zing tawh hle a. Kan Minister hian a thil phal lohna lam nge ni, Sertlangpui nen sawn In lian vak pawh kan mamawh lo. Eng emaw concrete building sak a tourist Lodge kha kan beisei lova, amaherawhchu, khum sawm bawr vel tal awm theihna hi chu min khilai thei se, kan duh khawp mai a, mahse a hman dawn tawh si loin ka hria a, ka han sawi nawn leh a ni.

Tin, Hotel Management Institute kan tih, Bung Bangalow sorkar hmasa hun laia sak kha a ni a. wawiin thleng hian a takin kan function lova, a pawimawh khawp mai a. Tunlai thalai tam takte training neiin Kolkota-ah te, Bangalore-ah te, Hyderabad-ah te leh hmun hrang hrangah te an kal a. Mizorama kan neih theihna tur atana sorkar hmasain a ruahman wawiin thlenga min tihpuitlinsak loh hi kan Minister hian min chinfel sak se, tih kha ka sawi duh a ni.

Tin, ka sawi leh duh chu, kan Tourism Minister hi Darzoa Tourist Lodge hi a hawn tlak miah loh anrawn ti a, tui a far nasa lutuk, a khi nasa lutuk tih report ka dawng a. Hei hi a pawl khawpin ka hria a, enfel ran a that ka ring a.

Industry, No. 40-naah hianin Industrial policy thar uluk tak duanchhuah tura tih hi a tak tak kan hmang thei lo nge ni, hei hi a pawimawh hlein ka hria. Leteracy-ah Mizoram hi kan sang em em a, kan thalaite hi chhuanawm ka ti. Amaherawhchu, wawiinah hian a nih dan tur ang hian Industry hi sorkar hmasaah pawh, tuna sorkarte pawh kan muthlu a ni. Chuvang chuan engemaw chen helaiah hian ngaihtuahna thar a hma kan lak a pawimawh hlein ka hria a. Chutiang a nih lo chuan kan thalaite future kal chho zel hi a ngaihtuahawm lutuk. Chuvang chuan ti tak taka wawiinah hian keini rorel laite helaiah hian kan thu dawn tawh lova, kan term a tawp mai thei, a tu a te pawh. A enga pawh nisela, nakin zelah kan thalaite future ka accept a, ngaihpawimawh bika kan siamna tur atan chuan he

Department hi uluk taka kan en a, tha taka kan ngaihtuah hi a pawimawh hlein ka hria. Vawiinah hian chipchiara sawina hun a awm si lova.

Educated Un-Employed Loan kan han ti thin tak District hrang hranga thlante an awm thin a. Amaherawhchu, Bank-in harsatna a siam a, an lak tur an la thei tlat lo. Chuvang chuan helai hi mumal taka kan co-ordinate a ngai. Hei kum 2008 kum khan Pu Speaker, vanneih thlak tak te pawh niin ka ring a. Ka Minister ve lai khan, U.K. ah hianin University pakhat Warwick University an tih hian min sawm a, power point in thil eng eng emaw ka zuk present ve a. Chutah chuan, United Kingdom Telecommunication Academy an ti a, chumite buatsaihah chuan ram 136 kan kal khawm a, chung ram an han sawm chu under-developed kan han tih, ram hnufual zawk ho kha kan ni. Vawi khat kan tel vena chauh a ni a, kan va lo tel har ve aw ka ti a ka ui angreng khawp mai a. Information technology tunlai khawvela hna tam tak recruitment an tihna tur atan hian kawng hi a va inhawng nasa em. Mizoram Sorkar Department-ah chauh ni lovin kawng dang tam tak hi khawvelah hian kan thalaite tan hian kawng hi a inhawng a ni tih hi ka sawi duh a. Chuvang chuan khang lai thleng khan kan ngaihtuah a pawimawhin ka hria a, hengah hian kan Youth Commission-te pawh kan hmanng tangkai tawk lo tih hi han sawi nawn leh ta ila, paw ka ti.

Hei MIFCO hi ka'n sawi lawk duh chu Pu Speaker, tuna ka hriat dan chuan MAMCO te leh ZENIC te hi Sorkar hian Department thar siam tumin Stamp and Registration Department a seng hawi a tumin ka lo hria a, chutih mek lai chuan MIFCO hi a tel lova. Nikum hmasa khan an hlawh an pe hlei thei lova, nikum lamah chuan tlemin an zia hlek a, an hlawh pawh an lak khat chang te chu a awm tho a, thla 4 thla 5 te an lak loh chang a awm a. Tah chuan hei kuminah hian Budget ah hian tangka chu engemaw zat hi pek chu an ni a, amaherawhchu, chutih mek lai chuan kan Budget pharh hi ka'n en a, Industry Budget-ah hian MIFCO tana hlawh tur hi Planning Department- in a pawmpui tawh si hi, a lang tlat lo a ni, hei hi enchian a tha hlein ka hria a. Kan Industry Minister-in lo enchiang sela a thain ka hria a. Corporation-te khai chhuah a tul zia Assembly Committee-ah pawh hei kan awm a, kan sawi kan sawi thin a, bailout an ngaihna laite pawh a awm a. Tin, a thente hi chu dik tak chuan hnathawk thei tur ang hian Sorkar hian kan siam lo ve bawk niin ka hria a. Chuvang chuan vawiinah ka rilruah thil tam tak MIFCO chungchang bikah hian a lo lang a. Entirnan, Horticulture Department hnuaiah te pawh hian fruits leh vegetable tam tak tharchhuahte pawh kan nei a, kawng lehlamah chuan a Horticulture Department hote pawh kha engemaw tharchhuahtna lamah chuan thiam tak, a thlai enkawl na lamah chuan an thiam ang. Amaherawhchu, vawiina kan Industry kan kalpui danah hian process fel tak neia kan kalpui loh chuan awmzia a nei lo tlat. Sawhthing kan sawi, aieng kan sawi, mahse khang khan a thar chhuah a kha ram pawnah pawh a thar chhuah theih tur khawpa kan sawngbawl loh chuan Pu Speaker, harsatna kan tawk dawnin ka hria a. AH & Vety-ah te pawh, a vety doctor-te leh VFA te chuan ran vulh leh a enkawl chu an thiam ang. Amaherawhchu, khang an tihpuitlin sa han process tur, meat processing lama mithiam kha kan nei si loh

chuan thil kan kalpui dan hrim hrim hi Mizoram hi a khingbaiin ka hria a, chu chu ka'n sawi duh a ni.

Demand no. 16 – naah hian tunhnaia Assembly question ka zawhna kha a awm a, Jail chungchang kha. Khawngaih takin kan Home Minister hian Lunglei-ah khan thil hawn tur a nei dawnin ka hria a min tlawh sak thei se ka duh khawp mai. Fur a tawrh theih tawhin ka ring tlat lo, a chhiat dan a namai lo lutuk tlat kan Jail building saw. Chumai a ni lova, a hungna ngaihtuahawm takin tunah hian a awm a. Quarter luah tlak a awm tawh bawk lo. Chutiang bawkin Aizawl-a kan Tanhril Jail pawh khu hei Assembly Committee-in Pu Speaker, kan zuk tlawh a, vanduai mangkhawng a ni ringawt a, hungna pawh khu hlauhawm tak a ni. Chuvang chuan heng hi tihtak taka kan en hi a pawimawhin ka hria a. A chhungah tute nge awm kan tih chuan ramsa an awm lova, tang, keimahni anga kan mihringpuite awmna a ni. Chuvang chuan, vawiinah hian Jail hi a him lo, khawi hmun pawh chu ka ti chiah lova, amaherawhchu, kan hriatchian em em Aizawl leh kan Lunglei Jail hi chu kan ngaihpaawimawh hi a thain ka hria a. A fencing, tin, motor leh ambulance-te an nei mumal lo tihte Champhai bialtuin a sawi pawh kha helai atan pawh a ni ve tho a ni tih kha ka'n sawi duh a ni.

Fisheries Department hi Mizoramah hian kan la che fuh hlei thei lo hi a pawi ka ti khawp mai a. Sangha note thi hi sem tawh lo ila ka ti khawp mai. Zo – Fish – Fed an ti maiin ka hria a, hei hi an awm a, an thawk tha khawp mai a, theitawpin hma an la a, hna pawh an thawk tha. Mahse thawk thei tur hian Mizoram sorkar hian hengte hi kan hman tangkai a ngai hle in ka hria a. District tinah te pawh hian Silchar, Karimganj leh hmun dang atanga Sangha note, Saiha, Lawngtlaiah pe tawh loin khawlum karah vaihin an va supply a, a thi tam lutuk ringawt, District tinah hian Sangha note intodelh thei turin hmalakte pawh hi a hun tawhin ka hria a, heti zawng hian tan kan lak hi a pawimawh hlein ka hria a, mahni District chhung theuh va kan pe a nih chuan a thi hmanin ka ringlo. Kan Minister zahawmtakin min lo hriat sak se ka duh khawp mai.

Demand No.38 na Rural Development chungchang ka han sawi duh chu, Kolasib District-ah hian NREGS hi sorkar hnathawk tan pek ve an ni lova, hei hi thil serious tak a ni, tih takzetin vawiinah hian hei hi kan Minister hian lo en sela tih ka sawi duh a ni. Chutih mek lai chuan sorkar hmasa hun laia Hall kan sak sum tam tak kan lo sen kan zawh hman si loh kan bial lamah han sawi ta ila, Bazar Community Hall te leh Zotlang Community Hall te hi hawn theih turin min peih sak sela ka duh khawp mai.

Pu Speaker, Demand No.16-na Home hi a pawimawh, kan Home Minister hi ka fak khawp mai a, hun kal tawh engemaw chen kha chu, mahse, tun hnaiah hian a vanduai ve deuh tan emaw ni ka ti a, opposition a nih lai pawh khan Home lam hi a vei a, kha tak mai hi a han chang a, vawiin thleng maia rukbote Damparengpui ami panga sorkarin kan la chhanchhuak theilo hi chu a mualpho thlak tawpkhaw a ni, hei hi chu a dik tawh lo. Chuvang chuan engemaw tak sorkar hian hma kan lak a ngai, kan theilo a nih chuan vawiinah hian Mizo thalaite hi kan awm tih hi he House ah hian ka sawi duh a ni. Chuvang chuan

heti ringawt mai a, a thla tel mi panga kidnap lachhuak theilo hi chu vawiina rorelna khawla kan thut mek lai hian a hrehawm khawp mai. Pu Speaker, tunhnaiah nichina kan ngaihthlak ang khan helai kan hnai lawk Lengtea huan pakhatah AK 47 34 leh Machine Gun pahnih leh a mu engemawzat man a ni tih kan hria a, kan dai lawk Aizawl khawpui dai lawk tak tak a ni, kawng lehlamah chuan sorkar hmasa chuti khati ti a kan sawi kan sawi lai hian he sorkarah pawh hian kidnap wawi engzatnge a thlen tawh? Mi 20 deuhthaw Kidnap ni tawhin ka hria Pu Speaker, chuvang chuan, a hmasa Sorkar hmasa reference-ah kan tih kan tih lai hian Zawngin a Ngumkhak a hmu thin lo ang hian vawiinah hian Pu Speaker, a sorkar hmasa ti zawnga kan sawi kan sawi lai hian Pu Speaker, he sorkar pawh hi a inechian a ngai. Chuvangin vawiinah hian sorkar hi muthlu lo sela tih ka sawi duh. Tin, police kan sawi lai mek hian nuar ve ngailo police an ni, Chutihlai chuan vawiin niah hian an T.A, D.A an facilities hmuh ve tur tang rei lutuk thin hi he House-ah pawh wawi tam tak kan sawi tawh hi vawiinah hian ka sawi nawn leh duh, an facilities chhe lutukte vawiinah hian sorkar hi kan muthlu lutuk ta niin ka hria a ni.

A tawp berah chuan Pu Speaker Foreign, Direct Investment(FDI) tih chungchang FDI chungchang hi a pawimawh khawp mai. Kan State-ah hian engtingge kan tih ve dawn vawiinah hian mahni sorkar State fund leh khatiang thil ringawt atang chuan thil tih a har khawp mai, Ramdangte, State dangte rualpawla kan banphak ve dawn chuan engemaw chen helai hian kan ngaihtuahna kan sen a ngai, sorkar department hmalakna pangngai ringawt mai a ngaihtuahna senglo va kawng dang vawiinah hian sorkar hian outlook zau tak nena hmalak a ngai a ni tih hi ka sawi duh a. Chuti a nih loh chuan vawiinah hian Pu Speaker, a bik takin kan thalaite a nuai tel te future tur hi kan sorkarah hian an hmu em ? hei hi tihtakzeta kan ngaihtuah a tul niin ka hria a ni. Pu Speaker, kan Demand sawi hnuhnung ber hi a nih ziah dawn tawh avangin kan han duham ve hlekte pawh member dangahte pawh i thilphalin ka hria, kan bang har a nih deuh pawhin a thaah ngai ila, vawiinah zel mai te pawh tun term bikah chuan a'n ni hi mi hriatthiamna thuitak i nei thin hi a lawmawm ka ti a, lawmthu ka'n sawi nghal a ni, ka lawm e.

SPEAKER : Le, minutes 7 in i hmang chuang a, nimin khanin Pu Sela'n tlawmngai takin a sawi lova. Vawiinah hian Pu Lal Thanzara hianin a pharlai ka lo hmu tlai si a. A dang pahnih sawi lo hi chu Parliamentary Secretary te an ni a, an portfolio ve tho kan sawi a ni a. Pu Patea hi ka sawi tir loh chuan a ngaihtiam dawn loin ka hria a, han sawi ve teh se reilote.

Pu LAL THANZARA : Pu Speaker,ka lawm e. Rei ka sawi lo ang, Pu Selthuama ang khan tlawmngaih mai pawh ka hnial lova, amaherawhchu, tuna an rawn sawi kidnap kha ka biala mite an ni a, (unau pahnih kha) chumite chu kidnap zinga an awm ve avang hian a nia, demand No.16-na Home department chungchang kan sawi lai hian han sawi ve hram kha ka mawhphurna niin ka hre si a, chuvang chuan kan dil lui che a ni Pu Speaker, ka lawm e.

Kan ngaihthlak ang khan kidnap-te hi vawiinah foreign ramah an tawmpui ni a hriat a nih avangin beisei angin kan la chhuak mai thei lo a. Sorkarin theih tawp a chhuah mek a. Chutihlai chuan mipuite leh NGO te, Home Minister leh sorkar ngenna angin, engmah hma lo la lo tura min ngennate kan zawm tha hlein ka hria a, a lawmawm ka ti a. Tin,

vawiinah hian kan Home Minister-in nakinah a wind up hunah heng kidnap a awm mekte hi engnge ni an chanchin an dam em, tihte pawh hi an nute leh chhungte pawh an lo thlamuanna turin chanchinthar min hrih thei se a lawmawm hlein ka ring a, kan beisei bawk a ni.

Tin, ZNP Group Leader MLA zahawm tak Pu Duhoma leh Group leader dang MNF Group Leader Pu Thangte-a te khan kan Home Minister zahawm takin hemi kidnap chungchanga rum taka thu alo sawi tawh, rum taka an rawn thlawp avang khan an chungah lawmthu ka sawi duh a ni. Heng kidnap-a awm mekte hi an nunna lak a niha, an chungah hian harsatna, engemaw kan duhloh zawng a thleng anih chuan Thuthlunglhui hunah kan kir leh ang tiin kan Home Minister zahawm takin Press Statement a siam a, chumi chu chanchinbu miten lo chhuah chhawngin mit aiah mit, ha aiah ha a ni dawn aniang tiin an ziak anih kha. Chutiang ang tak chuan huaisen takin kan Home Minister an thlawpna vawiinah, Mizo mipui kan awm alawm, thalai kan awm alawm, engemaw chu kan ti ve ang tia kan Group Leader pahnihtena kan Home Minister an rawn thlawpnaah khan lawmthu ka sawi a ni. Tin, sorkar hmasa hunah khan Bru hel hovin kan Police 7 te nunna an la a, chhim lamah, chumi vuina inkhawmah chuan chutih laia Home Minister leh Chief Minister-ten, chung kan Police-te thattu Hel ho demna thu kamkhat mah an sawi chhuak ngam lo. Tin, kan sorkar lai hian Kidnap 20 ala awm lo tih hi Mizo mipuiin lo hre bawk sela tih chu Pu Speaker, nangmah kaltlangin kan sawi duh bawk a ni.

Tin, hei sawisei kha min phalsak lo na a, thil tamtak ka inbuatsaih ve na a, ka bial chhung concern deuh kan sawi ve leh zung zung ange. PHE Department hmalakna tamtak kan hmu, kan thianten an sawi tawh a. Ka sawi zui lovanga, thingtlang khaw 7 chuangah tui thianghlim pek anih tawh leh, tunah khaw tam takah hmalak mek a ni te hi a ropui kati. Chutihlai chuan ka bial, Edentharr leh Hunthar ah khuan PHE tui supply-in a thlen ve lohna a awm a. Edentharr Veng phei chuan luikawr atangin pipe-in tui an la chhawng a. Chutiang chuan harsa takin an chhuang so a, an filter a, chung chu an in a, hman deuh phei kha chuan an hriselna pawhin a tlakhniam phah viau a ni. Aizawl khawpui chhunga ngaih zokhua advantage/benefit dawng ve thei si lo an ni a. Khawngaih takin kan Minister-in min lo hriat sak sela. Tin, Hunthar lei tla hniam kal pelh kawngthlang lamah khuan in 20 dawn lai a awm a, tui supply-in a la thleng phak lo bawk a ni. Hengte hi Department hotute chu kan hriattir tawh a. Anni pawhin hma an la mek niin ka hria a vawiinah kan Minister-in min lo hriatpui turin ka'n ngen duh a ni.

Tin, Industry, Demand No. 40-naah hmalakna chi hrang hrang sawi tur a awm, kan thianten an sawi tawh. Ka'n sawi duh chu nichinah MLA zahawm tak, Aizawl East I MLA-in a sawi tawh kha, Zuantui Industrial Estate hi Industry unit din tamna ber leh hmalakna pui ber tunah chuan a ni awm e. Sawlaiah sawn tui supply a awm lova. Ka thenawm, sawlai hmuna Industry siam ve tur chuan Antam huan a siam a, Industry atan a hmun an allot-ah. 'Engatinge engmah i va bun lo ve?' ka ti a. 'Industry hmun a ni a. Industry din tur ka ni a. Mahse, tui pawh min pek loh chuan engtinge Industry ka din theih ang? Tui te min pe phawt rawh se' tiin min chhang fiam a. Chutih rual chuan motor lian, Industry mamawh thil, raw material phur han kalna awm lo khawpa kawng chhe rei tawh hi

khawngaih takin kan Minister hian min ngaihtuah sak turin ka'n ngen duh a ni. Awle, Pu Speaker, chu chu ni mai sela, kan Minister zahawm tak tak 2 te Demand hi ka thlawp e. Ka lawm e.

SPEAKER : Awle, a lawmawm e. Tikhan vawiin chu 23-in in sawi tliar tliar ta a ni. Khua a thal vang niin ka hria a, tui a ri ring riau mai a. Fur lai Session ni ta ila, tui a ri ring lo deuh angemaw? te ka ti a, ka lo hisap ve mai mai a. Thal laiin a ri ring deuh tlat, tui tlem hi. Furah khan kawt velah te hian luang dur dur mai se chuan tuiluankawr in ti tha lo, kan inti awm mang e aw te ka ti a. Tichuan kan sawihona kan duhtawk tawh ang a. Minister zahawm tak, Pu S. Hiato, a Demand te wind up turin kan sawm ang a. Tichuan thu lovin a wind up zawhah passrawn dil nghal se, i lo ko ang.

Pu S. HIATO, MINISTER : Pu Speaker, ka lawm e. Vawiinah member zahawm tak tak 23-in ka Department chan an sawi a. Han react vek kha ka'n chak viau a, mahse, keimahni department thil kha ka sawi leh chuan ninawmah pawh a kai leh thei dawn si a. Nimin lam pawh khan kan Minister-te kha kan short cut tir kha a ni a. Chutah ka hnungah kan Home Minister a awm bawk si a. Chuvangin a detail tak khan ka react thei lo maithei a. Min hriatthiam ka duh a ni. Mahse, in thusawi ka ngaihthlak khan a chhe zawnga sawi pakhat mah sawi a awm lova. A bik takin Industry ah te leh Tourism ah khan duhthusamna, duhtawk lohna a awm a, chu chu ka lo ngaihthlak dan a ni a. A thatna lam kan duh vang a ni tlangpuiin ka hria a, kan lawm tak tak a ni. Pu Speaker, chumi hmam nang pawh ka dil tawh che kha, khawchhak, Rangoon vel kan zin kha report tlemte min pek tir thei la chu ka duh khawp mai a. A lehkha hi a copy kan sem tawh a, MLA zawng zawng a copy ka pe tawh a. A detail in Pu Speaker, ka sawi lovang a. Kan Chief Minister zahawm tak hi khatia sawmna ka hmuh avang khan phalna ka dil a. Tun tuma ka han kal khan Indian Chamber of Commerce te, Indian Federation of Industry te, Business lian tak tak te, tin, Indian Foreign Ministry te, India Embassy Collaboration te nena ti ho kha kan ni a.

Tin, vawiina kan sawi Industries-ah te, tin, Trade & Commerce Business-ah te a inzawm ve vek avangin a pawimawhin ka hria a. Kan va zin a, a tlangpuiin Burma hi sipai rorelna a ni na a, han zin hian a nuam riau mai a. Sipai hmam hmuh tur pawh a awm lo, checking pawh a awm lo. Airport-ah pawh hian security checking pawh hi a awm mang lo a ni a. Chutiang chuan kan kal a, engngeni an thu ruk chu kan hre lo na-a, mahse, vawikhat va zin tan chuan a nuam riau a ni tih hi ka'n sawi hmasa duh a. Rangoon kan thleng a. Rangoon-ah an Chief Minister hovin, a Cabinet hovin, an Chambers of Commerce-te nen kan thukhawm a. Mizoram chanchinte, Trade lama kan insumdawn tawn dan tur chanchinte kan sawi a. Kan kal chhan ber chu Look East Policy vangin Multi Model Project transport chungchang hi an ram atanga tan tur a nih avangin, an miliante va ti ti pui a, va hneh ve kha a ngaiin kan hre si a. Kan han kawm a, an phur viau a. Chaw ei te min siamsak a. Indian Embassy Char D'Affairs Sailash Thingkal Manipur Kuki tlangval te a lo awm a. Ani pawhin thu a sawi a. Khati khan kan indawr tawn dan tur pawh business to business contact te pawh kan nei a ni.

A tukah an khawpui thar Naipi Thawh-ah Motor-in kan kal a. Darkar li leh a chanve chhung kan kal a ni. Tahchuan, an Transport Minister kha a pawimawhin kan hriat avangin kan ti ti pui a. Khilai Akyab atanga kan rama kawng lo kal dan turte kan sawipui a. Lawnga thil inthawn dan turte kan sawipui a. Anni hi General bang te an ni hlawm a. An sipai viau na-a kan thusawite an ngaithla-in kan hria a. Tin, Mizoram hi an depa awm kan nih avangin in sum dawn tawna tur atan chuan a tha lai ber a ni tih hi an hmuchiawng vein kan hria a, an phur viau a ni. Chumi hnu-ah an Minister, Agriculture, chu pawh chu General bang a ni a, kan han hmu a. A ni pawh Agriculture product-te Mizoram-te nena food processing te leh thil dang dang tih hote an duh thute min hrilh bawk a. Kan hmuhna-ah a Cabinet Ministers te pawh, a mah hruiute, a hnuai mite pawh a ko khawm vek a ni. Chumi hnu-ah Tourism Minister te, Construction Minister-te kan han hmu a. Mandalay-ah langin kan zuk kal a. Khawpui ber a ni bawk a, Rangoon atangin dar 4 : 00 ah kan chhuak a. Darkar li leh a chanve kan kal a, a hlat lam chu 180 miles a ni mai a, a kawng a tha viau a. Foreign-in kawng an siamsak a. Mahse, black topping an hmang mang lova, cement deuh vek hian kawng an siam a. Chuti chung pawhin darkar li leh a chanve vel kan tlan a. Mandalay-ah riak lovin, Naipi Thaw bawk kan rawn chho leh a. A tukah Akyab, Sittwe-ah Mandalay Airlines-in zingah kan chhuk a, an thlawhnate a tha vak hranpa lova. An Airport phei chu ho tak a ni a. Thawmhaw han lakkhawm nan pawh hian sakawr tawlailir ang chi hi an hmang a, mihringin an nawr mai a, chutiawng vel chuan kan han kal a. Akyab chu a khawpui viau dawn emaw kan ti a. Mahse, khaw te tak te, Silchar pawh hi a tluk awm lo mang e tih hi keini hmuh dan chu a ni a. Hotel thlenna tur mumal pawh a awm lova. One Star category pawh hi an nei mang lova. Chutah chuan kan zuk kal a, mahse, an lo tha viau a. Rakhine District a ni a. Rakhine hi Burma-ah chuan rethei ber pawl Chin Hills dawttu vel hi kan ni e an ti a. An ramah thil engkim tha-in, an tihchhuahte tam mahse, a mipui hi awpbehin an lo awm rei tawh a, an harsa viau a ni. Kan zuk kal kha an lawm thiam khawp a. An Chief Minister leh a Cabinet zawng zawng, an Chief Justice te lam kha an rawn kal a. Sipai milian zawng zawngte nen khan min rawn hmuak a. Tikhan, thute kan sawi a, an inhawng em em a. Tin, Cultural Show te Kerela atangin an chho bawk a, kan nei khawm a. Kan tih zawhah mimal mal inkawmna kan nei ta a. Helaiia kan indawr dan tur Kolodyne Multi Model Project hi keini aiin an lo nghakhlel a. Hawng thuai thuai se tih hi an duh a. Chumi atan chuan eng hi nge kan rawn tih theih ang tih te kha an ngaihtuah a ni. Keinin kan sawihona-a kan hmuh chu Cultural Exchange leh Friendship hi nei ila a tha awm mang e aw tih te, tin education lamah an hniam a keini education-ah kan sang si a helama training-na tur kawngte hawn sak ila a tha awm mang e tih te leh anni pawh hian min rawn tlawhpawh sela tihte hi kan zuk hmu a. Tam tak chu helama rawn invest duh te a mal malin min rawn dawr a, kan indawr hlawm a ni.

Tin India atang khan Business man tha tak tak an kal avang khan engemaw zat pawh kan hlawkpui ve dawnin kan hria a, tin, Tourism Minister, Naipi Thawh kan hmuh azarah Rangoon-a an rawn um zui avang khan anmahni Tourism Authority ho nen Rangoon-ah kan inkawm ve a. Anni chuan an Director helai an ram Rihkhawdar ah pawh lo kal tawh a ni a, Rihdil-ah a interst-in Mizo an hmuh te kha ropui a ti a, Biak In an kal dul dul an hmute, kan Rihdil chanchinte an hriat khan Mizo Film siam a tum a ni. Chutah chuan an Film siam ringawt khan Mizo chanchin a huap zo dawn loin kan hria a, keini lam pawn Script kan rawn thawh ve anga, chu chu in lo telh ve thei a ngem kan ti a, thei ang an ti a. Art & Culture

Director-te pawh kan dawr a, engemaw zat chu kan thawh chho ve dawn a ni. Chutiang bawkin Sittwe(Akyab) a awm ho khan helai ramri bul Salachhuah-ah inhmuhna buatsaih an duh a, an Chamber of Commerce member-te an rawn chho anga, helai kan Chamber of Commerce-te, Industries lamte nen ti ti ho an duh a. Chumi tur chuan hun lo ruat thuai turin min beisei a ni. A pawimawh ber zawk chu Akyab(Sittwe an tih tak) hmun atangin lawnglian lo kal tur a ni a, kha lawnglian lokal tur inngahna tur khan tui a pawn deuh tak avangin platform-te ESSAR Company Bombay ho hna an thawk a an thawk tha viau a tunah chuan 60% chu kan zo tawh e an ti a, thlalakahte pawh khan awmin ka ring a. An tum dan chuan 2013 December-ah hian zawh an tum a, a vai chuan kan zo hman lo deuh ang a 2014 June thlaah hian a tlangpui Lawng chawlhna tur leh a kalna tur zawng zawng hi chu kan zo thei ang an ti a. Tin a kal chhohna tur hi atira an programme siam leh tuna an siam hi a inang ta lo a. Tunhma chuan Sittwe atanga Kalewah thleng khan lawng lian lo kal tur a ni a, tunah chuan Kalewah kha tui a tlem avangin lawng lian a lo kal thei dawn lo va, Paletwa an tih thleng chauh hian a lo kal dawn a Kalewah leh ka Zorinpui inkar kha motor kawngin zawm an tum ta a ni. Chu chu Km 120 vel a ni a, mahse Lawngtlai atanga khulai Zorinpui zuk kalna ai chuan hla hret mah se anni lam chu zawl a ni a kawng siam a har vak lovin an ring a ni. Chutah chuan kan Chief Minister pawh ngenna keimah through-in an rawn thawh a, an Scheme zawng zawng kha Ministry of External Affairs-ah theh luh tawh a ni a, India Embassy pawhin min ngen a, kan Chief Minister hian a take up chuan kan ti thei mai turah kan ngai a ni. Lawng hi tuilen lain Zorinpui pawh a lo kal thei a ni, mahse thal leh fura kal tura ruahman a nih avang khan an hmunpui Palehwah a bun tura ruahman a ni, an ram chhung a zuk luh a ngai a ni. Contract leh kal dan tur vel chu sorkar pahnih siam turah ngai ilangin. Tunah NLUP kan nei a hma kan la nasa em em a hemi kan puitlin hunah chuan chhuahna tur Perrisable Fruits te leh thil dang reng reng lawnga kal mai tur kan han thlir hian keini pawh kan phur. Tin khuti a nih chuan Asian Country zawng zawng kha a inhawng dawn a, khilai chheh vel zawng zawng Singapore te, Thailand te, Vietnam te, Cambodia te, Japan te, China-te nen indawr zung zung theihna tura ‘Gate way kan nei tur hi a nghahhlel awm a, mipui pawh he Sea Port hmang tangkai turin tun atang inpuahchah a ngai a ni.’ Kan mizo nula, tlangvalte pawh inpuahchah selangin, kuthnathawktute pawh NLUP atanga kan thawhchhuah zawng zawngte pawh khatah khan tangkaina kan hmu dawn ni hian kan hria a, chuvangin kan phur em em a. A tawi zawngin ka rawn report a Pu Speaker, a remchan chuan hetilaia kan tour programme kha a copy pawh kan siam naa kan semlo mai ang a, member ho zahawm takte hnenah ka rawn sem dawn a ni, chu chu ka report ni sela, a tawi zawngin.

Vawiina kan discussion kha department. pali a ni a, a te ber kha Geology & Mining and Mineral Resources kha a ni a, member tlemte in in sawi a, hna an thawk tha tih hi min hmuhpui a, ka lawm a. Revenue pawh an hmu tha viau a ni, revenue kan hmuh dante kan sem tawh hlawm che u avang khan ka sawi nawn lovang a. Tin, a staff te pawh an tlem a, staff hi vawi leh khatah tihlen a har zia chu department tin hriat sa a ni a, min duhthawhpui viau na a harsatna kan tawk a ni tih ka sawi duh a. Tin, Director hi a department miin engahnge an chelh mai loh tih kha zawhna kha a ni a. Cabinet Meeting kan neihah khan hei hi chu cadre post-ah awm rih phawt se ti a passed anih avangin tun thleng hian I.A.S. post ang in a la

kal rih a ni. IAS hovin tunah hian an chelh rih a ni tih kha ka'n sawi hmasa duh a ni.

Tin, Tourism hi min veipui em em a, lehlamah chuan chak tawklo leh tha tawk lova ngaihna a awm hi chu a dik thova. Amaherawhchu, Mizoramah hi chuan kan tangkaipui ve a ni, sorkar hnathawk zin zawng zawngte, sumdawng te, tin, official pawh nise, tourist-te pawh nise thingtlangah va kal selangin mi in-a va riah ringawt kha a theih tawh lova, thlen in tur kan lo buatsaih ve hrim hrim a, thlen in tur a lo awm hi chu a lawmawmin ti tlangin ka hria a, ka lawm a ni. Amaherawhchu, Lodge tam tak kan sak zawh tawh, hawn theih loh, staff indaih loh vanga awmte pawh kan ti a. Hemi hi kan Chief Minister-in min veipui a. Kan sawi tawh ang khan kuminah ringawt khan Muster Roll 34 awm mek kha kan regularize a nia, khata tang khan engemaw zat chu kan changtlun phah a ni. Tunah hian a dang Muster Roll-a thawk mekte pawh hi khatianga hma la tur khan tan kan la a, min phalsak ho chu tunah hian kan fill up deuh vek a ni, kan naute Muster Roll-a kum 15 kum 25 lek lek lo thawk tawhte han regularize chuan an lawm lutuk a, an mittui pawh a tla tak tak a nia, a lawmna te pawh an siam hial a ni. Khatiang khawp khan an lawm ve a, nangni pawhin khalai kan harsatna min hriatpui avang khan lawmthu ka sawi duh a ni.

Tin, a dang hawn belh zel tur nge tih kha member zahawm tak takte khan in bial theuh kha in sawi a ni a, a pawimawh theuh chuan kan hria. Mahse, kan neih sa pawh tiang hi anih ve mai si avang hian a pawimawh lai lutuk anih loh hi chuan hawn belh rih lo mai ila a tha lawm ni tih kan Chief Minister pawh hian thurawn min pe a, a dik viauin kan hria a. Sak tawh leh a awmsa hi chu hluihlawn theih a ni lova, theihtawpin kan thuam chho ang a, tin hmun 16 vel hi kan privatize theih phei chuan keini enkawl tur chu a tlem deuh ang a tihte hi kan ngaihtuah a, chutiang tur chuan hma kan la chho mek a ni.

Privatization kan han sawi takah chuan Pu Duha khan a va muang em em ve tihte kha sawi a awm a. Keini hi consultant kan hmu fuh hlei thei lova, atir atangin pakhat kan enchhin a, a tha ang kan ti a, a lo tha leh lo, tichuan kan thlak kan thlaka a tawpah P. K. Dawnga pawh hi vawihnih vel chu kan sorkarin min reject sak na a 2012-ah chauh khan min approved sak a, tunah hian hna a zawm a, a zawm veleh a zin char char a, privatization pawh hi a mumalin proposal siamin ala thehlut hmanlo a ni a, overall-a kan development tur te, a marketing turte nen a buai avangin chu chu tunah kan dinhmun a ni a, a muang hi pawh kan ti a, thalaiten an nghakhlel a han tih zung zung hi kan duh naa kan tih theih lohna chhan chu chu a ni.

Tin, Indian School of Planning tih vel kha keima mimal pawn tha ka ti vak lova, amaherawhchu, Ministry of Tourism-in kan rawih lai mek a ni a lo ruai ve chhin teh u an tih avangin kan han ruai chho a ni mai a, tunah hian project-te an siam a Sialsuk-ah te pawh an siam a mahse an siam ringawt kha a that tawk an rin loh avangin kan Chief Minister rawnin Pu Robert a hi siam tir ila kan ti a, an siam

a vaibelchhe 25 in tunah hian a thawm mek a, sanction a lo la chhuak thei rih lo a ni.

Tin, U.C. hi a vaiin kan thehltut thei lova, a chhan chu 2010-2011 vela Project sanctioned kan hmuh kha architect design te, P.W.D.-in a hun takah min zawh sak hman loh avangte, kum khat aia rei a tan avang khan kan tan hun hi a rei ta a. Chuvang chuan kan zo thei lova, kan zawh ang ang part U.C. a kan zuk thehltut khan an lo pawm lova, engpawhnise, an pawm loh chuan a term tal hi pawhsei dil mai rawh u an ti a, chu chu kan dil a, a extension a zawhna tur min pek chuan kan tih theih mai kan ring a. Kumin hian vanduaithlak takin kan thenawm State zawng zawng pawh hian Project dang sanction hi an hmu thei lova, kan Tourism Ministry, Delhi lamah pawisa lampang harsatnate an nei pawh a ni maithei.

Pu LALDUHOMA : Pu Speaker, khawngaihin hemi Delhi School of Planning hi kan duh reng vanga kan lak nilo, lo ti ve teh u an tih avanga ti kan ni an ti a, a takin hei an chhiat an that chu an hre tawh anga, a chhawrtu kan ni ve lova an that hi ka ring vak tlat lova, kei chuan. A chhawrtuten tha vak lova kan hriat chu chhawr zui loh mai tur kha a ni dawn lawm ni nge kan la chhawr zui zel dawn?

Pu S. HIATO, MINISTER : Keini pawh kan ngaihdan chu a ni thova, mahse sum min petu ber Ministry of Tourism-ina min chhawr tir anmahni thu pawh nilova lo ban tir ringawt mai kha lehlahmah chuan inventhawanna kan nei ve deuh hlek a ni. Mahse a hnathawh tur kha a dang tunah kan la tawh a, mi dang kan han rawih takah chuan Indian School of Planning Consultant hi chu kan suih tet theih mai kan inring a ni.

Tin, thalaite infiamna tur hian Aero spot te kan siam a, hmanrua hi engemaw zat kan lei a, a dahna chu nei tha lo mah ila, mahse kan lei zawng hi tunah hian kan dah khawm ve ruih mai a ni, hmuh theihna turin, kan kawle. Paragliding a hman tur leh tul dang kan dah hmang khan nikumahte khan international para-glidding te pawh kan lo huaihawt ve a, khitah Serchhip-ah te pawh Pi Sairengi, Director ho khan an thlawk an thlawk ve a nia, khatiang khan International Event kan buatsaih a nih kha . Kuminah pawh hian Para-glidding tihmasawanna tur sum kan hmuh belh leh a, expert ruaiin hma kan la chho mek zel a. Thalai ho infiamna turin Thenzawl, Serchhip, Hmuifang, Muthi atangte pawh hian an thlawk an thlawk ve tawh a ni tih kha a tawi zawngin ka, n sawi anga.

Pu LALDUHOMA : Air balloon bik kha, hot air balloon kha khawiah nge tunah hian a awm, kan hmang rei tawh em ?

Pu S. HIATO, MINISTER : A air balloon tak kha ka chhang thei mai rih lova, air balloon kha kan lei sa a tel ve turah kan ngai ngawt a. Keini hi expert lo ve tak kan ni a, thlawk ve ngam miah lo kan ni a, kan zuk thlawhpui ve loh avang

hianin khalai kha chiang takin ka chhang thei mai lova pawl ka ti viau a ni. A In sak chu Administrative building te, Hunger te, Hmeichhe Hostel te a ni a. Tin, khalai a lei ho kha chu a tlangpuiin sorkar hmasa lei a tam zawk avangin keinin kan hriat vek lohte pawh kha a awm ve thei a ni. Pu Thlenga khan chhang sela Tourism-te a chan tawh avangin a chhang thei zawkin ka ring a ni.

Tin, khulai Hotel Management Building khu a pawimawh viau mai a, Chaltlang Tourist Lodge-ah khuan Air Balloon hi kan daha, en theih a ni e, an ti anih chu. Kan lo nei reng anih chu. Ka lo tlawh khat deuh a ni. Tin, Hotel Management Bungbanga ami khu, ni e, In tha pui kan sa a, tunah hian kan la sa zo thei lova, tunah hian kan sak zawh chuan North East ringawt nilo, India rama thalaite pawhin training-na hmun hrang hrang atana buatsaih a ni a, zawh thuai kan chaka, chumi atan chuan a faculty turte kha tunah hian kan inpuahchah a, ka dil meka. Hei hi kan dil chhuah thuai pawh ka inbeisei a, zawh thuai pawh ka inbeisei a ni tih kha ka chhan dan ni mai se. Tin, Tourist Lodge thar tamtak kan sak tawh sa hawn ngei ngei ngai, tun financial a hawn kan tumte pawh kha entirnan, Pu Chate-a te pawh khan hmanhmawh a, rawn hawn tur an sawn an sawna a tiha kha, October, nikum atang tawh khan hawn kan tum tawh a. Mahse kan sawi thin angin a chungte alo far a, PWD in vawi 2 vawi 3 min siamsak leh tawh a. Tunah chuan hawn theiha kan inbeisei lai pawh khan an la zo rih silova, tunah chuan an zo ta e, an ti a, kan dam chuan April thla chhung hi chuan (interruption) a furniture hi Pu Thlenga pawh khanin a sawia, hawn thuai turin min nawr min nawra, a furniture kan nei love, kan hman lo tih pawhin ti hram rawh a ti a. Session Hal-ah hian a au a au thin si a, hei a hlui kan tih pawh hi kan neih sa, khawiah emaw kan dah rei avang te, ruahina alo nan avangte, Berawtlanga In kang ta, khami dahna tur in kha kan lo la neih loh avangin kan dah laite kha anih avangin a then mattress te kha sazu in alo she a. Chuvangin kan hawn duh si chuan a kawr thar kha kan lei a, kan tuama kan dah a ni. Hawn kan duh tawh baw si a kan dah a ni. Tin, a furniture leina tur leh approach road tur Electrification leh Water tank siamna tur budget kan nei lova, chuvangin kan theih ang tawkin kan sum neih ang angte kha la khawmin zawi te tea replace zel hi ka tum a ni tih kha kan sawi duh a. Tin, chutiang chuan a hlui a awm leh thei palh ang tih kan hlau a, chowkider te kovin E.Lungdar te, N.Vanlaiphai te, helaia mi furniture awm sa entawn turin kan ti a, chutiang va siam turin kan ti a. An siam tir a chhe lutuk a, kan entir leh a, kan pawm leh lova, a thar kan siam tir avangte pawhin kan tlai phah ve a ni. Chutiang bawkin hei Pu Piana bial, Darlawn tihte, helamah Pu John Siamkunga bial, Darzo tihte, S.Vanlaiphai te, Sangau te, Bualpui NG te leh khulamah Pu Hmingdailova bial Thingdawl te pawh hi tun financial year chhunga hawn hman vek chu kan tum a. Chumi atan chuan hma kan la mek a ni tih hi a tlangpui a ka chhan theih dan ni mai se.

Industry-ah chuan ni e, keini Industry Department Industry siam tur kan ni lova. Tute emaw Industry a tui ho kha a theih chuan lo tanpui a, lo chhawmdawl ve tur kha kan ni. Kan hriat theuh angin industry-ah kan la chau em em a, kan sorkar ala naupang bawka. Industrial Policy 2012 kan han duang thei maite hi keini chu kan inngaisang ve viau a nia aw. A tha emaw thalo emaw thalo lai chu a awm thei a ni. Kum kha leh chen siam lohva awm kha keinin hetiang hian kan han duang chhuak ta te, helamah a kimlo a awm tihte

Pu Duha sawi ang deuha duhthusam loh lai a hleihluak deuha kan lo tum san lutuk laite kha a awm theia, chung chu ennawn turah chuan ka inngai a ni.

Tin, investment hi kan ti a, nia, keimahni ringawtah hi chuanin thil ropui tak kan thleng dawn lova, kan mihausate hi industry lamah tui lutuk hi an awm mang silova, helaia sum invest, Mizoram khawpuiah Star Hotel Category kan mamawh em em a, ka'n ti chhin teh ang, ram ka nei a, five star pawh, three star pawh ka'n din chhin teh ang tih hi kan hmu zo lo a ni. Chuvangin India ram hrang hrang ah kan kal a lo invest tur hian kan sawm kan sawm, a then phei chu kan hmu a, tum pawh kan tum chho mek a ni. Chutiang bawkin Industry hranghrangah pawh khan helaia invest turin kan ti kan ti a, kan lehkhathiamte lo interest sela helai hi min lo tanpui ve rawh u ti zawnga approach hi kan hmu tlem viau a ni. Kan thalaite an thiamnate sang chhovin an lo tui chho ta a, an tui chho tan ve hi chuan tun ai hi chuan hma kan sawn hret zel ang tih hi chu beiseina sang tak nen kan thlir chho mek a ni. Tin, Skil Development-ah hianin a nodal department hi Industry pawh a ni mai thei a ni tih kha a ni a. Pu Liansailova pawh karawn a, hei hi chu kan tifel tawh a Labour & employment hnuaia awm a ni a, anniin hma an la chho mek a ni tih min hrilh a, chu chu ka chhanna ni ve nghal sela. Investor Mizoram-a lokal tur hi an tam viau mai a, climate a tha a, ram a muang a, lehkhathiam an tam a, English-a biak theih tur kan tam avang hian chak hi an tam a ni. Amaherawhchu, ram min pe thei angem tihah hian kan buaina ber chu a ni mai a. Ram chu an lei mai loh chuan kan pe mai thei silo, mizo nilo ram pek kha kan rilruah a awm bawkw silo lai hi a har lai chu a ni. Tin, sorkar hna thawk Industry Department-ah hian kan indaih lo hle a ni. District pariatah hian District Manager hi pathum chauh kan nei. District dangah pawh D.G.M. tur kan nei lo, chumi post tur pawh chu siam turin hma kan la mek a ni.

Pu LALDUHOMA : (power supply a awm lo) ni se tha ka ti a. Tin, tuna kan gas hi hmanni kan House Leader tawngkam atang khan kan lai chhuak ang a, kan thatpui vak ang tih Tripura sorkar hian a hlau a. Chuvang chuan eng emaw ti takin thil an ti ni anga ngaih theih khan kan House Leader khan a sawi a. Khatiang anih chuan kan House Leader hoa theihtawp chhuaha tan lak a ngai dawn niin ka hria a. Ram hausakna sorkar dang nen kan inchuh ti tuai anih tawh chuan nakinah Myanmar pawh a ni a mithiam thenkhat chuan lei hnuaiah hian a inpawh vek mai thei a ni an ti a. Khami anih avang khan khalai kha top priority pek a tha khawp mai.

Pu HMINGDAILOVA KHIANGTE : Pu Speaker, khami zawm khan ka sawi ve duh chu khatianga natural gas tam tawkw beiseina awm a kan hriat chuan, tuna ka hmaa mi sawi ang khan helam atanga kan nawr loh chuan lei hnuaiah khan a inzawm vek a, khulam Tripura lam pawh khan min drain phai sak ang tih a hlauhawm a. Chuvang chuan helam atang hi chuan kan thiam ang ang hi chu thawh vat vat hi chu a ngaih ka ring.

Pu S.HIATO, MINISTER : Pu Speaker, Company te hnathawh leh Oil & Gas Commission te, Petroleum Ministry te, keini ho inzawmkhawm agreement hi eng emaw chen a awm ang a, kei chuan engmah detail-in ka chhang thei rih lo ang che u a, kan House

Leader-in a remchan chuan min lo chhan kep se ka duh a. Umzui chu kan umzui a, tunah Geology-ah Mining a kan Director, Jt. Director te pawh hi helama involve ber anih avangin kan zuk dawr tir ve reng tih chiah hi ka chhan dan ni rih mai se. Tin, Guwahati a kan tirh te kha ni e, a tha ber tur kan zawng a kan hmu thei si lo va. Min rawn offer a, a tha ber tura kan ngaih, kan ngaihtuah vang vang kan tih kha a ni ve a. Tangkai tura kan neih kha a ni, mahse nakinah chuan an tangkaipui tho ang tih kha kan ring, tunah employment tha takin pe thei rih lo mah ila tih kha ka chhanna ni se.

PHE-ah ka kal mai ang a, keini hi theihtawpin tan kan la vein kan inhria a. Dik chiah chuan min haw lo ula kum 10 kal ta a Ministry ai kha chuan a let thum let li vel hi chuan PHE-ah hi chuan kan thawkin kan hria a ni. In bial theuh kha en ula, opposition pawh opposition lo bial pawh hei kan khuh loh hi a awm tawh mang lo a ni a. Tunah hian khuh vek loh hi khaw 9 chiah kan nei tawh a ni a. Chuvang chuan kan inchhuang rilru ve viau a nia tih kha ka sawi duh a, lawmthu an sawi hmasa tawh bawk a. Chutah chuan khawpui lian lian hi tunah hian 19-ah pump hna kan thawk mek a ni a. Tunhuma kum 10 chhunga sanction pakhatmah awm ngai lo kha tunah hian 19 hna kan han thawk chho a ni a. Tui lakna tur awm lo, harsa si Tuipang, Lawngtlai, Sangau, Lungzarhtum, khu lamah Hnahthial, Tlabung, Haulawng, Saitual, Khawzawl, khitah North Khawbung, Pu Thlenga bial te. Helamah West Phaileng, Bilkhawthlir te heng zawng zawng hi kan thawk mek a ni a, reiloteah chuan tui harsatna zualpui khawpui deuh deuh hi chu eng emaw chen hi chu kan puhruk ang tih ka beisei a. Aizawl Greater Water Supply hi chu a tir atang buai ve hrim hrim hi a ni a, mahse dik chiah chuan maimitchhingin kan tawng chho a ni tun tumah hian. Theih tawpin tan kan la a special fund atang te, state fund atang te, khulam atang tein kan la a. Central Sorkar lahin pawisa pek min tiam kha min tiam ang original plan-ah pawh crore 5 min pe tha duh lo a ni a. Chutiang chuan kan kal chho a, chuti chung pawhin April, 2013 velah hi chuan Aizawl Greater Water Supply Scheme hi chu kan conclude theih mai te kan inbeisei hi kan rilru tak chuan a lawm ve viau a ni. Amaherawhchu, Aizawl khawpui tui han pek a, duh ang thala tih hi chu kan thei dawn rih loin a lang a. A chhan chu kan tui hman dan pawh hi maw le, kan Member zahawm takte min hriatpui a ngai khawpin ka hria a, a treatment tha taka kan tih, damdawi nen engkim kan tih hi kan hman dan hi chu dik chiah chuan kan dim lo deuh a ni tam tak chuan. A awm a, kan herh hawng a, duh tawka inbual in, insuk mai emaw pangpar chawm nan emaw, motor sil nan emaw kan ti a, a ui chu uiawm tak a ni. Chutah kan tuikhurte a lo kang a, theih tawp chhuah hi chuan kan tuikhurte pawh kan han siam tha a. Chungte chu kan enkawl chhoh dan a ni a. Thingtlang lam pawh, bial theuh kha ka react tawh lo ang a, in sawi kha kan note vek a. Theih ang tawkin in sawi kha kan ti ang a, sawi angin khaw 9 chiah kan ti lo va. Underground a a thar tihbelh tur tlem te, lak belh turte kha a ni mai a, chu chu kan dam a sorkarna hi chhunzawm turah kan inbeisei a, kan chhunzawm pheih chuan tih tur hi kan nei tam lo mai thei a ni. Maintenance chauh hi a enkawl tawh mai thei a ni tih hi keini chuan kan target ve tlat a ni. Amaherawhchu, kan pipe-te a lo chhe tawh a, a tui ek a, thlak a ngai a, tin Aizawlah chuan keini ni ta lovin UD&PA hian SIPMIU hian distribute system turte hi a ti dawn a. Pawisa hi an hmu tawh nge, an hmu dawn tep nge niin ka hria a. hemite nen hian kan tan kawp chuan Aizawl khawpui pawh tun ang mai mai hi kan ni lovang tih hi kan beisei tlat a ni. Lunglei pawh kan ngaihtuah a, kan sawi tawh a sawi nawn lutuk ngaiin ka hre tawh lo va. Pialtleng leh Tlawng, Tlawng te kang thei lo tura kan ngaih hi a kang tlat mai

te hi a buaithlak a ni. Pu Speaker, tui hna a kang hi kan forest kan humhalh loh vangte a ni a, kan mangang a. Tunah chuan YMA te nen agreement te kan sign a, engtin nge kan tih leh ang ? Kan Chief Minister Chairman-na hnuaiah tan kan la a ni a. Tui hna hi a insiamthat leh ti thei lo mah ila, eng emaw chen chu preserve a ngai a ni tih hi chu mi tinin min hriatpui a, NGO te leh V/C te leh sorkar pawhin min hriatpui a, Forest lamte nen kan tang ho a. Hei ai chuan zawi te te chuan kan tha chho turah kan ngai a ni. Chutiang bawkin underground a tui a awm te, tin van ruah tla a tam em em a, hei hi thla 4 thla 5 chhung kan dawh hi chuan thla 3 thla 4 chu min daih dawn tih India sorkarin a hria a, chumi atan chuan scheme pawh uar taka siam turin min ti a, kan siam mek bawk a. Thingtlang lamah te, tin rangva in nei, school leh Biak inah te pawh han dawhna turin reservoir te sorkar hnenah kan propose a, eng emaw zat hi chu kan hmu mek bawk a ni tih hi ka sawi leh duh a. Pakhat, Chawngte kha tui bulah in awm si a tui in nghei tlat mai kha a buaithlak deuh a ni. No Confidence Motion nang pawh Council nen hian move tlak in ni, in awm ve reng si a. Tunah hian Chawngte tan scheme kan siam tawh a, kan theh lut, a lo chhuak thuai ang tih kan ring a. Mahse ani hi No Confidence Motion min move a tum a, ban a tum bawk si a, min move hman chuan ka ring ta lo a ni, min move hmain kan siam mai ka ring.

Pu P.P.THAWLA : Pu Speaker, khawngaih takin. Saiha khawpui supply-na tur atana tui lak pump chhuah kha Tuisumpui atanga pump tur tih ni awm takin ka lo hria a, ka hriatsual loh chuan. Tlawng te pawh a lo kang mai chuan Tuisumpui te pawh a kang ve thei a nia. Tun atang hian Kolodyne river atanga pump law law mai hi buatsaih mai hi a tha mai dawn lo em ni tih kha hrilhfiyah pahin ka'n sawi lawk duh a ni.

Pu S.HIATO, MINISTER : Pu Speaker, kha kha Minister ka nih ve leh ka ngaihtuah ve nasa a ni. Tuisumpui lui ni lovin Tuitlawk lui zawk lak tum a ni. Mahse Tuipui kan tih theih lohna chhan chu Kolodyne hi khuah tur a ni a mega watt 460 Power tichhuak tur hian, eng chen nge a chim dawn kan hre si lo va. Tuipui (Kaladan) hi kan pump chuan, a pump-na tur a sub-merge ang tih kan hlau a. Lawngtlai pawh kan hlau a, kan en kan en a, a him dawn niin kan hriat avanga kalpui chauh kan ni. Phase II-ah chuan hei hian a daih loh chuan kan ti leh mai ang tih hi kan ngaihdan a ni. Tin, Chawngte kha chu concept note 13 crore tunah siam a ni tawh, Planning Department-ah tunah theh luh tawh a ni a, ani pawh hi C.E.M. a nih chuan min han umzuipui ang tih kha kan duh a ni. Pu Speaker, PHE a pawimawh deuh, kan Member-puiten an ngaihawh em em chu sub-division hi a ni. Kawrthah bialtu a ni emaw, helaiah Tlungvel bialtu a ni emaw, khitah Champhai bialtu a ni emaw hawn tur hian min nawr nasa thin, kan post sanction kan la hmuh kimloh avangin S.D.O. P.H.E. kan indaih loh a, technical staff kan indaih loh bawk avangin kan hawnsak lo tlang mai a ni, tih kha ka chhanna nise. In bialtu pawn lo ngaithla se ka duh a, bialtute hian nasa takin min nawr thin a ni tih hi, hetah House zahawm tak hnenah pawh hian ka sawi duh a ni.

Tin, Pu Siamkunga'n Cherhlun a tih te kha tunah hian kan dah sak dawn a pawisa 2012 -2013 a thawh turin nuai 139 hi kan dahsak nghal dawn a, (amah kha a awmta silo a hrilh pawh a phurawm loh riau a ni). Chutiang chuanin theihtawpin PHE-ah hian hma kan la a, a detail-in ka sawi tawh lo anga, amaherawhchu, sanitation-te hi kan ti ve nasa a,

total sanitation, faina kan ngaihtuah avangin school-ah te, anganwadi-ah te, hmun hran hranah te ekin te kan siam a, commode te kha kan siam kha, Pu Ramhluna sawi kha, khawiah emaw chuan hman diklo te a awm maithei a, amaherawhchu, theihtawp chhuah chuan kan vil reng a ni. Eng emaw zat sanitation-ah hian kan ti a.

Pu LALROBIAKA : Pu Speaker, point khat lek, total sanitation chungchang i sawi lai khan Subject Committee in nasa takin kan enzui a, chutih lai karah chuan total sanitation atanga school-in pek ho kha, school in a mamawh em? mamawh lo em ? tih pawh ngaihtuah chuang lovin in va dah tawp mai a, tin, tunah pawh hian filter tamtak, a za chuang hial a ni ang chu, chu pawh chu school-ah in va dah tawp a, fit hleihtheih lovin an kawl ringawt mai a ni. Khatiang chi kha, a tangkai tur anga kan hman tangkai loh thin hi a pawi lutuk a. Tin, school-ah zunin emaw, ekin emaw an va siam dawn a nih pawhin Education Department-te nena in co-ordinate-in thil engkim ti thin ta sela, kan hlawkpuiin a rinawm a, tun ang dinhmun a kan kalpui hi chuan a hlawkpui tur angin kan hlawkpui lo a, a pawi hle a ni, tih kha ka sawi duh a. Tin, nakin zelah pawh thil tih ala awm turah ngai ila, chu chu a department-te nena in co-ordinate, nasa zawka result kan hmuh theihna tur atana kan tih hi ava tha ve, chumi tur chuan hma min lakpui ta che, tiin, ka'n request che a ni.

Pu S.HIATO, MINISTER : Pu Speaker, suggestion tha tak a ni a, kan MLA-te pawhin an bial theuhah chuan taima deuhin vil ve se, tih kan request nghal a ni. Tin, khawfai lawmman hi Mizoram pumpuihah khaw 89 lai kan dawng tawh a, kan lawm viau a ni tih hi Pu Speaker, ka hrilh duh bawk che a ni.

Chubakah tui thianghlim quality, drinking water hi in ngaipawimawh a, waviinah pawh, chumi atan chuan laboratory hi eng emaw zat kan nei tawh a, kan tui hi an test reng a ni, tih hi ka hrilh duh che u a. In tlak a ni e, khulaia Zo Aqua tih emaw awm lo pawhin hemi kan in hian a him tawh a ni, tih hi chu, an test reng a ni, tih ka hrilh duh che u a ni tih House hi ka hrilh duh a ni. Tin, private tui supply thinte kha, nia kan test vek theih turin tunah hian Dan kan siam meka, in tlak loh khawilai ami emaw an tih mai mai, khawilai a hming mawi tak tak an phuah khawm hi a tam a, a to em em lehngala, keini tax tlem tea kan han tihsan hlek cheng za(100) vel pawh tling loa kan han tihsan pawhin kan chiar kan chiar a, keini tan za man, za hnih te kan chawi khanin, eng emaw zat tui in hmuh laiin , private tui kha chu truck 407 ah pawh ₹ 4000,5000,6000 an chawi ngam a nia, chu pawh chu treat loh a ni lehngala, chutiange chu min hriatpui kan duh a. Tin, tui in tur lei rual hian tax lamah, revenue lamah kan pek ve hi a ngai si a, tih te, tin, khami tui quality test tur private ho kha chu Dan kan neih velah hian theihtawp chhuahin tan kan la chho ang, tih ka sawi duh a ni. Pu Speaker, tam tak sawi tur a awm nanga ka sawi tawh lo anga, waviinah hei kan last budget a ni maia.....

Pu B.LALTHLENGLIANA : Pu Speaker, khawngaihin tui meter chak lutuk ₹ 2000 chuang dawn lai, tui meter pakhata chawi thin hi ka rawn sawi kha a ni a, kha kha min hrilh fiah thei em aw? Chak lutuk ₹ 2000 chuang connection khata chawi kha chu a na lutuk deuh a ni.

*Speech not Corrected

Pu C.RAMHLUNA : Pu Speaker, kan thil sawiho kha kan ngaipawimawh a, kha min ngaihpaawimawh saka kan lawm em em a, kan lo note vek e, a tia, a react vek lo na a kan lo note vek e a tih kha a dah tha mai mai dawn nge action kan lo la nghal a nge a ti? tih ka zawt duh e.

Pu S. HIATO, MINISTER : Pu speaker, in thut mai mai lai khan in bial tui kha kan pe fai deuh vek mai che u a nia, kan thu mai mai lo a ni tih kha ka'n sawi duh a ni.

Tin, tui metre hi a dik lo, a man chawi a sang lutuk kan ti a. A dik vek lo mai thei. Metre tihchhiat tumte kan awm thinin a lang. Metre a in vuah tawh a dik chiaha a han kal kha chuanin a lo tam hma tur reng a lo ni. Kan insu bawk a, kan inbual bawk a, chaw chhum nan kan hmang bawk a, thleng kan sil bawk a, pangpar kan pe bawk a, motor kan sil bawk a, ekin leh commode-ah a lo hek bawk nen hian. Chuvangin, rin aiin a lo kal hma ang tih kha ka ring a. Thlakhata ₹ 1000 te a nih chuan, tihah chuan sawi tawh ang khan truck trip khatah ₹ 4000/5000 kan lei nena compare chuan hlawk tak a ni. (1000 a ni lo, 2000 chuang te a ni) Pu Speaker, a ni thei a, a inang lova, mi tamna leh tlemnaah te hian a danglam dawn a, family tam leh tlemah te, tin, school-ah te, hotel-ah te.....

Pu K. LALRINTHANGA : Metre hi a dik lo chu a awm a nih ka ring a Tuizem pahnihah pakhat ve vein metre hran ve ve kan dah a. A bill hi englai pawhin a inang lo ziah reng a ni. pakhat zawk nen. A tlem zawk kha a awm ngar ngar a, pakhat kha pakhat zawk man let a ni reng a ni englai pawn.

Pu S. HIATO, MINISTER : Pu Speaker, nih pawh a ni mai thei a. Amaherawhchu, consumer pawh hi a then chu soal tak kan tam ve a ni. Metre lo tihchhiat talh tum te, lo herh danglam tum talh te hi kan awm a.....

Pu B. LALTHLEGLIANA : Ngawi rawh Pu Speaker, khami chin kha chu kan soal lovang khati kawngah chuan. Chuvang chuanin, a metre chak lutuk kha enfiah a ngaih chuan min enfiah sak mai sela, tin, tui kan hmu tam lutuk lova kan hriat thlaah pawh ₹ 2000 a chuang fo hi chu tui metre dik lo hi chu a awm niin a lang a ni.

*Speech not Corrected

Pu S. HIATO, MINISTER : Pu Speaker, a dik lo tak tak a nih chuan kan Department hotute pawn an ngaithla vek a, tin, kan UD & PA Minister pawhin a ngaithla a, metre hi anni ho vuah a ni tawh a, a mawhphurhna kan inhlip ni lovin, anni pawn an ngaithla ve a, a dik lo lai chu an lo en turah ka ngai a ni. Mahse, hotel te, damdawiin private te kan nei a, a inan ngaihna chu a awm chuang lo, a inthlau lutuk lo thei lo a ni. Tin, inchhawng a tam leh a tlem a zir hianin a inang thei lo bawk a nga. Engpawhnise, sang lutuk kha chu kan lo en ang tih kha ka tiam dan ni se, nakinah assurance-ah min han um pawhin, khalai tura kha chu ka inruahman hman ang chu maw.

Pu Speaker, lehlamah chuan a lunglenthlak viau a ni, an sawi tawh ang khan hetah kum 5 vel Budget-ah kan thu a, a changin kan insawisel deuh hlek a, a changin kan

infak a, a changin kan duh zawng kan sawi a, a nuam hle a ni tun House hi. Thusawi thiam tak tak, ngaihthlak nuam tak tak, opposition atangin an awm a, keini lam ruling lam tawng thiam lo tak tak, bung tak tak kan awm pawhin, buaina awm lo a kum 5 kan hmang tuan thei hi lawmawm ka ti a, lawmthu a senior pawl ka ni tawh avangin ka'n sawi ve duh khanglang a, ka lawm tak tak a ni tih hi ka sawi duh a. Kumin November-ah kan inthlang leh a nga, a then chu helaiah lo thu tur engemaw zat an awm a nga, engemaw zat thu lo tur an awm bawk a nga, tute nge lo thu dawn tih kan hre lo na a, Pathianin min hruai a nga, tuna mi hi chu tling vek ila tih kan duh a nga, mahse opposition-a 2 te, 4 te thut kha chu in duh dawn si lova, keini helaia thut kan duh bawk si a, engpawhnise, rorelna chu Pathian thu a ni a, anin min hruai dan angin kan kal a nga, Budget session lehah chuan, 2014-ah chuan engemaw zat kan inhmuh leh turah kan inbeisei a ni.

Awle, Pu Speaker, tha takin ka thusawite in ngaihthlak a, rawtna tha tak takte min pe a, suggestion tam tak kan hre bawk a, bial tan engemaw zat in sawi bawk a, chung zawng zawng chungah chuan lawmthu kan sawi nawn leh duh a ni e. Tunah ka Demand No. 25-na, Public Health Engineering – crore 1,10,56,00,000; Demad No. 40-na, Industries – crore 42,01,46,000; Demand No. 43-na, Tourism – crore 5,83,02,000; a vaiin crore 1,58,40,48,000 hi he House zahawm tak hian min pass pui turin ka rawn ngen e.

SPEAKER : Awle, Minister-in a Demand te a rawn wind-up a, a wind-up pawh a ngaihnawm hle a, pass a rawn dil bawk a. Demand No. 25-na, Public Health Engineering – crore 1,10,56,00,000; Demad No. 40-na, Industries – crore 42,01,46,000 No. 43-na Tourism 5,83,02,000 crore, a vaiin 1,58,40,48,000 crore te hi pass remti apiangin remti ti rawh ule. Remti lo kan awm chuan 'remti lo' ti ula. Awmlo maw. Awle Pu S.Hiato, Minister demand no. 25-na PHE Minister-in cheng crore 1,10,56,00,000. No. 40-na Industry cheng crore 42,01,46,000. No.43-na Tourism cheng crore 5,83,02,000. a vaiin cheng crore 1,58,40,48,000 chu House-in lungrual takin an pass ta a ni.

Pu S. HIATO MINISTER : Pu Speaker nang leh member zahawm tak tak te chungah lawmthu ka sawi e.

SPEAKER : Dar kar khat hun kan la lo deuh a, minute 56 vel kan la a ni. Tunah chuan Pu R. Lalzirliana, Minister zahawm tak windup turin sawm ila, pass rawn dil nghal bawk sela, ilo ko ang.

Pu R. LALZIRLIANA, MINISTER : Pu Speaker ka lawm e. Vawinah ka department chan ve MLA zahawm tak tak mi 23 in min sawi sak a. Home Department leh Jail leh Rural Development kan sawi deuh vek a, Fisheries-te (INTERRUPTION.....) station tih te leh SDPO hmun dah te, Police quarter chhe lutuk te, Jail chhia te leh thil dang tam tak kha silai leite kha a hlawmin nakinah kan rawn sawi mai turah ka ngai a. Chumi lovah chuan a bika tlemte kan react duh chu MLA zahawm tak Pu C.Ramhluna khan Diltlang beat post tih te kha chu harsatna te chu nakinah ka rawn sawi ang ka tih kha. Rural Bank-in security an neilo tih kha sorkar mawh a nilo tih chu a hriat reng tho ka ring a. A chhan chu sumdawng an ni a, heng ho hianin kan police te emaw, kan Home guard te emaw an duh

chuan kan pe thei reng a. Amaherawhchu, kan pek chuan an ei in tur zawng zawng kha an tum ve tur a ni a, chutiang chu an tih theih loh avangin tam takah hian withdraw an ni tih ka sawi duh a. Tin, an duh chuan private security Act kan pass tawh a, khami atang khan security tur police ang an ruai thei a. Kha hmanah pawh kan hria a Shillong-ah Mizo tlangvalin Bank a veng a, Motor-in Bank rawk tur an va kal a silai nen an lo bei a. Ulhunin a lo venghim a ni tih kan hria a. Chutiang chuan Bank engemaw zatin an nei tawh a, private security an ruai tawh a, chutiang silai licence an mamawh a nih chuan kan pe thei nghe nghe a ni tih kha ka'n sawi duh a.

Tin, BADP in leisak tih kha a rawn sawi a, thil serious tak a ni a kan phal hauh lo mai a. Amaherawhchu kan phal loh hian a hmunah kan va kal ve tawh chuang si lova, khati laia a thawktu a, vengtu tura kan dah zawngrengtea serthlum veng an sawi ang deuh hian thil hi a awm ve thin a. Khanglaia sorkar hnathawkte pawh khanin engemaw zat lo chan sak mai te khang zawng zawng kha kan tih ni lo chung action han lak zel dawn khan buaithlakna chen a awm ve a ni tih kha kan duh zawng a ni lova, hei hi kan lo sawi nawn leh turah ka ngai a.

Tin, Pu Hmingdailova Khiangte, member zahawm tak khanin rangva sem nikum lama a chan kha a rawn sawi chhuak mai a, a chan a ni lova BDO te chan a ni a. Tahkhan thu a lo zu neihpui ve a ni mai thei a, a lehlamah chuan keini hi kan sorkar leh kan MLA-te hi transparent sorkar a ni a, transparency hi kan la vung khawp mai a thil inthup a awm thei lova a ruka kan han duhsak ve dawn kan tih pawhin a ruk hlei thei lova. Tlema zawng pawh kan ti law MNF hunah khan kum 10 sorkarnaah khan ka tel ve a, vawikhatmah rangva bundle khat pawh kan dawng lo hrim hrim a. Thenkhat-in Silpouline bag 20/25 te an lak laiin kan ka hup nan a ni nge ni kan lawmah kan lawm ve em em tho a a hnua kan hriat leh mai a ni a chungte pawh chu. Bag hnih min pek te khan kan lo lawm ve em em tho mai a, khatiang em ni lo khan a Bundle zawng chuan tunah 10 te kan han inpe a. Bundle 40 ngawt mai a nia, Bundle khat kha singkhat chuang man a ni tih min hriatpui ka duh a. Chuvang chuan, lawm sa kha in lawm lo deuh niin ka hria nichinah khan. Kan hotupa thu han hrih che u kha a lawmawm viau rual khan. Engpawh nisela, lawm tlang ila, tunah hian rangva han sawi takah chuan inthlan a hnai a BDO te pawhin an rawn thlang ve a, kan MLA te a thlang tur reng rengin kan pe leh che u a nih pawhin ruling hote pawhin in hriat tur chu mirethei an ni tur a ni, mirethei rangva in chung nei lo an ni tur a ni, unit hotute eng emaw in salem ami mai tur kha chuanin waviinah hian kan sawrkar hian rangva hi a sem hi a sem lo a ni tih hi kan hriat a tha ang, chu chuan malsawmna pawh a keng zel ang tih hi ring ila a thain kan ring a ni.

Tichuan Pu B.Lalthlengliana, hei hi hmana kan sawi tawh thin kha anih avangin Dungle Police Out Post hi kan duh a, amaherawhchu, thil kan han ngaihtuah chian zawkin khilai khi out post mai nilovin police station hial dah kan duh a, tunah hian post creation kan dil mek a, chuta tan chuan SI, pakhat ASI pakhat, Head constable pakhat leh Driver pakhat leh IV grade pakhat nisela kan ti a, DP & AR-ah hian kan dilna hi a awm mek a, hengte hi kan hotute hian min lo ngaihtuah sak theiha post min create sak thei anih chuan mi chu kan nei a ni tih kha ka sawi leh duh a. Tin, chumi anih hma pawh a, tun hmaa

khumsen pathumte awmna thin ang kha tunah chuan constable pariat kan dah tawh a, tin Head constable pakhatin a ho khawm a ni tih kha a mah pawhin a hriat tho ka ring a, helai House hi ka'n hriattir duh ve hrim hrim a ni.

Tin, BADP te hmun danga mi in rawn pe ziah mai a, nichina kan sawi tawh ang khan an hralh chhawng tih kha a dik ang tih ka rinpui a. Amaherawhchu, ani hi MLA leh se ka lo duh em avangin abial a mite kan pek zel hi chuan a MLA leh thei dawnin a lang lova, churangchuan, bial dang ami MLA te kan neih lohna a lawm te kan ti a, kan biala mite pawh hi kan han hnawh ve deuh thin a ni tih kha a lawmawm zawng hian ngai thiam se chuan a tha mah mah mai awm mange aw tihte ka ngaihtuah a. **(Pu B. Lalthlengliana:** Pu Speaker, ka ngaihthiam leh thiam loh nilovin hna tha hi bial tan a pawimawh em avangin example atan Tiau kawnglahi khi MNF hun atang in he lam atanga hna pek nuai 15 te nuai 5 man an thawk a nuai 10 bill an la a an haw leh daih zel a chumi avang chuan Tiau kawng tha kan neih loh phah a tunah hian kan tuar nasa churang zawk chuan hna tha kan duh avang a ni). A lawmawm e, induhsak vang ve ve a nih chu maw kan sawrkar hming that i duhna vang a ni a, i MLA leh kan duhna avangin helamah kan lo pe ve bawh che. Tiau kawng pawh kha i duh dan ang takin YMA kan tih tir dawn a, khilalah inkhawmpuilian ram pum huap an neih dawn avangin tah chuan YMA te kan thawh tir dawn tih kha kan sawi duh a.

Tin, Pu Lalthansanga, ani pawh hi thil dang zawng zawngah chuan kan la tifel thei duak lo anih pawhin SDO Civil tih ang chite phei kha chu ka kut a ni chiah lo deuhva, tin, Lungdar BDO te kan indaihloh zia kan hre theuh ang a, hmun dangah pawh hian kan indaihlo khawp mai a, heng hi kan hriat thiam tlan a pawimawh a, BDO dang an fel love tihna ni lovin, Lungdar BDO i kawl ber kher phei khi chu BDO zinga mi fel tak a ni a, hei kan sawrkar chhung hian i zawhna kha kan belh khawm a, vaibelchhia, a nuai mai ni lovin, kan sawrkar kumli/kumnga dawn chhung hian vaibelchhe 33 chuang ka Department atang ringawt pawh hian kan pe che a, kan Sorkar hi a thalo lai deuh a awm pawhin lungawi tur pawl chu i niin ka hria, ka nau i nih vang pawh ni loin i fel ve reng reng a nia, kan Sorkar hian a lo duhsak em che a.

Pu LALTHANSANGA : Pu Speaker, engnge Vanlaiphai Water reservour kha RD khan a ti a, pahnih ngawt min siamsak a, wawinah khian PHE khan tui kan dah ngamlo kan siam a ni lo a ti zawng khan an tang deuh tlat mai a, min lo ensak thei em?

Pu R. LALZIRLIANA, MINISTER : Nia, PHE Minster pawh kha dah tir langin a dah duhlotu chu hau rawh te ka lo ti a.

Pu LALTHANSANGA : A nih leh Rural Sport Complex kha, kha mi NLCPR atanga Lungdarin an dil kha engnge ni ta min hrih mai thei em?

Pu R. LALZIRLIANA, MINISTER : Kham kha chu NLCPR atanga tih tur a ni ang a, keimahnin kan neih mai loh avangin priority-ah te a awm a ngai ang a, ka sawi tlang mai thei love, khalai kha chu

Pu P.P. THAWLA : Pakhat chauh lawmthu vawikhat han sawi hi chuan a dang han sawi lehzel hi a chak awm a, kum 5 kan hmang pumhlum ve tawh a, BADP in a covered phak Opposition MLA te hi kan duhsak zawk kan naute pahnih khat tal kan lo tihlawm ve theih nan BADP Scheme hi han induhsakte pawh hi thil harsa lutuk em ni aw ka ti a ni.

Pu R. LALZIRLIANA, MINISTER : Kan dem leh hunah kan ngaihtuah dawn nia, chuan heng Fire chungchangte pawh hi nakinah ka rawn react ang a, Fire chungchangah tho khan Ngaizelah hmun a awm tih kha Col. Z.S. Zuala sawi kha a dik ang a, an ngaihtuah thleng vek em ka hre lova, a station khulailah Directorate atanga control mai tur remote control kha a nih dawn loh avangin kan Motor dah turte, tui phur turte khang ho awmna tur In te, Office te a ngai a, an riahna turte a ngai a, chuvang chuan, a hmun awl, hmana ka kala min lo kawhmmuh lai a kha chuan a Motor va hunna mai kha a ni a, chuvang chuan kha lai kha department lam chuan harsatna kan nei ve a ni.

Pu Thawla rawn sawi kha, Lawngban Community Hall tih kha chu en turin kan lo hrilh nghal ang. Khatiang anga ti tha duhlo an awm a, an in lama an bel zel a nih pheih chuan vantlangte pawh khan, an In bang te pawh kha hetah Community hall-ah te pawh khan zu sawn mai dan te pawh kan ngaihtuah ang chu mawle, hetiang ang mithalo, mi rinawmlo hna pek te hi ka hlah ber a ni a, kan sorkarin, kan Chief Minister-in a duh loh ber a ni a. Hna thawktu chuan hlawh an hmu tur a ni a, contract an thawh pawhin a hlep an nei tur a ni. Amaherawhchu, an hna kha a tha tur a ni. Mipui chhawr tlak in hmuh theihin a awm tur a ni tih kha ka han sawi tel duh a ni.

Pu T.T. Zothansanga, MLA zahawm takin Champhai District Project 5 chauh mai tih ala ni tih kha, keini kan Officer-ten an han en vat a, project 20 vawiin ah hian tih mek a ni a, amaherawhchu, inti lian tur khan a tahtawla tih a ngaih avangin avaiin an la ti lo a ni thei a. Tin, Project hi a te deuh central atang pawhin hectare entirnan, 6000 emaw 5000 emaw 4000 emaw kuminah rawn ti rawh u an tih ang zel khan kan insem a ni ta a, chumi anga insem chuanin anni hi pek tlem bik an ni lo tih kha kan sawi duh a ni. Pu Speaker, a hnung bika kan tihna kha a ni deuh ber mai, a inruah vek a.

Pu TT ZOTHANSANGA : Lawngtlai angahte kha chuan sir 12 vel Project a awm tawh a, Pu Speaker, bial 2 chauh an ni a, keini bial 5 khanin panga chauh kha a la awm a. Aizaawlah khan district 6 ah khan 19 lai kha a chhuak tawh a. Kha kha a inthlau lutuk deuh e ka ti a ni.

Pu R. LALZIRLIANA, MINISTER : Hei hi Project kan thelulh dan azirte pawh kha a ni ve thei lo maw? Engpawh nise, a thawktuten Project, hei vawiinah pawh NLCPR-ah pawh kan hria a. NEC-ah te, Project tam tak kan nei a, department thenkhatte chuan kum 5 kum 6 ami tawhte vawiinah hian tihhlawhtlin lohte an la nei a, chuvang chuan a Project umzuitute khanin kan siam muang deuh hlekte pawh a ni thei bawk e, tih kha ka'n sawi duh a. Tin, hemi tuna han react turte zingah khanin Fire station kan mamawh tih ang chite kha a awm a, chungah chuan 12th Five Year Plan chhungah hianin Urban Fire Station hengahte hian siam tum a ni a. Thuampui, Aizawlah Pu Rinawma khan nichinah khan a

ngaimawh thu kha a rawn sawi a. Lunglei Serkawnah hei kan hotute khanin (hei an awm tawh lo nual a) an rawn sawi a. Tin, Keifang khuaah a ni ang a, Khawzawlah. Khawzawl hi kan dah lo mai dawn emaw ni. Nizanah khan Health sub-centre sakna tur kha an hming hmerh khan kan Minister zahawm tak khan a rawn sawi chhuak a, keini kha min sawi chhuak ve lo va, min sawi chhuah ve loh chuan kan ennawn ve a ngai mai thei a ni. Tichuan, Rural Fire Station hi hemi 12th Five Year Plan ah hianin Lengpuiah te, kan Deputy Speaker khan a sawiin ka hria a. Thenzawlah kan dah ang a, Aibawkah kan dah bawk ang a, Chawngteah kan dah bawk ang a, Hnahthialah kan dah bawk ang a, Vairengteah kan dah dawn bawk a ni, tih kha ka'n sawi duh a. Tin, Pu Liantlinga hi chu ka react lo mai ang a, awm lo hi chu react lo mai ilangin, pawiin ka ring lo va. Hei, nichina, kan bialtu zahawm takte pahnih Pu RL Pianmawia leh Pu Ngurdinglianate Out Post han sawi kha, NLCPR atangin DPR siam a ni a. Chungah chuanin heng an sawi panga zingah hianin Suangpuilawn leh Zohmunte kha an tel a ni tih kha ka sawi duh bawk a, chu chu tawh rih mai selangin.

Tin, helaiah hianin nichina kan sawi hreh em em sawi pawh ka tum loh, helaia ka wind up na tur atan pawha ka ziah tel lem loh Kidnap chungchang kha, a tha lam hawi zawngte pawh a ni a, Pu Lalduhoma sawi te, Pu Lalthansanga sawi te kha a thatna lam sawi te duhthawhna lam thil te kha a ni a. Mahse, kan Group Leader, Dr. R.Lalthangliana han sawite pawh kha duhthawhna leh induhsakna lam hawi zawng leh min support-na tho a nih rual khan thudik lo a awm deuhin ka hria a. Chuvang chuan han sawifiah a tul deuhin ka hria a ni.

Kidnap hi kan hun chhungah a awm leh ta bawk lova, khilai atang khian an lo ngaithla ang chu maw. Tin, a thusawi hriate khan, MLA te hian thudik lo kan sawi palh chuan kan awih sak palh ang tih a hlauhawm a, thu dik zawk kan hriat theihna turin. He hunah hian 20 chuang lai Congress hunah hian a awm tawh a ni lawm ni ? a ti a. Kidnap kha, inrukbo kha 20 chuang lai a awm lova, tum 4 a awm a, chutah chuan tum 3 hi vai hlir an ni a. Hengte hi silai hmanga chhanchhuah chi an awm a. Hnamdangte an awm lem lo bawk a, kha kha chu kan hre vek lo ang a. Hnamdang an Kidnap a, silai hmanga chhanchhuah thain kan hria a. Mahse, kan Police Officer-ten an Kidnap te kan kaphlum palh ang tih a hlauhawm a, hei hi chu a tihchi dawn emaw ni le, an ti a. Amaherawhchu, Engineer tam tak an la awm e, kan ti a, kan kaltir a. Tichuan huaisen takin an zu kap chhuak mai a. Amaherawhchu, vawiinah hian chuan kan thisen zawmpui te, kan Mizo unau te, kan State a awm te an ni a. Chhung khata ei zawngte an ni a. Vawiina duaisep ang leh, eng eng emaw kan inpuh dawn a nih chuan, keini chuan kan karah hian leikak khi zau tak, kal theih loh a awm a nih chuan, khawvel leilung a inzawm a nih chuan khawiah pawh awm sela, lem pawh kan chang ve thei a ni, tih kha chu kan hria. Chhanchhuahna tur hian thiltih dan pawh a awm ang tih kan ring. Amaherawhchu, mite an thi palh ang tih kan hlau rih avangin a tha zawngin engtin tin emaw kan la ti a, beiseina thui tak kan nei a. an lo chhuah thuai hi kan beisei tawh a ni.

Heng an rukbo 2008 December atanga vawiin thleng hian Kidnap tum 3 chauh a awm a. Chutah pawh chuan Mizo Kidnap hi tun tum chauh hi a la awm a, a lawmawm kan ti khawp mai a. Chu pawh chu a Kidnap tute hian a tirtuten an tum loh an

Kidnap niin kan hria a, an Kidnap palh niin kan hria a. Chuvang chuan an rawn chhuah thuai hi kan beisei a. Khatiang anga he hun chhunga Kidnap 20 chuang lai a awm a ni lawm ni ? kan tih kha chuan mipuiin an awih thei ang tih ka hlau a. Chuvangin thudik lo hi thudik zawka rawn sawi a tul a. Vawi 4 chauh a awm a nih chu.

Tin, term hmasa zawk MNF hunah khan tum 23 zet Kidnap hi a awm a ni. Chutah pawh chuan Mizo tam zawkte tuartu kan ni. Tum 11 kha Mizo Kidnap awmna hmun a ni mi⁴³ tuartu an ni nghe nghe a ni tih kha vawiinah hian ka sawi duh a, tin, kan vanneia kan ram hi Pathian hian min venpui a, keini hian eng ang pawhin veng mah ila, Pathianin min venpui loh chuan keini tih hi a sawtlo tih kan hria a, chuvangin tun kan sorkar chhung hian ambush vawi khat mah kan tawklo a ni a, thisen chhuahna vawi khat mah kan tawklo a ni, sorkar hmasaah khan ambush tum thum lian tak tak a awm a, kan police mi 16-ten nunna an chan nghe nghe a ni, vawiinah chuan chutiang ang chu kan awmlo va, hei hi tunah hian sawi chhuah ka tum miahlo na a, amaherawhchu, cho chhuah kan nih tak si ah chuan mi ten thudik zawk an hriat nan kan sawi mai a ni. Tin, sorkar hmasaah khan tum 43 ngawt mai bomb hmanga police-te beihna leh hmun pawimawh beihna a awm a ni tih kha ka sawi tel duh bawk a ni.

Pu Speaker dar, 8 pm-ah chuan kan bang thei turah ka ngai a. Ka Department chan ve Fisheries kha kan hotute khan min han sawi sak ve den den a, a lawmawm ka ti khawp mai a. Fisheries Department-a Tuikhuah kan siam zawng zawng hi hectare 4001 niin kan hria a, helaia family involved awm chu 9390 lai NLUP-ah 1447 te nen kan ni tawh a, Mizoram a Sangha kan mamawh hi kum khatah matric ton 14000 vel a ni a, mahse, tunah hian kum khata kan deh chhuah hi matric ton 5000 vel chauh a ni, kan la phaklo hle a ni tih a hriat a, ramdang atangin 60 % vel kan la lalut a, 30 % vel chauh kan la thar niin kan hria a, hei hi tan kan lak a ngai hle a. Fisheries Department hi ran hrisek tak vulthu an ni a, mahse, Department te laklawh an ni a, a te chho zel mai a, vawiinah hian ngaihsak hi kan hlawh lutuk lova, nimahsela, tu sorkar pawhin kan lo en dan deuh kha a ni a, vawiinah a market tha si, a market lamah hian khawiah mah problem a awm lova, chuvangin vai ram atangin kan Dil te pawh kan khuah tir tawp a, anmahnin an man a an phur thla mai a, Serthlum ang deuh hi a ni a, a market te pawh hi a awlsam em em mai a. Chuvangin vawiinah kan RR te min han ennawn sak tura kan DP & AR lamte kan han dil te pawh hi min ennawn sak a, technical thil ve deuh a nih avangin hengte pawh hi chak zawka hma kan lak theihna turin kan sorkarin hma min lak chhoh sak hi kan beisei tlat a ni tih kha ka sawi duh a. Tin, Sangha Dil siamna hmun tur hi kan la nei zau viau va, hectare 24000 lai la awm theiin kan hria a, chumi chu vawiinah hian la tihchhoh zel kan tum a, Mizoram hmun zawl tha tam ber hi chu Leilet ah kan lo nei tawh a, mahse, Leilet-ah nei tawh mah ilangin Leileta Sangha zuk dah hi a thang chak em em mai a, a chaw a tha a, tin, rannung Buh in a huat turte kha a eitu a lo ni a, tin, thlai hnimnah lo chawr no ve te kha thlai chaw tha tak a lo ni a, chuvangin a Sa te pawh hi a tui bik an ti nghe nghe a. Buh hmunah te pawh hian sangha kutphah chen an nih chuan Buh an lo hmin chho va, kutphah chen hi a hralh nuam lai tak kan Bazar-ah te phei chuan a ni nghe nghe a, chutiang chuan khawi tur hi kan la tam telh telh kan inbeisei a ni. Chuvangin a Chi siamnate pawh Lengpui leh hmun dang dangah te leh TamDil ah te kan sawi vek senglo anga chutiang ang chuan vawiinah hian Department-in a buatsaih chho zel a. Sangha Chi-ah

hian vaibelchhe thum chuang vel hi kan mamawh a ni a, mahse kan inphuhruklo takzet a ni tih hi ka han sawi duh a, chutiang anih rual chuan Sangha chauh hi khawilo ila Kaikuangte pawh hi khawi ve ila, Kaikuang lian pui pui, sangha kg-ah 200 a nih laiin kaikuang hi kg-ah 600 lai te a lo ni a kan ti a, chutiang chuan hotu hmasaten kaikuang lian chi khawina turte leh a chi siamna turte(Interruption. Speaker : I la din laiin maw ka'n sawi ve duh lawk. 1989 – 1993 kum kan MLA lai pawh khan heti lai Lawngtlai West MLA zahawm tak sawi kha Ngengpui-ah khan, khatah khan sangha note kha an siam thin a vawiin ni thleng a kha kha siam chhunzawm emaw ka lo ti zawk a. MLA khan a rawn sawi a, khati lai daih pawha siam si, sawti lai daiha hemi Silchar emaw Lengpui khutilai emaw atanga a note Lawngtlai emaw Saiha lama va kalpui ngai lo khan sawti lam kha a tihnun leh theih dante a awm lawm maw ni le tih kha ka'n han sawi duh a ni.) (Interruption Pu Lalduhoma : Kaikuang lian chi kha ka dil ve a kan nei tawh lo an ti mai a, neih leh ava tha ve, ching duh hi kan awm ve nual dawn a mipui zingah pawh hian, a duhte tan a awm loh miao chuan a buaithlak dawn viau a nia). A neih hun hi a awm ve deuh a. A neih hunlai a an lo sem zo palh a nih chuan an lo pe lo che chu pawi ka ti a. Kan neih leh veleh, a note kan neih veleh kan pe ang che....(Interruption) A..kan siam dawn Lengpui-ah khuan a thar chhuahna tur, a chi siamna tur, a note siamna tur tunah hian kan siam dawn a ni. Tunge man thei zawk te pawh kan zuk en ang chu. Ngengpui Fish seed farm pawh kha vawiinah hian enkawl chhunzawm mek a ni a. Keini Department a rawn bet ve deuh tho Zo - Fish-Fed –an tia, anmahni chu anni hian lo enkawl teh se kan ti a anni hi sangha eizawng tak tak anni a, an kutah hian kan dah a ni. Tiang chuanin hei keimahni ringawt hi chuan harsatna chen, staff te kan nei lova kan indaih lo em em piah lamah Zo-Fish-fed ho hian heng in dil thenkhatte hi chu kan lo enkawl ang e keimahnin, a chi siam thlengin engkim tih kan inhuam a an ti a. Tunlaih chuan privatized hi thil tha tak te pawh a ni tawh a. Sorkar ringawtin thil kan tih tawh hian engemaw inthlahdah thil te leh indaihlohna avanga tihte pawh a awm thei a. Sikul-ah te pawh Private sikul hlawn tlem te te, 4000/-, 5000/- ruai tute kha an result hi a tha zawk fo thin a, sorkara hlawn tam tak tak hmu ho aiin. Chuvang chuan anni hovin han enkawl ve sela sorkar tanpuina dawng chungin kan ti a, chung angh chuan farm pariat lai hi enkawl tura tih an ni a. Chung zinga farm panga chu an enkawl thei a, a dang pathum hi an la enkawl thei meuh lo a ni maithei a chung zingah chuan Lengpui fish seed farm te, Tamdil te, Zobawk te, Ngengpui te, Sawpali te Maubawk ami, chungte chu anni hian an enkawl mek a ni. Sangha note hi thar chhuah a pawimawh hle in kan hria a, chung angh chuan Lengpui-ah khuan nuai 9,85000 nikumah khan kan thar ve a, Tamdil-ah nuai 2,30000, Zobawk ah nuai 3,50000, Ngengpui-ah nuai 3,35000 chutiang ang chu kan thar ve tawk tawk a, hetiang hi kan indaih loh lutuk avangin supplier-te kaltlanga lak loh theih loh a ni a, chu chu in pe, kha kha in pe tih ang chite pawh kha a awm thei anga. Engpawh nisela, keinin kan la tlin miao loh chuan a chingtute, helai khawih duh tute pek kan duh bawk si chuan tih a ngai tih kha kan hotuten min lo hriatpui turin kan duh bawk che u a. Tin, Sangha leh luia nungcha hi vawiinah hian department hian ngun taka kan enkawl chhoh zel a tul laiin tunhma pawhin kan ramah hian sanghate a tam em em a, chutiang ang hun chu vawiinah hian kan herchhuah tir leh thei a ni. A luia kha lui pangngai reng a ni a, ala kang chat lova, chung angh chuanin tur te,

bomb te generator hman lo hian kan tih chuan kan ramah hian vawiinah hian khatiang anga kan kir lehna tur hun kha kan siama, kan NGO te, mipuite pawh hi kan thanharh takzet zet hi a ngaiin ka hria a. Chutiang anga kan kir leh chuan hei tunah pawh entawn tur remchang tak mai hmuh theihin a awm renga. Mualcheng ram luiachte hmuh theihin sangha a tam em em a, tin, Darzokai tuiipuahte kan va kal chuan miin khalai lawng atangin sangha an en a, kal chhung pawh kha a reilo lutuk a ni an ti a. Sangha an hmu chaka, sangha lian pui pui, hmanna ka va kal pawhin ka tang phel dawn lai kha min lo pe mai a. Hmundang deuh hleka an man a kha, khatiang ang khan sangha hi a pung chak lutuk a, khawih loh a ni chuan. Chumai a ni lo a Tut lei hnuaiachte pawh Lei atanga han tliir khuan hmuhawm tham a awm a ni an ti a ni. Tin, Chappui leh a chhehvelah te, Reiek ah te, Uinaklui an tih ah te, Tuichhunlui an tihah te, khawtlang tangrualin a sangha tam kan duh tak tak a, eizawna awlsam ber chu sorkara tanpuina pawh hmuh a ngai lo. Tunah hian mipuite tan pawh khi Tualbungah khian Tuikhau hnar lampang khi an han reserve a, len an zu den hian kg.2/kg.3 chu len den ringawt pawhin an zu man reng tawh maia, nuam an ti em em mai a ni. Chutiang ang zawng chuan kan ram mipui hi kan inzirtir leh a van tha tehlu em. Kan NGO te pawh hian khauh zawk deuh hlekin vawiinah hian thil an tih hi a va hun tawh em kan ti a ni. Hmun tam zawkah kan luite hi i reserve tha leh ang u tih kha tam tak sawi tur awm mahsela ka sawi theih ni mai sela, kan Fisheries lamah hi chuan.

Rural Development Demand 38-na tlem han sawi leh ilangin. Kan sawi leh sawi hnu hei MGNREGS kan tih hi kum 2006 leh 2007 atanga tan tawh kha a ni a. 2008-2009 khan Zoram pumpuiaha kan tichhuak thei a. Kum khata ni 100 inhlawh theihna tur atana buatsaih a ni a. Hei hi sorkar laipui lam atanga sum lokal a ni a. Tin, he laiah State Share te kan nei ve a, chutiang ang a nih rual chuan a thawktute inthlahdah avang hian ni 100 inhlawh ngei ngei tur ni 100 in hlawh lohna District hi kan nei fo mai a, a pawh hle mai a, hei hi kan sorkar hnathawkte an inennawn a ngai hlein ka hria a ni. Tichuanin, kum 2012-2013 ah hian district 8-ah hian ₹ Nuai 24312 leh singnga leh sang li Central Sorkar atangin kan hmu a. State sorkar atang hian kan state share ve 90:10 a nih avangin kan state share ve, Nuai 2821 leh singkua leh sangkua kan hmu tawh tih kha ka'n sawi duh a. Chutiang chuan a vai hian kumina kan hmuh tawh hi chu Nuai 27134 leh sing li leh sang nga leh zakua lai kan hmu tawh a ni a. Hemi hi Inhlawhna tha, Person's Day kan tihah hianin Vaibelchhe 128 leh 5570 tha kan nei a ni tih kha ka'n sawi duh a.

Tin, kum 2013 – 2014 ah hian Labour Budget-ah hian inhlawhna tha kan sen tur, inhlawhten an sen tur chu Nuai 16 leh 35767 tha sen tur an nei a. Chuta tana tha sen tur pawisa kan hmuh tura kan beisei zat chu Nuai 32077 leh 41000 a ni. District zawng zawngah nichina kan MLA zahawm tak takte a huhovin kan rawn chhang ang ka tih kha ni 100 kan inhlawh theihna tur atana hei hi buatsaih a ni, kan pawisa hmuh dan tur.

Pu B. LALTHLEGLIANA : Kolasib District, sorkar hnathawk tel ve lohna kha tih theih a ni dawn ta em?

Pu R. LALZIRLIANA, MINISTER : Hei hi kan lo en tha ang a. Mi hi zu dem ngawt theih a ni lova. Project Director-te an inang lova, Project Director fir deuh chuan

Contractor lianpui te an lo ni a, Class 1 Contractor a lo ni a. A in leh lote pawh a lo tha em em a tih te, Bank a hnathawk a ni a, Bank Manager a ni a. A hlawh tam em em a, tih te, sorkar officer a ni a, an chhungkua an awm thei em em a, heng hi thatchhiatna thlentu mai mai a ni. Chuvangin, an lo thawk a, an thawk tha peih bawk si lova. Tuthlawh lianrawn keng rawh u, tihin tuthlawh te nen an lo chhuak a. Chutiang mai mai chu tih chi loh niah kan ngai, ti tawk a awm theih a, Project Director-ah khan. Chutiang chuan a Danin phal mah sela, a Dan phal chhung zawnga kan tih ringawt hian he NREGA hi ngaihtuah chian a ngai khawp mai a, ni 100 inhlawhna hi. Thatchhiatna min thlen tirtu tur nge ni a, kan ram retheite chawikangtu tur? tih hi kan ngaihtuah chian a ngai a. Chuvangin Kolasib Project Director te nena kan han sawiho pawh khan. Midang hi chu tlemin an zalen deuh a. An zalen deuh ti ila, a chhe zawng leh a tha zawng sawi tur a awm vek thei ang a. Sorkar hnathawk, anmahni tak a nih loh chuan an chhungkua amite kha chu Minister fa pawh ni se, inhlawh theih tho a ni. State dangah pawh tam taka an tihdan a ni. Chuvang chuan ennawn leh te pawh a tha maithei e. Kan lo en ang tih kha ka chhan theih ni selangin. Khami han sawi takah chuan han sawi zawm ka duh chu wawiih hian retheite chhanchhuahna atana ni 100 inhlawhna hi thil tlaktlai lo tak a nihna lai a awm a. Khami kan ringawt dawn a nih chuan kan rethei telh telh dawn a. Hna kha an va thawk uluk em em lova, mahni hna thawh angin an thawk lova. Kum khata ni 100 lai hna va thawk ve si dawngdah deuha hna an thawh chuan retheihnain, dawngdahna a umzui dawn a ni. Amaherawhchu, khatiang zawnga ngaihtuah lovin, a inhlawh duhte khan kha inhlawhna ni 100 lai kan neih theih chuan helai ka huan hi kan enkawl that phah ve thei ang a, ka sumdawna hi nitin helaiha ka fate ka nghah tir thei ang a ti ang zawnga ngaihtuahna an neih chuan, dinchhuahna tur tha tak a ni tih hi kan hriat a, a tha zawnga kan hman a pawimawh hlein ka hria a. Chutiang a nih avang chuan..

(PU LALTHANSANGA : Pu Speaker, ni 100 inhlawhna hi darkar engzatnge thawh tur tih kha min hrilh thei em le.) Darkar 8 thawh tur a ni a. Amaherawhchu, darkar 8 thawh tur tih hian khatiang dip dep kha chuan a kal theih loh mai thei a. An hna kha helaiha thekka ang zawnga laktir te pawh awm thei a ni a. Darkar hnih khat lekah pawh khan a zawh theih tho ang a. A tlangpui chuan darkar 8 thawh tura beisei an ni. Chutiang chuanin tha taka hemi NREG ni 100 inhlawhna hi an thawh theihna turin social audit te pawh tih a ni a. Kum khatah wawiih social audit hi tih ziah a ni a. Chutiang chuanin social audit an va neih khan State Sorkarah a lo kal a, Sorkar-ah a tawp mai lova, Central Sorkar-ah kan pe a, CAG ah te pawh kan pe zel a ni tih kha ka'n sawi duh a.

Tin, MGNREGS hi tlema tihzalen deuh a nih loh chuan kan ram hian a chhawr tur ang tak takin a chhawr lovang tih kan hlau a. Chuvang chuan, Central pawhin hemi MGNREGS Act 2005 Schedule 1 hi an rawn revised a, tlemin an rawn thlah zalen deuh a. Chutiang a nih hnu-ah chuanin buh bal thar chhuahna tur private Farm ah te pawh khanin hna va thawh theih tur a ni a. Chuvangin, kan thlai thar chhuahte leh kan ranvulhte hi hei vang hian nasa taka a pun theih kan beisei a, kan hlawhtlin theih kan beisei a ni.

IAY lamah kal ta ilangin, RD hi nakinah ka la rawn sawi ang a. Hemi kan State-ah hi chuanin Budget hi kan hmu tam vak ngai lova. Amaherawhchu, Centrally Sponsored Scheme khawihitu-te an ni a. Kan Department-a a changtu teah hian a inghat thui em em a ni. Thahnem an ngaih a central hawlhtang rawk a mithiam an nih a ngai a,

chuvangin transfer posting velah hian kan department awm tur hi chu kan duhtui viau a ni wawiina awmte pawh hi tih ka sawi duh a. Kan hotute pawhin min lo hre thiam thin a, IAY ah hian new construction-ah In sak thar turah hian tun hun chhungah hian 48500 pek a ni a, Upgradation han chei thatna turah hian ₹ 15000 pek a ni thin a, tunah chuanin April atang hian tihpun a ni dawn a ₹ 75000 in new construction kha tihpun a ni dawn tih kha kan hotute ka'n hrih duh che u a. Tin he scheme hnuaiah hian permanent wait list siam tur a ni a, chu permanent wait list chu ualau thei ang berin Notice Board-ah , kawnah emaw mipui zawng zawng hmuh theih tura tar tur a ni, kha ta zak kha chu thaichhiat mai tur a ni a, telh ve loh mai tur a ni, a tling ngeite, a criteria-in a huamte khatianga in sak sak khanglang tar duh lote hi chu hal sak leh hial turah hian ka ngai thin a mahse an khua hal sak duh lo emaw ni kang thawm te hi chu ka hre lem lo va. Chuvang chuan.....

Pu LALTHANSANGA : Pu Speaker IAY hi MLA Wait List ti hian kan dah a, VC-ten an duh zawng an dah a ni mai zel a.Keini MLA-te hian han sawi theih pawh hi kan nei lova a buaithlak hle mai a Committee-ah hian kan sawi nasa viau a, hei hi MLA-ten kan ngaihpaawimawh a, tak tak hi an awm a nia, dik tak chuan Ruling party nih loh chuan eng sorkarah mah hian a tih theih loh a ni. A Guidelines hi a tihdanglam theih deuh lo maw tih kha ka rawn zawt a ni.

Pu R. LALZIRLIANA, MINISTER : A guide lines-ah khan tihdanglam a ngai lova a, guidelines ang khan kal zawk ilang a tha vek ang a, NGO te kan rawn thin a hmun tam berah hi chuan

Pu LALDUHOMA : Meeting-ah khan khami pumpelhnan khan vai rama an tih dan ang hian tuten emaw thlang lo hian Gramsava-in thlang tawh se tih kha kan relin ka hria a. Kolasib District-ah chuan chutiang vek chuan an kalpui tawh an ti nghe nghe a ni. Khati a nih kha chuan dawng awm lo deuhin a dawn kha a awmthei lovin a zahthlak a ni, khatiang anga an tihna hnuah ah chuan BDO ten thlan pui sela, Bialtute pawhin telpui thei ilangin, tichuan a dik mai dawn a, chu chu implement theih nisela chu hemi harsatna hi chu a reh tha berin ka ring a. Tin, keini bial Sairang leh Sairang Dinthar leh Sihhmui khu municipal pawn kan ni a, lai deuh hian kan awm a, rural-in min huaplo department. hi an tam a, municipal lamin min huap baw si lova, a eng ve ve mah benefit dawnglo khan sawi sawi ngai khanin a awm a. Tunah pawh IAY min sem leh tawhlo a ni. Khawpui lamin min take care baw si lova, IAY min pe tawh baw si lova, NREGS te chu min la pe ang lawi thova, chuvang chuanin khawpui lampang advantage engmahin a thlen si loh lai hi chuan IAY hi min tihtawp saklo ulangin tih kha ka ngen duh a ni.

Pu R. LALZIRLIANA, MINISTER : Helaiia notice board a kan tar lai khan a duh duhin complaint theih a ni a, khalaiah khan an lo tar lo anih chuan a dan ang lovin an kal a ni ang a, tar tura tih tawh a ni a chu pawh chu kan hriat a ngaiin ka hria a. Tin, an sak zawh pawh khan IAY a in sak a ni tih kha an tar ngei ngei tur a ni. Kan soal khawp mai a mipui hi mi hausa kan soal baw a, mi rethei kan soal baw a. Hetiang anga in sak sak si, tar zak, tar duh miahote hi an awm a,

engtingge kan tih ang tih chu ngaihtuah tlan ngai tak a ni. Kuminah hian in 1524 kan sa a ni tih kha ka sawi duh a.

IWMP, nichina kan member zahawm tak takte pawhin in rawn sawi kha tlemte han re-act leh ilangin a thain ka ring a. Hei hi 2009-2010 atanga tan kha a ni a, kumin 2013-2014 thlenga project kan neih tur hi chu 64 a ni hrih a ni. Heng hi a implementing agency-ah chuan BDO te leh line department a a ti awm deuhte leh NGO te pawh hman kan nei a ni tih kha kan sawi duh a. Tun thlengin sorkar laipui atang hianin nuai sangli leh sawmthum leh singthum leh sangsarih hi kan hmu tawh a, Mizoram sorkar atang hian nuai zathum sawmthum pahnih leh singthum kan hmu tawh a ni tih kha ni mai se.

Tin, NRLM (National Rural Livelihood Mission) kan ti a, hei hi vai lam dan hian lam tawh zawk tur an ti a, ka lam thiam ve angem ka hre lova, Swanjayanti Gran Swarajar Yajona (SGSY) tih tawh zawk tur a ni te an ti a, a buaithlak angreng riau thin a. Engpawhnise, a sum hmuh dan turte leh a thawktute a guideline kha chu thuhmun reng tho a ni a, hei hi retheite chhanchhuahna, an retheihna ata khai chhuahna liau liau a programme siam kha eizawna ngelnghet an neih theihna tura buatsaih a ni a. Tanpuina hi Self Help Group kan tih te leh mimal hnenah pawh pek theihin Bank lam atangin credit system hmangin pek tur a ni a. Hei hi kan sawi tawh thin ang khan Bank-ah harsatna engemaw hi kan tawk fo thin a, Bank kaltlanga tih hi Mizo thluak hian kan la peih meuh lo em ni aw a tih theihin ka hria a. NRLMN-ah hian BPL chhungkua atanga tih tur a ni a. Tin, chutiang BPL chhungkua atanga an nu ber emaw hmeichhia a kaww deuh kher a, chungte chu self help group member-ah an awm vek anga, self help group member kha village leh block leh district thlengin federation angin an inthlung khawm vek dawn a ni tih kha a ni a. Chung chuanin eng eng emaw ke pen theihna tur tan lakna turin hma an rawn la dawn a ni. NRLM hi din thar deuh anih avangin governing body executive committee-te kan siam tawh a, chungte chuan state mission unit-te din tawh a ni a, CEO-in waviin hian office neiin a ho tawh a ni. NRLM-ah hian kum kalta khan nuai 223,15,000 kan hmu a, tun kum 2013-2014 ah hian nuai 770, 22,000 kan beisei a ni. NRLM hi kum 7 chhungin Mizoram pum huapa kalpui tura tih a ni a. Tin, tun district-ah hian tun kum chhungah hian a pilot project angin Kolasib leh Thingdawl leh Bilkhawthlir -ah te, Serchhip, E. Lungdar-ah te tih a ni a, kumtharah hian training-te neia Saiha, Champhai, Mamit leh Lawngtlai District-ah hmalak tan tur a ni ang.

Tin, Centrally Sponsored Scheme tho N.E. Rural Livelyhood Project (NERLP) kan la nei leh a, hei hi Ministry of Donors of North Eastern Region, Doner kan tih ho leh world bank te nena tangkawp a tih tur a ni a. Thingtlang miretheite nichina mi nen khan a tum chu thuhmun a ni mai. Eizawna ngialnghet, nunphung pangngaia an rawn luh ve theihna tur atana buatsaih a ni a. Hei hi a thatna chu 100% central funding tur a ni. Hei hi kan tha ngeih zawng tak, kan sorkarin a lawm zawng tak a ni turah

kan ngai a, heihi a bul tan a ni tawh a, Thingsulthliah leh Aibawk block-ah te, Lunglei District, Lungsen-ah te leh Hnahthial District-ah te hei hi bul tan a ni tawh a ni.

Tin, nichina BADP kan hotuten an rawn sawichhuah nual kha ka react nual tawh hlawn a, Zoram hi International Border area a awm kan ni a, avaiia min pawm mai awm tak kan tih lai hian Central min hmuh ve danin anih tlat siloh avangin thuneitute an ni a, Block 16 chauh cover a ni a. RD Block 16 chauh cover a ni a, hei pawh hi kan tha ngeih zawng tak a ni a. 100% central grant a ni tih kha kan sawi duh a. Tichuanin, kum 2012-13 ah khan nuai sangli leh sawmpasarih lai kan hmu a, hengte hi a tangkai khawp maia, kawng laih nan te, lei dawh nan te, community hall sak nan te, field laih nan te, water tank siam nan te, sikul sak nante, khawilai damdawiin emaw kudam emaw siam nan te a tul zawng zawngah hi chuan kan hmang a ni mai e, chutiang ang chuan theihtawp chhuahin kan hotuten hna an lo thawka, an buai ve em em thin a ni. Mihring kan indaih tawk lova, RD a kan Directorate a technical wing mi tlemtein helai hi estimate te siamin an tlaivar thak thak thin a ni tih kha ka sawi duh a. Chungah chuan thil langsar tak pakhat lo lang tur chu solar hi kan hria a, helaiah pawh hian electric kan regular lo em em tih kan hria a. Border-ah te phei chuan a regular lo lehzual ang tih kan ring a. Chuvang chuan solar light hi in tiuar deuh teh ang kumin chu kan ti a, chutiang chuanin solar lantern hi 4594 hi home lighting inchhunga mi tubelight te pawh han vuah theih kha 1557 leh street lighting 374 hetiang lai hi kan sem dawn a, kan pe dawn a, kan block 16 huam chhungah hian, chuvang chuan keini aiin eng chu electric kherlo pawh enga kan pawm theih mai chuan, hmu leh regular tur kha an tam zawk mai awm mang e aw, tihte pawh min ngaihtuah tir a ni. Heng hi ngun taka vil a ni a, nikum hmasa, nikum atang tawh khanin 3rd party inspection hi neih thin a ni, heilo pawh hi centrally sponsored scheme kan la nei leh a, BRGF kan nei a, heng hi hmun dang tam takah kan ti lo a, Lawngtlai District leh Saiha District-ah kan ti a, kuminah hian Lawngtlai District-ah hian nuai 1182 kan pe a, Saiha District-ah hian nuai 1176 kan pe a, hei hi helama mite kan va inrawlhpuoi vak lova, kan autonomous district council-ten hei hi chu a hming ang ngei hian an mahni hian bultum teh se, kan ti a, chutiang ang chuanin a sem ang zawngah te, hna inpek zawngah te phei chuan kan hriatpui reng reng lo a ni, tih kha ka sawi duh a ni.

Tin hei lo pawh hi NEC in Ngopa-ah khianin cheng nuai 432 leh 16,000 lai in min rawn tanpui a, chu chu Ngopa area a irrigation & flood control project kan ti a, chung angah chuanin tunah hian nuai 317 lai kan hmu tawh a, hei hi tui lak nan, khitah Ngopa chhak daihah khitah, tui lianpuiin RD engineer ten an han khuap a, chu chu an la thla tawh a, Ngopa khua a rawn thleng tawh a, in atan an awt mai ang tih kan hlau hle a. Amaherawhchu, a purpose a ni lova , kan lak zawkna chu kut hnathawktute tan ram lamah leilet te, huan thlaite chawm tur a ni a, chuti lai hmun chu thlen tir ngei kan duh a, kan tum a, chutiang tur chuanin hma kan hotuten an la a, kumin chhung hianin hman tangkai theih a, tih ngei kan tum a, chutiang piah lamah chuan, aloe vera hi chhanchhuahna khawpui, hei hi sawlaih sawn mi bik deuh te awmna a ni a, mi bik deuh te han ti ila a tha mai awmin kan hria a, chutiang angah chuanin compact deuha eng emaw tih tir hi a thain kan hotuten an hria a, chuvangin aloe vera hi thil tangkai tak a nih dawn avangin helaiah hianin a project va neih nise kan ti a, NEC atangin nuai 490 leh sing 4 min rawn pe dawn a, nuai 177 sing 7 leh 8000 hmuh tawh a ni a, kumin Financial Year tharah hian kan thawk tan thei nghal thei turah kan beisei a ni.

Chuan kan State plan lam, kha kha NEC kan tih, central sponsor scheme lam chauh a ni a, kan State Plan lamah hian kan hotuten in sawi tam ber, nakinah ka'n react ang chu ka tih, a hlawmin kan tih a kha, tunah hian han sawi nual ka'n duh a. Nikumah khanin nuai 5000 direction an block, level administration-ah hian min pe a, hei hi ren chem thei ang berin kan hotuten an hmang a, term hmasa lamah te kha chuan harsatna tam tak RD-ah hian kan tawh thin a, House-ah pawh hian bengchhenna siamtu a ni thin a ni. Kut tling lova engemaw thil lakte awm tamna a nih avangin leh kan han Sorkar hlim pawh khan kan Officer thenkhatte leh Cashier-te suspend an han ni tih te pawh kha in hria a. Chutiang ang chu waviinah pawh hian helai House-ah ngei pawh hian a ri leh ngai ta lo hi a lawmawm ka ti em em a, ka lawm takzet a. Kan Sorkar hotupa ber, kan Chief Minister-in corruption a duh lova, chutiang ang thu awih theia kan Officer te, eiru thei chin hote an lo awm hi lawmawm ka ti a, an chungah pawh hian lawmthu ka sawi duh a. Kan pawisa cheng nuai 500, direction block level administration atana kan han nei te hi, Directorate-ah te, RD block 26-ah te, chutiang zawng zawngah chuan medical reimbursement te leh POL te, motor repair-na te leh zinna senso leh advertisement tih ang chiah te kan han hmang ta a, chutiang ang pawh chu renchem chuan a lo awm ve thei khawp mai a, harsa lutuk lovin kan chhuak a, motor leina hial pawh a tawpah chuan kan hotuten min han phalsak leh thei mai te, kan lawm khawp mai a, a thawktute an fakawm hlein ka hria a ni.

Kan ngaihpawimawh ber social education kan tihah nikum lam angin kuminah kan kal leh si avangin nikumah pek kan ni lova, kumin kha chu kan hall sak zawng zawng, RD-ina kan hall sak zawng zawng kum 4/kum 5-a zawh theih tura kan tih kha kum 1-in a tawh hnung vek a ngai dawn ta tihna a ni a, a pawh kan ti khawp a. Kuminah hian nuai 300 social education-ah hian min han dah sak leh a, chungah chuan on-going kan neih te kha kan han chhonzawm a nga, tin, a thar ngaihpawimawh zual deuh te pawh chhonzawm theih nual te chu kan nei nual mahna ka hre lova. Chutiang chuanin hma thar chu kan han la chho ve zel a ni tih kha ka han sawi duh a. Tin, Housing for project staff tih hi nikum anga kan kal avangin nikumah min pe lova, kuminah min pe lo leh ringawt mai a. Tun social education pawh hi min pek loh leh an tum a, amaherawhchu, hei hi chu a ni thei tawh lo, kan MLA zawng zawngte hian kan bialah kan duh vek a, tin, inrel sa a rei lutuk chuan a chhe thei kan ti a, rangva nuai 400 min pek tur atang khan nuai 300 hi minrawn pe a, pek belh pawh ni chuang lovin, minrawn then sak a, rangvaah khan nuai 100 chiah minrawn pe ta kha a chhan a ni a. Chuvang chuan, sum indaih lohna chu kan hria a, amaherawhchu, kan housing for project staff tih hi a pawimawh em em mai a, zirtirtute pawh kan transfer theih lohna chhan chu an awmna hmunah quarter an neilo an ti a dik chiah mai, kan BDO te hi awm lo thei lo dinhmunah an awm a staff zawng zawng nen an quarter hi a chhe em em a. Chutiang mai a ni lova R.D hianin Tlangnuam B.D.O. Office tur In kan sa ve mek a chungte pawh chu kuminah hian kan chawl tawp mai a ni. Chutiang ang han pekna tur pawh chu kan nei ta lova, kan hotuten kumin kan plan ang kum leh lamah chuan engemaw zat chu min belh ang tih kan beisei a. Chungah chuan kan lo inhmutai ve em em a ni tih min lo hriat sak theih chuan kan lawm em em ang a.

Tin, Rural Housing chungchang hi kan sawi ve leh duh a kan hotuten rangva sem thu kha in sawi a, a lawmawm ka ti khawp mai a. Mirethei, mi chhumchhia te In chung

tur a ni tih kan sawi tawh a, hetah hian nuai za kan nei a kuminah hian In 750 vel chu kan khuh thei turah kan beisei a. Kumin kan pawisa hian In chung 3136 kan khuh thei turah kan beisei a ni. Hetiang ti leh thei dinhmuna ding leh tura kan hotupa Pu Lal Thanhawla Pathianin a hlangkai leh hi a ropui ka ti a, tunhma 1989 kan inthlan dawnin kan tlin chuan Inchung tur rangva nei zo lote hnenah kan pe ang, mut hmuna Arsi chhiar thei tam tak an awm a. Rambuai kan ni a kan dinhmun a chhiat vek tawh avangin rangva kan sem ang kan ti a, min an awih lo hle a ni, political party leh khatih laia ruling party te phei chuan an awih lo lehzuai a, a hmaa ruling party lo ni tawhte pawhin an awi lo lehzuai a. Budget-ah a awm lo reng reng an ti a, kan hotupa, kan party President Pu Lal Thanhawla lem an ziak a rangva an chhipchhuan tir a, kawthlerah te an tar a an kalna apiangah Zarkawt tlangval rangva chhipchhuan rangva zuar kha in hmu em ? A niin inchung tur a pek che u chuan in chhek in chung tur kan pe ve ang che u te an ti el vel a ni. Amaherawhchu, miretheite lamtang programme kan nei a, heng mite ber chung a in tih hi ka chung a ti in ni e Pathianin a tih hi kan thinlungah a cham reng a, kan programme tlawm tak kha tihlawhtling thei turin Congress sawrkar tihtlin a lo ni a, hla phuah tu ten rethei chanhai run inchung tur atan zuar lo a sem dawn a ni an ti. Furkhua alo thlen leh hlau ngawih ngawihthe tan kha tih kum atang khan kan sawkar apiangin rangva kan pe thei, chumai a ni lova miretheite tan chauh a ni lova, vanduaina tawkte in kangte tan hian tun kan sawkar hun chhung hian pek theih loh pakhat mah kan la neilo a ni. Hei hi Pathian tanpuina ropui tak kan sorkarin kan dawng a ni, mi mangangte, michhum chhiate tanpui hi Pathian lawm zawng tak a ni ang tih kan ring a ni. Chutiang ang kar ah chuan kan sawkar hnathawkten uluk takin an thlang thin a, tunah pawh hian kan han thlang leh dawn a ni a, hengah hian theihtawp chhuahin hna kan han thawk ang a, kan pawisa a tlem emaw a tam emaw rinawm tak leh dik taka hna kan thawh chuan keimahni kan hlim vek ang tih ka ring a, chuvangin kan Department-te pawh kan lo awmpawt mai ang e tih kha ka sawi duh a.

Sawi tur a tam mai a. Amaherawhchu, duh tawk mai ila darriatah chuan kan bang thei ang ti rawh Pu Hiato a khan a rawn ti a. Home kan la nei a, ala tam deuh hlek a, amaherawhchu reilo te tih ka'n tum tawh ang a. Hetia kan hawi vel hian kan Speaker hi ka zah deuh ber a, mut thluk a hlau deuh ber a, mahse a mut a chhuak a nih chuan lo muthlu vang vang mai sela nakinah a tawp dawnah (**Pu T.T. Zothansanga** : Pu Speaker, hana mai mai pawh an tlai var alawm maw le) nia ram hnuk tak tak a nih avangin a lo rei deuh a nih pawhin min hriatthiam kan beisei a. Ka sawi tawh thin a Lalpan khawpui a ven loh chuan a vengtute chu an meng thlawn mai a ni, Lalpan in a sak loh chuan a vengtute chu an meng thlawn mai a ni an ti a, theihtawpin Law & Order chungchangah pawh hian tang mah ilangin kan theihnate chu engmah a ni lo, kan ngaihtuahnate, kan remruatnate chu sa remruat na pawh a tluklo a ni tih Bible-ah kan hmu a ni. Amaherawhchu, Pathianin min tanpui nasa em em a, Law and Order kan term chhung hian tun kumah mai pawh ni lo kan term chhung hian harsatna lutuk kan tawk lo, harsatna kan tawk dawn emaw kan tih thin lai pawhin kan police ten an hna kha an hre chiang em em a, an ta a ni tih an hria a, an tih tur a ni tih an hria, tiang chuanin mahni hna anga en tur tihna ni lovin an hna kha an hria a, an hna chu an thawk a, tichuan awlsam takin punlun lutuk lovin Law and Order lo thleng mai thei thinte pawh hi kan tireh thei thin a, kan lawm hle a ni. Chutiang anih lai chuan Mizote hian chin fello, tihdan diklo vawiinah hian vaitena an tih ang, mi an tam tawh em a control-na mumal pawh

awm hlei thei lova an tih ang hian an kalphung tha lo a tha lai la si lo hian mipui hian a thalo lai hi lak kan ching chho ta a, a paw ka ti em em a, veng leh veng intihbuai chinte, tlangval leh tlangval lo intih buai te mai mai a a khua a lo in thinrim puite hi a zahthlak ka ti em em ani. Tlangval kan ni vek tawh a, tleirawl kan ni vek tawh a, kan tlangval lai pawhin thlatin deuthaw kan insual a, tumah kan pun ngai lo. Chawlhni a lo thlen chuan insualpui tur kan zawng a, kan vung haw lik lek pawhin a zahthlakah kan la mai a, kan sualpuite kan hneh lo a ni mai a. Chutiang ang chuan vawiiinah hian tlangval lo insual mai maite veng leh veng intihbuai nan law and order problem thlen nan hman loh hi a tha ka ti a. Chu chu tumah dem bik neiloin ka'n sawi duh a. Kan police ten misual an man a, khawimaw laia pawngsualtute emaw an va man a, kan hmuh duh ve hrim hrim anmahnin man thei uk si lovin kan police-ten zankhaw tlaivarin rilru zawng zawng sengin an bei a, an man a. Kan hmu ve duh hrim hrim ti a Thana hual mai mai te, khawimaw laia intawn mai mai te kan ching ta te hi a paw em em a ni. A zahthlak a, a mizo lo a, hei hi chu kan sim a ngai a ni. Chutiang ang chiah chuan tun hnaiah khan Pu Speaker, Bethlehem vengah Bike tam tak an hal a, In te an hal a, a paw em em a ni. Mipui kan thinrim a ni, kan Police-ten theih tawp an chhuah a, engtinge an man chhuah theih a mak ka ti, kan vannei em em a ni, an thawhrim zarah kan man chhuak a, a lawmawm a ni. Misual lo tantu ni awm tak SMS ah te, internet facebook-ah te, lo chhuahu kha tha kan ti lo reng reng a keini pawhin, man chhuah vat kan tum a, a veng mipui te pawhin an hua a ni. Man chhuah vet e pawh an tum a ni. An tum kha tha ka ti tho, amaherawhchu, anni ai chuan kan police te an lo tuan tha deuh a, an lo man chhuak a, lawmthu an rawn sawi dawn emaw ka tih lain, ka hmu ve duh hrim hrim tih ang mai mai in, an Local Council-te, an YMA te an fakawm em em. Amaherawhchu, suahsual rawngbawl tlai lama rui chi, ruih avanga pawr ta chi mi dukdaklo engemawzat an awm a. Chutiang mite chuan Thana hualin kan motor tam tak an tichhia a, nuai 3/nuai 4 chuang lai man an tichhia a ni. A zahthlak ka ti em em. Hengte hi sorkar hian a ngawih bopui mai mai tur a ni lo. A titute kha TV camera-ah an lang vek a, a zualkai ho kha an lang vek a. Khang ho kha kan man tur a ni. Kan man anga thil diklo an tih man chu an phu tawk hremna an hmu ve ngei turah ka ngai tlat a ni. Tin, thildang awm leh tura pawh hi an fimkhur a ngai. Sorkarin khauh takin Law and Order hi chu a keng dawn a ni. An thil tih police-in an thil tihdikloh nise tan ka tum lo. Khatiang thila hah taka misual an lo man chhuak kan hmu ve duh tih avanga, Thana-ah an awm tawh lo a ni tih an hrihl mawlh mawlh a, an hotute an entir a, an hotute pawhin an awm tawh lo a ni tih an zuk hrihl a, engatinge an awih duh tlat loh. Jail-ah an dah vek tawh a ni. Chutiang chuan Pu Speaker, hetiang ang hi kan hlau tur a ni lo. Thildang a awm leh anih pawhin tumahin kan tanpui tur a ni lo tih hi mipuite hnena ka appeal a ni nangmah kaltlangin.

Tin, krismas leh kumthar-te hi tunhma kum 50 teh meuhah khan, krismas kumthar zanah te hi chuan halpuah te hi a ri nasa lutuk a, zai te pawh hi kan awm hle hle thei tawh lo a ni. Zanlai inkhawm pawh kan nei hleithei tawh lo a, a hun hmam kan nei a ni. Vawiiinah chutiang zawng zawng a lo reh ta te hi, mipuite chungah lawmthu kan sawi a. Sorkar ringawt a ni lo MLA a changtute hi, kei chu engmah ka ni lo. Mipuite hian a tha lam panna chang kan lo hre ta a, kan kristianna te pawhin kan chawimawi turte pawh a ni mai thei e. Chutiang ang tur chuan kan YMA te, NGO te, Poice te kan za vaia kan tan tiana zoram nuam kan lo siam thei ta te hi law and order chungchangah te 'the most peaceful state' tih hi ka ringawta sawi lovin a taka kan lo chen thei ta te hi a

lawmawm ka ti a. Tun tum bye-election-te kan han thleng dawn a Chalfilh bialah, khami hma zawng khan kan hria HPCD kan unaute nen kan in chem har a ni. Sorkar chu pa ber angah kan inngai a, inchhunga pa ber chuan a faten thil an lo tihpawi chuan a hrem pawh a hrem a, vuakte pawh an vaw thin. Chutiang deuh chuan kan nauten sorkar duh loh zawng an tih avangin an hotute pawh kan man a ni. Amaherawhchu, remna siamtu, sorkarna neitu kan sorkar avangin annite nena remna siam theih loh bur a ni lo a ni tih te kan hotute rilru tinem theitu Pathian chuan a tinem a, inbiaknate pawh kan han nei leh mai theite hi a ropui ka ti. Khilai inthlanah peace kan process lai khan party thenkhat chuan kan inbe rem ang tih an hlau ngawih ngawih a ni. An inbiakna hretute atangin kan hre chhawng leh a, anmahni ho atang bawkin kan hre chhawng ve leh a, chutiang ang chuan remna hi chu siam lul suh u aw tun inthlan hmate hi chuan an ti a amaherawhchu a hun taka che thin chung lamin thil engkim a rawn tifel a, a hun takah inbiakna kan nei a, tharum thawhna zawng zawng chu ban sana khatiang ang inbiak lai chuan tumah an campaign tur a ni lo khati lama tel HPCD kan tih ang kha chu sms pawn tumah an vau tur a ni lo kan ti a, invauna pakhatmah a awm lo a ni. HPCD lemchang niin congress tlak theihna turin MNF vote turin sms te an thawn a, an han bia a ni. Mahse kar lovah Aizawl amite chu kan man chhuak a ni. Chutiang ang chuan he sorkar hian chung lam lung pawh hi ala tiawi aniang tih hi ka ring tlat a, vawiinah pawh hian sorkarna chhunzawm leh tur pawh hian mipuite leh kan Pathian ngei pawh hian min la hual a ni ang tih hi ka ring. Hetiang anga kan ram buai duhtute, invauna thlen leh duhtuten an thiltihna zawng zawng, thulh theihna hun tur hun remchang tak mai kan han nei leh zel hi keini thiam thil a ni lo, keini piah lama kan ngaihtuahna zawng zawng kan ngaihtuahna bakah ro min rel saktu, roreltu kan nei a ni, tih hi ka chiang em em a, lawmthu ka sawi takzet zet a ni.

Mizo thlavang hauhaah hian kan hotute hi an tha hle a ni tih ka hria. 1997, 1998 khawthlang buaiah Sakhan tlang dungah Pu Speaker, kan Mizo tam tak an awm a. Chhungkaw 83 lai chu Tuikuk hel hoin an rawn um chhuak a, thlai tha tak tak nei, mi awm thei tak tak, in tha tak tak nei an ni, Mizoramah kut benging Refugee angin an rawn awm a ni. Chutiang chuan Tuikuk Repatiation kan ti a, an lo hawng a, ₹ 50000/- theuh kan pe a. A kum a kum telin Ration Free kan pe a. Chutiang chuan kan awm tir lain kan miten dawn an nei lo a ni. Sorkar hmasa hunah pawh khan dawn cheng khat mah an nei lo. Mahse, kan sorkarin Central sorkarah kan dil sak a, hengte hnenah hian chhawmdawlina kan pek a ngai a ni, kan ti a, Central sorkar chuan, kan dilnate ngaipawimawhin chhung tinte hnenah ₹ 15,0000/- theuh pek tur min rawn pe a, kan lawm em em a ni. Mizorama mite phei hi chu chhungkaw 51 chu January thla khan kan pe vek tawh a, chhungkaw 32 hi Tripura-ah, Tripura, Zampui tlangdung, hmun hrang hrangah an la awm ve a, chungte chu a pawisain kan thawn thla leh a, Tripura sorkar hnenah, anni pawhin an pe tawh turah kan ngai a ni. Kan lawmpui em em a ni. Tin, hei Battalion transfer hi kan hotuten in rawn sawi thin a, a hrehawm khawp mai a.

Pu LALTHANSANGA : Pu Speaker, lawkin, a dangah khan a kal leh tep a, nichina Bethlehem Veng-in Thana hual chungchangah khanin a titute chu phu tawh hrem an ni an tih te, khiti lai an awm lo em ni ? tih kha, mipuiin an awih thei lova, an pungkhawm ta

a. Mob Rule deuha kal an ni a. Hei, tunlai Technology thiamnate hi a sang a, kha nichin khan khitalai inthlanna a HPCD te inrawlh lo turin SMS pawha vauna leh engemaw ti lo tur a an tihna, chumiah chuan heti lam atangin tuten emaw an tih pawh darkar 3 chhunga zawng chhuak thei khawp Police tha kan nei a. Saw ti lai buainaah khan engati nge aw ka ti a, ka rilru ngaihtuahnaah ka sawi rual pawha lo awm chu. Kha mite kha Jail-ah an awm ngei a ni. Khuti lai Bethlehem venga thil tisualtute leh facebook-a rawn tantute kha Jail-ah an awm ngei a ni tih kha engatinge ni a electronic media hmang pawha khutilaia an awm tih kha an tih lan loh tih lai a kha ka rilruah khan a awm deuh hlek a. Chuvang chuan kan police saw ti laia duty-te khan mistake lian tak an nei ve a ni. Kha kha hmuh mai se chu an pawm turah ka ngai deuh a, chuvang chuan khatilai kha (Interruption).....nilove interview se ka tihna a nih chu. Video camera te khan ti sela chu mipui kha an hneh thei awm e ka tihna a nih chu. (Interruption)...aw kha vang khan khati lai buaina kha khati khan a pumpelth theih (Interruption).....engemaw a tlakbuak ve a ni police te pawh kha ka'n tihna lai ka'n sawi duh a. Chuvang chuan khatiang zawng deuh khan lehlam lehlama khatiang buaina incident kha lo thleng a ni tih kha ka'n sawi lang ve duh hrim hrim a ni.

Pu R. LALZIRLIANA, MINISTER : A lawmawm e. I thahnemngaihna zel a ni a, a lawmawm ka ti khawp a. Amaherawhchu, khami zan khan Jail-ah an thawn thla nghal a, an han kal nghal a ni a, khawiah mah khalaia lokal reng reng khan electronic media helai TV kha an en dawn lo reng reng a, an en hman lo reng reng a. Tin, an hotute an lokal vek a an hrilh vek a, kha kha chu thil sual kawhmawh bawl vang mai mai a ni.

Tiang chuanin hei Battalion transfer hi a tirah IR-ah, 1st IR-ah, 2nd IR-ah, 3rd , 4th -ah, 5th -ah an lut vek a, MAP-ah an lut a. Khatiang a an luhna hmun kha chu engemaw rokhawlh lutukna bik riau a awm a nih loh chuan kan hotute hian ngenpui lo hram hram ila thain ka hria a, chutianga a nih loh chuan a buaithlak dawn riau mai a thenkhat tan hei hi ka'n sawi duh a. Tin, kan police-te hi, Sorkar hmasa kha an lo chak khawp mai a. Election dawn hnaihah te, vote zawn nan a thate a lo ni bawka, mi 3000 lai mai kha, Battalion 3 lai mai kha mi lak belh an lo ni a. Chungah chuan an in sakna hmun turte riruut that leh khatiang kha a awm hman lo bawka, tunah hian Thingkah-ah hian 3rd IR Battalion hmun tur 31 crore laiin DPR kan siam a, chu pawh chu a thawk turte hi rawn tifel ulangin pawisa kan sanction nghal ang che u min ti a, kar lehah pawh hian tifel ilang chuan min sanction thei nghal mai tur an ni a. Chuti lai chuan a ram leh a felna zawn hmasak a ngai a, Law Department lamah han kal leh a ngai a, Home Department lam atang chuan kan tifel tawh a, Law Department-ah kal leh a ngai a, chumi zawhah Finance-ah kal leh a ngai a, chu chu kan hotute hian min lo hriatpui chuan kan tlang thei mai dawn a ni tih kha ka han sawi duh a ni. D.P.R. hi. Central-ah min sanction tuten an kawh vek tawh a ni, engemawni agreement chhete sign mai tur a ni a, mahse, file kalphung hi kan hotuten in sawi tawh ang khan a muang lutuk thei a, hote mai te pawh hi kan chai rei lutuk thin a, chuvangin lo kal deuh zar zar thei sela kan duh a ni tih kha ka'n sawi duh a ni.

Ramri kan sawifo va, Cachar lam ramri te pawh a ni tho va, Zampui lai bikah hian Tripura nena kan ramri, khutilai bik khu Assam Gazette Part II ni 15/3/1933 a inner line notification-ah hi chuanin Mizoram leh Tripura ramri hi West Phuldungsei kawtlaiah khuan a kaltlang ruah mai a ni, chutiang a nih avang chuan kan ram alawm kan zuk ti a, Tripura-in tunhma a enkawl char char mai a, VC te pawh zuk thlan tir kan tum a, mahse, inthlan dawn chiah khan kan han process a Tripura sorkar-in a rawn object ta a, chumi a nih avang chuan Ministry of Home Affairs, Govt. of India-ah rang takin Home Department-in a thlen thla a, kan thlen thlakna chu an ngai pawimawh ve khawp mai a, an lo chho vat a, ni 4/12/2012 khanin Mizoram sorkar team-te leh Tripura sorkar team-te leh Surveyor General of India-ten a hmunah entlangin an kala, hei hi kan ngaih chu a tha viau va, hma chak taka lak zui zel a ni tih kha ka'n sawi duh a.

Kan hotuten an rawn sawi ang khan kan Police Department hi Developing Department nilo mahsela thil dang tam tak develop a ngaih avangin CCTV, CCTNS Crime and Criminal Tracking Net Work System tih hi tunah hian India ramah titha berte zingah kan tel a. Chumi a nih avang chuan a pilot district-ah Aizawl hi rawn hmangin ni 21.1.2013 khan launch/hawn hman theiha peih a ni tawh a. District dang pawh hi June thla hian sorkar laipui duh dan anga thlun zawm vek theih kan beiseia. Chumi atan chuan kan police-te hi train an ngai a. Mi 1727 lai IT basic training hi pek nghal an ni nghe nghe a ni tih kha ka sawi duh a. Chutiang ang tho leh, misual zawn chhuahna atana chutiang tho aia helaia local-a kan hman tur la tha mipuite tan pawha chhawr nahawm em em tur chu CCTV kan tih hi a ni ve leh thung a. Chu chu Aizawl khawpui chhungah hian Pu Speaker, hmun 33 ah CCTV hi dah kan tum a. Chu chu a man pawh a tlem lova crore 13 leh nuai 25 lai man a ni a. Chu chu a hmun kha hmun 33 nimah selangin thlalakna camera kha tam tak hmunkhatah pawh khan 3-te, 4-te entiran, a market a len deuh chuan heng kan awmna lai vel te pawh tul in tih chuan, a chhungah hi chuan a tul lo anga, pahnih, pathum te pawh vuah tur a nih avangin, rukru te leh misual hrim hrim manna atan hei hi a tha viau turah kan beisei.

Heng Police Station connectivity tihte pawh hi DPR siam mek a la ni chungin hengte pawh hi kan hlawhtling dawnin kan hria a, kan lawm khawp a. Tin, kan hotute khan ralthuam lam kha in bengverh riau mai a, silai lamte in lo lawm viau a ni awm hlawm a. Hetiang a nih chuan session zawh hian hun remchangah kah chhinte pawh kan zu tum anga. Kan hotu a duh zawng zawngte chu kan kal anga, silaimute nen lam khan thahnem min han ngaihpuia a lawmawm ka ti khawp mai a. Silaimute pawh kha kan hotuten in interest a, in favour a ni tih, Police hi in ngaisang a ni tih kan hriat avangin, silai kahte pawh kha in duh dawn a ni tih an hria a niang, a mute pawh hi lei an lo tum nasa tawh mai a. Hei MP5, FMG kan tih ang clock 19 Pistol thar khatiang ho mu kha nuai khat tunah hian a man pek sa diamin lei tur a ni tawh a. An kal mai dawn a, a lam te hi. Tichuanin chu lo pawh chu Colt m 4 Carbine mu, hengte pawh hi in kap chak viauin ka ring a. Hei pawh hi a mu nuai khat lai lei turin a man kan lo pe diam tawh a ni a. Tin, AK 47, khawvel silai tha ber an tih, chu aia tha chu kan nei leh tawh a nia kan la ti lehngal a. Chutiang mu pawh chu tunah a mu 5500 a man pek tawhin kan nei bawka. Tin, Insas rifle kan tih pawh hi mu 35000 a man lei turin kan nei a. A dang SLR te in la kap chak a nih pawhin heng pawh hi a mu kan ngah tawka, kan hotuten an rawn ti a nih chu. Kan bei ang chu. Tiang chuan khang silai, a mu leina tura

in han tih angte pawh kha hei Heckler & Coach Mp 5 A3 9 mm tihte hi Commando kan neihte tana hman tura tih a ni a. 18 hi chu lei tawh a ni a, tin, Coach Mp 5 K 50 hi lei fel tawh a ni a. a lo thleng thuai dawn bawh a ni. Tin, Police Commando te hman tur bawh hi 9 mm Colt 19 pistol 116 lai a lo thleng tawh bawh a. Engngemaw hlauh nei te in awm chuan kan MLA te chu a hawh pawh kan han hawh tir zawk dawn che u em ni? In kap thiam ve ang emaw, kan la tichhin ang chu. Hengte hi a lo thleng kim diam tawh a. Tin, khawvela silai tha ber zinga an sawi, Colt m 4 Carbine 200 hi tihfel tep a ni tawh a. Hei hi kan inkahsiakah a lo thlen hman chuan kan kap tel ngei turah ngai ta ilangin a tha ang e. Tin, kan Police-te hi kumin chho vel hian an han pension dual dual mai a. An pension lehzel dawn a. Heng hi a thalo hlein kan hria a. Chuvangin MPS te hi vawi khatah lak vak vak hi tha lovin kan hria a. Chuvangin kumin khan MPS Junior Grade tur kha mi 10 direct-in kan la a. Kuminah hian 5 lak tura tih niin MPSC-ah tunah hian a awm mek a. Nakin lawkah kan la leh maithei turah kan inngai a ni. Kan police-te hi kan hotute hnenah an rawn sawi tam viau a nih ka ring a. Assam-a kalte leh hmun dang danga kal, tiang chi te hianin, 'ka kal reng mai, ramdangah, state dangah' ti te an awm thin a niang, heng lehkha te hi kan han inziahsak tam viau bawh a. Amaherawhchu, kei ka ngaihsan loh ber chu Term hmasa a Chhatisgarh-a kal tur tap chungka kan han inthlah vel ang chi te kha chu a ngaihsanawm loh hian ka'n hre khawp mai a. A pa lo em mai. Khatiang kha chu thleng tawh lo sela tha ka ti a. Tin, kan Police-te hi indaih ilang chuan State dang dangah hian kal reng sela, outlook leh environment te, kan khawvel hmuh a zau na na chuan kan rilru pawh hi a sang deuh nge nge a ni tih hi keimahah hi chuan ka hmuh ve dan a ni a. Hotute zarah thiante kiangah Russia-ah te kan han kal a. Israel-ah te kan han kal a, khatiang rilru kan neih a, mi chet dan kan zuk hmuh chuan keimahni-ah engmah kha zuk zir thar lo mah i la, keimahni-ah hi chuan tlem chuan danglamna chu kan nei ve-in ka hria a. Chuvang chuan, zin chhuak fo sela, hmun dangah te hian awm vang vang sela an tan a tha zawk dawn lawm ni. Helaiah Police nih a vai tawng pakhat pawh hre si lo. Tunah khuan kum 3, kum 4 dawn lai chu an awm chu a ni tawh mai a. Assam-a awmte khuan Assamese tawngte chu an rawn thiam hawng mai thei a. A thente phei chuan vai nula 2 nupuiah an nei an ti lehngal a. An changkang hi ka ti tawh khawp mai a. Vai hian Mizote hi min nei fo mai a. Vai nupuia nei hi kan van zia chu ! Kan Police te hi an changkang tawh a ni. Chuvang chuan, hmundanga awmte pawh hi tha ka ti a. Hengte pawh hi kan indaih loh vanga Sorkarin kan dil a nih chuan thu dang ni selangin. Chutiang ni lem lovah chuan, hmun dangah hian kal fo ilang thain ka hria a. Chutiang chuanin, November, December chhungte pawh khan Gujarat General Election-ah te pawh khan an zuk kal a. Khulaiah kan han chhuak ngai mang lova, Delhi-ah nge ni, Infiamna runpuiah khan nge ni, Commonwealth Games-ah kan zuk kal a, a zuk kal hmasa sa kha an rui hmasa a ni ringawt mai a ni an ti a. Kan chhuah tlem lutuk vang mai mai a ni. Chhuak tam ilang chuan khatiang kha an ti duh bik miah lo. Ruih sawk sawk tur tih pawh kha an ngaihtuah bik tawh chuang lovang. A tawkte khan an in ve mai dawn a. Chutiang chuan, chhuah deuh fo te pawh hi a tha a.

Tin, February-ah pawh khan Tripura leh Nagaland-ah Election-ah te kan zuk kal a. Hengte hi kan Mizo mipui-te chauh hian vawiina kan hotu tam tak khanin Outpost te, Beat post te, Police Station te in han dil a. A hlawmin kan react dawn nia ka'n ti kha a ni a. Khatiang ang kha tih theih loh tam tak sum leh pai avangin kan nei a, post create a lo ngai a, an awmna chauh kha a ni lova thil tam tak TA/DA a lo ngai a, thil tam tak ken a lo nei, khami

avang khanin kan ti hlei thei rih lo a ni a, pawu kan ti khawp mai a. Tiang chuanin kan police-te hi mipuiin an ring tawh a, khawtinah hian awm sela tih hi an duh tawh tih kha keini tan chuan thil lawmawm tak a ni. Chutiang tho chuan North East State-ah te pawh ram buai Nagaland ahte pawh kan police te an lo ring em em mai a. Poling Station 70 hi Hypersensitive Poling Station an nei a ni. Chutah 54 laiah chuan kan police-te kha an duty a, a ropui ka ti em em a ni, mi min rin khawpa kan police-te vawiinah hian discipline leh thil danga an la awm theite hi a ropui hlein ka hria a. Chutiingin forensic science laboraoty-ah te hian, an pawimawh ziate pawh kha kan hmu a, nakinah a tul chuan hengte pawh hi kan member-te pawh hi la circulate tur emaw te pawh hi ka ti hial a, vawiinah kan sawi seng lo anga, thil ropui tak tak, case har tak tak an hmuhchhuahte hi tam tak a awm tawh a. Tin, building pawh tha tak an nei tawh a, 27th Nov-ah khan kan hawn sak tawh a, heng hianin crime forensic science laboratory atang hian crime case hi 739 leh crime exhibit 5153 an endik tawh a, chuta tang chuanin 2012 chu tihfel an nei tawh a ni tih kha ka sawi duh a, chu chu tawh mai sela, khami bikah chuan. Fire & Emergency hi sawi tur a tam viau rualin kan sawi rei,

SPEAKER : Darkar khat leh a chanve leh minute 7 i hmangchiah a ni.

Pu R. LALZIRLINA, MINISTER : E, ala reiloh chu Pu Speaker, Mamit District-ah hian Fire Station kan hawng tawh a, tin, kumina, kan pawisa neih hian Fire Station helaia kan hotuten an sawi an sawi kha, ka la react deuh zel chauh a nia , a thar tehchiam kan la sawi lo a nia, Pu Speaker. Quarter, Fire Station hi Aizawl khawpuiah hian awmbelh a ngai kan ti a, chung angah chuanin Khatla-ah helaiah Police ram min sahthlak sak a, DGP ten khilai Complex kan pen thlak dawna an laih vak tawh khi a ni a. Tin, ITI ah khuan an sa mup mup tan tawh bawh a. Tin, Armed Veng, Champhai leh Saitual ah te, heng hi Fire Station tak tak ni lo mahse, chu aia te deuh an awmna turah te sak sakin dah a ni tawh a. Tin, Fire tendertan hian tui chawi hi a har si a, hengte hi PHE te pawh nichina kan hotute'n min han ngen sak ang khan, kan harsatna hi kan hria a, kan Fire tender-te a kanna hmun an zu thleng a, tui an va phuh a, minute 5 lekah an phuh zo a, a la kang reh silova, an zu lak leh chhungin a lo kang ral thin a, hmun hla tak atanga lak a ngaih thin avangin. Chuvangin, Reservoir awmna tur Fire tender-te'n an han chawi zung zung theihna tur kan ngaihtuah a. Chutah chuan, SCERT Complex, Chaltlang ah khian hmun min lo pe thei hlah mai a, kan lawm hle a. Tin, Mizo High School Complex, McDonald Hill ah hian chutiang ang tui han lakna mai tur chu kan siam dawn bawh a. 1st Battalion MAP ah kan siam dawn bawh a, Fire Directorate ah pakhat kan siam ang a, Synod Complex-ah sawn min lo hrethiam a, min lo pe thei dawn bawh a. Aizawl SP-in hmun min pe bawh a. Tin, Vaivakawn ah hmun min lo ruat sak bawh a, Local Council-te leh heng hmun min petu zawng zawng chungah hian lawmthu kan sawi a ni tih kha ka han sawi leh duh a.

Nichinah khan, Sainik lam kha sawi an awm lova, kan hnathawh hi ropui kan tih tehlu nen, in rawn manghilh palh hlah nge ni aw, ka ti a. Sainik School, Chhingchhipah khian sak kan tum a, kan tan mek a tunah hian. Contractor-te pawh rawih an ni tawh a, khi khi, nuai 165 a sak tur a ni a. NLCPR atangin nuai 564,23,000 hi kan hmu dawn a. Tin, 13th

Finance atangin nuai 5,000 hmuh tur a ni nghe nghe a. Khilai kawngte laih zawh ruai a ni tawh tih kha ka sawi duh baw k a.

Tin, Prison hi kan hotute khan in rawn sawi nual baw k a. 13th Finance atang hian Jail 3 leh Sub-Jail 2 sak zawhna turin crore 30, nuai 3000 min pe a. Chuta tan chuan Serchhip leh Mamit hi zawh kan tum a, kan zo thawkhat tawh a, luah theih maiin a awm tawh nghe nghe a. Tun Cabinet hnuhnung ber khan ni 7.3.2013 meeting kan neihah khan crore 59 lai min phalsak tawh a, tun atanga hun reiloteah hian kan la ang a, kan hawng thei dawn a ni tih kha ka'n sawi duh a. Tin, Jail Warder-te hi M.R. vek mai an ni tih kha a dik khawp mai a, M.R. atanga tan loh chuan sorkarin a ngetin a la thei mai si lova regularize loh kha a lo rei deuh tepawh a ni maithei a. Hmanni khan mi 20 chu regular post-ah awm chhoh tir an lo ni a, Medical Officer pakhat kan la tel nghe nghe a ni. Tichuan, Bus-te pawh kha in sawi a, Bus pakhat Central Jail Staff tan a ni a, Bus pakhat leh district hrang hrang atan, Maruti 5, Ambulance tur a ni ve thung a, chungte chu nichina in sawi kha ka'n react-na ni selangin, hei hi kan lei dawn a ni.

Tin, Central Jail ah khuan Solar Water Heater 11 lai kan dah tawh a, Building chhia tih te, a hungna chhia tihte hi chu a tul ang zelin, a tahtawlin tuna kan pawisa hmuh ang ang hian kan thawm hret hret zel a ni tih kha ka'n hotute kan hriattir duh che u a ni. Kan rei ta deuh a, helama sawi duhte pawh hi kan la nei thluah na chungin kan sum indaih lohna kha chu kan sawi tawh a, tunah hian sum a zavaia hmuh kan la neih loh avangin min pekbelhah chuan khang kan indaih lohna zual deuh deuhthe kha min rawn pekbelh leh thei turah kan ngai a, tuna kan han surrender zinga mite pawh min re-appropriate sak leh te pawh engemaw zat a awm thova lawmthu ka'n sawi a. Heng kan indaih lohna nasa tak awm te, fire-ah te a tlem lam zawng zela kan han kalna laiah te kan kalchak dawn tan chauh emaw kan tih lai hian hengte pawh hi min ennawn sak leh deuh zel turin kan hotute kan han ngen zui ni selangin.

Awle, Pu Speaker, ka thusawi dawhthei taka kan MLA-ten min ngaihthlak sak avangin lawmthu ka sawi a, kan hun a lo tawp dawn tawh a, hei lo hi chu hun han hmanrei theihna hun tur vak kan nei tawh lova, kan MLA-te pawh a bikin leh min dawrtu mipuite zaidam ti hian tuman min sawi ngai lova, chuvangin kan tawngkam vin te leh an lung kan tihawi lohte pawh kan nei thei, kan MLA-te hnenah pawh kan nei thei, Zoram mipui zingah pawh kan nei thei, chung zawng zawngah chuan min ngaihnathiam a, min hrethiama min ngaidam turin ka dil che u a, insiamthat theih loh tak tak a awm lova, theih tawkin kan han insiamtha ve zel chu a ni tih kha min hriatpui turin ka duh a ni.

Pu Speaker ka demand No. 11-na Secretariat Administration vaibelchhe 77,07,00,000.00, Demand No. 16-na Home (Including Prison) vaibelchhe 4,60,47,02,000, Demand No. 35-na Fisheries ₹ 6,70,55,000.00, Demand No. 38-na

Rural Development ₹ 99,05,40,000.00, a vaiin ₹ 6,43,29,97,000.00 hi min passed-pui turin ka ngen a che u.

SPEAKER : Awle, Pu R. Lalzirliana, Minister-in a windup-na hun darkar 1:45 lai a rawn hmang a, kan Chiang turah ngai ilangin, passed a rawn dil nghal bawk avangin a demand-te : Demand No. 11-na Secretariat Administration ₹ 77,07,00,000.00, Demand No. 16-na Home (Including Prison) ₹ 4,60,47,02,000.00, Demand No. Fisheries ₹ 6,70,55,000.00, Demand No. 38-na Rural Development ₹ 99,05,40,000.00, a vaiin ₹ 6,43,29,97,000.00, te hi pass remti apiangin ‘remti’ ti rawh ule, ‘remtilo’ kan awm chuan ‘remtilo’ ti ula, awmlo maw ? a lawmawm e. Awle, Pu R.Lazirliana, Minister zahawm tak demand no.11- na Secretariat Administration Rs 77,07,00,000.00, no.16-na Home (including Prison) Rs 4,60,47,02,000.00, no.35- na Fisheries Rs 6,70,55,000.00, no. 38-na Rural Development Rs 99,05,40,000.00, a vaiin Rs 6,43,29,97,000.00 heng hi House-in lungrual takin a pass ta a ni.

Pu R. LALZIRLIANA, MINISTER : Pu Speaker, ka lawm e.

SPEAKER : Member-te taimakna a lawmawm hlein ka hria a, nimin lamah khan Pu Mathana’n minute 44, Pu Rina’n Darkar khat leh minute 5, Pu Sawtan darkar khat leh minute 10, Pu Hiato an minute 55, Pu Zira’n darkar khat leh minute 45 ka lo chhinchhiah dan chu a ni a. Heti chung hianin member-te ning awmin in awm lova ka hriat avanga rawn chhiar chhuak zawk ka ni a. Awle, wawiina kan tih tur chu kan lo zo ta a, kan chawl tawh anga, naktuk ni 22.3.2013 (zirtawpni) zing dar 10:30 ah kan thukhawm leh dawn nia.

Sitting Adjourned at 8:40 pm